

281.1
U-25



ՈՒՍՈՒՄՆԱՍԻՐՈՒԹԻՒՆ

ՄԱՆԻՔԷԱ — ՊԱՒՂԻԿԵԱՆ ԹՈՆՐԱԿԵՑԻՆԵՐՈՒ ԱՂԱՆԴԻՆ

ԵՒ ԳՐ. ՆԱՐԵԿԱՑԻՈՅ ԹՈՒՂԹԸ

ՈՒՍՈՒՄՆԱՍԻՐՈՒԹԻՒՆ

ՄԱՆԻՔԷԱ-ՊԱԻՂԻԿԵԱՆ ԹՈՒՐԱԿԵՑԻՆԵՐՈՒ ԱՂԱՆԴԻՆ

ԵՒ ԳՐ-ՆԱԲԵԿԱՑԻՈՑ ԲՈՒՂՔԸ

ԳՐԵՑ

Հ. ԲԱՐՍԵՂ, Վ. ՍԱՐԳԻՍԵԱՆ

ՅՈՒԲՏԷՆ ՄՈՒԹԱՐԱՅ



ՎԵՆԵՏԻԿ, Ս. ՂԱԶԱՐ

ՌՅԽԳ — 1893

1894-1895

...

...

...

...

...



...

...

1894-1895

ՈՒՍՈՒՍՆԱՍԻՐՈՒԹԻՒՆ

ՄԱՆԻՔԷԱ - ՊԱԻՂԻԿԵԱՆ ԹՈՆՐԱԿԵՑԻՈՑ ԱՂԱՆԴՆ

ԵՒ ԳՐ. ՆԱՐԵԿԱՑԻՈՑ ԹՈՒՂԹԸ.



ՍՐԿՈՑՍ սկիզբն Ռուսա - Հայոց մամուլն⁽¹⁾ իւր նորա խայծ պտուղներուն հետ կ'ընծայէր բանասիրաց, իբրև կաղանդչէք, յոյժ ցանկալի և շահագրգիռ մնացորդ մ'ալ ժ գարու մեր արդիւնաշատ նախնեաց անյայտացած գանձերէն. այսինքն է՝ Նարեկեան վանաց առաջին վանահօր՝ Մնանիայի Խոստովանոչքեան գիրը, որ թէպէտև իր մեծ գիտութեան հետ անարատ վարուց և սրբութեան համբաւ իսկ ստացած էր, բայց ամբաստանուելով իբրև համախոհ թոնրակեցւոց ազանդին, ստիպուեցաւ իւր համանուն կաթողիկոսէն սուրբ հաւատոյ գաւանթիւն տալ իր մահուան անկողնոյն և օրհասական ժամուն մէջ, և երգմամբ նգովել անոր հակառակագեն ազանդը:

Գրոյս հրատարակողը՝ Միւսթան, այսպէս նաև անոր ընդդիմարանողք՝ կարծեցին, թէ այս եղած ըլլայ Մնանիայի՝ թոնրակեցւոց դէմ գրած այն նշանաւոր երկասիրութիւնը, զոր

1. «Արարատ ամսագիր». Վաղարշապատ. 1892 Յունուար:

կը յիշատակեն գովեստիւք՝ ազգային հին մատենագիրք: Սակայն իմ կարծիքով արդէն լոյս տեսած այդ Գիր խոստովանութեանը՝ ընաւ պէտք չէ շիտթել թօնրակեցւոց դէմ գրուած երկասիրութեան հետ, որ բոլորովին տարբեր սեռի գրութիւն մ'էր և արժանաւոր գլուխ գործոց՝ Նարեկայ մեծանուն վանահօր: Մանաւանդ թէ այս վերջին գրուածքս՝ որ կը մնայ տակաւին ծածկուած, չգիտեմ որ անկեան և խաւարի մէջ՝ Խոստովանութեան գրէն տարիներ յառաջ գրուած էր ջատագովութեան ձևով և ամենամեծ համբաւ հանած:

Ստուգիւ՛ այսպիսի մի եղելութեան ակն յայտնի ազացոյց են նախ նոյն ինքն Անանիայի գրութեան վերջաբանի սոյն խօսքերը. « Ի բոլոր սահմանեալ ամպարշտացն գաւանութեանց հեռի գորով, ըստ յառաջագոյն գրեցոց վասն ևնցա »: Բ. Ն. Շընորհալին՝ իւր առ Միջագետս գրած թղթի մէջ՝ յետ յիշելոց թօնրակեցւոց մոլորամիտ բարբանջմունքը, ոյք կ'ըսէին, թէ « Եկեղեցի՛ ոչ շինեալն է ՚ի մարդկանէ, այլ մեք միայն, և մարդոցն գիրք, և որ ՚ի նմա կարգեալքն են խաչ օրհնել և եկեղեցի, և այլքն ոչ են ընդունելիք »: անդէն վրայ կը բերէ այսպէս. « Արդ՝ ընդդէմ՝ զայստսիկ և զայնպիսիսն ասողացն՝ յառաջագոյն հողացին վարդապետքն ժամանակին, և գրեցին բանրս իմաստութեան և լուծին բաւականապէս զստութիւն նոցա. և որ որ ընթերցեալ է գրիրս երանելոշոյն Անանիայ Նարեկացւոյ վարդապետի որ ընդդէմ անիծելոյն Սմբատայ անբերի ունի զաշտոցիկ զպարտախաւսի »: Իսկ Անանիայի ձեռքերնիս հասած թղթի մէջ որովհետև այսպիսի ատարկութիւններ և պատասխաններ չկան և ոչ անունն անդամ՝ Սմբատայ. ուրեմն պէտք է որ մեզ անձանթ մի ուրիշ գրուածքի մէջ ըլլային, զորս Շնորհալին իսկ կարդալու բազմն ունեցած էր: Գ. Գր. Մագիստրոս, առ կաթ. Ասորւոց ուղղած թղթին մէջ, ուղերով Սմբատայ բոլոր ամպարիշտ գործոց և վարդապետութեանը վրայ գաղափար տալ. « Աղէ, առ ընթերցիր, եթէ գացես յայդմ՝ գաւառի, գրիրս Անանիայի սրբոյն և զերիցս վարդապետիս... և զՏեանն Յովհաննէսի Հայոց վերադիտողի, թէ որպիսի... անիծեալն այն Սմբատ երեցաւ »: Առ Յովհաննու անկարելի էր գտնել զանուն Սմբատայ. ուրեմն հետևութիւնն յայտնի է: Գ. ազացոյց մ'ալ կու տայ մեզ ամենաշնորհ վարդապետն Գր. Նարեկացի՝ որ իւր առ Ուխտն կ'առաջ վանից գրած թղթոյն մէջ թօնրակեցւոց մոլորութիւնները մի առ մի յիշատակելէն վերջ՝ կ'ըսէ առ Մուշեղ. « Արդ՝ զայստսիկ հօրեղբայրն մեր (Ան. Նարեկացի՝ զոր յառաջուրնէ յիշած էր) և վարդապետ՝ մեծաւ քննութեանը

խնդիրս արարեալ իբրև զՄատուցոյ չարագոյ, և ակնարկին իբր գինաստուռն և ախտամարտիկ տապալեաց գառապետերսան հայնոյնընթիւն ակնորինկոցն թոնրակեանցն » : Յոյժ երախտագարտ ենք Գրիգորի մեզ ընծայած այս և ուրիշ տեղոյն, ուր « զարմանագիծ հակաճառութիւն » ևս կ'անուանէ Մաննիայի սոյն գրութիւնը : Դիտելու ենք, որ սուրբ վարդապետս՝ առաջին տեղոյն մէջ մասնանիշ կ'ընէ իւր հօրեղբօրը՝ մեծաւ քննութեամբ եղած և յէջմիածին հրատարակուած թղթէն տարբեր բաներ պարունակող և ընդարձակ գրուածքի մի վրայ : Բ. թէ Մաննիա՝ այն գրուածքով եղաւ իբրև նախամարտիկ և առաջին տապալիչ թոնրակեցոց մտորութիւններուն : Գ. թէ անկէց վերջ եկող մասնագիրք, այսինքն է Գր. Նարեկացին, Գր. Մազիսարոս և այլք՝ Մաննիայի այն գրութենէն իբր 'ի ճօխ և ամենագէն զինարանէ առին յետոյ իրենց զէնքերն և պատերազմեցան թոնրակեցի մտորեցուցիչներու դէմ : Արդ՝ այսչափ յայտնի և որոշ վիպութեանց հանդէպ կը զարմանամ, թէ ինչպէս Միաբանն և իրեն ընդիմարանողք գարձեալ անճիշդ կարծիքներ հաղորդեցին Մաննիայի գրութեան մասին :

Յոյժ ցաւալի է արդարև այսպիսի մեծ կարեօրութիւն ունեցող գրուածքի մի կորուսանք, որով միայն կարելի էր Հայոց և թոնրակեցոց յայնժամու եկեղեցական և քաղաքական կացութեանը վրայ կատարեալ գաղափար մի կազմել : Սակայն միւս կողմանէ կ'ուրախանանք, որ այսպիսի ցաւալի կորստեան մի պակասը կու գայ լեցնել Գր. Նարեկացոյ մէկ անտիպ թուղթը, որ՝ ինչպէս ըստեցաւ, գրուած է առ Ռախան Կճաւայ, և անոր խորագիրն է. « Թուղթ ամենաշնորհ վարդապետին Գրիգորի Նարեկացոյ, զոր գրեաց 'ի հոյսակապ և յակաւաւոր Ռախան Կճաւայ, վասն կարճեացն ակնկեցոց թոնրակեանց Յակակի և Յամրեակի, որ եկն զգետրիչ ոչխարաց և 'ի ևերքոյ գայ յախրտակող. որ և 'ի պտղոյն ճակոնցաւ ամենից. զոր լուծեալ երանելի վարդապետն գրեաց սակս ազատորեան 'ի շար կարճեացն » :

Մաննիայի « խոստովանութեան գիրն » հրատարակուելէն անմիջապէս վերջ կարելի էր հրատարակել 'ի վայելչս ուսումնասիրաց՝ նաև Ս. Գրիգորի այս թուղթս⁽¹⁾, որ շատ մեծ առաւելութիւններ ունի պատմական և այլ կէտերով քան զառաջինը. բայց ժամանակն և պարագայք չներեցին ինձ : Երկրորդ՝ ևս

1. Զոր կը յիշէ նաև Ազ. Երեցեան իբրև ծանօթ գրութիւն մի, առանց մի խօսք ըսելու, թէ ո՞ր տեսած է զայն. որով կարծել կու տայ, թէ ի լրոյ դիտէր միայն :

մտադիր էի միայն այս ծածկուած դանձա՛ն 'ի լոյս ածել պահանջուած լուսարանութեամբք: բայց որովհետև Անանիայի յիշեալ գրութեան առթիւ՝ երկու գէմ՝ ընդգէմ՝ կարծիքներ ես 'ի հըրապարակ ելան թոնրակեցւոց ազանդին և Հայոց վերաբերութեամբ՝ այլ և այլ դիտարարութիւններով, այս պատճառաւ իսկ կարևոր համարեցայ մասնաւոր ներածութեամբ մի ընդարձակել այս գրութեանս սահմանը, Մանկրէա-Պաղտիկեան թոնրակեցւոց ազանդի ծագումն և կրած այլակերպութեանց պատմութիւնն հիմնաւոր կերպով ուսումնասիրելու համար, և ցուցնելու անոր մեր ազգին և պատմութեան վրայ գործած ազդեցութիւններն: Ա. այս մեծապէս նպաստամտոյց պիտի լինի մեզ մանաւանդ Գրիգորի Նարեկացւոյ պէս թոնրակեցւոց ազանդին հմուտ և ականատես վարդապետին ծանրակշիռ հեղինակութիւնը:

Անանիայի « Խոստովանութեան գրի » հրատարակիչը՝ Միաբան կամ լաւ ևս Գալուստ-Դպիր՝ Տէր Մկրտչեան, իւր գըրած Յառաջարանի⁽¹⁾ մէջ կը համարի, թէ թոնրակեցի կոչուած ազանդաւորաց շրջանը թ գարու առաջին կէսէն կը սկսի և կը տեւ մինչև երկրորդ կէս ՃԱ. դարուն: Բ. թէ՛ այս և թէ՛ Պաղտիկեան ազանդը՝ բուն հայկական հողի վրայ ծագեցան, կ'ըսէ, և անկէց անցան 'ի փոքր Ասիա, 'ի Միջագետս, Բալկանեան թերակղզին, Միջին Եւրոպա, հիւսիսային Իտալիա և հարաւային Ֆրանսա: Գ. թէ այս կրկին ազանդները պէտք է նկատել իւրև հայ հողւոր-մտաւոր կեանքի ինքնուրոյն արտայայտութիւն՝ մեծ և նշանաւոր իւր հետեանքներով: Դ. թէ նորակրօնութեան և բոլոր բողոքական-աւետարանական եկեղեցեաց բուն նախահայրերն և հիմնադիրք Հայոց աշխարհէն դուրս եկան:

Իսկ Մուրացանի կարծիքով⁽²⁾, ընդհակառակն, Ա. թոնրակեցւոց ազանդն իսկապէս հայկական մտաց ինքնուրոյն արտայայտութիւն չէր, այլ շարունակութիւն Պաղտիկեանց ծանօթ ազանդին, որուն վրայ, գուցէ հայ ազանդաւորներն յաւելներն մի երկու (!) ուրիշ մոլորութիւններ ևս: Բ. Պաղտիկեանց ազանդը ոչ այլ ինչ էր, եթէ ոչ հին Մանկրեցւոց ազանդը, որուն հիմնադիրն էր Մանի անուամբ քրիստոնէացած պարսիկ քահանայ մի: Գ. Այս մոլորութիւնս իւր ծագմանէն երեք և կէս դար վերջ մտաւ 'ի Հայս, այն է 'ի կէս է դարուն:

1. Արարատ ամս. թիւ Ա. տարի ԻԵ. Յունուար:

2. Տես Նոր-Դար N^o. 33 և 35, իններորդ տարի, փետր. 1892:

Արդ՝ իրարու հակառակամարտ այս կարծիքներս և տեսու-
թիւնքս՝ ուրոյն առանձին նկատելով կը պարունակեն մերթ ճիշդ,
մերթ անճիշդ և մերթ ալ խառնաշփոթ եղելութիւններ, որով
անկարելի է որոշ գաղափար կազմել վերոյիշեալ ազանդոց և անոնց
ծագման և զարգացման վրայ: Ստոյգ է Միարանի բաժը, թէ
Թոնրակեցւոց ազանդը՝ Թ դարու առաջին կէսին սկսաւ ՚ի
Թոնրակ: Բայց կարելի՞ է եղրակացնել ասկէց, թէ այս է
բուն ժամանակակէտ ծագման կամ՝ սկզբնաւորութեան անոնց
գաւանած ազանդին. ոչ բնաւ. որովհետեւ Հայք միայն Թոնդրա-
կեցի կամ Թոնրակեցի անուանակոչութեամբ կը ճանչնային այն
ազանդը և այն իսկ պարզապէս Թոնտրիկ կամ՝ Թոնրակ աւանին
մէջ յերևան գալուն պատճառաւ. իսկ օտարազգի մասնազգիքը՝
Պաւղիկեան կամ Մանիքեցւոց ազանդ անուանեցին և կ'անուանեն
ցայսօր: Երկրորդ՝ համարելով թէ այս կրկին ազանդներն իսկ
հայ հողին վրայ սնած և բարգաւաճած բլլան, սակայն և այն-
պէս կրնայ բուռի իրաւամբ, թէ հայ հողեր—մտաւոր կեանքի
ինքնուրոյն ծնունդ և արտայայտութիւն եղած լինին: Ո՛չ եր-
բէք. վասն զի կալիլեիկեաց որդին Պօղոսը կամ՝ Պայլիկ, ինչ-
պէս մօր անուանէն՝ որ աւելի յունարէն հնչումն ունի, յոյն և
զած կ'երեկէ՝ քան հայազգի. մանաւանդ եթէ գիտենք որ ինչ-
պէս Թոնրակեանց ազանդը՝ Պաւղիկեանցին, այս վերջինս ալ
գարեբով յառաջ մտացուած հնագոյն ազանդի մի վերայայա-
նութիւնը կառէր լինել և էր իսկապէս: Այս կէտս յետոյ պի-
տի քննենք անտարակոյս: Եւ այն ընդհանուր եզրակացութիւ-
նը՝ որով բոլոր բողոքական—աւետարանական գաւանանքներն իր-
բև նորախայծ շառաւիղներ կը համարուին Պաւղիկա—Թոն-
րակեան նախածնող ազանդին, այնքան հիմնաւոր չերևիր ինձ,
այլ պարզապէս Գերմանիոյ և Մեզղիոյ բողոքականներն և աւե-
տարանականները շոյելու համար հնարուած գիւտ. վասն զի այն
ազանդները,—զոր յետոյ քննելու առիթ պիտ'ունենանք,—գրե-
թէ բոլորովին հեթանոսական էին, և կը ձկտէին ՚ի կործանումն
քրիստոնէութեան, խորհրդոց Եկեղեցւոյ և բարոյականին առ-
հասարակ. իսկ բողոքական և աւետարանական եկեղեցիք, ընդ-
հակառակն, կ'ընդունին ոչ միայն հին և նոր կտակարաններն,
այլ նոյն իսկ Մկրտութեան և Ս. Հաղորդութեան խորհուրդնե-
րն և քրիստոնէական վեհ բարոյականը:

Գալով Մուրացանի յայտնած կարծիքին՝ կ'ըսենք, թէ անոր
առաջին նախադասութիւնը թէև ճշմարտանման, բայց և այն-
պէս հայ ազանդաւորաց ընծայուած մասը խիստ աննշան է և
ենթադրական, մինչդեռ իրօք անոնց խաղացած դերն և Պաւ-

զիկեան ազանդին վրայ հետ զհետէ յաւելցուած երանգները՝ կարծուածէն շատ աւելի եղած են, ժամանակի կացութեան և ազգային առանձնայատկութեանց և պարագայից բերման համաձայն: Պաւղիկեան ազանդն՝ ըստ ամենայնի յար և նման և հարթ հաւասար դնելը Մանիքեցոց ազանդին և մտորութեանց՝ է խիստ անկատար գաղափար մի տալ անոնց մասին. և սակայն զայս կը հաստատէ Մուրացան՝ իւր Բ. նախադասութեանը մէջ: Բայց մենք պիտի ջանանք ցուցնել, թէ Պաւղիկեանը՝ ժամանակին և պարագայից համեմատ ուրիշ շատ տարբեր ձևակերպութիւններ ևս մտցուցին իրենց համայնքի մէջ, որոնք Մանէսի և անոր յաջորդաց մտքէն անգամ անցած չէին, թող թէ դործադրուած: Դեռ խնդրական համարելու ենք Մուրացանի Գ. նախադասութիւնն իսկ, որով ուղած է նա հաստատել, թէ Մանիքեցոց ազանդը՝ իւր ծագմանէն երեք և կէս դար վերջ հազիւ մուտք գտաւ Հայոց մէջ. վասն զի մեր կարծիքով՝ նոյն իսկ չորրորդ, հինգերորդ և վեցերորդ դարերում՝ ոչ միայն մտած՝ այլ հաւանորէն արմատ իսկ ձգած էր հայ հողի և ազգարնակութեանց մէջ՝ տարբեր անուանակոչութեամբք. իսկ յէ դարուն բուն Պաւղիկեան անուամբ վերբերեցաւ, Մէզուսայի պէս այլ և այլ կապանքներ լուծելով և տարբեր կերպարանքներ առնելով: Ռուսի մինչև հիմա շրջած մեր այս դիտողութիւններէն կարեն իմանալ ընթերցողք, թէ ի՞նչ տեսակէտերով պէտք է՝ և մենք մտադիր ենք ուսումնասիրել Պաւղիկեան — Թոնրակեաններու ազանդը: Եւ որպէս զի այսպիսի ուսումնասիրութիւն մի հաստատուն. հիման վրայ յեցած, և ոչ օդոյ մէջ կեցած ըլլայ՝ պէտք է ցուցնել այն հին և նոր աղբիւրները՝ զորս ճանաչելու միջոց ունեցանք, և ոչք քննադատական արուեստին առաջնորդութեամբը դիմելով՝ ի մի՝ կարող են կազմակերպել վերոյ յիշեալ ազանդոց մրրկածուփ ծովն, որուն յատակն ամէն բանէ աւելի՝ կը լուղան զառածմունք և հրէշք մարդկեղէն մտաց, և ՚ի վերոյ կը շնչին հովեր և կարկը ախտից և ունայնասիրութեան:

Հին աղբերաց նկատմամբ՝ դիտելու ենք որ մեր ազգին և աշխարհի մէջ կատարուած իրաց համար աւելի նշանակութիւն ունին տոհմայինք, և տոհմայնոց մէջ ալ նշանաւոր են Ասողիկ, Գ. 3, Ար. Լաստիվերացի՝ զԼ. ԻԲ և ԻԳ, Գր. Մագիստրոս⁽¹⁾, Ե. Շնորհալի⁽²⁾, Գր. Նարեկացի՝ իւր վերոյիշեալ թղթովը, Յովհ.

1. Թուղթք՝ առ Կաթողիկոսն Ասորոց և առ Սարգիս՝ Թոնրակեցի առաջնորդն Թուրայից:

2. Թուղթ առ Միլագեսոս Ասորոց:

Օձնեցի⁽¹⁾, Անանիա Նարեկացին՝ արգէն յիշուած կրկին գրութիւններովն, որոնց ճոխն և ամենապատումը մեզի հասած չէ գժրազգարար, բայց անոր զեղմունքը տակաւին կը գտնուին յետագայից գրուածոցը մէջ՝ փոքր 'ի շատէ, և Թէոդորոս⁽²⁾ Քրութենաւոր : Իսկ յօտարաց՝ հնագոյն և հմտագոյնքն են նախ Պեարոս Սիկկիւացին⁽³⁾, որ կը ծագկէր մօտ 840 փրկչական թուականին. բայց իւր գրութեան նիւթը՝ հայ աղբերացմէ հաւաքած է, յամի Տեառն 868—869, երբ կայսեր կողմանէ զրկուեցաւ 'ի Տեփրիկա կամ Տիվրիկ, իբր յանձնակատար, նոր Մանիքեաց հետ գերերց փոխանակութեան վրայ բանակցելու համար. և տեղոյն Պաւղիկեցի իշխանին հետ, որուն անունն էր Խրիշտոխիս, վիճարանութեան իսկ ելաւ՝ դարձնելու համար՝ իսկ անոր գրութեան բուն ժամանակամիջոցն՝ է մօտ յամի 872 այս ինքն է 'ի Կ. Պօլիս վերագանալէն վերջ : Երկրորդ աղբիւրն է բազմահմուտն փոս⁽⁴⁾, որ կենդանի մատենադարան մի կոչուելու արժանիքն ունի հին ազգաց և բիւզանդական մատենագրութեանց պարունակութեամբ :

Նոր աղբերացմէ՝ ուշագրու են Gresler⁽⁵⁾, Neander⁽⁶⁾, Wiener et Engelhard⁽⁷⁾, Journal des Religions (Paris), Wetzer⁽⁸⁾ և Welte, և Bergier⁽⁹⁾ իսկ յազգայնոց, բայց 'ի վերև յիշուածներէն, ծանօթ էին ինձ Հ. Մէք. Չամչեան⁽¹⁰⁾, և Աղ. Երեցեան⁽¹¹⁾ :

Օտարազգի հին աղբերաց այն երկասիրութիւնքը, զոր յիշեցինք, գրէթէ ամէնքն ալ Պաւղիկա—Թոնրակեցիներու ազանգը՝ Մանիքեացոյն հետ նոյնը կը թուին համարել, վերջնոյն անունը միայն գրոշմելով իրենց գրուածոց ճակատին վրայ, թէ-

1. Ընդգէմ Պաւղիկեանց և Երեւթականաց գրած ճառերուն մէջ. տպ. Վենետիկ, 1833 :

2. Ընդգէմ Մայրագումեցոյն. Վենետիկ 1833 :

3. Hist. de Manichoeis. Bibl. Patrum, Lugd. XVI, 753 :

4. Enarratio de Recentiorum Manich. Lib. I. Տես Bibl. Patrum, Gallandii, XIII, ed. Venetiis CIOCCCLXXIX ;

5. Etude et Critique, II, I.

6. Histoire de l'Église, III.

7. Journal Critique, VII, 1 sq. 129, sq.

8. Dictionnaire Encyclopédique de la Théologie Catholique. Traduction de J, Goshler, Paris, 1863, Tome XVII.

9. Dictionnaire de Théologie, Lille, 1844.

10. Պատմ. Հայոց. հտ. Բ :

11. Փորձ. Չորրորդ տարի N°. X. տպ. Տփղիսի, 1880 :

պէտև փոս՝ Պետրոս Սիկիլիացիէն աւելի քննարան գտնուե-
լով՝ Նորաճիւն⁽¹⁾ Մանիքեցւոց յաւելուածը կ'ընէ, որ շատ բան
կը նշանակէ: Իսկ ազգային մատենագրաց քով հազիւ հազ⁽²⁾
Մանիքեցի անուան յիշատակութեան կը հանդիպինք Պաւղի-
կեանց վրայ խօսած պարագայից մէջ, այլ մերթ Պաւղիկեան,
մերթ Երևութական, մերթ Թոնրակեան, և այլն, յորջորջած են
ընդհանրապէս, իբրու այն թէ այս վերջիններս՝ Մանիքեութենէն
բոլորովին տարբեր աղանդներ ըլլային: Սակայն այս ընդհանուր
երեւոյթս՝ ունի իւր մասնաւոր պատճառները, զոր այլուր պիտի
տեսնենք:

Հին աղբերաց այս անորոշ և տարտամ կացութեան պատճա-
ռաւ՝ նորք ևս մինչև ցայսօր որոշ և վճռական սահման մի չկա-
րացին տալ Մանիքէա—Պաւղիկեան աղանդի մասին, որով կրօ-
նից պատմութեան մէջ ահագին նշանակութիւն ունեցող և Ա-
րևելքի քրիստոնեայ ժողովուրդները դարերով յուզող այս բազ-
մազլխեան աղանդը մնաց ցարդ իբրև գորգեան անլուծանելի
կնճիւռ մի:

Ուստի անոր գազանիքը լուծելու և բնորոշ գաղափար մի կազ-
մելու միակ միջոցն է, ըստ իս, ունելով այն հանգոյցի նախկին
ծայրը, կամ լաւ ևս՝ գտնելով անոր նախնական սկզբունքները,
զորս հիւսեցին Մանի և Մանիքեցիք, դարձնել զայն ժամանակաց
բազմաշրջիկ անխիւն վրայէն, անցնել արևելեան ազգաց և բազ-
մակերպեան հերետիկոսութեանց դիւթիչ մթնոլորտներէն, — ոչք
թէպէտև քրիստոնէական հողի վրայ ձևացան, բայց հեթանո-
սական մտաց և բարուց ներշնչութիւնք էին իրօք, և տալու-
րեցին հեազհետէ այն աղանդին վրայ իրենց յարափոփոխ և
բանգներն և ձևակերպութիւններն, — և այնպէս գալ հասնիլ մեր
դարավերջին, յորում աւարտեցաւ այն հանգուցին վերջին ծայ-
րը՝ գողցես իմն վերստին հիւսուելու և ձգուելու համար յարև-
ելից՝ յարևմուտս և հիւսիսէն՝ ցհարաւ, ինչպէս որ ըսած էր
Պաւղիկեան ազանգապետներէն նշանաւոր մէկն, այն է Սար-
գիս: Այս՝ պէտք է նախ դիտել, թէ Մանիքեցւոց աղանդն ի՞նչ
էր իւր ծննդեան կամ նախկին կազմութեանը մէջ, և թէ յե-
տագայ դարուց մէջ ի՞նչ նոր կերպարանափոխութիւններ և
անուանակոչութիւններ ստացաւ: Եւ ստուգիւ այսպիսի հարց
և փորձ մի ընելն՝ ոչ այլ ինչ է, բայց եթէ լրջօրէն քննել և
իմանալ Պաւղիկա—Թոնրակեան աղանդի ծագումն և յաւաքիսա-

1. Δεσφησις περὶ τῶν νεοφάντων Μανιχαίων ἀναβλαστήσεως.

2. Գր. Նարեկացւոց յիշալ թղթին մէջ միայն գրուած է «Մանիկեցոց»,
այսինքն է Մանիքեցոց:

դացումը: Սակայն այս ալ պէտք է ըսել, թէ ես հօս ոչ թէ այս ազանդոց բոլորական պատմութիւնն՝ այլ այն ազանդին և պատմութեան շարժիչ պատճառներն և պարագաներն աւելի մատնանիչ ընելու նպատակ ունիմ: Բայ աստի՛ պիտի ջանամ, ըստ կարելոյն, լուսարանել նոյնպէս պատմութեան մթին կողմերը:

Գնտասիկածին այն հինաւուրց ազանդը, որ զուգելով արեւելեան վառ երեակայութիւնն՝ արեւմտեան սրամիտ խոհերու հետ՝ ընկզմեցաւ և ընկզմեց հնդ — արիական ազգերը մերթ բնութեան դադանածածուկ և ստուերանիստ խորոցը մէջ, և մերթ արփածեմեց մարդկութեան հորիզոնին վրայ՝ պսակելով իւր կախարդասար գլուխը բիւրազգի բժժանօք: որ մերթ հարուածեցաւ մինչ՝ ի մահ և պարտասեցաւ, և մերթ ելաւ դարձեալ յասպարէզ՝ խաղալու իր մոդական դերն, ընդհանրապէս Մանիքեոքի ինչ և կոչուած է և ճանչցուած: Սակայն այս անուանակոչութեանս, ինչպէս և անոր ծագմանը մասին, կը տարածայնին իրարմէ աւելեան և արեւմտեան ազգերը ⁽¹⁾: Առաջինները, այսինքն է առ.

1. Չորս քննասիրաց դիւրութեան և գրուածքի ատաղձի համար՝ կարեւոր կը համարիմ աստէն յիշատակել: Ս. Արքեպսոս՝ Acta Disputationis cum Manete, որուն ասորի բնագիրն անյայտացել է և միայն լատիներէն հին թարգմանութեամբը ծանօթ. — Աղեքաւնդր Լիկոպոզսեցի՝ տես Gallandi, Bibl. Patrum t. IV. — Սրասլիտն Թուրկուցի. — Տիտոս Բուտրուցի. — Գիոյիտոս Աղեքաւնդրացի: Սոցա գործերը կը գտնուին առ H. Canisii, Lect. antiq. ed. Basnage, Amstelodami 1725, vol. I, և Gallandi, Bibl. Patr. t. V, VI. — Յասպիտոս, — Մարիտոս, — Վիկտորիոս Ափրիկեցի, Liber ad Justinum Manichoeum, contra duo principia Manich. in Sirmordi Opera varia, t. I, և Gallandi, t. VII. — Ս. Եփրեմ Ասորի՝ Ճառ Վիճար, ընդդէմ Հերետիկոսաց, — Ս. Եպիփան Կաես. 66. — Ս. Կիւրեղ՝ Catech. VI. — Ս. Օգոստինոս՝ De Actis cum Felice Manichoeo, De More Manich., Contra Juli, De Genesi, contra Manich. Liber de Haeres. C. 46; — Այսպէս նաև Ս. Հերոնիմոս, Ռուփիլոս, Մեծն Լեոն և Պրոչոքեցիոս, Մեծն Բարսեղ, Ապոլինար, Գիորդո Տարսուսեցի, Եւսեբիոս Էմեսացի: Մեր սուրբ Հարցմէ նշանաւոր է Եղնիկ՝ իւր Եղծ աղսեղոց փոքրիկ բայց անմահ երկասիրութեամբը:

Իսկ նորերէն՝ Տիլլոնն՝ Mém. t. IV, l'Héresie des Manichéens, p. 367-411, — Բուտրուցի՝ Hist. Critique de Maniché et du Manichéisme, Amsterdam, 1734 — 1739, 2 Vol. — Կրպլ՝ Hist. liter. script. ecl. s. v. Manes, Basileæ, 1741, vol. I. p. 138-45. — Վալյու Hist. Haeres. V. I, p. 683. — Բասնագիոս՝ In Praef. general., C I. — Հ. Թոպիլ. Չեքքասի՝ Exercitationes in universa Leonis M. Opera, Romæ, 1751, p. 1-200. — Ա. Եսակոքի՝ Hist. de l'Église, t. I, part. II, p. 813-59, Hambourg, 1829. — Վեցլեր և Վերտ՝ Dictionnaire Encyclopédique de la théologie, t. XIV. p. 165-175, Paris, 1862. — Բեւմիտի՝ Dictionnaire Encyclopédique, Lille, 1844;

րա—արար և հայր—պարսիկ հեղինակութիւնք, թէև համեմատութեամբ կրօնք, բայց որովհետև մի և նոյն հողի և ազգաբնակութեանց մէջ կ'ապրէին, յորս ամէն ինչ էր աւանդական անցերոյն, և ուր ապրեցաւ և գործեց նա ինքն Մանի. ուստի բոտ այսմ անոնց վկայութիւնքն ևս աւելի ճիշտ և նշանակալից ըլլալու են՝ քան թէ յոյն և լատին աղբերացը, որոնք թէպէտև հնագոյն, թէպէտև ծանրակշիռ՝ բայց գրէթէ մի և նոյն ականէ կը բղխեն և միակերպ կ'ընթանան: Ս. յո՛, 'ի նկատի ունելով Ս. Արքեպիստոսի յիշեալ գրութեան յունարէն թարգմանութեան մի գոյութիւնը՝ կարելի է ըսել, թէ Ս. Կիւրեղ Երուսաղեմացին, Եպիփան, Սոկրատէս, Թէոփորեոս և այլ հարբ Գ. դարուն զայն կարգացել և անոր հետեւ են, թէպէտև յարգեաց ոմանք հակառակը կարծեցին: Ուստի բաց 'ի Բոսորոէ և Նէանգրէ՝ քննադատք առ հասարակ կ'ընդունին Ս. Արքեպիստոսի Գործերն իբրև բաւական աղբիւր ոչ միայն Մանէսի պատմութեան, այլ և արևմտեան հեղինակութեանց:

Ըստ Ս. Արքեպիստոսի՝ Մանէսը չէ բուն հնարիչ Մանիքեցոց ազանգին, այլ Սկիշքիսանոս ոմն Սարակիսոս, որ երկար ճանապարհորդութիւններ ընելէն յետոյ՝ հաստատուեցաւ յԵգիպտոս: Սա՛ Տերեբիկն անունով աշակերտ մ'ունէր, որ կը կոչուէր Բուդդաս կամ լաւ ևս Բուդէս, և ինք զինքը կուսածին կը համբաւէր. հրեշտակի մի ձեռքով տարուած մեկնակ լերան մի վըրայ և հոն սնած: Տերեբիկն իր վարդապետին համար չորս գիրք գրած կ'աւանդուի, որոնք հետեւեալ մակագրութիւններս կը կրէին. Գաղտնիք, Գլխաշոր կետեր, Աշտարաւ և Գանձ: Սկիւթիանոսի մահուանէն վերջ՝ այս չորս երկասիրութիւններն հետը առած Տերեբիկն չոգաւ Քաղէութեան կեդրոնատեղին՝ Բարելոն, որ այն ժամանակ պարսկական իշխանութեան ներքև կը գտնուէր, և չէր կորուսած դեռ իր նախկին փայլը: Հոն բարձրը 'ի գլուխ պարծելով եգիպտական իմաստութեամբ՝ կը վարդապետէր համաշխարհական իրաց նախագոյակ վիճակն՝ յառաջ քան զարարչագործութիւն, և արեղական և լուսնի միջոցով հոգւոց գաղթելն և փոխանցումը վիճակէ 'ի վիճակ: Կ'ըսուի թէ օր մի տանեաց վրայ իր մոգական գործողութիւնները խուսն բազմութեան առջև կատարած ժամանակ՝ Սիմոն Մոգի պէս զարկաւ⁽¹⁾ զգեանի և մեռաւ:

1. Ս. յո գէպքս՝ հայերէն «Գիրք Հերձուածոցի մէջ (տպ. Էջմիածնի 1892) Կերինթոսի վրայ եղած կը պատմուի, հանգերձ Մանեաց արարուածներով. բայց ժամանակն և պարագայք անյարմար կ'երևին:

Յետ որոյ անոր այրի կինը՝ յիշեալ շորս գրուածոց հետ եօթն-
ամեայ գերի մ'ա գնեց, որուն անունն էր Կուբրիկոս, զոր
ուսոյց և վարժեցոյց 'ի գիրս և յարուեստ Տերեբինթայ : Այ-
րին մեռնելով՝ պատանին Կուբրիկոս գնաց Պարսից ոստանը,
և տեղափոխութեան հետ՝ անունն ևս փոխելով կոչուեցաւ Մա-
նես, ըստ յունին : Բայց արեւելեայք Մանի կը յորջորջեն. իսկ
լատինք՝ Մանիքեոս⁽¹⁾ :

Մանէս՝ ունեցաւ անդ երեք աշակերտներ, Թովմաս, Առ-
տաս և Հերանաս, որոնք Ասորի քրիստոնեաներ եղած կ'երևին՝
ըստ հնչման անուանց, զորս յղեց, կ'ըսուի, 'ի Հնդկիս և յԵ-
գիպտոս՝ իր աղանդը տարածելու նպատակով. թէպէտև գեռ ամ-
բողջ դրութեան մի վերածած չէր զայն, այլ ժամանակակից Մո-
զութեան և Քաղէութեան պարունակին մէջն էր : Այս ժամա-
նակ Շապհոյ, — հաւանօրէն Երկայնակեցի, — արքայորդին ծա-
նրը կերպով հիւանդանալով՝ խոտացաւ Մանէս արքայից ար-
քային բժշկել զնա իւր մոզական արուեստովը. բայց վրիպեցաւ
'ի հնարից. մեռաւ արքայորդին, և Մանէս թագաւորին հրա-
մանաւ բանդ դրուեցաւ : Երբ մոռացած նա իր կրած վշտե-
րն՝ ապագայ աղանդին կազմակերպութիւնը կ'երկնէր 'ի մօտի,
դարձան անոր արբանեակներն և պատմեցին, թէ անկարելի է
ծաւալել նոր վարդապետութիւնը. վասն զի քրիստոնեայք մեծ
ընդդիմութիւններ կ'ընեն : Այս ատենս հրամայեց հնարադէտն
Մանէս՝ իրեններուն գնել շուտով քրիստոնէից սրբազան գը-
րեանը. և իւր անսովոր աղանդը քրիստոնէից ևս դիւրամտաշի-
րնելու համար, մտածեց իր հեթանոսական դրութեան՝ քրիս-
տոնէական երեոյթ մի տալ : Եւ բազդը բանեցաւ. զի հանդի-
պելով Ս. Գրոց այն տեղոյն՝ ուր Հոգւոյն Սրբոյ գալուստը կ'ա-
ւետի՝ տարակուսեալ և լքեալ մարդկութեան, իշխեց նա յետին
յանդգնութեամբ իրեն պատշաճեցնել զայն : Խրախուսեց այսու
իւր յուսարեկ աշակերտներն և զրկեց վերստին քարոզելու իր
աղանդը : Քիչ օրէն ինքն իսկ փախչելով բանդէն՝ ամրացաւ Մի-
ջագետաց և Պարսից սահմանագլուխը գտնուող Ալաքիոն դղե-
կին մէջ. և այն հողին վրայ՝ ուր Միստառաճոնքեան և Երկու-
ոնքեան կրօնները մերթ բուռն կերպով իրարու կ'ընդհարկա-
նէին, և մերթ ալ գնոստիկեան իմաստութեան և Հնդ-արիա-
կան բնապաշտութեան յօդերով կաշկանդուած՝ երկու իրարա-
պատ վիշապներու նման կը կնճռէին, հօն նախ սկիզբն տուաւ
իւր անսովոր գործին :

1. Տես առ Ծապրիցիոսի, Bibl. Graeca, ed. Harles, vol. VII, p. 310-311,
այս անուանց ծագման մասին եղած տարբերութիւնները :

Յաջող ելք ունենալու համար՝ վաստկեցաւ Քաշկարէն Մարկեղոս անունով հարուստ և զօրաւոր մէկն, որուն, իբրև Քրիստոսի առաքեալ, յորդորական նամակ⁽¹⁾ մ'ալ գրեց՝ ընդունելու իւր աղանդը, որուն մէջ գողցես իմն կը ներկայացնէր զԱստուած՝ իբրև հեղինակ չարին. իսկ զՔրիստոս իբրև լոկ մարդկանանցած ին:

Մարկեղոս՝ իմացոյց այս բանս Ս. Արքեղաոսի, որ չդանդաղեցաւ բնաւ հրաւիրելու զՄանէս հրապարակային վիճարանութեան: Հրաւէրքն ընդունուեցաւ, և Մանէս յաղթուելով քրիստոսազօր մեծ իմաստասիրէն՝ վերադարձաւ իր ամրոցը. բայց հօն կալանաւորեցաւ հրամանաւ Շապհոյ, և յամի Տեառն 277 կենդանւոյն մտրթեղերծ եղաւ իբրև հերետիկոս: Ահաւասիկ Մանիքեցւոց աղանդապետի համառօտ պատմութիւնն՝ ըստ արևմտեան աղբերաց:

Իսկ արևելեան աղբիւրք՝ տարբեր կերպով կը ներկայացնեն զայն: Մանի՝ Պարսիկ էր, կ'ըսուի, ծագմամբ և քրմական նըշանցաւոր ընտանիքէ մի: Իր մանկութենէն 'ի վեր զրազաշտական վարդապետութեան և կրօնից մէջ ծնած և սնած էր. իսկ հասակն առնելով՝ ընդգրկած էր զՔրիստոնէութիւն և եղած հովիւ Էֆլազի քրիստոնեայ հօտին: Տժգոհ ըլլալով իւր նոր կըրօնքէն՝ ուղեց մէկ դրութեան վերածել Քրիստոսի և Զրադաշտայ վարդապետութիւնքը, և ինքզինքը ներկայացուց իբրև բարեգարգիչ ոմն՝ յԱստուծոյ կոչուած և ներշնչուած: Այսու հանգերձ վերստին հարածուելով 'ի քրիստոնէից՝ արտաքսեցաւ 'ի բաց: Յամին 270 շահեցաւ Շապհոյ բարեկամութիւնը. բայց երբ Մոգերը ծանուցին և ամբաստանեցին զնա իբրև մտրոբեցուցիչ՝ փախաւ նա արևելեան Հնդկաստան և 'ի Ճենս: Ժամանակ մի ծածկուած մնաց թուրքաստանի այրերէն միոյն մէջ, ուր յօրինեց շարք մի պատկերներու, որոնք այլարանօրէն ձեւերով կը ներկայացնէին իր վարդապետութիւնը, և յետոյ կազմեցին այն խորհրդաւոր գիրքը՝ զոր Պարսիկք անուանեն Էյրոկնիկի-Մաւնի: Կը համբաւէր, թէ ինքն ունէր օդոյ մէջ վերաթեւելու զօրութիւն մի, և թէ անախ բերած էր իւր սրբազան մատենանը: Կ'աւանդուի, թէ արքայն վաւամ ուզած է անգամ մի ներկայ գտնուելու Մանեայ՝ Պարսից Մոգերուն հետ ըրած վիճարանութեանը, ուր դարձեալ մտրոբեցուցիչ յայտնուեցաւ Մանի. և չուզելով յետս կոչումն ընել, յամին 277 եղաւ մտրթեղերծ:

1. Այս նամակս հասած է առ մեզ, և կը գտնուի Ս. Արքեղաոսի Acta Disputationis contra Man., n. 5, և Ս. Եպիփանի Haeres, 66, n. 6, գործերուն մէջ:

Իսկ անոր կաշին լեցուելով կախուեցաւ Ճոնտիլիսպոզին քաղաքի դրան վերեւ՝ միւս հետեղներն ահարեկելու համար: Ահա արեւելեան աւանդութեանց հակիրճ բովանդակութիւնը, որ ինչ ինչ կէտերով կը տարբերի արեւմտեայց աւանդածներէն:


Քայց կան էական կէտեր՝ որոնք արեւմտեան աղբերաց քաջ կը համաձայնին. օրինակ իմն՝ գներով Մանէսի մահը փրկչական թուականին 277, թէև անոր չարատանջ մահուան պատճառ եղող արքայք բոլորովին կը տարբերին իրարմէ. այսինքն է ըստ առաջնոց՝ Շապուհ, և վրամ՝ ըստ վերջնոց: Եղնիկ՝ արեւելեան և արեւմտեան աղբերացմէ նշանակուած՝ բոլորովին տարբեր պատճառ մի կու տայ Մանեայ սպանման. այսինքն է՝ «Յանգիմանեալ յաղկանց խտրելոց՝ մորթեցերձ մահուամբ պակասեցաւ ՚ի կենաց»: Տես տպ. վենետից, 1826: Մանէսի ազգային ծագման մասին իսկ՝ երկուստեք եղած տարաձայնութիւնը՝ հակասական ըլլալէ հետի է. որովհետև արեւմտեան աղբերք՝ թէպէտև անոր ազգութիւնը նշանակած չեն, բայց Պարսիկ ըլլալն ալ մերժած չեն այնու: Սակայն մէկ կողմէն մեզ ընծայուած կուբրիկոսն, իսկ միւս կողմէն Մանի անուանց աչքի զարնոց տարբերութիւնը՝ Մանէս և Մանիքէոս ուղղագրութեան ձևերուն տակ դեռ աւելի կը խրթնանան և կը կնճռին. մանաւանդ թէ եզրակացնել կու տան, թէ Մանինեանց աղանդապետին անունը կամ ազգանունն այլ ինչ եղած է երբեմն. և թէ այս վերջին պիտակ անուններս յետոյ ուրեմն դրուեցան անոր՝ բոլորովին տարբեր պարագայից մէջ: Եւ իրօք Ս. Արքեւաոս⁽¹⁾ կը թուի հաստատել մեր կարծիքը. զի կը ծանուցանէ, թէ ասորա—քաղղեարէն լեզուի մէջ, որով գրեց նա իր գործերը, Մենահեմ⁽²⁾ = Menahem, Manem Միսիթարիչ կը նշանակէ, որ կը համապատասխանէ յունարէն Παράκλητος ին: Եւ ինչպէս տեսանք, նա իւր գրութիւնն և գրութիւնը հաստատելէն վերջ, այսինքն է յամի Տեսաոն 270 ստուգիւ այս մակդիրս իրեն սեփականեց: Եղնիկ⁽³⁾ միշտ արեւելեան ձևով՝ Մանի՛ կը վարէ. որ աւելի հին է, ինչպէս տեսանք փոքր ինչ յառաջ և համապա-

1. Acta Disp. Contra Man. n. 36.

2. Առանց մերժելու Ս. Արքեւաոսի մեկնութիւնը՝ աւելի հաւանական կը թուի ինձ ստուգարանել Մանէս կամ Մանի անունը արիական բարբառով՝ Manyu, սանսկրիտ Manyu, զէնդ Mainyu, այսինքն է նոգի, միտք, մտածուիչն և փոխաբերարար՝ նաև մարդ, որոց նախկին և հնագոյն ուղղագրութիւնքն են manus և manu, manas և mananh. Տես Fick, Indogermanisches Wörterbuch. p. 294, Göttingen, 1871.

3. Եղծ աղանդոց. վենետիկ, էջ 116, 117. 287, 290, 293.

ՀԻՔԵԶ



տասխանող պարսիկ, զանգիկ և սանակրիտ բարբառին: Իսկ Գր. Նարեկացւոյն ծանօթ է նաև արևմտեայց կուրրիկոսը՝ բայց տարբեր ուղղագրութեամբ, այսինքն է՝ կոււրրիկոս, որ աւելի ճիշդ կը թուի ինձ, որով կարելի է սրբագրել յոյն և լատին ձեռագրւոց հետեւալ ազաւաղ ձևերը Κιβριον, Corbicum, Urbicum:

Իսկ Մանէսի գրուածոց նկատմամբ՝ երկուտեք մեծ անմիարանութիւն մի կը տեսնուի. զի Տերերինթէն մնացած և արևմտեան ազրիւրներէն յիշուած չորս գրուածքը՝ գէթ ըստ արտաքին ձայնին՝ նոյնութիւն մի չեն ցուցներ արեւելեան կամ պարսիկ ազրերաց յիշատակած Էրտէնկի-Մանի մակագրութեան հետ: Այս անուանակոչութեանս նշանակութիւնն ինձ ծանօթ չէ. սակայն հնդկա-գերմանական erdenken կամ denken բառին հետ ուղղակի ազգականութիւն կամ աղերս մ'եթէ ենթադրենք, այն ատեն կարելի է հետեցնել, թէ Էրտէնկի-Մանի՝ Յիշատակարան կամ Գիրք յիշատակաց Մանեայ թարգմանուի: Եւ հաւանօրէն այս Էրտէնկի-Մանի՝ խմբագրութիւն ինչ էր քառամասուն քառասուն գրոցն Տերերինթայ, զորս յիշատակեցինք յառաջագոյն: Գաղտնիք կոչուած մասին մէջ բարգաւաճելով կը ներկայացնէր Մանի՝ մոգութեան այլ և այլ արուեստները, և բնութեան և Մանիքեցւոց համայնքի մէջ գործուած ծածուկ բաները: Գլխաւոր կէտերով՝ կը ներկայացնէր իր ազանգին կամ հաւատապատու մի էական և հիմնաւոր սկզբունքները: Աշտարաւնովը՝ կ'ընծայէր Նոր կտակարանէն խեղաթիւրուած տեղեր և ծուռ վարդապետութիւնները: Իսկ այս երեք գրքերը Մանեայ Պատկերներուն հետ ի միասին կը կազմէին անոր և բոլոր Մանիքեցւոց Գանձը կամ դաւանարանութիւնը: Ուստի այս մեկնութեամբս կ'ունենանք Մանեայ միակ գլուխ գործոցը, և ոչ թէ իրարմէ հնգաթիւ տարբեր գործեր, ժամանակագրական կերպով, ինչպէս կը կարծեն ոմանք յարդեաց, տեսնելով այն խմբագրութենէն մեզի հասած հատուածները միայն և կամ հաստատուած Ս. Եպիփանու Adversus Haereses. lib. II գրոց մէկ տեղոյն վրայ, ուր կ'ըսուի. « Libros enim varios edidit, quorum unus viginti duas in partes distributus est, alphabetico ordine pro literarum quibus Syri utuntur numero ». Մեր այս կարծեաց իբրև մի այլ կուտան համարելու է այն իրողութիւնը՝ որ պարսիկ ազրերք՝ չորս առանձին գրուածոց յիշատակութիւն չեն ըներ, այլ Էրտէնկի-Մանի միայն կը յիշեն:

4. Չի առ Ուխտն Կճաւայ գրուած թղթոյն մէջ թուելով զնախահարս Թանրակեանց, կ'ըսէ. « Արդ՝ զինչ պարգևս ընտրութեան տեսեալ 'ի գարշելին կոռնրիկոս »: Ի. Ս. Գաղտնիք 1882 թ. 111, 112

Բայց կարևորը մեզի համար է գիտնալ, թէ ինչպիսի՞ պատճառներ մղեցին զՄանէս յօրինելու այն հաւատապատում գրութիւնն . ի՞նչ կը պարունակէր այն գլուխ գործոյն, և թէ ինչպիսի՞ ազդեցութիւններ ունեցաւ իր ժամանակցաց և յետագայ դարուց վրայ :

Մարգկային ազգի պատմութեան մէջ չի կայ բան մի՝ որ այնքան բուռն կերպով յուզած ըլլայ հին աշխարհն, ինչպէս և նորը, հեթանոսութեան արբանեակները՝ զոյգ ընդ քրիստոնէից, ինչպէս՝ յուզեցին ճշմարտութեան և ստութեան, արարչութեան և ինքնագոյութեան, բարւոյ և չարի, երջանկութեան և թշուառութեան, հոգւոյ անմահութեան և հանդերձեալ կենաց, գոյութեան և չգոյութեան խնդիրները : Բնութեան Գրուքեան հեղինակին հետ՝ նոյնպէս և շուք ամենայն գրական իմաստասիրաց կը խոստովանին, թէ այս գաղափարներս այնքան ընդհանուր են և խորարմատ՝ զորս պատմաբանօրէն ժխտելն անկարելի է : Արդ՝ մէկ կողմէն արարածոց բնութեան մէջ՝ ամենուրեք և ամէն ժամանակ տեսնուած բարւոյ և չարի, արդարութեան և անիրաւութեան կռիւր, իսկ միւս կողմէն ալ հոգւոյ յաւերժական ձկաման և իրաց բարեշրջութեան արտաքնայարգար երկոյթները՝ յայլ և այլ կարծիս և կրօնս բաժանեցին իմաստնոց հետ նաև ռամկին մտքերը : Նոյն իսկ փրկչական թուականութեան 240ին՝ Իսիսի և Ռսիրիսի պաշտօնատարքը՝ թանձր աւերորդապաշտութեանց և հոգեփոխութեան անդնդոց մէջ կը թարթափէին անառաջնորդ : Ինդոսի և Գանգէսի միլիոնաւոր բնակիչները՝ համայնաստուածութեան և բնապաշտութեան առնել բաւղին մէջ կը տարուբերէին : Պարսկաստանի և Մարաստանի ազգաբնակութիւնները՝ մերթ արեպաշտութեան և մերթ Երկուութեան, այսինքն է բարւոյ և չարի հակաբարչ սկզբունքներու նժարից մէջ կը շարժէին մշտատատան և տարակուսեալ : Յոյնք և Իտալիա՝ Նոր-Պղատոնական կամ գնոստիկեան վարդապետաց հետ մերթ բանականութեան և մերթ սկեպտականութեան մէջ կը յածէին և կը յածեցնէին իրենց ազդեցութեան ներքև եզոզ ազգերն և ժողովուրդները : Հրէից և Ասորւոց պէս գերազանցօրէն միաստուածեան ժողովուրդք՝ կորսնցընելով իրենց հաւատոյ և յուսոյ հաստատութեան խարխիւր, մամնայի միայն կը ծառայէին, ամենուրեք լինելով արգելք քրիստոնէութեան և ամէն ազանգաւորաց գործակից : Թէպէտև ամէնքն ալ ճշմարտութեան և բարութեան էին հետամուտք, բայց կարծիս միայն և երկբայութիւնս կը տեսնէին : Ամէն բանի մէջ գժուարութեանց անանցանելի լեռներու կը հանդիպէին՝ այն

մտաց և մեղորութեան գիշերուան մէջ: Քրիստոնէութիւնը՝ թէև իր լուսաւոր վարդապետութիւնը ծաւալած էր՝ արդէն այն մըտաւորական խաւարի մէջ, և Ս. Հարց անպարտելի փաղանդ մ'ես հանած էր իր գերազանցութեան իբրև մի մի վկաներ. բայց որովհետև բարձրամիտ հեթանոսութիւնը չէր ուզեր տակաւին գերել իւր համոզումն և բնաւորական ազատութիւնը՝ յայտնեալ ճշմարտութեանց ներքև, այն պատճառաւ իսկ ծագեցան բազմահոյք հերետիկոսաց. և Արեւելք և Արեմուտք առ հասարակ կ'երկնէին 'ի գիւտ ճշմարտութեան. մանաւանդ երբ նոր կտակարանն ևս եզաւ անոնց ասպարէզ մրցութեան: Քրիստոնէութիւնն իբրև նորապանչ իմն գօրութիւն՝ շիտից բոլոր հինաւուրց աղանդներն, և հեթանոսք եկան խառնուեցան ընդ քրիստոնեայս. մարդկային միտքն ընկճուած կը զգար ինքզինքը գերբնական ճշմարտութեանց հանդէպ, և գերբնականը՝ կարծես թէ կը մնար անոնց միշտ անտես և անհաս: Այս մտաւորական ընդհանուր պատճառաց վրայ՝ յաւելցնելու ենք այն քաղաքական — բարոյական մեծ յեղափոխութիւնը, որ կատարուեցաւ յամի Տեառն 226, այսինքն է Սասանեան Հարստութեան և զբաղաշատական գենի վերանորոգութիւնը՝ Արտաշիւր Ա. ձեռքով, զորս Պարթևները կռապաշտութեան վերածած էին՝ Քրիստոսէ երկու և կէս դար յառաջ:

Արդ՝ կրօնական և իմաստասիրական և քաղաքական այսպիսի համաշխարհական տաղնապի մի ժամանակ՝ յասպարէզ ելաւ Մանի, որ և կուժբրիկոս. որ ուզելով ամենուն ընդունելի վարդապետութիւն մի հնարել, առաւ իր ժամանակի ամէն ազգաց և աշխարհաց մէջ շրջող կրօնական և իմաստասիրական հաւատալիքն, և իւր ճարտար գրչին և գաղափարաց կաղապարի մէջ ձուլելով զանոնք՝ ուսումնական գրութեան մի վերածեց:

Ստագիրացին Արիստոտէլ ըսած էր երբեմն «Ծննդոց» գրոց հեղինակին համար. «Ո՛վ աստուածայինդ Մովսէս, սքանչելի բաներ կ'ըսես, բայց չես ապացուցաներ»: Իսկ Մանի՝ այսպիսի ընտրողական գրութեամբ՝ յաւակնեցաւ մեկնել բարւոյ և չարի, արարչագործութեան և ինքնագոյութեան, և այլն, գաղանիքը, որոնցմով այնքան դարեր և հանճարներ վաստակեցան և վաստակեցուցին, վրիպեցան և վրիպեցուցին: Ոմանք արդի քննադատից՝ Սփէնսըրի և վինդէի հետ կը համարին, թէ Մանեայ գրութեան իբրև նախկին սկզբնահարք եղած են ոչ միայն Եգիպտացիք՝ Ռսիրիսի և Տիւփոնի արարուածներովն, այլ և Քաղդէացիք և հնոյն Ելլադացի իմաստասէրները, Պիլթագորէն սկսեալ ցԱրիստոտէլ և Պլատինոս: Որոց վրայ պէտք է յաւելու

նոյնպէս Բ գարու հերետիկոսագետներէն Բասիլիդէս և Վաղենտին, Բարդաճան և Մարկիոն: Սակայն ինձ աւելի հաւանական կ'երևի ըսել, թէ Մանի՝ ընդհանրականն ունէր ի նկատի՝ քան թէ մասնաւորը: Ս.յ՛, Մանիքէութիւնը վերլուծելով՝ կը գտնենք անոր մէջ Հրէից գրոց աւանդած արարչագործութիւնը երկու անատեղձ սկզբանց ընծայուած. եգիպտական հոգեփոխութիւնը՝ նոր ձեով ներկայացուած և նրբացած. հնդկային կամ պրահմական համայնաստուածութիւնը, պարսկական կրակապաշտութիւնը, գնոստիկեան արտահոսումն (emanatio) և էակարանութիւնն, և քրիստոնէական վարդապետութեան խեղաթիւրուած մեկնութիւններն՝ այլովք հանդերձ: Ս Եպիփան (¹) իսկ փոքր 'ի շատէ կը հաստատէ զայս « Manichœus enim cum gentibus gentilis est, ac Solem, Lunam, Sidera, Demonesque veneratur: Gentilis, inquam, estô carissîmi! ejusque secta Græcorum superstitiones tradit: Magorum quoque præstigias complectitur, in iisque voluntatur. Astrônomoſ laudat: quorum curiosas artes persequitur, ac verbo tenus Christi nomine gloriatur. In quo Cenchritidis similitima est ».

Ըսածնուս ճշմարտութիւնը դեռ աւելի ակներև պիտի լինի՝ Մանիքեցոց վարդապետութեան գլխաւոր կէտերու յառաջբերութեամբը, զորս կարևոր կը համարինք համառօտել աստ՝ Պաւղիկեան-Թոնրակեցիներու վարդապետութեանց հետ զուգակշռելու համար: Բայց նախ քան զամենայն՝ կ'ուզեմ աստ ուսումնասիրաց ուշադրութիւնը դարձնել յոյժ կարևոր կէտի մի վերայ, զոր գժբազդարար հին մատենագիրները բնաւ 'ի նկատի առած չեն և չէին կրնար առնուլ. վասն զի անոնց գրութեանց նպատակը՝ պարզապէս ջատագովական էր, և այս սահմանէս գուրս ամենայն ինչ երկրորդական նշանակութիւն ունէր անոնց առջև: Մտարակոյս Մանէսի սոյն գրութեան ինչպէս հիմը կը կայանար այն արտաքնայարդար հակասութեանը վերայ, — որ կ'երևի յամենայնի, — այսինքն է, մէկ կողմէն աստուածային բնութեան, իսկ միւս կողմէն ալ մարդկութեան անկեալ բնութեանը մէջ. ընդ մէջ այն յարատե կուսին որ 'ի վերուստ և ներքին ճակատամարտին. այսպէս ալ անոր իմաստասիրական և կրօնական նպատակն էր բանաւոր լուծում՝ մի տալ այս երեւելի և աներևոյթ աշխարհաց մէջ երեցած գաղտնեացը, — թէպէտև քրիստոնէութեան միայն վերապահեալ էր այն: Սակայն Մանեայ քաղաքական և բարոյական նպատակը բոլորովին ուրիշ էր. այսինքն է՝ նա գորով ազգաւ պարսիկ, ուզեց իրմէ 30 տա-

1. Adversus Hæreses, Lib. II.

րի առաջ վերահաստատուած Զրադարչութեան շարժումները՝ իր ժամանակի պահանջանայ համեմատ բարեփոխելն, և կամ՝ իր նախկին բարեձևութեան շրջանակին մէջ ներկայացնել և իւր ազգին յայնժամու անբարոյականութիւնը՝ որ իր գերագոյն կէտին հասած էր՝ քրիստոնէական բարոյականին մերձեցնել, և կամ՝ գէթ անոր վերաբերուած ծածկել, իր հայրենիքը նիւթական անկումէն ազատելու համար։ Եւ ստուգիւ՝ այս է պատճառը, որ ոչ ժողովուրդն և ոչ թագաւորն ինքնին, այլ Մոգերն անդէն ի սկզբան կ'ընդդիմանան անոր շարժումներն, որոնց համար կ'ըսէ Եւսեբիոս իր « Պատրարարութիւն Սեւոսրանի » կոչուած գրքին մէջ, թէ իրենց ազդիկներուն հետ կ'ամուսնանային և մայրապականութիւնն անգամ՝ օրինաւոր կը համարէին։ Այս պատճառաւ և նա ինքն Մանի ամուսնութիւնը կ'արգելու և կուսութիւն կը քարոզէ։ Սակայն մենք յոյժ երախտապարտ ենք մեր եռամեծ վարդապետին Եզնկայ կողմացոյ, որ այս ծածկեալ ճշմարտութիւնս երկու խօսքով յերևան կը հանէ՝ ըսելով. « Եւ եթէ նոյն քեջ է երկրցունց, (այսինքն է Մանեայ և Մոգուցն) ընդէր ասիցեն Մոգք զզանդիկս, եթէ ոչ զի վարոչքն զառ եւ ՚ի միւլեանց, թէպէտև կերպարանօք և ոչ ճշմարտութեամբ »։ Եւ քիչ յետոյ կը յաւելու. « Բայց զի Մանի կամեցաւ վերագոյն քան զնոցայն կեղծօք վարս ցոշցանել, թէ ամենին իսկ ազատ ՚ի կարեաց ցանկութեանց իցէ »։ Ուրեմն եթէ կեղծօք և եթէ համոզմամբ՝ Մանեայ նպատակն յոյժ օգտակար և փրկարար էր իւր հայրենեաց համար, գէթ քաղաքական տեսակէտով։

Ահաւասիկ անոր գրութեան եռաթիւ, եռանկիւնակալ նախագատութիւնները, որոնց վերայ շինուեցան ապա բազմահոյք մուրամիտ ենթադրութեանց. Ա. Անբողջ տիեզերքս՝ ինձ և մարդն՝ իսառնակոյտ զակոռչած մ'է բարոյ և շարի, և յաւերժական կագի և կռոշի։ Բ. Յաւաւագոյն այս աշխարհ եղած չէր։ Գ. Եւ ոչ իսկ միշտ աշխարհ պիտի մնայ։ Մանի՝ այս գծուարին ձեռնարկս ՚ի գլուխ հանելու համար կը յենու զանդիկ կամ հին պարսկադէն գաղափարաց վերայ, ըստ որում լոյսն առնուած է իբրև նշանակ Ստուածութեան, բայց յետոյ Արևա-հրադարչութեան մէջ փոխանակեց ընդ Ստուծոյ, կամ բարի սկզբան։ Եւ ըստ կարծեաց բազմահար ազանգապետին 1. ի սկզբանէ կային երկու անասեղծ, կենդանի և հաւասարազօր Լակներ, որոնց մին, — այսինքն է լոյս և հոգի, — է բարի՝ իսկ միւսն, — այս է նիւթ և խաւար, — է չար։ Այս արարչագործ սկզբանց իւրաքանչիւրն ունի իր անկախ թագաւորութիւնն, և բացարձակապէս կը հակառակի միւսին։ Հաւասարապէս կազմակեր-

պեալ այս կրկին թագաւորութիւնքս՝ բաժնուած են բոլորովին իրարմէ, և իւրաքանչիւրը կազմուած է հինգ գաւառներէ, որոնց մէջ կը բնակին այն զոյգ մի սկզբունքներէ բխած անթիւ անհամար ուրիշ էակներ: 2. Ոչ չարն և ոչ ալ չարի խառնուրդն Աստուծմէ կը յառաջագայի, այլ իր յաւիտենական արմատն ինքն իր մէջ ունի: 3. Խաւարի և ցանկութեան իշխանները՝ տեսնելով հեռուէն լուսոյ թագաւորութեան պայծառութիւնը՝ նախանձեցան, և որոշեցին հարկանել և նուաճել զայն: Այն ժամանակ ուզելով Աստուած ապահովել իր տէրութիւնն՝ արտադրեց զնայրն կեկուց, որ ծնաւ զնախաւարդն քրօտօս օն-թրափօս. այսինքն է Յիսուս կամ՝ Յէշու: Նախամարդը՝ զօրանալով՝ սկսաւ կռուիլ խաւարի թագաւորութեան դէմ, բայց պարտեցաւ. և խաւարի իշխանները գողացան անոր լուսեղէն զրահները, թանգուզելով իրենց մէջ: Այս ճգնաժամիս Աստուած օգնութեան զրկեց նախամարդոյն՝ զնոզին կեկուց Հօն քեծիս, որ էջ, աջ կարկառեց և փրկեց զնա. սակայն պարտելոյն զէնքերը մնացին խաւարի իշխանին իշխանութեան ներքև, և Յիսուսը տկարանալով՝ չկարէր զանոնք ազատել. ուստի և այն ազատագրելի մասը, այսինքն է Յէշուն կրակակն՝ կը տուայտէր (1) խաւարի թագաւորութեան գերութեան մէջ, և սակայն հարկը կը պահանջէր, որ այս ազատութիւնս կատարուի: 4. Յետ այնորիկ Աստուած վերստին (2) ուրիշ էակներ ստեղծեց, այսինքն են կոյսն շուշոյ և հոգին սուշոյ օ քրօսթուտի օ քրօտօս. ուստի երեք են էակներ՝ ոյք կը գործակցին լուսաւոր մասը՝ խաւարի գերութենէն ազատելու համար. այսինքն են հոգին կեկուցակն, որ, — ունելով զգերագոյն տեսութիւն, — այս նպատակաւ ստեղծեց զաշխարհ՝ աստուածային կամաց համաձայն. ստեղծեց և զմարդն Ազամ՝ ըստ նմանութեան նախամարդոյն, զոր ընդ ազօս նկա-

1. Այս նախադասութիւնս ամբողջ հետևութիւն է Մարկիոնի վարդապետութեան. բայց Մանի մեծապէս փոփոխած է զայն՝ իր դրութեան համեմատ և համաձայն ընելու համար:

2. Գիտելու ենք՝ որ Մանեայ այս վարդապետութիւնը՝ Մենգ. Ա. 2. թուահամարի վերայ հաստատուած է, որ Ս. Օգոստինոսի և ուրիշ Ս. Հարց իսկ պէս պէս մեկնութեանց առիթ տուաւ. իբր թէ առաջին արարչութիւնը՝ չարի արբանեկաց ձեռքով խանգարուած ըլլայ. ուստի և երկրորդ արարչագործութիւն մ'ալ տեղի ունեցած: 2. Ուայլ իր La Bible et la Nature նշանաւոր երկասիրութեան մէջ համառօտելով բոլոր հնոց կարծիքները, կը ցուցնէ, թէ մինչև կարօտս Մեծի ժամանակ առ քրիստոնեայս իսկ ընդհանուր էր այս կարծիքս: Արդի երկրաբանք և մեկնիչք իսկ գեա կը պաշտպանեն երկրորդ արարչութեան մի գոյութիւնը. սակայն Մանի գնոստիկեան իմաստով կը հասկնայ զայն:

տած էր, և ըստ պատկերի խրուամ: 5. Մարդս բազկացած է լուսոյ իշխանութենէն գողցուած հոգիէ մի, որ է մասն Աստուծոյ և բղխումն (1), և նիւթազանգ մարմինէ մի, որ խաւարէն յառաջ եկած է, ճոխացեալ 'ի բնէ ներգործութեամբ և մղուած կոյր ցանկութենէ: 6. Մարդ արարածն՝ հարկաւորապէս երկու (2) հոգի ունի, մին՝ բարի և միւսն՝ չար. և ասկէց յառաջ կուգան անդադար կռիւք և ներքին ընդդիմամարտութիւնք: 7. Գերարուն Աստուծմէն արտահոսեալ, — կարողութեանց ձեռքով, — կենաց հոգին զօրացած՝ յաղթեց խաւարի իշխաններուն, և կազմեց զերկնից հաստատութիւնը: 80. Նա ինքն հոգին՝ յետոյ նախամարդոյն լուսէն ձեացոյց արեգակն և լուսինը, յարդարելով անոնց՝ իբրև երկու լուսաափիւռ նաւերու անդուլ և անդադարելի ընթացքը: 9. Նիւթէն թափանցեալ ազօտաճաճանչ լուսովն՝ ստեղծեց զերկիրս, և գրաւ զայն Ոմնիորոսի (3) Զμοφóρος ուսոցը վերայ, որ երբ կը ծանրաբեռնի և կը շարժէ իւր ուսը, այն ատեն կը լինի երկրաշարժ: 10. Լուսափայլ կուսի պաշտօնն է ակներև գործել լուսոյ այն մասերը, որոնք հաստատութեան վերայ կը գտնուին: Օժանդակուած է նա իր արական-իգական օգնականներէն, որոնք մերթ նենդութեամբ և մերթ հրապուրանօք կը կորզեն զոյսն՝ բարձունքէն վար ինկած խաւարի իշխաններու ձեռքէն: 11. Նիւթի և խաւարի մէջ թանգուզեալ լոյսը՝ երբեմն ազատարար Յիսուսի, այսինքն է Արեգական, և երբեմն ալ օդոյ ազդեցութեամբը, — սրուն մէջ բազմած է և կը գործէ հոգին սուշրք, — կը զերծանի. և այլ և այլ կերպարանաց, այսինքն է մերթ լոյսի և մերթ պաղօց կերպարանօք կը յայտնուի, մինչև որ բոլորովին նիւթէն ազատուի: 12. Ո՛ր և է մարմին՝ հոգեւորեալ (4) է 'ի բնութեան: 13. Ինչպէս մարմինէ՝ մարմին, այսպէս ալ հոգին՝ հոգիէ կը սերի (5):

1. Այս և ուրիշ տեղեր Մանի յայտնապէս գնոստիկեանց էականութեանը կը հետևի՝ 'ի ձեռն արտահոսման (emanatio) և ոչ ստեղծագործութեան:

2. Պատճառն երեք հոգի կը գնէր 'ի մարդն, ըստ վկայութեան Արիստոտելի, բայց ոչ ըստ հասկացողութեան Մանեսոյ:

3. Որ ըստ Դիցարանութեան Յունաց Ապոս ևս կը կոչուի, որդի Նեպտունի կամ Յարսթի, զոր Արամազդը պատժեց կրելու զերկրագունդն իր ուսոց վերայ:

4. Ա. Ա. Օգոստինոսի՝ Contra Faust. I, 20, n. 2 Մանիքեցիներէն մին կը յաւելոյր, թէ որ և է ծառի մէջ կաշկանդուած կայ կրական Յիսուսը. « Jesus patibilis omni suspensus ex ligno; quapropter et nobis similiter erga panem et calicem par religio est ».

5. Գիտելու ենք, որ Մանի հոս Տերտուղիանոսի հոգի-աշունդաշրեան traducia-

և սերումն՝ կորուստ ինչ է լուսաւոր մասին մարդոյ, այն է հոգւոյն: Հոգի մի որչափ անգամ ծնանի, այնչափ ևս կ'ընկզմի 'ի նիւթ: 14. Խոտեղի է հետևարար ամուսնութիւնն և արգելեալ՝ չար սկիզբէն, այսինքն է նիւթէն ազատ մնալու համար: 15. Հոգիները մարմինէ մարմին փոխանցելով և այլակերպելով կը մաքրուին ⁽¹⁾, և բարի սկզբան հետ կը միանան, որք են արեգակը, լուսինն և աստղերը. և այս է պատճառն, որ լուսինը կ'ածի ցլուսն լուսոյ: Էւ երբ կը պարպէ իր լոյսն ենթալուսնեայց մէջ, վերասին կը սկսի իւր ընթացքն և կը լուսաւորուի: Լուսոյ անջատման այս ընդհանուր և յարաժամ փոխանակութիւնս՝ որ սեփական է նոյն իսկ աստեղաց, մարդկան և անհոգի ընթացեան, այնչափ պիտի շարունակուի՝ մինչև որ ազատութեան ընդունակ եղող լոյսը բովանդակապէս զերծանի: Իսկ նիւթն՝ երբ ալ բոլորովին կորսնցնէ իր մէջ գերուած օտարասեռ լոյսն, այնուհետև անգործ զանգուածի մի պիտի վերածուի և հրակիղի ⁽²⁾: 16. Աշխարհիս վերջն ուրիշ բան չէ՝ բայց եթէ վերահաստատութիւն αποκατάστασις առաջնաստեղծ վիճակին. այսինքն է՝ բացարձակ անջատումն և անկախութիւն երկուց թագաւորութեանց, այն է բարւոյն և չարի, լուսոյն և խաւարի: 17. Իբրև անմիջական հետևանք հոգեփոխութեան՝ չկայ ոչ յարութիւն մեռելոց և ոչ իսկ վարձուց հատուցումն: 18. Հին կտակարանը չար սկզբան կամ գիւի գործ է, որուն մէջ թէև գրուած են ինչ ինչ ճշմարտութիւններ՝ բայց բազմաթիւ մոլորութիւնները քողարկելու համար միայն: Իսկ Նորը՝ մասամբ միայն Աստուծոյ գործն է և ընդունելի, իսկ ըստ մեծի մասին յետագայ դարերու գիւտ:

Յայս վայր մէջ բերուած կէտերուն համար կրնանք վստահութեամբ ըսել, թէ ստուգիւ Մանեայ վարդապետութիւնը են. իսկ հետևեալներն՝ հաւանորէն անոր հետևողաց յաւելուածներ ըլլալու են: 19. Ներկայ դարուս բանականաց այս նախահայրերը ուզածնուն պէս կը մեկնաբանէին Ս. Գիլբըր. և Յով. Ա-

nismus կամ հոգեծնութեան կը հետևի՝ Թանձր առմամբ, որ նիւթապաշտութեան կը տանի:

1. Այս վարդապետութիւնս՝ Պղատոն բարգաւաճեց, բայց հոգիներու նախագույթիւնն ընդունելով հանդերձ, որ աւելի գթութարահաւատալի և հակասական կ'ըլլայ աննիւթին՝ նիւթական միջնորդաւ փոխանցումը: Սակայն Մանի ուրիշ հնդիկ կամ զանդիկ աղբիւր մ'ալ ունեցած պիտի ըլլայ:

2. Այս նախադասութիւնս Պետրոս Առաքելոյ մէկ տեղոյ սխալ հասկացողութեանը վերայ յեցած է, յորում կ'ըսուի, թէ երկիրս առաջին անգամ ջրհեղեղաւ կորեաւ. իսկ երկրորդ անգամ հրով հրդեհեալ՝ պիտի լուծանի:

ւետարանչի այն խօսքը, թէ « Եւ լոյսն 'ի խաւարի անդ լուսաւորէ, և խաւար նմա ոչ եղև հասաւ », Մանեայ գրութեան իբր 'ի հաստատութիւն ըստած կ'առնուին: 20. Քրիստոսի արնորինականքն և մահը՝ իրական չէր, այլ առ աչօք ևեթ, կամ իբրև այլաբանական նշանակներ էին լուսաւոր ընտթեան կրած իրական նեղութեանցը: 21. Քրիստոս միայն 'ի թաքօր երևցաւ իր յատուկ ընտթեամբը, երբ այլակերպեցաւ 'ի լոյս: 22. Քոյր հին և նոր կտակարաններէն և անոնց հեղինակներէն վերագոյն մին էր Մանի, այսինքն է Մխիթարիչն և տէր անզուգական, որ իւր հետևողաց առջև բացաւ լուսեղէն աշխարհի հնգաթիւ գաւառները: 23. Չէին յարգել զխաչն՝ իբրև փրկութեան գործի, և ոչ իսկ զկոյսն սուրբ՝ իբրև Տիրամայր: 24. Չբանն Աստուած կամ հոգին Յիսուսի՝ կը համարէին իբրև մասն մի աստուածային լուսոյն. և Յիսուսի հետ երանելոց հոգիներ ևս արեւգական հետ միացած է, կ'ըսէին: 25. Այս պատճառաւ իսկ կը պաշտէին զարեգակն և զհուր: 26. կը մերժէին զՄկրտութիւնն, իբրև աւելորդ ինչ. որովհետև հոգւոց մաքրութիւնը՝ մարմնոց 'ի մարմինս փոխանցութեան մէջ կը կայանար:

Մանիքեցւոց բոլոր բարոյականն և անոր գործագրութիւնն՝ հետեւել երեք կէտերու մէջ կը բովանդակուէր. Ա. կնիք թերանի, որ կ'արգելու ամէն հայհոյութիւն, այսինքն է Մանիքեցւոց վարդապետութեան և Մանեայ հակառակ ո՛ր և է խօսք կամ բան. կ'արգելու ուտել միս և ձու, և խմել կաթ և գինի: Բ. կնիք ձեռաց՝ որով արգիլեալ է կենդանիներ մեռցընել, ծառեր կարել և պտուղ քաղելը: Գ. կնիք սրտի՝ որ կ'արգելու զամուսնութիւն և զծնունդ. բայց այս իսկ Ոռնկնդիրք կամ նորամուտ կոչուած դասուն համար: իսկ Ընտրեալք՝ որոնք միայն էին գիտակիք գազտեաց ազանդին, առանձնաշնորհեալ էին և ազատ:

Արդ՝ այսպիսի իմաստասիրական-կրօնական գրութիւն մի՛ որ արտաքին ձեով այնքան գիւտաւոր և հանճարեղ կը տեսնուի, ներքստապէս ոչ այլ ինչ է՝ բայց եթէ աչքի զարնող հակասութեանց խառնակոյտ մի և յեղարջումն տրամաբանութեան: Սակայն Արեւելքը՝ որ տրամաբանութիւնէն աւելի՛ երեակայութեան ծնունդը կը սիրէ և մեծարէ ընդհանրապէս, բազմապիսի գժուարութեանց մէջ իսկ՝ ովսանայով ընդունեցաւ զայն: Իմաստասէրք և հեթանոսք՝ այս գրութեամբս՝ իբրև բանին լուսովը գրտնուած և լուծուած համարեցան Աստուծոյ և ընտթեան, արարչագործութեան և փրկագործութեան գազանիքը, զորս կ'որոնէին գարուց 'ի գարս. և Մանիքէութիւնն՝ համարուեցաւ իբրև օղմութեան հեթանոսական այլ և այլ ազանդոց՝ ընդ Քրիստո-

նէութեան : Եւ յերաւի , Արիստոկրիտոս՝ Մանեայ գլխաւոր հե-
տեղաց մին , որ գրով իսկ թողուց իր վարդապետին Աստուա-
ճաքսանոքիւնը Θεοδοσιος, կը ճզնի ցուցնել իսկ , թէ Հրէութիւնն ,
Հեթանոսութիւնն և Քրիստոնէութիւնը բացարձակապէս մի և նոյն
էին : Ակոշաս , Ադամանտոս , Փաշտոս , Փեղիքս , Փորտուեա-
տոս և Սեկուզնոս , որոց դէմ կուեցաւ Ս . Օգոստինոս առան-
ձին գրուածներով , — թէ և ինքն իսկ երիտասարդութեան փայ-
լուն հասակին մէջ բռնուեցաւ անոնց ծուղակին մէջ , — էին մի
մի ջերմ պաշտպան և զարգացուցիչք Մանիքէութեան : Քանի՛
քանի գիտնականներ , բարձրաստիճան եկեղեցականներ , ինչպէս
և յետոյ թագաւորք և թագուհիք ընդգրկեցին զայն , և եղեն
իբրև մի մի հիմնաքարինք յօրինուածութեան եկեղեցւոյն Մանի-
քեցւոց , որոց մասին եկեղեցական պատմութիւնը քիչ բան հա-
սուցել է մեզ և կամ ոչնչացուցել :

Բայց և այնպէս՝ եղած գրաւոր և անգիր աւանդութիւններէն
գատելով՝ կարեմք ըսել , թէ Մանիեցւոց եկեղեցին՝ քրիստոնէա-
կանին ծառայական նմանողութեամբը կազմակերպուած էր :
Սուտակապաս Մախիթարիչն Մանի՛ ինքն իսկ Քրիստոսի նման
երկոտասան աշակերտներ ընտրած էր՝ քարոզելու իր նոր վար-
դապետութիւնը . այս ընտրութիւնս յաջորդական էր և միշտ մի
և նոյն թուով : Երեքտասաներորդն՝ իբրև փոխանորդ Մանեայ՝
իրենց գերագոյն պետն էր : ԺԲ ընտրեալքը կը ձեռնադրէին
72 եպիսկոպոսներ , — անշուշտ նմանողութեամբ 72 աշակեր-
տացն Քրիստոսի , — սորա ալ քահանաներ կը ձեռնադրէին : Սար-
կաւազներ և քարոզիչներ ևս ունէին :

Մեծ փոյթ կը տանէին Առաքելոց անուամբ անհարազատ
գրուածներ յօրինելու և տարածելու . և Թովմաս և Փիլիպպոս
Առաքելոց ընծայուած Առեաւարաններն (1) և շատ մի անհարազատ
գրութիւններ , որոնցմով ուզեցին ճոխացնել Նոր կտակարանը՝
Մանիքեցւոց (2) գործ էին :

Իրենց պաշտամունքը՝ ամենածածուկ կերպով կը կատարէին :
Եկեղեցւոյ այն խորհուրդները , որոնք նիւթոյ ձեռքով կը կա-
տարուին , կամբաւ ևս որոց մէջ նիւթն է իբրև միջոց շնորհաց՝
մերժուած էին : Ս . Հաղորդութիւնը Ընտրելոց ներկայութեամբը
միայն կը կատարէին , բայց առանց գինւոյ . զի գինին՝ էր , ըստ
Մանիքեցւոց , բաժակ գիւաց : Իսկ իրենց Ագապներն՝ ոչ այլ ինչ

1. Հայերէն « Գիրք ճՅԸ Հերձոռածոցի » մէջ Թովմայի Աւետարանին իբրև բուն
հեղինակ Մանի նշանակուած է :

2. Տես Ս . Օգոստինոս . Epist. 64, n. 3. — Կալէ Hist. liter. script. eccl. vol I.
d. 141—143, — Ֆապրիցիոս , Bibl. Gr. ed. Harles. vol. VII, p. 322 :

էին՝ բայց եթէ անպարկեշտ խնճոյքներ՝ պէսպէս անառակութեամբք լի, թէև Մանի այնպէս աւանդած չէր նոցա :

Այս նորօրինակ վարդապետութեամբս՝ թէև ուզած էր Մանի իւրաքանչիւր ազգաբնակութեանն՝ իրեն յատուկ դաւանութիւնը մատակարարել, բայց այնու հանդերձ շատ ժայռերու զարնուեցաւ. որովհետև այն ազգերէն իւրաքանչիւրն իր դաւանութեան աւրնիւթեր՝ հակառակն ևս ակներև կը տեսնէր : Այս՝ կայսերք Հոռոմոց, ոչք իրենց տէրութեան մէջ կրօնից իբրև զերագոյն պետ ճանչցուած էին և պաշտուած, չէին հանդուրժեր իրենց տեղ Մանի կամ նորա յաջորդը փոխանակուած տեսնել : այսպէս ըսելու ենք նաև արքայից արքային համար : Այս պատճառաւ իսկ Մանէօի և Մանիքէութեան նախկին հալածողները Գրիոկղեախանոս և Շապուհ եղան : Սոցա յաջորդեցին ապա մեծն կոստանդիանոս, վաղենախանոս Ա, Բ, Գ. Թէոդոս մեծն, Ռնուրիոս, կրտսերն Թէոդոս, Յուստինոս, Յուստիանոս, և այն : Սակայն չնայելով այնպիսի հալածանաց՝ Գ. Գ. և յաջորդ դարերուն մէջ տարածուեցաւ այս ազանդս յաջ և յահեակ բոլոր Հռովմէական կայսերութեան մէջ, այսինքն է՝ ի Պարսկաստան, ի Միջագետս, Ասորիքի, Պագեստինու, Եգիպտոսի, Ափրիկէի, Իտալիոյ, Գաղղիոյ և Սլաւնիոյ մէջ : Իր հաստատութեան առաջին զարուն՝ այս ազանդս դեռ իր նախկին պարզութեան և պարունակին մէջն էր. բայց յետ այնորիկ այնքան կերպարանափոխութիւններ կրեց, որքան որ կուսակցութեանց և դպրոցներու բաժնուեցաւ : Այնպէս որ Թէոդորեոս՝ անկէց մէկ դար վերջ գրելով Մանիքեցւոց մասին կ'ըսէ, թէ եօթանասուներեայի ազանդոց բաժնուած էր, որոնք երկու սկզբանց դաւանութեան մէջ միայն կը միանային իրարու : իսկ յայն ամենայն կը զանազանէին յիրերաց : Իմ նպատակէս դուրս է այս տեղ մի առ մի յիշել բոլոր այն ազանդներն՝ իրենց արարուածներով ի միասին վերոյշեալ աշխարհաց մէջ : սակայն զանց չալիսի ընենք ցուցնելու համառօտիւ անոր ունեցած ամենամեծ ազգեցութիւնն և յառաջագէմ վարդապետները մի քանի նշանաւոր հերետիքութեանց մէջ :

Այս՝ բոլոր այն հերետիկոսութիւնքը, ոչք Երկուութեան վերայ հիմնեալ էին և կը մերժէին զամուսնութիւն, եկեղեցւոյ խորհուրդներն և սնորինականքը՝ Մանիքէութեան ծնունդ են : Արաբիոյ անապատին և հին աշխարհի մէջ ցանուած և ցրուած այն կրօնական և մտաւորական յեղափոխութեանց շատերը, որք կոստոսի կոփիչ և կուանիչ ուսան ներքև ձեռուելով՝ նոր նոր կերպարանք և ձևեր առին և յուզեցին Քրիստոսի սուրբ եկեղեցին և քրիստոնէական հաւատքը, Մանիքէութեան աշխարհահոծ

խառնակութենէն յառաջ եկան և պարզեցին իրենց անկախութեան դրօշը: Մանիքէութեան պարտիզէն բուսաւ յԳ. դարուն նախ Յերակացոց ազանգը յանուն Յերակսի Եգիպտացոց: Այս ազանգս որ յիշուած է հայերէն ՃԾԸ Հերձուածոց Գրքին մէջ, Ս. Եպիփան (¹) ևս ընդարձակօրէն կը խօսի և կը հերքէ անոր մտրութիւնները, առանց ըսելու, թէ Մանիքէութենէ կը շառաւիղէր: Սակայն Բոսորը հիմնաւոր փաստիւք ապացուցուց զայն: Այս ազանգիս մէջ հակառակ Մանեայ ընդունուած է մեռելոց յարութիւնը, բայց ըստ հոգւոյ միայն: Բանականութիւնը բացուելէն յառաջ մեռնող աղաքը՝ չեն կարող ժառանգել զերկնից արքայութիւնը. վասն զի բարեգործութեամբ դեռ արգիւնաւորած չեն զայն: Մեկքիսեզեկն ուրիշ բան չէր՝ բայց եթէ մարմնացեալ հոգին սուրբ. և Մանեայ երկու սկզբանց վերայ երբորդ մ'ալ կը յաւելոյր. այսինքն է Աստուած, Նիւթ և Չարն: Բ. Բրախիտաց ազանգը մի և նոյն դարուն: Այս անուանակոչութեանս բուն պատճառն ինձ յայտնի չէ. սակայն վէջլէրի և վէլտի Հանապատոռն Բառարսևիս մէջ (Հտ. ԺԳ) յունարէն ἑράλις բառէն ածանցեալ կը համարուի, որ կը նշանակէ հեղումն. որովհետև Մանի, որուն կը հետևէին, մորթեզերծ եղած ժամանակ՝ հոսած էր իւր արիւնը ցվերջին կաթիլ:

Գ. Արիստոտըքիւնը որ ծնաւ յամի 319 փրկչական թուականին, և դարեր տեւեց, ծնունդ է, ըստ իս, Մանէսի վարդապետութեան 3. և 24. նախադասութեանց: Սակայն այն ինչ որ Մանեայ գրութեան մէջ իբրև երկրորդական կէտ մ'ենթադրուած է, նոյնը Արիստի գրութեան մէջ առաջին տեղին ունի. և յունական կիրթ հանճարոյ բոլոր իմաստասիրական նրբութիւններն՝ հօն կը ձգտին՝ եզրակացնելու արարածոց բնութեան մէջ երեցած 12 կերպ ծննդենէ կամ յառաջագայութեանց, թէ սկզբնաւորեալը կամ բանը λόγος իր սկիզբէն կրտսեր է, և հետևաբար անհասար գոյացութեամբ: Դ. Պրիսկիլլակաւուքիւնը (²), որ մօտ 381ին երեցաւ ՚ի Սպանիա, ուղղակի շառաւիղած է Մանիքէութեան 20. և 40. նախադասութիւններէն: Այս բանիս հաստատութիւնը կը գտնենք նոյն իսկ Ս. Հերոնիմոսի (³) և Պրիսկիլլայ ժամանակակից Սուլպիկիոս Սեբրոսի (⁴) քով:

1. Adversus Hoereses, 67:

2. Պրիսկիլլայ բազմահարուստ և հրապուրող կնոջ ձեռքով, որ կը վարդապետէր, թէ աշխարհս չէ Աստուծոյ՝ այլ զիւր գործ. և թէ Քրիստոսի ծնունդն և մահ չէին իրական:

3. Epistola 43 ad Ctesiph. col. 476:

4. Hist. Sainte I. 2, C, 46:

Մաննայ վարդապետութեան մէջ Երրորդութեան զազափարը թէպէտև խիստ աղաւազ և մոլար, բայց կայ իրօք. իսկ Պրիսկիլլեանք՝ ընդ հակառակն, յառաջ անցնելով ժխտեցին բոլորովին երից անձանց գոյութիւնը, գնոտիկեան ստորակարգեալ էակաց անհամար շարք մի հնարելով իրարմէ յառաջագայեալ։ Մաննայ միւս մոլորութիւններն ընդունելէն գուրս՝ յաւելին ուրանալ նաև մարգուս անձնիշխան ազատութիւնը, և կոյր ճակատագրին ընծայեցին զամենայն։ Այս վարդապետական փոփոխութեանս պատճառն յայտնի է Մանիէն գծուած բարոյականի մեծ յեղափոխութեամբը. վասն զի փոխանակ Ազապի՝ մտանաւոր տեղ մի կը ժողուէին, գիշեր ատեն, արք և կանայք. մերկամարմին ազօթելէն վերջ՝ անձնատուր կ'ըլլային յանառակութիւնս. և Աստուծոյ նուիրեալ պաշտօնը ավորոգիտական խնջոյիւք կը պղծէին։

Ե. Պեպուզացոց (1), Այոգիսուսաց (2) և Պոդիսուսաց ազանդները, զորս Ս. Եպիփանի և Եպիփանի Ընդդէմ Հերձուածոց գրութենէն համառօտուած հայերէն « Գիրք ՃԾԸ Հերձուածոցը » մէջ կը բերեն՝ իրենց զգուելի արարուածներով՝ Մանիքեցոց և Մոնոթեանեանց ազանդներէն շառաւիղած են, և մինչև կապաղովկիոյ և փոխգիոյ խորերն արմատացած։ Զ. Բորբորիտաց (3) ազանդն ևս, զոր կը յիշատակէ Ս. Եփրեմ՝ Ասորի իւր ԻԲ երկրորդ Երգիկ մէջ, զոյգ ընդ ազանդոյ Մանիքեցոց՝ ուրիշ բան չէր՝ բայց եթէ այս վերջինիս ծնունդ, և քոյր Պրիսկիլլեանց ազանդին։ Այո՛, Բորբորիտք՝ Մանիքեցոցմէ տեսական մոլորութիւններն աւելի ժառանգած էին. իսկ անբարոյական մծղնէութիւնքը՝ որ անոնց յատուկ բնագրոյն էր, 'ի Պրիսկիլլեանց անտի առած էին։ Քիչ յառաջ յիշուած հայերէն Գիրք Հերձուածոցին հետ՝ հին Ոսկեփորիկ մ'ալ իբրև բնորոշ յատկութիւն կ'ընծայէ Բոր-

1. Հայերէն գրչագրաց ոմանք « Պեպուզացոց » կը գրեն, և ոմանք Պեպուզացոց. բայց երկուքն ալ անճիշտ են, զի Փոսիգիոյ այն քաղաքն՝ ուր այս ազանդս յայտնուեցաւ՝ Պրիսկիլլա և Կուինաիլլա կախարդասար կանանց ձեռքով, Պեպուզ կը կոչուէր։

2. Այս անունս՝ ըստ Ս. Եպիփանի կազմուած է յունարէն α և λόγος մասնկանց, որ կը նշանակէ առանց բանի. վասն զի սքա չէին ընդունըր զՅանն Աստուած, Յովհանու Աւետարանին համաձայն։

3. Ազգային մատենագիրները՝ Մ. Խորենացիէն և Կորիւնէն սկսեալ կը յիշատակէն անոնց գառնենի կերպարանաց տակ ծածկուած գայլենի գարշութիւնները, յորջորջելով զանոնք մերթ յորտորիանուս, մերթ յորտորուս և մերթ յորտորիանուս։ Այս ձևերուս առաջինը միայն մտա է յունարէն բառին βόρβορος, որ կը նշանակէ տիղմ, գաշա. այսինքն է տղմասէր, վաւաշ և այլն։ Հաւանօրէն՝ ի Յունաց կամ Մասորոց փոխ առնուած է։

(¹) կ'անուանէին իրենք զիրենք, և կամ անոնց հետ միաբան գործելով: Կորին « սատանայական աղանդ » կը կոչէ զայն. և յիւրաքի. վասն զի ինչպէս տեսանք 'ի վեր անդր և պիտի տեսնենք 'ի հետեանն, — Պաւղիկեանց վրայ խօսած ժամանակ, — զգև կամ Դեմիոնարգոս կը պաշտէին Մանինեցիք: Մ. Խորենացի, Գ. գլ. ԽԷ. « Հեքսևոնասկան մուրուժիւն » կ'անուանէ, վասն զի համաձայն Մանինեցւոց Քրիստոսի Աստուածութիւնը կ'ուրանային:

Այս գիւական և հեթանոսական աղանդս ջախջախելու համար է, որ Մ. Մեսրոպը կամ Մաշտոց կրկին և կրկին կ'ընթանայ Գողթն գաւառէն 'ի Սիւնիս և յԱղուանս, և անտի դարձեալ ի Գողթն և յԱյրարատ: Այն, նոյն իսկ Մ. Պրոկղի, Ակակիոսի և Ասորւոց՝ առ Մ. Սահակ գրուած տագնապալից և յանձնարարական թղթերն և անոնց պատասխանիքը մէկ կողմէն, իսկ միւս կողմէն ալ ազգային յիշատակարանք կը ցուցնեն, թէ Մանիքէութեան այս ժիր արքանեակներս, այսինքն է Բորբորիպը, Արեորդիք և Երեւութեակնք, կարծուածէն աւելի կրօնական և քաղաքական շիտթութիւններ յառաջ բերին 'ի Հայս. կազմեցին Հայոց մէջ պարսկադէն կուսակցութիւն մի և հրաւիրեցին Պարսից անվերջ ռոնձգութիւնները մեր ազգին և աշխարհի վերայ: Բայց աստի՛ մեր մեծեռանդն թարգմանչաց անդու ջանքով և հոգևոր շանթերով, և անտի աշխարհական իշխանութեան գաւազանի զօրութեամբը շուտով խայտառակեցան անոնց նենգաւոր դաւադրութիւնքը, դէթ առժամանակեայ կերպով: Սակայն հայ հոլին վրայ անոնց ցանուած սերմերը թէև ամլութեան գատապարտուած 'ի Ե դարուն, բայց այնպէս չի մնացին նոյն դարավերջին և 'ի սկիզբն Զ երորդին:

Այս դարուս ազգային գրականութեան և յիշատակարանաց պակասութեան աղապաւ՛ կը պակսին դժբաղդարար նոյնպէս լրացուցիչ տեղեկութիւնք: Սակայն մէկ կողմէն Եւտիքէսի մուրուժիւնն որ վաղենատինեայ և Մանեայ 20°. նախադասութեանը վերանորոգութիւնն էր, ըստ վկայութեան Յովհաննու (²) Օձնեցւոյ. և միւս կողմէն Զենոն և Անաստաս կայսերաց ներող քաղաքականութեամբը, մանաւանդ թէ վերջնոյս մայր դշխուհւոյն զՄանիքէութիւնն ընդունելովն՝ երբ ամէն հալածանք ևս դադրեցան, և անոնք քսան և եօթն տարի անընդհատ ազատութիւն վայե-

1. Գիտելով որ յԳ. դարուն իսկ այս աղանդս կար, և Եւսեբիոս իւր Եկեղ. պատմութեան Ե. Գրոց ԺԲ. գլխուն մէջ կը յիշատակէ զայն:

2. Որ Ընդդիմ Երեւոնքականաց ճառին մէջ այսպէս կ'ըսէ. « Զվաղենտիոս և զՄանի, որ կարծեաք ասացին զերևումն Քրիստոսի և զմի բնութիւն »:

լեցին՝ և տարածուեցան բիւզանդական կայսրութեան մէջ, կարելի բան չէ՝ որ 'ի Հայս ևս արձակ համարձակ ճարակած չըլլան: Այո՛, Պարսից արքային կաւատայ՝ Հայոց սահմանադրութեան վերայ բռնի գումարած ժողովակներն աստի, և անտի յաճախ ուրացութիւնք քրիստոսական հաւատոց, խանգարմունք եկեղեցական օրինաց և բարոյականի՝ լիովին կը հաստատեն մեզ զայս ախուր ճշմարտութիւնս:

Վեցերորդ գարուն վերջերը Մանիքէութիւնն այսպիսի կացութեան մէջ էր, երբ կայսրն Յուստինոս՝ մանաւանդ թէ նորա յաջորդը տարբեր քաղաքականութեամբ զինեալ, փորձեցին վերջնական հարուած մի տալ անոր և իրենց միահեծան գաւազանի ներքե նուաճել զայն: Սակայն այս բազմադրեան վիշապս, այս բազմահնար Մէգուսան, որ կեղծուպատիր գիմակի տակ ծածկուած՝ գիտէր ժամանակին և պարագայից համեմատ կերպ 'ի կերպս լինել և իր հպարտիչները խաբել, ամփոփեցաւ ոչ եթէ լոկ քաղաքի մի կամ գաւառի խորը, այլ որ չարագոյն է՝ զազանաժաժուկ մարդկան համոզման մէջ, ուր չեն կարող մըտնել ոչ զէնք և ոչ բռնութիւնք: Ոմանք արգի քննադատից՝ մեր ցայս վայր նշանակած պատմական և այլն պատճառներէն բոլորովին տարբեր պատճառ մի կու տան Մանիքեցոց ազանդի տարածուելուն. այսինքն է քրիստոնէից՝ անոնց դէմ՝ յարուցած անգութ հալածանքներն և մահուները: Սակայն այսպիսի ենթագրութիւն մի ճշմարիտ կրօնից արբանեկաց համար միայն կըրնայ պատմական և կատարեալ իրողութիւն համարուիլ, և ոչ թէ Մանիքեցոց, որոնց մտրութեանց իբրև ճշմարիտ ժառանգներ պիտի ելլէին անուանեալքն Պաւղիկեանք. և թէ մտրութիւնը՝ միայն անուանս և գիմակներ փոխելով կրնայ յարատեւել: Ահաւասիկ ժամանակակէտ և անցք հին Մանիքէութեան՝ 'ի նորն, կամ լաւ ևս 'ի Պաւղիկէութիւն: Տեսնենք այսուհետեւ, թէ ի՞նչ պայմաններու և պարագայից մէջ սկսաւ երևնալ Պաւղիկեանց շոկատն. ինչպիսի՞ միջոցներով սկսաւ յառաջ վարել իր նախահայր Մանիքեցոց գործն, և թէ գեւ ուրիշ ի՞նչ մտրութեանց ծնունդ տուաւ: ✓

Կանխաւ յիշեցինք, թէ ի՞նչպէս արևմտեան և արևելեան կայսերք Հռոմոնց անգագար կրօնական խնդիրներու միջամտելով, բուռն հալածանքներ յարուցին Մանիքեցոց և ուրիշ ժամանակակից հերետիկոսաց դէմ: Արդ՝ սոքա բազմապիսի տանջանաց և մահուան սարսափի ձեռքէն ազատելու համար՝ փախան կայսերութեան հեռագոյն սահմանները. այսինքն է յԱսորիս, յԵգիպտոս և յԱրաբիա: Այնպէս որ այս ժամանակամիջոցիս նազով-

րացւոյ, Երիտնիտներու, Արիանոսաց, Նեստորականաց և Եւաի-
քականաց հետ՝ Մանիքեցիք ևս կը վխտային Արարելոյ մէջ. ու
րոնք գրէթէ առ հասարակ վրէժխնդրութեան ոգւով լեցուած՝
անհաշտ ատելութիւն մ'իւ կը սնուցանէին ուղղագաւան Եկե-
ղեցւոյ և անոր դաւանութեանց դէմ: Հրէութեան, կուպաշտու-
թեան և հերետիկոսութեանց այս իսանարանիս մէջ՝ ամէնքն ալ
նորաձեւութեանց կը սպասէին, և ամէն օր նորանոր ծրագիրներ
և ազանդներ կազմելու հետ էին. մինչև իսկ անապատի մարգա-
րէին առաջին տուն տուողներն՝ անոնց միջէն էին: Մարգ-
կային կրից և յեղափոխութեան հրարողին արդէն լեցուած
էր, և չարութեան բաժակը բերանարաց կեցած էր ժայթքելու
երկրիս երեսը: Նոր շունչ մ'ի նորագործ զօրութիւն մի բաւա-
կան էր առ այն: Հագարացւոյ մեծ և անուանի յեղափոխիչը
տեսնելով կրօնից այս ահագին տարաձայնութիւնները, ուղեց
զանոնք միութեան մի վերածել: Այսպէս ուրեմն Հարաւայնոց
հովին և հոսանքին հետ՝ ձգեց տարաւ բոլոր վերոյիշեալ իսանի-
ճազանճ ազանդաւորները՝ վերստին սիւսելու քրիստոնէական հո-
ղին և բիւզանդական կայսրութեան մերձագոյն սահմանաց վե-
րայ: Այո՛, է գարու առաջին կիսուն և ճիշտ այն ժամանակ երբ
Արարացիք տիրելով Հայաստանի՝ կը յառաջէին յԱրևմուտս,
վերստին յայտնուեցան Մանիքեցիք Մամուսատի և Գարանա-
ղեաց լեռներու մէջ: Բայց այսուհետև Մանիքէութիւնը աւելի
Պաւղիկեան ազանդ կամ պարզապէս Պաւղիկէութիւն վերակո-
չուած է, կամ յանուն նորոգողին և կամ մի այլ պատճառաւ:

Պաւղիկեան ազանդին Մանիքէութենէ ունեցած տարբերու-
թիւնը մատնանիշ ընելէն յառաջ, կարևոր կը համարիմ՝ աստ
խօսել համառօտիւ ազանդապետին ծագմանը կամ ազգայնու-
թեանը մասին, լուծելու համար այն դժուարակնճիւն հարցերէն
մին, որ այլ և այլ անճիշտ եղբակացութեանց պատճառ ելաւ
ազգային և օտարազգի մամլոց մէջ:

Ազգային մատենագիրներէն Յովհ. Օձնեցին՝ ընդդէմ Պաւ-
ղիկեանց գրած ճառին մէջ կը յիշատակէ զՊօղոս՝ պարզապէս
Մամուսացի անուանակոչութեամբ՝ այսպէս. « Աւաղիկ Պօղիկեան-
բբդ, որ 'ի Պօղոսէ Մամուսատացւոյ դեղեալ »:

Պետրոս Սիկիլիացին ⁽¹⁾ անոր ազգանունն ևս կ'աւանդէ, ր-

1. Hist. de Manichoeis. Ed. Lugduni, կ'րօէ. « Etenim Samosatenaë mulieri Cal-
linicæ geminierat liberi Paullus et Joannes: hosce duos serpentes illa vipera
genitrix aluit, nefariamque sectam edoctos Samosatis praecones erroris emisit,
que Phanariae ditionem ingressi, in vicum quendam pervenere, ibique rudes pa-
rumque certas fidei nacti incolas venenum impietatis, et dirum hostis lolium
sparserunt »:

սելով, թէ Կալլիսիկէ անունով Մանիքեցի կին մի ծնաւ երկուս
րեակ օձեր, և իժի նման կը սնուցանէր զանոնք թունաւոր
վարդապետութեամբ, որոց միոյն անունը Պօղոս էր, իսկ միւսին
Յովհան. և թէ առաջնոյն անուամբ նոր Մանիքէութիւնը կո-
չուեցաւ Պաւղիկէութիւն. և թէ Սամուսատէն տարածուեցաւ
աղանդս 'ի Փանարիս, որ կը կոչուի այսօր Եպիսպարիս:

Փոտ՝ իր Պատմ. նոր Մանիքեցոց երկասիրութեան Ա գրոց
Ժ.Ձ գլխուն մէջ՝ խօսելով անոնց աղանդապետին վերայ՝ Պետ-
րոսի Սիկիլիացոց տեղին գրէ թէ նման բառերով մէջ բերելէն
յետոյ, — որ յայտնի նշան է նոյնութեան նախկին հասարակաց
աղբեր մի, — նոյն գրոց Ժ.Ը. գլխուն մէջ յառաջ կը բերէ (1)
ուրիշ աւանդութիւն մի՝ բոլորովին հակասող առաջնոյն: Այժմ՝
աւերորդ է ըսել, թէ այդ երկու գէմընդգէմ՝ աւանդութիւնք՝
նոյնպէս երկու տարբեր ազգի և ժողովրդեան մէջ չըջող ար-
տայայտութիւններ են. այլ այս աւելի գիտելու ենք, որ փոտ
այս երկրորդ տեղոյն մէջ ոչ միայն Պօղոսի ազգատոհմը՝ այլ
նոյն իսկ ազգութիւնը կը յիշէ յայտնապէս, ըսելով, թէ Պօղոս
անուամբ հայազգի մի երկու որդի ունէր, միոյն անունը Գեւնե-
սիս, իսկ միւսին Թեոդորոս: Այս մտրգս՝ ընդհանուր կերպով
ամէն ուրացողաց գէմ՝ կ'ըբուած մահուան գատավճռէն խոյս
տալով՝ եկաւ յԵպիսպարիս, և հոն կը սփռէր իր ամպարշաու-
թեան չար սերմունքը. և թէ աւելի այս՝ քան թէ Կալլիսիկեաց
որդոցն Պօղոսի անունով Մանիքեցոց աղանդը Պաւղիկեան կո-
չուած կը կարծուի: Փոտի այս երկրորդ կարծեացը կը համա-
ձայնին նոյնպէս Կղ. Կալանոս, հա, Ա. և Բարոնիոս, հա. Թ:
Իսկ Հ. Միք. Չամբեան, ընդհակառակն, կը մերթէ փոտի և անոր
հետևողաց այս կարծիքն, ըսելով, թէ « Այն Պօղոս՝ որ յիշի աստ,
ոչ էր 'ի Հայոց, այլ յայլմէ ազգէ՝ բնակեալ յաշխարհին փոքուն
Հայոց. և զի զայն աշխարհ պատմիչքն Յունաց կոչեն Հայաստան,
վասն այնորիկ թերևս և այն Պօղոս համարեալ իցէ հայ, նոյնպէս և
որդիքն »: Բազմահմուտ Հ. Մ. Չամբեանի մէջ բերած հերքողական
պատասխանին՝ ենթադրական իսկ համարելով, սակայն և այնպէս
թէ Գեւնեսիոս և թէ Թեոդորոս յունահնչիւն անուանքը կարող են

1. « Paullus autem quidam gente Armenius, duum filiorum pater, quorum al-
ter Gegnesius, Theodorus alter audiebat, mortem evadit fuga, quae contra uni-
versam multitudinem decreta fuerat. Ac venit ille quidem Epispasim superius a
nobis commemoratam, ibique impietatem disseminare studiebat: Ex hoc porro
Paullo, pars non minima apostatarum denominationem suam trahere potius, quam
ex filios Callinicae detestabilem Manichaeorum gentem fuisse dictam, arbi-
tratur » .

անոր կուռան լինել. բայց փոտի կարծիքը՝ պատմական հիմ մ'ես ունենալու է անպատճառ, և աւելի ծանրակշիռ: Այս պատմական հիմն՝ կամ Յունաց առ Հայս ունեցած յայնժամու ատելութեանը պարզապէս արգիւնք համարելի է, որով կը ջանային յարմար պարագայից մէջ ամբաստանել զՀայս. և կամ իրօք Պօղոս անունով հայազգի (1) Մանիքեցի մ'ալ եղած է է գարու երկրորդ կէսին, որ կալինիկեայ որդւոյն Պօղոս Սամոսատացւոյն արգէն սկսած գործին յետոյ ուրեմն վարդացուցիչ և տարածիչ ըլլայ Հայոց մէջ: Արդ՝ եթէ փոս ժամանակագրական կարգաւ բրած է նոր Մանիքեցւոց պատմութիւնն, այն ատեն երկրորդ ենթադրութիւնն աւելի ճշմարտանման կ'երևի ինձ. և վստահանալով փոտի երկրորդ տեղւոյն վերայ կը համարձակիմ մանաւանդ բսել, թէ հաւանական է որ այս հայազգի կոչուած Պօղոսը՝ կալինիկեայ որդւոյն Պօղոսի որդին եղած ըլլայ, և թէ նա հայ կարող էր լինել 'ի հօրէ և ոչ 'ի մօրէ: Նա իր հօրը անմիջապէս չէր կարող յաջորդել, այլ իր հօր յաջորդին՝ Յիրաւի, մեր այս կարծեաց 'ի նպատակիս ելուելու ենք նախ, որ Պետրոսի Սիկիլիացւոյն, ինչպէս և փոտի առաջին տեղւոյն մէջ, փակարիւս կը յիշուի իբրև ժողովատեղի Պօղոսի, իսկ երկրորդ տեղւոյն մէջ՝ Եպիսոպարիսը: Արդ Եպիսոպարիսն՝ եթէ փանարիայի նոր անուանակոչութիւն մի համարինք, և եթէ անկէց բոլորովին տարբեր տեղ մի, հետեցնել կու տայ նոյնպէս տարբերութիւն անձի և ժամանակի: Բ. Իրտելու ենք, որ փոս Պօղոսի Սամոսատացւոյն յաջորդել կու տայ զկոստանտինոս, և անկէ վերջ կը դնէ զհայազգին Պօղոս, զոր Յոյնք կը կարծէին իբրև նախկին պետ Պաւղիկեանց: Գ. Յոյն մատենագրաց քով Պաւղիկեան աղանդն ի սկզբան Սաւուանու = Պաշղ-Յովնակեան կը կոչուէր՝ Սամոսացի զոյգ հարապատներու անուամբ. բայց վերջէն Սաւուանու = Պաշղիկեանքի փոխեցաւ:

Բայց դիտելով մէկ կողմէն, որ Պետրոս Սիկիլիացին՝ կոստանտինոս աղանդապետին երեսուր կը դնէ յամի Տեառն 653. և

1. Հայերէն « Գիրք ՃՄԸ Հերձուածոցի » մէջ կը գտնենք այս նկատմամբ հետեւեալ հետաքրքրաշարժ տեղեկութիւնը. « Ապա կին մի Երբի անուն՝ այնր (այսինքն է Քաղերզական կամ Պօլիկենաց) աղանդոյն ելեալ զինի Թուրքացն՝ եկն 'ի Հայս, և Պօղ ոմն յԱյրարատեայ գաւառէն՝ որ աշակերտեալ էր սրբոյն Եփրեմի, առանկեաց զկինն, և խառնակեցաւ աղանդն ընդ քրիստոնէութեան: Չարեզակն՝ գրքիստոս ասէին՝ ոչ մեռեալ և ոչ յարուցեալ. և վասն այսորիկ ծոմանան 'ի կիւրակէի: Էւ եկեալ սուրբն Եփրեմ ոչ կարաց քակել զնա յաղանդոյն, և անէծ զնա և զնաց »: Արդ՝ կամ այս Եփրեմն Խորին Ասորիէն տարբեր մէկն է, և կամ Քաղերզական աղանդը Գ. դարուն իսկ կար: Բայց ինձ առաջինն աւելի հաւանական կը թուի, և կը յուսամ յետոյ այս կէտս լուսարանել:

այնպիսի պարագաներով (1) կը ներկայացնէ զնա, որոնք կարծել կու տան, թէ նա ինքն եղած ըլլայ նախապետ այն ազանդին, և ոչ Պօղոսը որ. իսկ միւս կողմէն ալ նոր Մանիքէութեան հինաւուրց անուանակոչութիւնը՝ Պաշտօնականութիւնը կ'եկեկեն մեզ ընդ առաջ իբրև նորանոր գժուարութեան ժայռեր, զոր առանց հարթելու՝ կարելի չէ յառաջ վարել զպատմութիւն: Ռուսի ես իրօք հարկ կը դդամ այս մասին մի նոր կարծիք ևս արտայայտել ասա, որով կը յուսամ թէ ոչ միայն այս գժուարութիւնքս պիտի հարթին, այլ նոյն իսկ Պօղոսի Մամնատացոյ և հայազգի Պօղոսի մասին եղած աւանդութիւնքն ևս իրենց բանաւոր լուծումը պիտի ընդունին: Արդ՝ իմ՝ կարծիքովս նոր Մանիքէութիւնը յէ դարուն Պաւղիկեան կոչուած է ոչ թէ Մամնատացոյն կամ հայազգի Պօղոսի մ'անուամբ, այլ նոյն ինքն հեթանոսաց Առաքելոյն Պօղոսի անունով, զոր կամ մի ոմն 'ի նոր Մանիքեցոց, և կամ անոնց ընդհանուր համայնքը ուղեց իրեն կամ իրենց ազանդին յատկացնել: Մեր այս կարծեաց 'ի հաստատութիւն կան այնպիսի պատմական և շօշափելի ապացոյցներ, որոնց առջև գրէթէ ամէն տարակոյս կը փարատի:

Նախ 'ի պատմութենէ դիտենք, թէ ինչպէս Մանիքեցիք՝ այսպէս ալ Պաւղիկեանք զիրենք Տարսնացոյն իբրև ճշմարիտ աշակերտներ կ'անուանէին, կարծելով թէ ունին բոլոր անոր գիտութիւնն և խմատութիւնը. և անոր վկայութիւնը Ս. Գրքէն վեր կը զնէին: Բ. Գիտելու ենք, որ Պաւղիկեանք կը նշովէին թէ զՄանի և թէ զՊօղոս Մամնատացին: Արդ՝ այս բանն անհասկնալի պիտի մնայր, եթէ նորա պարզապէս Մանէսի գժած սահմանին մէջ մնացած և հնացած ըլլային, և կամ զՊօղոս Մամնատացի ճանճնային իրենց իբրև նախահայր: Գ. Գիտելու ենք որ Պաւղիկեցի մեզ ծանօթ ազանդապետներէն իւրաքանչիւրը՝ Պօղոս Առաքելոյ այս ինչ կամ այն աշակերտի անունը կը ստանձնէր, և իբրև անոր կենդանի անձնաւորութիւն՝ այնպէս կը ներկայանայր ժողովրդոց՝ զանոնք որսալու համար: Եւ ստուգիւ կոտանախնոսը՝ Սիդուանուս կը կոչէր ինքզինքը, Սիմէոնը՝ Տիտոս, Գենեսիոսը՝ Տիմոթէոս, Ափրոնէոսը՝ Եպափրոպիտոս և Սարգիսը՝ Տիքսիկոս: Այսպէս ալ իրենց մոլորութիւնները սերմանած տեղերը՝ Պօղոս Առաքելոյ աշակերտաց առաքելութեան

1. Զի կ'աւանդէ, թէ այս ժամանակիս Մանիքեցի փախստական օտրկաւազ մի՝ Ասորիքէն գալով 'ի Հայս, իր հայրենիքն 'ի Մանանաղի, հիւրընկալութիւն գտաւ Կոստանտինոսէն, որուն 'ի փոխարէն երկու գրուածք ընծայեց, մինը՝ Մանիքեցոց Աւետարան, իսկ միւրը Պօղոսի Առաք. թղթերը, անուշտ խեղաթիւրուած. և թէ այդ օրէն 'ի վեր Կոստանտինոս խորհեցաւ հիմնել զվարդապետութիւն Պաւղիկեանց:

տեղերու պիտակ անուամբք կ'անուանէին: Օրինակի ազագաւ, Մակեդոնիա կ'անուանէին զԿիրոսա, Աքայիա՝ զՄանանաղի, Կողոսացիս՝ զԱրգոնաւոս, Եփեսացիս՝ զՄօփսուեստացիս, Լաւոյիկեցիս՝ զԿիւենեցիս կամ զգաւառն Կանիս: Արդ՝ ուշի ուշով գիտելու ենք, որ հօս Պօղոս Առաքելոյ անունն և Առաքելութեան թեմ մի յիշուած չէ: Ուրեմն ասկէ կը հետեի, թէ կամ Կոստանտինոսի նախորդ աղանդապետն, — որուն ազգն և անունը գեռ խորհրդական քօղով ծածկուած կը մնայ, — նա ինքն կը կրէր առաքելապետին անունը, և կամ լաւ ևս, Կոստանտինոսէն հիմնուած աղանդը, ուսկից յառաջ եկաւ Պաւղիկէութիւն, այսինքն է Պաւղոսակրանոքիւնն: Դ. Դիտելու ենք, որ հնագոյն աղբերք առհասարակ փոքր 'ի շատէ նշանակած են մեզ յիշեալ աղանդապետներու իւրաքանչիւրին բռնած ուղղութիւնը, կատարած գործն և ունեցած ահաւոր կատարածը. և այս իսկ պատմական և անձնական որոշ պարագաներով: Իսկ Կալլինիկեայ որդւոյն վարդապետութեանը, գործերուն և մահուանը վերայ որոշ տեղեկութիւնք կը պակսին: Եւ այս իսկ ապացոյց մ'է, թէ նա գուցէ թէ պատմական անձնաւորութիւն մ'իսկ եղած չըլլայ. այլ շփոթութիւն ինչ հինաւորց Պօղոսի Սամոստացոյ՝ որ 262 փրկչական թուի: Եղաւ եպիսկոպոս Անտիոքայ, մուրեցաւ և ցանեց զնախասերմունս Պաւղիկեան մուրութեանց: Այսպէս և Կալլինիկէ անունը՝ փոխառութիւն մ'է հաւանօրէն սրբուհոյն Կալլինիկեայ, զոր Մանիքեցի կին մի իրեն սեփհականսձ էր: Ուրեմն իրաց այսպիսի խրթնացեալ վիճակի մէջ տրամաբանական չէ պնդելը, թէ Պաւղիկեան աղանդը՝ հայ հանճարոյ գիւտ է, թէև իրօք հայ հողին վերայ աւելի խոր արմատ ձգած և ընդարձակ շառաւիղներ տարածած ալ համարինք:

Պաւղիկէութեան ծագումն և անուանակոչութիւնն այսպէս ստուգարանելէն վերջ, այժմ տեսնենք, թէ ի՞նչ աղերս ունի այն Մանիքեցոց վարդապետութեան հետ, և կամ ի՞նչ կէտերով կը տարբերի անկէ:

Արդ՝ Պաւղիկեանց վերայ երկասիրող հին և նոր ազբիւրներն ուշադրութեամբ քննելով, կը տեսնենք, որ տեսականին մէջ դարձեալ երկու, այսինքն է չար և բարի սկզբանց վարդապետութիւնն է, որուն վերայ իբրև յառանցքի կը գառնան բիւրազդի մուրութիւններ: Իսկ գործնականին մէջ՝ մի և նոյն կեղծաւոր միջոցները՝ դեռ աւելի կատարելագործուած ըստ բերման ժամանակին և պարագայից: Կոստանտինոս, — որուն կ'ընծային Պետրոս Սիկկիլացին և փոտ՝ Պաւղիկեան դրութեան կամ աղանդի կազմակերպութիւնը, — տեսնելով, որ Մանիքէութիւնը՝

իւր մի քանի աչքի զարնող հեթանոսական և առասպելապատում իրաց համար խիստ ընդդիմութիւն կը կրէր, և թէ անոր հետևողաց բաժինն էր չարատանջ և անարգական մահը միայն, ուստի խորհեցաւ թօթափել և մարբել զայնս. իսկ մնացածները՝ քրիստոնէական՝ բայց ոչ քրիստոնէաւայել վարդապետարանի մի մէջ փոխադրել: Պարագաններն ևս օգնեցին. այսինքն է Ասորիքէն իր հայրենիքը վերադարձող Սարկաւազը, զոր այլուր յիշեցինք, տուաւ անոր Εὐαγγέλιον և Απόστολος: Կոստանտինոս կարգաց, իմացաւ անոնց պարունակութիւնն և լռեց, հետամուտ լինելով յօրինման իւր ծրագրին: Այս խորհրդաւոր գրութիւնքս կրկին ուրուագիրներու կը նմանէին, որոնց շրտակ կողմը՝ քրիստոնէից կը ներկայացնէին, անոնց պատուհաններէն ազատուելու համար. իսկ իրենք իրենց մէջ բողոքովին յեղաշրջուած կը հասկընային և կը մեկնէին զանոնք: Այսպէս ուրեմն մէկ կողմէն այս երկու գրուածքս աչաց առջև ունելով կոստանտինոս, միւս կողմէն ալ ժամանակի պահանջը, այսպէս կազմեց իր նոր հաւատապատումը. այսինքն է առ երեսու կեղծաւորելով՝ մէկգի թողուց վաղեմականայ երեսուն էակաց և աստուածոց առասպելաբանութիւնքը Τερατολογίας τῶν τριάκοντα Αἰώνων καὶ θεῶν, զոր Մանի ընդունած էր իր ընտրական գրութեան մէջ, կամ՝ լաւ ևս՝ ի Հաւաղանդարանին: Թողուց կուրբիկոսէն հնարուած անձրեկ զըզւելի առասպելը, որ Պետրոս Սիկիլիացոյ և փոսի աւանդածին նայելով, իբր թէ փախչող կուսին զկնի ընթացող գեղանի պատանեկին փրփրերախ քրտինքէն յառաջ կու գար և մոգական զօրութիւն ունէր: Ասոր նման գեւ ուրիշ անհաւատալի բաներ ևս ՚ի բաց թողուց: Իսկ Բասիլիդէսի շամբուչ անառակութիւններէն չկարենալով հրաժարիլ և հրաժարեցնել իրենները, հնարիմացութեամբ մի հրապուրիչ քօղի տակ ծածկեց զանոնք, աւելցընելով անոնց վերայ ամէն տեսակ մծղնէութիւն:

Իր այս գրութիւնը՝ Պօղոս¹⁾ Առաքեալէն ընդունած կը համբաւէր, և զինքը Սիղուանոս կ'անուանէր: Թուղթեր ևս կը գրէր առ Կիրոսացիս՝ Մակեդոնացիս անուանելով զանոնք: Ս. Գրոց ամէն իմաստները փոխեց, և իր այն վարդապետարանովը՝ հազար և մի նոր մտրութեանց դուռ բացաւ: Իր գրութեանէն դուրս եղած ո՛ր և է գրուածք մերժեց և դատապարտեց, և իբր օրէնսդիր և հիմնադիր քսան և եօթն տարիներու կարճ շրջանին մէջ գրէթէ ամէն կողմ՝ ծաւալեց անլուր մտրութեանց հետ նաև անբարոյականութիւնը. և այնքան մեծ ազ-

1 Վերը արտայայտած մեր կարծիքը Պաւղիկէութեան անուանակոչութեան նկատմամբ, այս տեղուով կրկին ևս կը հաստատուի:

զեցութիւն ունեցաւ իր հետեւողաց վերայ, որ զինքը միայն Աստուծոյ տեղ պաշտելու համար՝ նզովեցին և զՄանի՝ այլովքն հանդերձ :

Այս նոր Մանիքեցիներու բռնած ցածոգի և կեղծաւոր ընթացքին վերայ զեռ աւելի որոշ զաղափար մի տալու համար, յիշենք Կոստանտինոսի յաջորդներէն միոյն, այն է Գենեսիոսի արարքը : Սա յամին 717-741 երբ Լէոն կայսեր հրամանաւը կալանաւորուած բերուեցաւ 'ի Կ. Պօլիս, և Պատրիարքին կողմէն հարցաքննութեան ենթարկուեցաւ, թէ ինչո՞ւ բաժնուած էր ուղղափառ եկեղեցիէն, պատասխանեց, թէ ինքը մտքէն իսկ այնպէս բան անցուցած չէր ընաւ. որովհետեւ ուղղափառ եկեղեցւոյ անուամբ Պաղղիկեան համայնքը կը հասկնար միայն : Երկրորդ անգամ երբ հարցաւ, թէ ինչո՞ւ համար կը մերժէ Ս. Կուսին պաշտօնը. նենգութեամբ նզովեց զայն, որ Աստուածամօր պարտուպասոյած յարգանքը կը զլանայ. բայց նա ինքն Աստուածամայր ըսելով երկինքը կամ վերինն Երուսաղէմը կը հասկնար : Այսպէս կը վարուէին մնացած բոլոր հաւատոյ մասանցը նկատմամբ. այնպէս որ ինչ որ ըսուեցաւ աստ Կոստանտինոսի և Գենեսիոսի համար՝ նոյնը կ'ընէին բոլոր Պաղղիկեանները. և անոնց ամենուն նշանաբանն էր կեղծաւորութիւն, խաբէութիւն և վատութիւն : Ասկէ կրնան մեր ընթերցողք տեսնել, թէ մկրտութեան և պղծութեան այս արբանեակները՝ ոչ միայն բողոքովին զուրկ էին նախնի դարուց և Աւետարանի գիւցազուններէն, որոց նշանաբանն էր ընդ հակասակն տէրունեան Այոն՝ այո, և ոչն՝ ոչ. և արձակ համարձակ կը խոստովանէին բըռնաւորաց, սրոյ և հրոյ առջև իրենց սուրբ հաւատքն և ներքին համոզումը, քաջութեամբ տանելով արսորանաց, տանջանաց և մահուան, — այլ նոյն իսկ մեր դարու ո՛ր և է պատիւ և սկզբունք ունեցող մարդէ մի : Ուստի ուրացող կոչուելու միայն արժանի են անոնք. և ուրացողք ոչ միայն քրիստոնէական ճամբիտ հաւատքին, այլ նոյն իսկ իրենց գաւանած գենին :

Արդ՝ մենք այս պատմական ամենաստոյգ եղբրութիւնքս և տեղեկութիւնք 'ի նկատի ունելով, մեծապէս կը զարմանանք այն գրողներուն վերայ, ոյք չգիտեմ, թէ ի՞նչ նպատակներով կը գրուատեն և կը բաղդատեն անոնց քաջութիւնը՝ նախնի քրիստոնէից անտեղիտալի և անբաղդատելի քաջութեան և հաստատամբտութեան հետ, հիմն 'ի վեր տապալելով պատմական իրողութիւնները :

Մէջ բերենք այժմ այս նոր Մանիքեցւոյ վարդապետութեան գլխաւոր կէտերն և հիներէն ունեցած տարբերութիւնքը :

Կոստանտինոս՝ Մանիքէութեան հիմանը վերայ ուղերով բարձրացընել իր վարդապետութեան նոր շէնքը՝ դրաւ անոր իբրև անկիւնակալ, Ա. կերպապէս ընդդիմադրութիւն մ'ընդ մէջ բարի Աստուծոյ, — Տէր երկնից անուանելով զնա, և աստուծոյն չարի, — կոչելով զսա Զօրութիւն կամ Արարող Δεσμωτοργός աշխարհի :

Արդ՝ Պաւղիկեան դրութեան այս գլխաւոր սկզբունքէս ակնեւրեւ կը տեսնուի, թէ սոքա ուրբան հեռացել էին հին Մանիքեցիներէն. վասն զի Մանիքէութեան մէջ, — ինչպէս տեսանք, — հոգիև կենդանի՝ նկատուած էր իբրև բարեմոյն էակ մի. մինչդեռ ասա՝ աշխարհքիս ստեղծագործութիւնը չար հոգւոյ մի կ'ընծայուի : Եւ այս տեսական փոփոխութիւնս գիտմամբ ըրին, որպէս զի 'ի գործնականին անխղճարար անձնատուր ըլլան 'ի չարն և յախտաւոր յօժարութիւնս ընութեան :

Բ. Մարդուս մէջ գտնուած ո՞ր և է բարեմասնութիւն՝ բարի Աստուծոյն կը վերագրէին. իսկ յոռեմասնութիւնքը, այսինքն է ստորին մասը, զգայականութիւնն և նիւթականը՝ աստուծոյ չարի : Դէմիւրդոսը՝ ստեղծած է զմարմին. իսկ Աստուած ստեղծած է զհոգին : Սա կը ջանայ ձգել զմարդիկ 'ի բարին. իսկ նա խտորեցնել 'ի չար անդր : Գ. Կ'ընդունէին մարդկութեան անկեալ վիճակը, բայց այնու իսկ երջանիկ կը համարէին զմարդ, ըսելով, թէ բարի Աստուածը՝ այն առթիւ 'ի գութ շարժեցաւ մեծագոյն ևս բարիքներ ընելու մարդկութեան : Գ. Կ'ընդունէին Երրորդութեան գոյութիւնը, բայց գնոստիկեան մտօք փոքրկացնելով զՈրդի և զՀօգի : Ե. Քրիստոս իր մարմինը յերկնից բերաւ յերկիր, չկարենալով յերկրէս առնուլ զայն՝ առանց ապականելու. վասն զի երկիրը՝ Դէմիւրգոսին գործ է : Հետեւբար կուսէն չճնաւ նա, այլ իբրև խողովակէ մ'անցաւ անոր միջէն, յաշխարհ մտնելու համար Զ. Ոչ թէ Մարիամ կոյսն, այլ երկինքը կամ վերինն Երուսաղէմ է Քրիստոսի մայրը : Է. Մարիամ՝ Յիսուսէն վերջ դեռ ուրիշ որդիներ ալ ունեցաւ : Ը. Կը մերժէին ուղղափառ եկեղեցւոյ ամէն պաշտամունքն և արտաքին արարողութիւնները : Թ. Մկրտութիւնն և ընթրիքը կը կատարէին՝ առանց զգալի նիւթոց, այլ պարզապէս բանիւ և ձևով. որովհետև ըստ Պաւղիկեանց՝ Մկրտութիւնն ուրիշ բան չէր, բայց եթէ Քրիստոսի այն վարդապետութիւնը, թէ « Ես եմ ջուրն կենդանի » : Ա. յապէս և ընթրիքը՝ պարզապէս նշանակ է Քրիստոսի այն վարդապետութեանը, թէ « Ես եմ հացն կենաց » : Ժ. Կը մերժէին սրբոց բարեխօսութիւնն և անոնց ընծայուած յարգութիւնը. որովհե-

տե, կ'ըսէին, սուրբերը ոչ այլ ինչ են՝ եթէ ոչ՝ Գէմիւրգոսի ծառաները, որոնք գատաստանին օրը բարի Աստուծոյ երեսէն պիտի ձգուին: ԺԱ. Կ'արհամարհէին Քրիստոսի սուրբ խաչն՝ իբրև փայտ չոր և զուրկ աստուածային զօրութենէ: ԺԲ. Եկեղեցւոյ նուիրապետութիւնը (1) բացէ 'ի բաց կը մերժէին:

ԺԳ. Հին կտակարանը բոլորովին մերժուած էր անոնցմէ. իսկ նորէն՝ Պօղոսի թղթերն և Ղուկասու Աւետարանը միայն կ'ընդունէին, որովհետև սա Պօղոսի աշակերտած էր, կ'ըսէին: ԺԴ. Ս. Պետրոսի առ կաթուղիկեայս գրուած թղթերու հետ՝ անձն ևս կը գատապարտէին. վասն զի, կ'ըսէին, զՔրիստոս ուրացաւ նա, և Հրէից, — զորս իրենք մեծապէս կ'ատէին, — շատ առանձնաչնորհութիւններ սուաւ:

Այս գլխաւոր և արմատական մտորութիւններէն յառաջ կու գային ապա ուրիշ անթիւ գառածմունք 'ի գործնականին: Կը ցաւինք որ Պետրոս Սիկիլիացին և Փոս Պաղիկեանց պատմական մանրամասնութեանցը զբաղելով, — յայնժամու սովորութեան համեմատ, — զանց ըրած են մէջ բերելու բոլոր անոնց կրօնական և բարոյական դրութիւնը՝ քննարանօրէն: Սակայն յոյժ շնորհապարտ ենք մեր Յովհ. Օձնեցի հայրապետին, որ անոնց պակասը՝ գէթ մասամբ մի լեցուցեր է: Այո՛, նա կը վկայէ, թէ Պաղիկեանք, ոյք զխաչապաշտ քրիստոնեայս՝ իբրև կռապաշտ կը ծաղրէին և կը ծանակէին, իրենք, ընդհակառակն, չարեաց 'ի չարիս վերացեալ էին. այսինքն է Պարտիւրաւարտոռքեակ 'ի խաչաւարտոռքիւն և 'ի քրիստոսառեցոռքիւն, և անկէց դիշապաշտոռքեակ և աւեստոռքեակ անդնդոց մէջ գահավիժեցան: Եգիպտացւոց հետ մկնորսակ կենդանեաց պատիւ և պաշտօն կը մատուցանէին: Յանէսի և Յամրէսի հետ Ոլիմպոսի կայծակնահանու և փրփրերախ գիւլին գիմաց երկիր կը պագանէին: Զբաղաշտ մոգին հետ արեգակն և լուսինը կը պաշտէին, և յափսիթերս անոր առջև ինկած ողբաձայն կ'աղաղակէին. « Արևիկ, Լուսիկ »: Մանէսի և Սիմոն մոգի հետ կախարդութիւն կ'ընէին, իրենց օգնութեան կանչելով օգային և վերնոտ գեւորը: Ափրոզիտական կրքերն աստուածացոցին, անոնց մէջ դընելով իրենց երջանկութիւնը: Բնութեան և կրօնից դրած պատուարն՝ որով միայն մարդկային բարոյականը կը պահպանուի,

1. Իրենց գլխաւորներն յառաջագոյն կը կոչուէին վարդապետք, որոնց ապա փոխանակեցին *συνέχρημοι* — ընկերք, մի և նոյն իշխանութեամբ: Այս վերջնոց օգնականները *ἑταίροι* կը յորջորջէին, որոց գործն էր Ս. Գրոց ընտիր ընդօրինակութիւններ ընել: Տուններն՝ որոնց մէջ կը համախմբուէին՝ ոչ թէ Եկեղեցի *ἐκκλησία*, այլ *προσευχή* աղօթատեղի կ'անուանէին:

վերջին աստիճան անամօթութեամբ քակեցին: Անոնց համար չկար խտիր մօր և որդւոյ, հօր և դստեր, եղբօր և քեռ մէջ: Պղատոնէն երեակայեալ նորահնար Հասարակապետութիւնը՝ Պաւլիկեան համայնքի մէջ իրականութիւն դարձած էր, մասնաւորապէս վաւաշոտ և շնակեաց վահանի ձեռքով, զոր կը նկարագրեն քաջ Փոտ և Պետրոս Սիկիլիացի: Մայրապակա նութեան և քոյրառեանդութեան խոհերու մէջ շաղախուած՝ իբրև Քաղեայ և Աստարեայ գարշելեաց՝ ստրկաբար կը ծառայէին անոնց: Այնպէս որ սուրբ հայրապետիս վկայութեանը վերայ յեցած, կրնանք ըսել, թէ Մանանազի, Կիրոսա և Ջըրկայ կամ Ջրիկ՝ իբրև մի մի Սոգոմ Գոմոններ էին՝ անառակութեան ախտերով ողորուած. և ամէն տղմասէր մարդ կը փութայր ընկենուլ ինքզինքն այն հեղեղին մէջ: Ահաւասիկ անոր խօսքերը. « Նախկին մծղնէութեան պայղակնութեան խեշերանք. տղմասէր և ժանտագործք. ընդ խաւար զխաւարայինսն կատարելով ծանակութիւնս, առ միմեանս անպատկառացոյցք են պղծութեան. 'ի մէնջ վրիպանուն պատրողաբանութեամբ զանխլանալ կարծեն: Ոչ գիտեն՝ թէ ո՞րպէս հոտոցն անկարածած կելիք են, ընքեամբ առ հոտոտելիան բերեալ բուրմունք. սոյնպէս և վասն գործոցն հողմով համբաւուցն գյոլովից բախել զեկուցանէ լսելիս: Այլ սակայն և դժուարագիտելի է յոքնազան և բազմախուռն 'ի նոսա անտառացեալ չարութիւնն: Վերջէն կը նկարագրէ անոնց Ֆիզիքական կացութիւնն այսպէս. « Տեսանեմք 'ի ծառայութիւն զեկեալսն աստանայի՝ խեղանդամս և հոգեհաշմս, ծիւրեալս և կասեալս 'ի զօրութենէ »:

Ի պոռնկութենէ ծնուած ստեղեայ մանկունքը՝ հաւերու և ոչխարներու նման փողոտելով, ալիւրի հեռ կը զանդէին, և պրժգայի արարողութիւններով (1) հանգոյն շաղղակեր խողերու իրենց ծնունդը կ'ուտէին: Անոնց ցամաքեալ գիակունքն և կմախքը՝ բարձրահայեաց տանիքներու վրայ գիղելով՝ իրենք ալ վարէն դէպ 'ի վեր նայելով՝ կ'երգնուին անոնց վրայ, ըսելով. « Բարձրեալն գիտէ »: Իրենց քահանաները՝ կանանցմէ կ'ընտրէին իբրև կուխնտիլայ, Պրիսկիլայ և Մաքսիմիլայի յաջորդներ. և Մոնղանոսի նման իրենք զիրենք Հոգի սուրբ կ'անուանէին (2), և այն լպիւրջ կանանց ձեռքով մարդարէութիւններ և

1. Այսինքն է, հաց շինելով՝ ըստ վկայութեան հայերէն « Հերձուածոց Գրքին », կը բախէին իրենց համայնքին՝ իբրև հաղորդութիւն պատարագաց կամ Ագապաց, և կը շամբէին մոլեգնեալք:

2. Զուարճայի է Փոտի և Պ. Սիկիլիացւոյ աւանդածը Գենեսիոսի երկու որդւոցը Զաքարիայ և Յովեփայ մասին, ոյք իրենց հօր մահուանէն վերջ՝ երկու կու-

պատգամներ կու տային: Իսկ այսպիսի մարգարէութիւններ ընտրելու համար՝ զարհուրելի և անլուր ոճիր մ'ալ հօն կը գործէին. այսինքն է, կանայքը բոլորածև կը բազմէին, և անոնց մէջ առաջնածին եղողին երեխան առնելով՝ ձերբաձգութեամբ իրարու կը նետէին, մինչև որ այն խեղճուկն ըլլար չարամահ. և որու ձեռքին մէջ որ ոգեապառ ըլլալով կը մեռնէր, զնա կը կարգէին իրենց ազանգապետ և կը պատուէին: Անոր անուամբ երգումներ կ'ընէին, ըսելով. « Վկայ ունիմ՝ քեզ անոր փառքը՝ որուն ձեռքը մեռաւ միածին որդի », և այլն: Այս խրժոժութիւնս կամ Պեպուզացուց ազանդէն փոխ առնուած է, — վասն զի թէ Ս. Եպիփանի քով և թէ հայերէն Հերձուածոց Գրքին ⁽¹⁾ մէջ, ինչպէս զիտեցինք, անոնց ընծայուած է. ոչք անլուր հայհոյութեամբ կը յաւելուին և զայս, թէ Տիտղէ կամ Պրիսկիլա յղացած և ծնած էր զՔրիստոս, և իգական սեռիւ եղած կ'առասպելաբանէին զնա, — և կամ Յովհ. Օձնեցին սխալմամբ Պաղիկեանց վերագրած է զայն:

Ահա այս և ասոնց նման ուրիշ շատ և շատ քաղաքական ոճիրներ և բարոյականի և մարդկային արժանապատուութեան դէմ՝ գործուած ամբարշտութիւնք՝ արդէն բաւական էին քրիստոնեայ ազգաց և տէրութեանց ատելութեան հետ՝ աչալուրջ հսկողութիւնն իսկ Պաղիկեանց վերայ դարձնել. վասն զի այս ազանդաւորքս իրենց կեդրոնատեղիներէն դուրս ելլելով՝ ուր որ սակցութեան բաժնուեցան. վասն զի երէցը կ'ըսէր, թէ ինքը իր հօրմէն ժառանգած էր զՀոգին սուրբ. իսկ կրտսերը կը պատասխանէր, թէ ինքն ալ ուղղակի երկնքէն ընդունած էր զայն:

1. Ուր ՃԾԳ երորդ ազանդին վրայ, որ Քաղերթական, այսինքն է արիւնարբուաց թարգմանուած է, հետեւեալ նորութիւնը կը պատմուի՝ ՚ի հաստատութիւն ըսածնուս. « Թագաւոր ոմն Յունաց աշխարհէն պատահեաց պիղծ ազանդին Պօղիկեանց և ոչ կարաց դարձուցանել զնոսա յազանդէն իւրեանց, հաւածեաց զնոսա անդր քան զբնառն Կովկաս: Եւ կին մի առաջնորդէր նոցա, Մարի անուն, կախարդ և կուռ: Չարագործացն՝ բարի առնէր, և բարեգործացն՝ պատուհաս. և զկանայս՝ հասարակաց ուսուցանէր, և աւուրս Ե որոշեալ, — զոր մեք հասարակաց կուչեմք, — զայն սատանայականս անուանէր, և ՚ի նոսա հեղուլ արին մարդոյ՝ բարի ասէր. և որ ուտէ և ըմպէ զարին մարդոյ՝ այն արգարութիւն: Եւ յազգմանէ սատանայի տեսիլ տեսանէր և մանկունս փողոտէր և ասէր, թէ նոցա հողիքն գան ՚ի տեսիլ կախարդաց »: Կրկին արժէք ունի մեզ համար այս տեղիս, նախ զի համաձայն Օձնեցոյն Պաղիկեանց կ'ընծայէ վերոյիշեալ խժոժութիւնը: Բ. կը ցուցնէ թէ Կովկասու լեռանցամէջսն իսկ տարածուած էր Պաղիկեան մարտութիւնը, զոր ուրիշ ազգային և օտար մատենագիրք լուծ են: Հաւանօրէն Պրիզուններու, Մալականներու և Դոխորուներու մէջ հնացած մի քանի մարտութիւնքը՝ Պաղիկեաններէն մնացած ըլլան:

ուրբ կը կոխէին, մտրախի և խորշակի նման ամէն վարք ու բարք կ'ապականէին. մանաւանդ երբ Նիկեիոսը խուժադուժ կայսրէն ալ օգնութիւն և պաշտպանութիւն գտան: Պաւղիկեանց այս ապականիչ ընթացքը տեսնելով հայազգի կայսրն լէոն, հարցաքննութեան ատեան մի բացաւ անոնց զէմ՝ փութանակի, յանձնելով զայն Նեո-Կեսարիոյ եպիսկոպոսին թովմասի և Պաւսկոնոյակեաի՝ կառավարչին փոքուն Հայոց: Պաւղիկեանք՝ որ այս ժամանակներս արդէն երկու դիմումարտ կուսակցութեանց բաժնուած էին, այսինքն են Կիւնիսոսիոսը⁽¹⁾ և Յաստատոսը⁽²⁾. ուխտ ըրին իրարու հետ՝ սպաննել զհարցաքննողս: Իրենց այս գաւազիր սրբումն 'ի գործ զնկէ յետոյ՝ շուտով փախան 'ի Մելիտինէ, որ է քաղաք Երկրորդ Հայոց: Հօն ընդունելութիւն գտան Սարակինոսաց ամիրապետէն, զոր օտար աղբերք Մոնոքրատեա կ'անուանեն, որ փոքրիկ աւան մ'ալ, Արգաւ, տուաւ անոնց 'ի բնակութիւն: Տարիներով անդադար դուրս գալով՝ յարձակումներ կ'ընէին բիւզանդական կայսերութեան սահմաններուն վերայ. կ'աւերէին, կը սպաննէին և գերեվարութեամբ յետս կը դառնային:

Այս բանս մէկ կողմէն, իսկ միւս կողմէն ալ Պաւղիկեան ահաւոր ազանգապետին Սարգսի մահը տեսնելով Միքայէլ Գ. կայսեր խնամակալ դշխոյն թէտոյորա, վճռեց վերջնակապէս զանոնք բնաջինջ ընել: Յամի Տեառն 835 Պաւղիկեանք սարսափելի հալածանքի մ'ենթարկուեցան, որ կարծես թէ հեթանոսաց անողորմ ժամանակները կը յիշեցնէ մեզ: Կ'աւանդուի թէ հարիւր հազար Պաւղիկեանք, միայն փոքր Ասիոյ մէջ, հրոյ և սրոյ զոհ եղան, և վերոյիշեալ կնկան սուրն և բարկութիւնը դեռ չի յապեցան: Այս թշուառ զոհերու մէջ կը գտնուէր նաև Կարաւ

1. Այս կուսակցութեանս զուրն էր շնորարոյն Վահան, յորմէ յառաջ եկաւ և անունս կիւնիոսիոսք, այսինքն է շնաւանցիք կամ շնակեսք, յուն. κων և χῶρα կամ χῶρος բառերէն ամանցեալ:

2. Առ Պետ. Սիկիլիացոյ instabiles = Աննատատք կը կոչուին, չգիտեմ ինչ պատճառաւ: Այս միայն յայտնի է, որ Սարգսի հետեողք էին սքաւ: Հայերէն ՃԾԸ Հերձուածոց Գրքին մէջ Ազդիսուոսք, — եթէ ըստ հնչման նոյն են և իրօք Յաստատոսներու հետ, — զուտ ազգային տիպ ունին: Անոնց համար կ'ըսուի, թէ « Սքաւ վարուք ըստ կաթողիկէ եկեղեցւոյ վարին, բայց 'ի վանս ուրեք ոչ բնակին: Ունին և կարգս ինչ 'ի ծածուկ զօլաբաղութեան, և ընդ մեզ ոչ աղօթեն: Եւ պատուեն զօրս և ըրպտուզս. և յորժամ 'ի մի վայր ժողովին 'ի խորհուրդս՝ զԱստուած ոչ յիշն, այլ զհողմ և գտոհմականս. և զիւր ումմն զոհ մատուցանեն Երան և Տոնմական կոչեցեալ անուն: Եւ Չատիկ՝ ընդ Հրէայս կատարեն, և զամենայն բարերար իրեանց՝ յանասնոց և 'ի գազանաց պաշտեն: Զեպիսկոպոսունս և զքահանայս մեր բամբասն վասն ընչոսիրութեան »:

ևս անուամբ սպայի մի ծերունի հայրը . բնականապէս որդիական գութն և գորովը զարթուցին անոր մէջ վրէժխնդրութեան ոգին : Թողուց շուտով կայսրուհւոյն ծառայութիւնը . փութաց յԱրգաս . անցաւ Պաւղիկեանց բանակին գլուխը . յարձակեցաւ Ամարասայ և Տփրիկայ կամ Տիվրիկի բերդերուն վրայ , և առաւ զանոնք . յառաջելով մտաւ կայսրութեան երկիրները . կըրկին և կրկին ճակատներ տուաւ բազմախուռն զօրաց և զօրավարաց դէմ : Այս անակնկալ յաջողութիւններս տեսնելով ապա անոր աները խրիստիներէս , ինքն ալ յարձակեցաւ Եփեսոսի վերայ . մտաւ Ս . Յովհաննէս եկեղեցին և ապականեց զայն : Այն ատեն վասիլ կայսրը տագնապաւ՝ մեծագոյն բանակ մ'ալ հանեց անոր դիմաց , բայց նա միշտ յաղթական կը յառաջէր 'ի խորս կայսրութեան : Վտանգն ահագին էր երկուստեք . ճգնաժամն հասած էր : Վերջապէս յաղթուեցան Պաւղիկեանք , իրենց զօրավարն ալ սպաննուեցաւ : Արդ՝ այս վճռական ճակատամարտէս վերջ գաղբեցան Պաւղիկեանք քաղաքական կուսակցութիւն կազմելէ . մանաւանդ թէ նուաճեցան իսպառ , և պատմութիւնը լուեց անոնց վերայ խօսելէն : Սակայն յամին 969 Յովհ . Չմրշկիկ կայսրը՝ զիջանելով Անտիոքայ Պատրիարքին Թեոդորի խընդիւրքին , փոխադրել տուաւ զանոնք 'ի Փիլիպպուպօլիս և 'ի Թրակիա : Այս տեղերուս և ժամանակիս մէջ գաղբեցնելով մենք ալ արեւմտեան Պաւղիկեանց պատմութիւնը , տեսնենք , թէ յարեւելս և մանաւանդ հայ հողին վերայ երբ և ինչ վիճակ ունեցան և գործեցին անոնք :

Յովհ . Թճնեցի ուզելով խօսել Պաւղիկեանց մասին , ազօտ ծանօթիւն մ'եւս կուտայ անոնց ծագման վերայ 'ի հայս . « Նախկին մծղնէութեան պայղակնութեան խեչերանք , որք խրատեալք և ոչ իմաստնացեալք , 'ի Ներսիսէ կաթողիկոսէ , զկնի նորուն մահուանն խուսեալք չղքան զօրեցին յարօտս ուրեք աշխարհիս մերոյ : Եւ 'ի նոսա հատուածեալք եկին յարեցան կշտամբեալքն 'ի կաթողիկոսացն Աղուանից պատկերամարտք ոմանք , զի սիրէ առ համանմանիսն իւր հասանել վրիպեալն 'ի ճշմարտութենէն : Եւ մինչև էր նոցա զօրավիգն գտեալ զկարապետս Դերաքրիստոսին , երկուցեալք և սարսեալք կային յուղիղ և 'ի գերապանծ կրօնիցն քրիստոսականաց... իսկ յորժամ այսմիկ որպէս մեծագունի և ազօտացելոյ՝ հասանել կարծեցին , յայնժամ 'ի դարանամտութենէն սողեալ յորջից՝ յաշխարհամէջս և 'ի ժողովրդաբնակս համարձակեցան յարձակել տեղիս , 'ի հեղեղական հեղձուցիչ ջուրցն մասն հասեալ նմա , ջրկայ անուանելով : Ուրանօր 'ի միասին ընթացեալ կուտեցան ամենայն ուստեք , որպէս

անդեղք աշխարհաց 'ի նեխաշաղիղ ինչ գէշ. և զանուանն իւրեանց զաղտախինս յանդգնեցան կախել զայնցանէ, որ զերկնից բարութեանց բուռն հարեալ ունիցին յուսով » :

Արդ՝ խմատասէր հայրապետիս այս խօսքերը թէև ճարտասանական և այլարանական ձևոց տակ փոքր ինչ անորոշ մնացած են, սակայն և այնպէս անոր մեզ աւանդած գլխաւոր կէտերն են Ա. թէ այն հինաւորաց մծղնէութեան և պայղակիենութեան, — այսինքն է Մանիքէութեան, — խեչերանքը՝ որ է Պաւղիկեան ազանդաւորաց մնացորդը՝ Զ դարէն և այսր ծածկուած կը մնար հայ հողին վերայ, զոր յիշեցինք: Բ. թէ սորա Ներսիսի Շինողի ժամանակ վերատին բազմացան և տարածուեցան 'ի Հայս. բայց մեծագործ հայրապետիս և սրան յաջորդաց հողածութեամբ և ազգու միջոցներով նուաճեցան գէթ ժամանակ մի, և հեռանալով ծածկուեցան մեր երկրի հեռաւոր և անծանօթ սահմանաց վերայ: Գ. թէ Աղուանից կաթողիկոսներէն հալածուած ուրիշ աղանդաւորներ ալ եկան և անոնց հետ միացան: Այն ատեն, ուրեմն, զօրանալով անոնք՝ ելան իրենց որջերէն, փոխեցան Հայոց այլ և այլ կողմերն, և միամիտները մտորեցնելով՝ որսալ իրենց նանրահաւատութեան ցանցին մէջ: Գ. թէ անոնց կեդրոնատեղին էր Զրկայ, ուր ամենէն աւելի համարձակ կերպով իրենց ամպարչտութիւնքը կը կատարէին:

Բայց թէ ուստի՞ և որո՞ց ձեռքով մուտք գտաւ Մանիքեցոց այս խեչերանքն 'ի Հայս, — Ներսիսի կաթողիկոսութեան սրտարին և ի՞նչ պարագայից մէջ, — թէ Շինող հայրապետն ի՞նչ միջոցներով կարաց նուաճել զանոնք, — թէ յետոյ ինչպիսի՞ քաղաքական և բարոյական ազդեցութիւն ունեցան անոնք հայ ազգարնակութեանց վրայ, — ի՞նչ կերպարանափոխութիւն կրեց այն ազանդն և թոնրակեան անուանեցաւ, — հօսկ ապա թէ ի՞նչ վերջ ունեցաւ այս վերջինս և վերջնական հետեանքներ. արդ՝ այս կետերս ոչ միայն կարևոր են մեր եկեղեցական պատմութեան համար, այլ նոյն իսկ կարօտ քննութեան. և մենք պիտի ջանանք ըստ կարելոյն լուսարանել զանոնք:

Կանխաւ խօսելով Կալկինիկեայ որդւոյն Պօղոս Սամոստացոյ և ուրիշ հայազգի Պօղոսի մի վրայ, անցողաբար մէջ բերինք հայերէն Հերձուածոց Գրքէն՝ Շէթի անունով պարսկազեն Մանիքեցի կնկան մի 'ի Հայս գալուն և Այրարատ նահանգէն Պօղ անունով անձի մի զանիկայ առեանգելու միջադէպն, որով կ'ըստի, թէ « խառնակեցաւ ազանդն (Մանիքեցոց) ընդ քրիստոնէութիւն » : Արդ՝ մէջ բերուած անդւոյն պարզապէս Հայոց աւանդութիւն և 'ի հարկէ եկամուտ ըլլալն ակներև է. զի Ե-

պիվանի քով չկայ յիշատակութիւնն անգամ՝ այն անձանց, Այժմ՝ դիտելու ենք, որ այս աւա՛գութիւնս բառական կուռան մ'է կարծելու, թէ հօթներորդ գարուն Արարիոյ կամ Թուրքաստանէն եկող Շէթիի և Պողայ Այրարատեցոյ ձեռքով մը տամ ըլլայ նոր Մանիքեութիւնն 'ի Հայս: Արգ՝ այս պարագայիս մէջ Փոտի արտայայտած երկրորդ կարծիքն՝ հայազգի Պօղոսի և Պաւղիկէութեան անուանակոչութեան մասին՝ ըստ իւմիք պատմականօրէն իսկ ստուգուած կը լինէր և ազգային աւանգութեան հետ ձեռք ձեռքի տուած, եթէ հետեւալ երկու հակաժամանակազրական անուանքն, այսինքն է Թրքաց և սրբոյն Եփրեմի (¹) մեզ խոչընդոտն չելլէին. վասն զի հօն յիշատակուած Եփրեմն, — եթէ Ասորի Ս. Հայրն է, — Թուրք անուան հետ բոլորովին անմիաբանելի կը մնայ: Ուստի ևս չեմ վարանիր բնաւ՝ բոլորովին տարբեր անձնաւորութիւն մի համարել զնա. զի գրուածքիս հեղինակն այնպիսի հակաժամանակազրական խոչոր սխալ մ'ընելու չափ տգէտ չէր կարող լինել:

Իսկ գալով Թուրք անուան կիրառութեանը, դիտելու ենք, որ է գարուն արգէն հաստատուած էին Թուրքաստանի մէջ, և յամի Տեանն 655 Արարացոց հետ կոխներ ևս ունեցան. ինչպէս խաղարք ըսուած Թուրքերն ալ՝ Ը գարուն խալիֆաներու հետ կը մրցէին՝ զՀայս իրարու ձեռքէն խլելու համար: Բ. Թրքաց չկատմամբ եղած գժուարութիւնը դեռ աւելի կը հարթի, եթէ դիտենք որ վերոյիշեալ տեղոյ հեղինակին խօսքը Թրքաց մեծ արշաւանքին և Հայոց մեծաց տիրապետելուն վրայ չէ ուղղակի, այլ փոքրաթիւ խմբակաց կամ գաղթականներուն, որոնք Արարացոց հետեւելով թափեցան 'ի Հայս. իսկ Արարացիք յամին 652 արգէն տիրած էին Հայոց՝ վասակ Պատըրկի ձեռքով: Ուրեմն այս կողմանէ իսկ անկարելիութիւն կամ հակասութիւն մի չենք տեսներ եզրակացնելու, թէ Շէթի անունով կնոջ միջոցով վերստին մտած ըլլայ ազանգն նոր Մանիքեցոց և արեւաշատութեան 'ի Հայս՝ է գարուն. և թէ յանուն Պողայ Այրարատեցոյ՝ Պաւղիկեան կամ Պօղիկեան անուանուած: Ահաւասիկ զոր 'ի վեր անգր ազգային աւանգութիւն անուանեցինք, և մէջ կը բերէ Փոտ:

Դիտելու ենք որ բազմահմուտն Հ. Միք. Չանկեանն (²) իսկ համաձայն Ճառընտրաց և Թղրոց գրքին՝ վերը նշանակած ժա-

1. Բնոյ եպիսկոպոսին Եփրեմայ ալ կրնայ պատշաճիլ յիշեալ միջագէտը. զի Գր. Մագիստրոսի առ Ասորոց կաթողիկոսն գրած թղթին մէջ կը յիշուի իբրև դարձուցիչ մօլորեցոց 'ի Թոնրակեանց ազանգէն:

2. Պատմ. Հայոց Հտ. Բ:

մանակամիջոցին, այսինքն է մտ յամ Տեառն 655, կը գնէ Պաւղիկեանց յայտնուին 'ի Հայս:

Սակայն Պաւղիկեանց ինչպէս յայտնուին՝ այսպէս և տարաժուիրը շուտով եղաւ. և այս բանիս շարժիչ պատճառներ կային: Ա. Գիւտեալու ենք որ Յովհ. Մայրագոմեցին և իր աշակերտը Սարգիս, — որ մնորութեան շաւղին մէջ անցաւ անդր քան զիւր վարդապետը, — յամի Տեառն 645 ծագած կրօնական և եկեղեցական տարաձայնութեանց պատճառաւ՝ արդէն Պաւղիկեանց ցանելիք սերմերը բուսուցանելու համար հայ հողը պատրաստած էին⁽¹⁾: Այս տաղանդաւոր և հայրենասէր անձս, այս ինքն է Մայրագոմեցին, որ յառաջագոյն այնքան արդիւնաւոր հանդիսացած էր, — գէթ հակաքաղկեդոնեան կուսակցութեան առջև, — Հայաստանեայց եկեղեցւոյ առանձնահնորհութիւնները պաշտպանելուն և Յունաց ոտնձգութեանց դէմ գնելուն համար, գժրազգարար չի մնաց այն սահմանին մէջ, այլ մղուեցաւ և մղեց զայլս 'ի ծայրայեղութիւն անդր: Սա իր աշակերտին Սարգսի հետ մէկ կողմանէ Յուլիանոսի Աղիկառնացւոյ մնորական գրութիւնները թարգմանելով, իսկ միւս կողմէն ալ երկասիրելով զԵրսւտ վարք, զՀաւատարմատ և զՆոյնեակ և տարածելով աւմէն կողմ՝ պատճառ եղան Երեսութականաց և Կարաբոսաց և ուրիշ հակաքրիստոնէական աղանդոց. մանաւանդ թէ կամուրջ մի կապեցին անյնելու աստի 'ի Պաւղիկէութիւն անդր: Մայրագոմեցւոյ յիշեալ գրուածներէն երկրորդը միայն, այն է Արևատ հաշարոյ, կը գտնուի Էջմիածնի Չեռագրատան թիւ 1500. 1. քառածալ և նտարագիր գրչազրի մի մէջ, — ըստ վիպարութեան Մայր ցուցակին (էջ 171): Սակայն ինչպէս միւս երկու գրութեանց, այսպէս և սորայս պարունակութիւնն ինձ յայտնի չէ: Բայց Թէոդորոսի Քոթենաւորի՝ Ընդդէմ Մայրագոմեցւոյ գրած ճառը՝ բաւական թանկագին տեղեկութիւններ կու տայ նոցա մասին, յորմէ յիշեալ տեղին միայն մէջ կը բերեմ, մնացածը յանձնելով 'ի կամս ուշիմ՝ ընթերցողաց. « Քանզի ահա վերայայտնեցան այժմ 'ի տանս Թորգոմայ նորածին դառնութեան զարմք, օցտողք ճշմարտութեանն, որք Կարաբոսք արտաքուստ երկին դուարենին զգեստօք և խաչակիր մարմնակրութեամբ, և ներկերպին գազանադէմք, խըրթագգեստք, խուճապողք, ագիտախողխողք, քծնաբանք, գաղտապատիրք, գողտրարարբատք, ապաժուժախորհք, գժապանք: Որք անասրտափեշի մտօք և անձնահասկաւոր ինաստիքք անսյաւազակեալք յարածգիւն առ բորորից արարող և համագոյիցս փրբ-

1. Տես Կանոն ԼԸ, Յով. Կաթողիկոս, Վարդան և Կիրակոս:

կող Բանն Աստուած . և 'ի քազէ տնօրինական կրիցն զԻնն 'ի քաց կապտեն զակն հաշտոռոյն, որպէս զի զքորորն ուրաւցին զփրկանակն զկիրաւորքիւնն . կիսափրկուամն մարդոյն առապրեւ ըով՝ մաւնաւորքեաւք դաւաւնիզ զփրկանակն Բանի զտնօրինաւ կանոնքիւն » : Այլ թէ ի՞նչ եղաւ այսպիսի ծայրացեղ ձկտման վերջնական արգիւնքն, և սրբան զՂացին անոնց յարող կուտակցութիւնը՝ վերջէն պիտի տեսնենք ընթերցողք :

Բ. Ուրիշ զօրեղ պատճառ մ'ալ Հագարացւոց խուժանին և նոր վարդապետութեան՝ ի Հայս ներմուծած հակաքրիստոնէական վարքն ու բարքն համարելի է, իր ընդարձակ և հզօր ազդեցութիւններովը :

Արդ՝ այսպիսի նորանոր խլրտմանց և Պաւղիկեանց մտորութեան առջին առնելու համար է, կ'ըսուի⁽¹⁾, թէ Ն. Շինող կաթողիկոսն ստիպեցաւ եօթն և տասն եպիսկոպոսաց ժողովք մի գումարել, իր հայրապետութեան վեցերորդ տարին . այսինքն է յամի Տեառն 645 : Սակայն այս ժողովքս աւելի թեմական եպիսկոպոսաց և իշխանաց մէջ ծագած իրաւասական և ամուսնական խնդրոց համար էր, ըստ իս, քան թէ Պաւղիկեանց : Եւ ասոր յայտնի ապացոյց են այն ժողովէն որոշուած և Շինող հայրապետին և յիշեալ եպիսկոպոսաց ձեռնագրով կնքուած և վաւերացած ԺԲ կանոնները, ուր Պաւղիկեանց մասին՝ ընաւ խօսք չկայ : Այո՛, քանի որ ողջ էր Հայոց նոր լիւսանդրը՝ Թէոփորոս Ռըչտունի, նա իր երկաթեայ ձեռքովը թոյլ չէր տար Պաւղիկեանց գլուխ ամբառնալ . թէև ինքն իսկ երբեմն դժտուած և դողացուցած էր իր ժամանակակից անընկճելի կաթողիկոսը : Բայց երբ յամի Տեառն 654 դնաց 'ի Դամասկոս, և հօն մեռաւ . այնուհետեւ շուտով, այսինքն է 655ին, մէջ տեղ ելան այն խաւարասէր և զազրագործ ազանգաւորքն՝ յեղծումն և ապականութիւն միամտաց : Մայրագոմեցւոյ աշակերտը՝ Մարգիս, որ արդէն իսկ ատելութեամբ լցուած էր կաթողիկոսին և եկեղեցւոյ գէմ, գընաց յարեցաւ անոնց, որոնք իրեն պէս կարող և մտեռանդն գլուխ մի չէին ունեցած դեռ : Մանաւանդ թէ խառնելով իրարու հետ Մանինեցւոց, Յուլիանիտաց, Ապողինարեանց, Մարկիոնեանց, Մարէլեանց և ժամանակակից դեռ ուրիշ ազանգաներ, անոնցմէ նորահար ազանդ մի յառաջ բերաւ, զոր Յովհանն պատմաբան կաթողիկոսը՝ « Չար և դառն հերձուած » կ'անուանէ . և մենք իրաւունք ունինք, — գէթ այս պարագայիս մէջ, — փոռէն և Պետրոս Սիկիլիացիէն յիշուած հզօր ազանգաւորքին Սէրգիոսի հետ նոյն համարել :

1. Չամչեան Հ. Միքայէլ, Պատմ. Հայոց Հտ. Բ. էջ 345 :

Ասորաց հնագոյն ազբիւրներ եւ ոչ միայն կը յիշեն այս Սարգիսն իբրև հերետիկոս, իւր եղբոր Յովհաննէսի հետ, այլ մերթ միոյն և մերթ ալ միւսին դէմ՝ հերքողական ճառեր եւ դրած են: Այս, այս մասին անգին արժէք ունի անգղիացի նշանաւոր ասորագիտին վրայթի մէկ ծանօթ հրատարակութիւնը՝ սոյն մակագրութեամբ. Catalogue of the Syriac Mss in the British Museum, 1871. Արդ այս երկասիրութեանս մէջ, — Part II, p. 921, 941, c. 2, 955, 948, e. 1; 971, cc. 1, 2, — նշանակուած են Ը երորդ դարուն գրուած երկու ասորերէն ձեռագիրներ, որոնց մէջ կը գտնուին հասարակի հասուածներ ասորի հեղինակութեանց՝ այսպիսի վերնագրովք. Against Sergius, called the Armenian, and his brother John. — Against Sergius the Armenian. — Against the Armenians, Sergius and John his broter. Այսինքն է, Ընդդէմ Սարգսի՝ Հայ կոչեցելոյն և իր եղբոր Յովհաննէս. — Ընդդէմ հայազգի Սարգսին. — Ընդդէմ Հայոց՝ Սարգսի և իր եղբոր Յովհաննէսի: Արդ այս ազբիւրներէս կ'իմանանք, թէ հայազգի Սարգիսն ունէր իրեն համախոհ Յովհան անունով եղբայր մ'ալ, որոյ մասին ազգային մատենագիրներ լուծ են: Սակայն այսպիսի պարագայից մէջ քննադատին պարտքն է հետեւեալ հարցերն յարուցանել. Արդեօք այս հերձուածող Յովհաննէսն՝ ստուգիւ եղբայր էր Սարգսի, զոր անգիտանային ազգային մատենագիրք, թէ, ընդ հակառակն, է նա ինքն Յովհան Մայրապոմեցին, զոր Յոհան Պատմարան կաթողիկոսին հետ Սարգսին վարժապետ և վարդապետ կը ճանչնայինք մինչև ցարդ: Առաջին ենթագրութիւնը դժուար է ընդունել, ապա թէ ոչ՝ տոհմոյն մատենագրաց լուծիւնն անհասկնալի և անկարելի պիտի լինէր: Իսկ երկրորդ ենթագրութիւնը ոչ միայն բոլորովին անհիմն չէ, այլ հաւանական կը թուի ինձ: Այս բանիս բաւական կուտաններ են հետեւեալ պարագաները. Ա. Ինչպէս տեսանք Սարգիս և Յոհան Մայրապոմեցի ոչ միայն ժամանակակից էին, այլ մանաւանդ իրարու հետ ապրեցան, գործեցին, գրեցին և հնարեցին վերոյիշեալ Յուլիանիտաց, և այն, չար համադանգարանը: Բ. Դիտելու եւք, որ վերոյիշեալ ասորի ազբիւրներն, եթէ իրօք կարծուածին չափ հին են, անոնց վկայութիւնն ևս աւելի ծանրակշիռ է, քան զտոհմոյնոց: Ուստի և թէ անոնց յիշատակած Յովհանը՝ Մայրապոմեցին է և ոչ այլ ոք, այնուհետև անհիմն չէ կարծել, թէ Մայրապոմեցին Յովհան ոչ միայն վարժապետ, այլ նոյն իսկ եղբայր ըստ մարմնոյ կամ ըստ հոգւոյ եղած ըլլայ Սարգսին, — ինչպէս էր համախոհ անոր մտորութեանը: Այս բանս առ այժմ՝ կարելի չէ վճռել, այլ միայն ենթարկել քննութեան:

Յոշիսևնու ասորի Պատրիարքն, որ ըստ վիպութեան Ասսեմանեայ (Bibl. Orient. I. T. II. p. 105). յամի տեառն 706 յաջորդեց Արսևնասի, և յամին 708 մեռնելով՝ թողուց իր աթոռն Եղիասայ, — գիրք մի գրած էր ընդդէմ Սարգսի և Յովհաննու, որոնց համար այսպէս կը գրէ Բար-Եբբեոս (Assemani Bibl. Orient. T. II. p. 333). « Eadem tempestate Edessae Episcopatum Orthodoxorum (idest Monophysitarum) tenebat Sergius, Armenus nuncupatus, qui una cum fratre Joanne in Mar Petri scripta insurrexit, affirmans non esse utique legenda. Ambo nihilominus a Juliano Patriarca reprehensi fuere, postquam sententias, quibus offensi fuerant, illis exposuisset: Vixque ab inani et futili zelo se continuere ».

Արգ՝ այս ասորի աղբերէս, — եթէ իրօք Յուլիանոս Պատրիարքի յիշեալ գրուածքէն առնուած է, — կարելի է հետեւել հետաքրքրաշարժ ճամբարութիւնները վերայայտնել. Ա. Թէ իրօք Յովհաննէս հերձուածող եղբայր մ'ալ ունէր հայագգին Սարգիս, իրեն համախոհ և գործակից, ինչպէս ըսուեցաւ քիչ առաջ: Բ. Թէ Սարգիսն էր եպիսկոպոս եգեսիաբնակ հայոց: Գ. Թէ նա ժամանակակից էր երկաբնակ Պատրիարքին Ասորոց՝ Յուլիանու, և թէ իր եղբոր հետ ի միասին գիրք մի գրեցին (յամի Տեառն 705-708) ընդդէմ գրոցն Յուլիանու: Դ. Թէ երկաբանչիւրն իսկ այն պատճառաւ խտտիւ յանդիմանուեցան Պատրիարքէն և պատժուեցան: Ե. Թէ վրայթէն յիշուած ձեռագրաց մէջ գտնուած հատուածներէն առաջինն և կամ երրորդը, Յուլիանու գրուածքէն առնուած էր:

Սակայն գիտելու ենք և զայս. զի ոչ միայն տոհմային աղբիւրք կ'անդիտանան Սարգսին՝ Եղիսիոյ եպիսկոպոս ըլլալը, այլ նոյն իսկ Եղիսիոյ եպիսկոպոսաց ցանկին մէջ իսկ, — զոր մէջ կը բերէ Ասսեմանի T. I, p. 424, յանուն Գիոնիսեայ, — Սարգիսի անունն անգամ չկայ:

Գալով մեր նիւթին, կ'ըսենք, այնչափ զօրանալու և վտանգաւոր ըլլալու գիրքի մէջ էր Պաւղիկեան ազանդը, որչափ որ Սարգսի թիւնալից գրութիւններն ընդարձակ շրջանի մէջ ընթերցողներ և հետեողներ ունեցան: Գործելու ժամանակն էր, և Ներսիսի պէս շինող հայրապետ մի այլ ևս չկարէր համբերել այնքան և այնպիսի բարոյական աւերածներուն: Նախ և յառաջ առանց գիմելու աշխարհական իշխանութեան, և զթած հօր մ'ամենայն գորովովն և խոհեմութեամբ յորդորեց զանոնք՝ դառնալ իրենց թիւր ճանապարհէն, և հաւատացեալ հօտին մէջ քաղաքական և կրօնական յեղափոխութիւններ չպատճառել: Բայց միշտ յամառ

գանելով զանոնք դէպ 'ի իւր հայրական հրաւէրքն, անկէց վերջ դիմեց աշխարհական ատենին, և շանթիւ գործմելով անոնց յանցանքը ճակատնուն վրայ, և ամթապարտ մեր երկրէն դուրս արտրեց:

Այս դէպքէս և ազգու միջոցներէն յետոյ՝ գրէթէ 12 տարի ծածկուած մնացին Պաւղիկեանք, և անոնց վրայ ալ չէր խօսուէր: Բայց յամին 667 նորէն իրենց որջերէն և տղմասիկ վայրերէն դուրս գալով սկսան իրենց ամպարիչտ ձայնը լսեցնել: Յովհ. Օճնեցլին գեղեցիկ յարմարաբանութեամբ մի՛ տղմասէր գորտերու կը նմանեցնէ զանոնք, ըսելով, թէ ինչպէս անոնք ճահիճներու մէջ խորասուզուած՝ բերնով միայն իրենց ձայնը կը լսեցընեն, և միանգամայն կը գանուին և կ'աներևութանան. այսպէս ալ սորա կ'ընէին հալածանաց և խաղաղութեան ժամանակ: Բնաւ առիթ չէին կորուսաներ. որ և իցէ ազգային կամ քաղաքական կամ եկեղեցական տարածայնութիւն կամ վէճ՝ բաւական էր անոնց համար մարմնացեալ ննկառքեան կերպարանօք յասպարէզ գալու. և միշտ ազատ և աշխարհաւեր կուսակցութեան կողմը բռնելու: Յամի տեառն 667, Անաստաս կաթողիկոսի ընտրութեան վեցերորդ տարին, երբ Մայրագոմեցւոյ և Սարգսի թելազբութեամբ Մանագիկըտեցոց և Քաղկեդոնախանաց, այսինքն է Մանագիկերտի և Քաղկեդոնի ժողովներու կողմը բաժանուած կրկին կուսակցութիւնները կը յուզէին զՀայս, Պաւղիկեանք առաջնոյն յարեցան⁽¹⁾, Երևութականաց գրօշակի ներքև: Եւ Քաղկեդոնի ժողովոյն և Քրիստոսի երկու բնութեան դէմ զինուած ժամանակ՝ Քրիստոսի անօրինականքն և մեր փրկիչգործութեան խորհուրդն առհասարակ՝ առաջօք և ոչ երբէք իրօք կատարուած կը համբաւէին: Եւ Ղուկ. իր. 43-44 տեղին կ'ուզէին ջնջել յԱւետարանէն, պատճառելով, թէ այդ տեղին վերջէն ներմուծուած է: զի Լուսաւորչայ ճառերուն մէջ այն մասին բնաւ յիշատակութիւն չկայ: Աստուածարան վարդապետն թէոզորոս Քոթենաւոր թէպէտ առանձին ճառով⁽²⁾ մի խորտակեց անոնց զբարանութիւններն, և տրամարանութեան անանցանելի պատնէշներ կանգնեց անոնց դէմ. բայց այսու հանգերձ հարկ էր, որ ոչ կամ շուտ գիտութիւնը՝ մոլեկան ազխտութեան, և գիրը՝ սրոյն տայր տեղի: Եւ ստուգիւ Հագարացի ոստիկանաց և Ամիրայից տիրապետութիւնը՝ կրօնական գաղափարաց և բարոյականի փոփոխութեան մասին իսկ մեծապէս ազխտարեր եղաւ:

1. Տես Հ. Միք. Չամչեան Հտ. Բ. 361-362:

2. Ճառ ընդդէմ Մայրագոմեցւոյ. տղգ. վեհապետ. 1833:

մեր ազգին, ինչպէս Գ. և Ե. դարուց մէջ պարսկական տիրապետութիւնը: Այնպէս որ Եզրիայի կաթողիկոսութեան վերջի տարիներն, — այսինքն է փրկչական թուականին մօտ յամս 717, — Սարգսի համախոհք Պաղիկեանց հետ այլ և այլ ընծայատրութեամբ և խոստումներով գողնալով Վլիթ սատիկանի սիրտը, բռնացան քան զչափն: Եւ գիտնալով թէ Հագարացիք կ'ատեն զնրկարս և զանգրիս, նախ սկսան անոնց ձեռքով գրգռել զՊառկերաւնարտոշիւն. յետոյ անցան 'ի խաչամարտութիւն. հուսկ ապա քարոզել, թէ Աստուծոյ պէտք չէ պաշտօն մատուցանել արտաբուստ, զի անմատչելի է և անկարօտ մեր երկրպագութեան. այլ պէտք է պատուել զգևս, որպէս զի չարիք չընեն, և այլ այսպիսիս: Անշուշտ այս դէպքս է, զոր կը յիշատակէ Օձնեցին ընդդէմ Պաղիկեանց գրուած ճառին մէջ, ուր յետ յիշելոյ անոնց պատկերամարտութիւնը, խաչամարտութիւնն և անաստուածութիւնն, անդէն վրայ կը բերէ. « Այլ և խորամանկեալ գտին չարութեան իւրեանց զէն խողխողիչ քրիստոսասիրաց անձանց, դաշնակից յիմերով բռնակարաց. . . . և 'ի հմտութիւն ածեալ նոցուն ստուերագիր առասպելապատում մատենիցն զհամբակացն իւրեանց խմբաւորութիւն »: Ախտս որ Օձնեցոյ այս տեղին պակասաւոր է, — ըստ վննետկեան տպագրութեան, — որով միայն կարելի էր իմանալ թերևս այն բռնակալաց առնանք: և գործած կոտորածները: Բայց գէթ այսու բազդաւոր է իմաստասէր հայրապետս, որ կը ծանուցանէ մեզ, թէ Պաղիկեանք իրենց սաներն իսկ փոխանակ Աւետարանի՝ այլազգեաց առասպելապատում գրոց գիտութեանը կը վարժեցնէին հեթանոսաբար:

Այսպիսի անսանձ ազատութեան համբաւը տարածուելով Հայոց սահմանակից աշխարհաց մէջ, Պաղիկեանց հետ Արևորդիք ևս խուժեցին և խոյացան գիշակեր ա՛ գեղաց նման 'ի Հայս, քրիստոնեայ և գրէթէ անտէրունչ ժողովուրդ մի ունելով իրենց յորս և յաւար, զորս մարտեցնէին էր իրենց միակ նպատակն, և հեթանոսութիւնն հանդերձ ամենայն պղծութեամբ տարածելը:

Պղծութեան այս արբանեակներս՝ բռնաւորաց զէնքն և զօրութիւնը ձեռք բերելէն վերջ, ուղեցին վաւաչոտ Շամիրամայ նման կեղբոնանալ այնպիսի տեղ մի, ուր զիւրաւ կարենան համախումբիլ յԱրևելից և յԱրևմտից, կազմել անկախ հասարակութիւն մի հակաքրիստոնէական, և կատարել համարձակ զմարմնական հաճոյս հեթանոսութեան: Ուստի յարմար գտան առ այս Աղձնեաց գաւառին մէջ Նփրկերա կամ Մարտիւրոսաց քաղաքի մօտերն եղող գեղազուարճ լիճը: Այս է զոր Օձնեցին Զրկայ կ'ա-

նուանէ, առանց անոր աշխարհագրական գիրքը նշանակելու: Այս, հօս ժողովեցան մէկ կողմէն Ազուանից Ուխտանէս, Եղիազար և Ներսէս կաթողիկոսներէն արսորուած մնլի աղանդաւորք, ոչք Հագարացոց կրօնքն ընդունելով՝ հնարած կ'աւանդուին Եզիխաց չար աղանդն. իսկ միւս կողմէն ալ բիւզանդական սրոյ ձեռքէն փախչող կատաղեաց բազմութիւնը. և Զրկայն եղաւ չարագոյն քան զհինաւորոյն Արշակաւան:

Վերոյիշեալ կաթողիկոսաց յաջորդութեան տարեթիւերէն և ուրիշ պատմական եղելութիւններէն դատելով, պէտք է որ երկայն տարիներ տեսած ըլլայ Պաղիկեանց բնակութիւնն 'ի Զըրկայ. ինչպէս հոն կեդրոնացած բազմութիւնն ալ՝ թուով և գործունէութեամբ նշանաւոր: Այնպէս որ այնուհետև անկարող կ'ըլլան ուխտապահ Հայք և անոնց գրացի և քրիստոնեայ ժողովուրդները՝ Պաղիկեանց դէմ՝ մաքառելու: Մանաւանդ թէ Եղիա կաթողիկոսը սխալ հասկացողութեամբ Քաղկեդոնականաց դէմ՝ կուռելու զբաղելով, և լեռն կայսրն ալ Պատկերամարտից համախոհ լինելով, աւելի ևս նպաստեցին աղանդաւորաց զօրանալուն, ոչք ապահովագոյն կարծուած թումրերն իսկ պատուել կը սպառնային:

Գժուար չէ գուշակել, թէ այլևայլ ազգերէ և լեզուներէ համախմբուած այս համայնքիս մէջ որպիսի՝ խառնակութիւնք բարուց և մտորութեանց տեղի ունեցան: Այս է, արդարև, այն դառն և չար ժամանակը՝ զոր կ'ողբայ Օձնեցին՝ ըսելով. « Զի՞նչ ևս ասացուք մեք, որ ոչ միայն գնեւիճան չարագոյնս և բազմապատիկս քան զնոյնս (այսինքն է Յովհաննուն) ընդ մեզ բերեմք. այլ և ստուգապէս վերջնումս աւասիկ եկեալ հանգիպեցաք ժամանակի. որք յետինն յետնոց գտանին արդարև քարոզք և վկայք. զժամանակս ասեմ՝ և զմարդիկ ժամանակիս: Քանզի ահա գտաւ որոգայթ իբրև զվարմ՝ հաւորսաց ձգեալ 'ի մէջ ժողովրդեան ազգի իւրոյ՝ ըմբռնել զախմարս և զպարզամիտս 'ի մարդկանէ », և այլն:

Զրկայի շրջակայներէն դուրս ելլելով անբարոյականութեան և անկրօնութեան այս ժանտախտներս, այս նենգաւոր և սուտանուն առաքեալներս, բաժնուեցան յորդաշուր գետոց նման յայլևայլ առաջս, և իրենց ազմալից վարդապետութեամբն ողողեցին զաշխարհս Հայոց, Յունաց, Ասորոց և Արարացոց: Ասոնցմէ և ճիշդ այս ժամանակիս ծագեցան այն ահաւոր և անվերջ կըռուիւնները պատկերաց դէմ, և ելին վանդալաց նման ամբարիշտ հերձուածողներ, որք յետոյ իսաւրացի և կոպրոնիմոս կոչուած լէոններու կայսերութեան օրերուն՝ պատճառեցին այնքան մա-

հեր, այնքան աղէտներ և այնքան աւերմունք գեղարուեստից և հրաշարուեստ նկարուց և քանդակաց: Այսպիսի խառնաշփոթ և մերկալից ճգնաժամի մէջ կը հեծէին և Հայք. կրօնական անգործութեան հետ՝ գեղարուեստը ևս խոյս տուած էին աշխարհէս Հայոց: Եղիա կաթողիկոսն անկէջ ետքը անբաւական լինելով խաղաղել զայն, ցաւով և տրամուլթեամբ կըքեց իր մահկանացուն, և Յովհան Իմաստասէրն յաջորդեց անոր, զինեալ իմաստասիրական և վարչական մեծ հանճարով՝ մրցելու ժամանակին մոլորութեանց հոսանքին դէմ, անպարտելի դիւցազնի մի պէս:

Արդ՝ հայ հողին վրայ կատարուած բազմակնճիւն իրաց այս և ուրիշ կէտեր՝ որոնք պատմական և քաղաքական տեսակետներով իսկ յոյժ կարևոր են, և մենք ջանացինք ցարդ և պիտի ջանանք՝ յետ այսորիկ բարդաւաճել, փոտի և Պետրոս Սիկիլիացւոյ քով խիստ հարեանցի կերպով յիշուած են, և կամ ոչ բնաւ:

Վեհիմաստ հայրապետին Յձնեցւոյ՝ կաթողիկոսական գահուն վրայ բարձրանալուն պէս՝ կարծես թէ Պաւղիկեանք անդէն առ ժամայն եղան կայծակնահար. որովհետեւ տեսնելով նա մէկ կողմէն իր նախորդին թոյլ և տարտամ վարչութիւնը, իսկ միւս կողմէն ալ իր հօտին օր ըստ օրէ վարատումը, փութաց և ընդհանուր Հայաստանեայց ժողով մի գումարեց ՚ի Դուին, — յամի տեսուն 719, — այն է իր հայրապետութեան երկրորդ տարին. ուր նա ինքն հիանալի ատենաբանութեամբ մի, — որուն սկիզբըն է « Համբերողացն նախատիպ մեծն Յովր », և այլն, — ներկայացոյց համագումար ժողովականաց առջև Հայաստանեայց յայնժամու կրօնական բարոյական և քաղաքական ախուր կացութիւնը: Հ. Միք. Չամչեան⁽¹⁾, այս ատենաբանութենէս դատելով անշուշտ, երեք գլխաւոր իրաց համար գումարուած կը համարի այս մեծ ժողովքս. Ա. Պաւղիկեանց ամենաչար աղանդին դէմ պատուար մի կանգնելու, որ քան զչափն տարածուած էր Հայոց մէջ, — Եղիա կաթողիկոսին օրով և անխոհեմութեան պատճառաւ: Բ. Քահանայից և աշխարհականաց մի մասին զեղծմանց և անբարոյական գործերուն համար: Գ. Վերջ տալու այն հակառակամարտ կուսակցութեանց, որք ծագած էին յունարածին յունասէր Հայոցմէ ոմանց՝ ծխական խնդրոց վրայ հանած վէճերու պատճառաւ, որոնք գրգռեցին զՄայրագոմեցին, և անոր միջոցով՝ զչար աղանդաւորս:

Եւ ստուգիւ աչքէ անցընելով յիշեալ ժողովոյ և հայրապետի

1. Պատմ. Հտ. Բ. էջ 388:

կանոնները⁽¹⁾, կը տեսնենք, որ ԼԲ բորդ կանոնն՝ ուղղակի Պաւլիկեանց և անոնց հետ սրէէ յարաբերութիւն ունողաց ազատութիւնը կը կաշկանդէ: Գնենք հօս Ը. դարու այդ ծանրակշիռ յիշատակարանը բառ առ բառ. «Ո՛չ է պարտ 'ի չարազանդ մծղնէիցն տեղիս, որ կոչին Պօլիկեանք՝ օթել ումեք, և կամ՝ յարել և խօսակից լինել, և երթեկեութիւն աննել. այլ ամենեին հեռանալ 'ի նոցանէ, գարշիլ և ատել զնոսա. զի որդիք սատանայի են, և լուցկէք յաւետենական հրոյն, և օտարացեալ են 'ի սիրոյ կամաց Արարչին. եթէ որ իցէ որ յարեսցի 'ի նոսա և 'ի սիրելութիւն և 'ի բարեկամութիւն եկեսցէ՝ պարտ է զայնպիսին խոշտանդել և ծանր պատուհաս 'ի վերայ ամել, մինչև զգաստացին և առողջացին 'ի հաւատս. ապա եթէ դարձեալ 'ի նմին գտցին վերստին՝ զայնպիսիսն հրամայեմք ամենեին հատանել և արտաքս ընկենուլ իբրև զժանտախտ յանդամաց և կեղեցւոյն Քրիստոսի, զի մի՛ արմատ դառնութեան 'ի վեր երեւեալ՝ նեղիցէ, և նովաւ բազումք պղծիցին»:

Օձնեցի հայրապետին մեծութեան և ճարտար քաղաքագիտութեան իբրև անմիջական արդիւնք յիշելու ենք և զայս, թէ այնքան մեծ ազդեցութիւն ունեցաւ Հագարացւոց վիթ ռատիկանին վերայ, մինչև զի, այն որ Եղիայի օրով ինք զինքը Պաւլիկեանց համախոհ կը յայտնէր, այնուհետև սկսաւ զանոնք հալածել մեր երկրէն. և Յովհան այս կերպով հասաւ իր նպատակին:

Ասկէց վերջ պատմութիւնը կը դադրի խօսել Պաւլիկեանց մասին. այս յայտնի ապացոյց է, թէ դադարած և ցիրուցան եղած էին 'ի տար աշխարհ նաև այն ազանդաւորքը: Եւ Բիւզանդիոնի ինքնակալաց և 100,000 հոգի ուտող հրոյ և սրոյ չըբածն՝ յաջողեցաւ 'ի գլուխ հանել մի միայն մարդ, և այն առանց մեծի արիւնհեղութեանց և կոտորածի, ինչպէս կը կարծեն ոմանք: Իսկ այս յաւէտ յիշատակաց արժանի մարդն է մեծանուն հայրապետն Յովհան Օձնեցի. զի այն որ զօրաւոր էր գրչաւ՝ նոյնը զարմանալի հանդիսացաւ նաև արդեամբք վարչական հանճարոյն, և գրէթէ բնալինջ բարձմամբ Պաւլիկէութեան, որ բազմագլխեան հիւրայի նման ժողովրդեան բարոյական և նիւթական կեանքը կը սպառէր: Այնպէս որ կարելի է ըսել, թէ ոչ միայն անոր կենդանութեան ժամանակ, այլ նոյն իսկ մահուանէն վերջ, — գրէթէ 40 տարի, — ազատ մնացին Հայք այն բարոյական համաճարակէն:

1. Տես Կանոնգիրքը՝ բաղդատութեամբ չորից օրինակաց՝ ի ձեռն Հ. Եփրեմ վարդապետին մերոյ Սեթեան, անտիպ:

Բայց այս իսկ պէտք չէ մոռնալ, թէ Պաւղիկեանք՝ Օձնեցիէն ընդունած կարեւոր հարուածի ներքեւ, թէպէտև ակամայ տեղի տուին, բայց իսպառ չանհետացան. այլ ժամանակին տիրող ազանդին, այն է Երևոյնքակաւաց զիմակովը կը շրջէին նորա ամենուրեք, և ամէն բանի մէջ աստուածաբանական թեթև առարկութիւններով և դժուարակնճիռն խնդիրներով կը ջանային իրենց ստացածը չի կորսնցնել, մինչև որ նոր շրջանով մի մեծագոյնը վաստակին:

Արդ՝ նախընթաց յէջս իսկ արդէն արտայայտեցինք այս կարծիքս. ուստի այժմ՝ կը մնայ ապացուցանել զայն. և ըստ իս հետեւեալ եղելութիւնք՝ են մի մի հաստատուն ապացոյցներ առ այս: Ա. Գիտելու ենք, որ Յովհ. Օձնեցի՝ Պաւղիկեանց ընդզիմարանութենէն վերջ՝ առանց թոնրակեցուց մասին խօսք մ՝ ըսելու, Երևութականաց դէմ՝ կը սրէ իր երկրորդ ճառը: Եւ պատճառն է, որովհետև թոնրակեցի անունը գեռ նշանակութիւն չունէր այն ժամանակ, և թէ Պաւղիկեանք Երևութականաց գրօշի տակ զինուորած էին՝ ընդդէմ՝ ուղղափառութեան: Բ. Այս ճառիս մէջ (էջ 64) ուղղելով իր խօսքն առ Երևութականն սկեպտիկեան, որ Քրիստոսի ամէն անօրինականքը կ'ուրանար, կ'ըսէ այսպէս. « Եւ ամենայնքս մեր՝ ըստ քեզ ստուեր և երևութիւնք առ 'ի յոյսն ակնկալութիւնք: Աստուարտ ապա Մասիի և Մարկիոն կենդանաւացիս՝ զկնի այնքսն աւեսց՝ տեսանելով զքեզ իշրեանց եղեալ զարմ (1) »: Գ. Խոտորովիկ թարգմանչին ընծայուած հնգաթիւ ջատագովական ճառերն իսկ՝ զորս պյուր (2) ը դարուն ծաղիող հեղենակի մ՝ ընծայեցինք, այս առթիւ և այս ժամանակիս ոգւոյն դէմ՝ գրուած են. որք կը ներկայացնեն մեզ յիշեալ աղանդաւորաց, Յուլիանիտաց, Սեբրիանոսաց, և այլոց մոլորութեանց սերմերն՝ իրենց մանրամասն առարկութեամբք և հերքումներով. և ընդհանուր և աշխարհաբարող եղելութեան մի առհաւատչեայք են:

Այս չարաննեղ միջոցովս, այսինքն է՝ Երևութականաց մեզմ՝ երեցած վարդապետութեամբը՝ յաջողեցան 'ի Հայոց վատրուած և ցիրուցան եղած Պաւղիկեանք, — երկար տարիներէ վերջ, — հաւաքել իրենց ուժերն և վերընձիւղել թոնրակեցիներու դատնահոտ ծաղիկներն, որոնք ապա պիտի պսակէին Գերաքրիստոսի կորստարեք դործը: Ասոնց իբրև պարառաջ եղած կ'աւանդուի, — ըստ տօհմային պատմագրութեան, — Սյըւարտ անուամբ հնարագէտ

1. Այս բառս գործածած է Օձնեցի՝ համախոն, համակարծիք և համադանց նշանակութեամբ:

2. Տես « Բագնակոյ », 1892, Մայիս, Պրակ Ե:

և ահաւոր մարդը, զոր յոյն և լատին աղբերք, ընդհակառակն, Սարգիս (Sergius) կ'անուանեն:

Հօսներուի ինձ թոնրակեցւոց աղանդի վրայ խօսելէն յառաջ՝ հարթել անոնց աղանդապետի նկատմամբ մեզ ընդառաջ ելած դժուարութեան ժայռը, զոր մինչև ցայսօր ոչ որ ջանաց հարթել, թէպէտև շատերը մղուելով ազգային և օտարազգի հակընթացիկ հոսանքներէ զարնուեցան անոր և յետս կացին յընթացից՝ մեծաւ զարմացմամբ:

Արդ գիտելու ենք, որ Անանիայ Նարեկացւոց մեզ ծանօթ թղթին մէջ՝ Սմբատայ յիշատակութիւն մ'անգամ չի կայ բնաւ. այսպէս նաև 'ի զուր է որոնել զայն առ Ար. Լասախերտեցւոց, որ երկու ընդարձակ գլուխս բանից նուիրել է թոնրակեցւոց մանրամասն պատմութեան և տարածուելուն Հարք և Մաւնանադի գաւառաց մէջ: Գր. Նարեկացի և համանունն Մագիստրոս⁽¹⁾ կը յիշատակեն յանուանէ զՍմբատ, իբրև նախահայր և նախաչար աղանդոյն թոնրակեցւոց, որոց ապա կը ձայնակցին յետագայք: Երկրորեան իսկ Սմբատայ ժամանակամիջոցը կը գնեն Յովհ. Ռփայեցի կաթողիկոսին օրերը, այսինքն է՝ մօտ յամի տեառն 840: Իսկ արտաքին աղբերաց, այն է Պետր. Միկիլիացւոց և Փոռէն յիշուած Սարգիսն՝ որ և պիտակարար Տիշփիկոս, ընդհակառակն, յամին 801 արդէն սկսած էր խաղալ իւր դերն, իբրև պետ հակափահանեան կուսակցութեան, և տարածել Պաղիկեանց և իրեն յատուկ մուրրութիւններն և մօզնէութիւնքը:

Բ. Գիտելու է, որ ազգային աղբերաց յիշատակած Սմբատն՝ էր բնիկ Ծրադիկոսն գաւառի՝ Զարեհառան գիւղէն. անոր եկած Ապահոնեաց գաւառի թոնրակ կամ թոնրակ գիւղն, և հօն իր անառակութեանց մէջ հիւծուելով չարամահ եղած կ'աւանդուի: Իսկ օտարազգի աղբերաց աւանդած Սարգիսն, ընդհակառակն, Գաղատիոց Անիա գաւառին մէջ Տարիա քաղաքին մօտ ծնած էր, ըստ Փոռի: Եւ նա ինքն Սարգիս կ'ըսէ իր թղթոց մէջ, թէ « Ընթացայ յարևելից յարևմուտս և հիւսիսէն մինչև հարաւ Քրիստոսի (այսինքն է Պաղիկեանց) Աւետարանը ծանուցանելու համար »: Պատմութենէն իսկ քաջայայտ է, թէ նա, յամի տեառն 834, երբ լերան մի վրայ ծառ կտրելու զբաղած էր՝ Նիկիոյցոյսեցի մնեռանդն հաւատացեալ մի զարկաւ սպաննեց:

Գ. Գր. Մագիստրոս, մի և նոյն թղթի մէջ կը գրէ Սմբատայ համար, թէ իր չար մուրրութիւնը Մշոռսիկ մականուա-

1. Զի Ստրուոց կաթողիկոսին գրած թղթին մէջ որոշակի կ'ըսէ. « Պիղծն Սմբատ, անիծեալն այն երևեցաւ յաւուրս տեառն Յովհաննէսի և Սմբատայ Բագրատունւոց »:

նեալ Պարսիկ մոգէ մի ուսաւ, որ էր արուեստով բժիշկ և աստեղագէտ: Իսկ Պետր Սիկիլիացիէն և փոռէն յիշուած Սարգիսին համար, ընդհակառակն, կ'ըսուի, թէ յարելով առ կիև մի Մանիքեցի՝ անտի մտորուած և ուրիշներու մտորութեան առաջնորդ եղած է:

Արդ՝ բազմահմուտ Հ. Միք. Չամչեան՝⁽¹⁾ այսպիսի պատմական և հակաժամանակագրական անհամաձայնութեանց, — չըսեմ հակասութեանց, — հանդէպ իսկ կը համարի, թէ յոյն և լատին աղբերաց մէջ բերած Սարգիսը՝ կամ մի և նոյն անձն է հայ աղբերաց յիշատակած Սմբատայ հետ, և կամ ըլլալու է Մայրապետնեցոյ չարազանդ աշակերտը Սարգիս, որ արդէն փըրկչական թուականին 655 ամէն՝ ՚ի վեր հնարեց և փորձեց տարածել իր բազմադիւեան և ճիւղակերպ ազանդն, և եղաւ այնքան զօրաւոր բանիւ և գրով:

Բայց իմ կարծիքով՝ նախ և առաջ ենթադրական է, և մանաւանդ թէ դժուար է ենթադրել, որ Սարգիս և Սմբատ անուանք իրարու հետ շփոթուած ըլլան, — առանց ուրիշ նմանատիպ միջագէպերու, — զի են բոլորովին իրարու աննման թէ հնչումով և թէ ուղղագրութեամբ: Երկրորդ գիտելու ենք, որ յամի տեսան 655 ծաղիող Մայրապետնեցոյ աշակերտ Սարգիսը՝ չէր կրնար ապրած ըլլալ ցամա 835, զի այս կերպով հակաժամանակագրական խորոցը դեռ աւելի զգալի կ'ըլլայ: Երրորդ՝ տոհմային աւանդութիւն հիմն ՚ի վեր կը տապալի այդու վրան զի, — ինչպէս ըսուեցաւ արդէն, — Գր. Նարեկացոյ հետ զՍմբատ կը ճանչնան իբրև սկզբնահայր թոնրակեան մոլի ազանդաւորաց: Ուրեմն ընդունելով իսկ, թէ իրօք ազգային կամ օտարազգի աղբերաց կողմանէ շփոթութիւն մ'եղած ըլլայ, պէտք է ասկէ տարբեր միջոց մ'որոնել համաձայնութեան համար: Ուստի կամ պէտք է ըսել, թէ Պետր Սիկիլիացոյ և փոռէն յիշուած Սերգիսը բոլորովին տարբեր անձն մի է, ազգաւ և աշխարհաւ օտար՝ բան թէ հայազգի. այս բանս անոր հօր անուանէն իսկ կրնայ գուշակուել, զոր փոտ Դրիւնոս կ'անուանէ: Եւ կամ է նա ինքն Զարեհաւանցին Սմբատ, որուն անունն օտար աղբերք փոփոխած են, ինչպէս ազգայինք ալ անոր ժամանակամիջոցն և ժամանակագրական կարգը: Առաջին ենթադրութեան ուրիշ կուտան չկայ՝ բաց ՚ի վերոյիշեալ ժամանակագրական անյարմարութենէն: Իսկ երկրորդը կարելի է ապացուցանել կրկնակի փաստերով:

1. Պատմ. Հայոց Հտ. Բ. էջ 895:

Ա. Գիտելու ենք, որ Փոռ և Պետր. Սիկիլիացի⁽¹⁾ ճիշդ այնպէս կը նկարագրեն զՍերգիոս, ինչպէս որ մերս Գր. Նարեկացի և Մագիստրոս⁽²⁾ կը նկարագրեն զՍմբատ: Արդ՝ այսպիսի նմանատիպ նկարագիրք դիպուածով եղած չեն, այլ կամ այն է թէ մի և նոյն հնագոյն աղբերէ մի կը յառաջագային, և կամ մի և նոյն անձի վրայ յարմարուած են: Ես չեմ կարծեր, որ Նարեկացին և Մագիստրոս ուղղալի առաջիններէն օգտուած ըլլան, և Սերգիոս անունը՝ Սմբատի փոխած. այլ ընդ հակառակն, երկոքեան իսկ, իրենց բազմիցս յիշուած գրութեանց մէջ, անոնցմէ աւելի տոհմային աղբերէ մի հանած են, այսինքն է Անանիա Նարեկացոյ անյայտացած գրութենէն⁽³⁾, զոր և կը յիշեն իսկ յանուանէ: Բայց թէ Անանիա՝ որ 935 էն վերջ ձեռք զարկաւ իր ընդդէմ թոնրակեցոց գրուածքին, արդեօք տոհմային հնագոյն աղբիւրներ ունեցած էր իր դիմաց, թէ ընդ հակառակն ժամանակակից ժողովրդեան բերանը չըջած և այլ ընդ-

1. Hist. de Manichæis, կ'ըսէ. «Sergius ille diabuli maximus propugnator: Sergius, acer ipse sub ovina pelle lupus, virtum fraudulentus simulator, quippe hac arte multis faciem: Sergius inimicus Christi, os impietatis, in Christi matrem, sanctosque contumeliosus: Sergius Christi Apostolorum adversarius, qui et Prophaeta odio habuit, et a divinis litteris versus ad fabula et mendacia se convertit: Sergius Christi osor, Ecclesiae perduellis, qui Dei filium conculcavit et... Sergius, tenebrio qui se lucidem sidus mentiebatur », Այսպէս կը գրէ նաև Փոռ.

2. Գրելով առ Կաթողիկոսն Ասորոց, այսպէս կը խօսի զՍմբատայ և հետևողաց նորա. « Այսպիսի սովորութեամբ սովորեալ են գայլքդ այդ՝ հանդերձիւք ոչխարաց գողնալ մանկունս... չար գազանն այն, արիւնուշան, առնամովին... պիղծն Սմբատ, անիծեալն այն երևեցաւ...: Սերարի բարեձևութեան և խորամանկ խաբէութեանն և տղայաբար անուսումնութեանն և անաստուած վարդապետութեանն և անտեղի հաւանութեանն և գիշերային իւզագործութեանն և անճոռեմ՝ ճոռմարանութեանն և նոր տաղակալի և քստմենելի ախտակրութեանն, և անքահանայապետ քահանայագործութեանն, և խաւարչոյն ձեռնագրութեանն, և անշնորհ մկրտութեանն և անոյոս դաւանութեանն և անկերկիւզ երկիւղածութեանն և խաւարատէր լուսափայլութեանն և հրեշտակակերպ դիւազգեցութեանն և տարազգեացդ գայլոց և թխացելոցդ այծեաց և մերկացելոցդ գլոպին և զգեցելոցդ զսատանայ և աշակերտելոցդ սասնուէրն Սմբատայ՝ սասանողին հիման Առաքելոց և Մարգարէից »:

3. Եւ յերաւի գիտելու ենք, որ Գր. Նարեկացին յիշեալ թղթին մէջ իւր հօրեղբոր և մեծ վարդապետին գրութեան համաձայն համառօտելով թոնրակեանց վարդապետութիւնը, կամ լաւ ևս ուրացութիւնքը, և պատմական դէպքերէն մի քանիսն, անդէն վրայ կը բերէ. « Եթէ ոչ՝ մեք զանուն պղծոյն (իմա՝ Սմբատայ) ի սակաւ ինչ լրոյ գիտէաք »: Իսկ Մագիստրոս՝ մատնանիշ ընելով Ասորոց Կաթողիկոսին՝ Անանիայի գրութիւնը՝ կ'ըսէ. « Այլէ՛, ա՛ռ ընթերցիր և գտցես յայդմ... որ պիտի չար գազան երևեցաւ պիղծն Սմբատ »:

այլոյ զրուցաց վրայ հիմնուած գրեց. այս բանս անոր անյայտացած գրութեան յայտնուելովը միայն պիտի որոշուի: Այլ մենք այսքանս կարող ենք բնել աստ, թէ Սմբատայ երենալէն 60-70 տարի վերջ գրելով անոր դէմ, Անանիա կարէր պատմական և ժամանակագրական վրիպակներ գործել անոր մասին, որուն ապա հետեւած ըլլան Գր. Նարեկացին և Մագիստրոս: Եւ ստուգիւ, այսպիսի կասկած մի կարծես թէ դեռ աւելի ծանրակշիռ կը դառնայ, գիտելով, որ Սամուէլ Անեցի՝ զՍմբատը՝ Յովհանն Պատմարան կաթողիկոսին, և ոչ թէ Ովայեցւոյ ժամանակակից կը դնէ:

Բ. Դիտելու ենք, որ Սմբատ՝ Հայոց հայրապետներէն և իշխաններէն նշովք ընդունելով և հալածական ՚ի կողմանս Յունաց անցած կ'աւանդուի ՚ի տոհմային պատմագրութենէ: Ուստի շատ հաւանական է, թէ այսպիսի պարագայից մէջ՝ նա իր մտորութեան հետ անուռն ևս ծածկած ըլլայ, և ինք զինքը Սարգիս անուանած. և կամ՝ ընդ հակառակն յառաջագոյ՝ Սարգիս կը կոչուէր յօտարաց, բայց երբ եկաւ ՚ի Հայս և ՚ի Թոնրակ, զինքը ծածկել ուզելով ՚ի Հայոց՝ Սմբատ անուանեց. զի ՚ի պատմութենէն իսկ կը գիտցուի, թէ նա այլ և այլ անուններ և տիտղոսներ սեփականած էր իր անձին. և թերևս այս մտորեցուցիչս է, զոր Գր. Նարեկացին և Մագիստրոս յոքնակի անուամբ Յակեա և Յաւրեա իսկ կը յորջորջեն, — Թոնրակեցւոց մասին խօսած ժամանակ:

Յետ փոքր ՚ի շատէ պարզելոյ Թոնրակեցւոց պղանդապետին կնճռոտ խնդիրը, տեսնենք այսուհետև անոնց վարդապետութիւնն և հայ ժողովրդեան մէջ խաղացած աղիտաբեր դերը:

Այս բազմահար կեղծաւորս՝ զոր Փոտի և Պետր. Սիկկիացւոյ հետ՝ Նարեկացին և Մագիստրոս իսկ միաբերան Դերաբրիստոսի կարապետ և Նեոն կը կոչեն, ոչ միայն արտաբուստ քրիստոնեայ և քրճազգեաց ճգնող կը ձեանայր, այլ նոյն իսկ ինք զինքը յոյս, կեանք, և ձյնաշոտոքիւն կ'անուանէր, այլովք հանդերձ. բայց ներքսապէս սխերիմ՝ թշնամի էր ամենայն քրիստոսական օրինաց, և գործով կը ջանայր կործանել զայն: Աշխարհական մ'էր լոկ, և եպիսկոպոս կը ձեանայր. Սաղուկեցւոց պէս կ'ուրանայր հանդերձեալ կեանքն և հողոյ անմահութիւնը: Եպիսկոպոսեան թանձր նիւթապաշտութեամբ կ'ուրանայր աստուածային Նախախնամութիւնն, և ինք զինքը բաղդից և բաշխից տէր կ'անուանէր: Պեղագիտէն աւելի չարաչար կ'ուրանայր ոչ միայն Հոգւոյն սրբոյ շնորհքները, այլ նոյն իսկ Հոգւոյն Աստուծոյ գոյութիւնը՝ յափշտակութեամբ հանդերձ անոր ստորո-

դելեաց: Հեթանոսաբար կ'ուրանայր և կը մերժէր բոլոր եկեղեցւոյ սուրբ խորհուրդները: Մարմնասիրութեամբ կ'ուրանայր զամենայն վարդապետութիւնս ուղիղ վարուց և բարոյականի: Կ'ուրանայր թէ չկայ ոչ մեղք և ոչ ալ պատիժ. ոչ օրէնք և ոչ իշխանութիւն: Միով բանիւ՝ ամէն բան կ'արհամարհէր անխղճաբար. ամէն բանի վրայ կը ծիծաղէր. և ինչ որ միամիտները խարելու և որսալու համար արտաքսապէս ընդունել կ'երեւցնէր՝ նոյնը ներքսապէս կը մերժէր:

Գր. Նարեկացին՝ որ մերձաւորագոյն էր ժամանակաւ թոնրակեանց, յետ ըսելոյ, թէ « Բազում ինչ աստուածային և առաքելական՝ ամենայն ինչ ուրացեալ է 'ի նոցանէ », անդէն և անդ կը թուէ ապա Սմբատայ և անոր հետևողաց տասն և չորս ուրացութիւնքն և հակուրաց վարդապետութիւնը. այսինքն է Ս. Չեղևադրոշքիւնը. — Բ. Հաղորդոշքիւնը, զոր հասարակաց կերակուր կ'անուանէին. — Գ. Ծնունդն 'ի ջրոյ և 'ի հոգւոյ, կամ լաւ ևս Մկրտութիւնը. զոր Սմբատ իբրև ջուր ինչ լուսեաց ուսոյց իրեններուն. — Դ. Տէրունական կիրարկէն և հանգըստեան օրը, զոր բանալով 'ի միջոյ ընդ սովորական աւուրս թուեաց. — Ե. Ծննդադրոշքիւն կամ պաշտօն խորհրդական ազօթից և պաղատանաց. — Զ. Աշագանակ սրբակերտութեան, — Է. Հաղորդոշքիւն անմահութեան. — Ը. Պղծոշքիւն և անխափր մծղնէութիւն կը քատողէր: Թ. Կը նշաւակէր երկրպագելի նշանն փրկութեան. — Ժ. Մարդապաշտ ուրացութիւն կամ մարտնասպաշտոշքիւնն անոր տեղ կը փոխանակէր, զոր սուրբ հայրն՝ « գարշելի և անիծեալ քան զկռապաշտութիւն » կը համարի. — ԺԱ. Պրակիկն առնունոշքիւնն անգոմնութիւն, որպէս զի համբացեալ շունբու և մատակախանձ ձիերու պէս առ միմեանս յարձակին. — ԺԲ. Երախայրեաց կառակերգական երգիճաւնոշքիւն. — ԺԳ. իրենց աղանդին գլխաւոր գարշութիւնը, կամ լաւ ևս գարշելի գլուխը՝ յանդգնաբար Քրիստոս կ'անուանէին. — ԺԴ. Քրիստոսի չարչարանաց անպատում՝ բարեգործութեան երախտիքը մոռնալով, իրենց ստացուածքներն ապաւէն կենաց կը կարգային: Այս էական կէտերու յիշատակութենէն վերջ, վրայ կը բերէ սուրբ վարդապետը, թէ « Արդ՝ ամենեկին նուազս 'ի յորունց և սակաւս 'ի բազմաց զժաղրեցի »:

Այս, սակաւ է դարձեալ Նարեկացւոյ յիշատակածն'այն ծովացեալ և անտառացեալ մոլորութեանց քով, զոր Մագիսարոս սուղ բանիւս գեղեցիկ կ'արտաբերէ վասն Սմբատայ, թէ « Ուսուցանել սկսաւ զամենայն չարիս բոլոր, զոր ինչ 'ի կենցաղունս մոռնոշքիւնն կրէ, որ զգործոց և որ ըստ հաւատոց թերու »:

թեանց, և քարոզէր զբոլոր քահանայական ներգործութիւնս ոչնչացուցանել, մանաւանդ եթէ սնտոի վարկանել » :

Եւ այլուր սարսափելի կոչելով անոնց հերձուածը, կ'ըսէ. « Զի ոչ եթէ 'ի մինն միայն մեղանչեն կամ յերկուս. այլ և 'ի բոլոր յօրինադրութիւնս իւրեանց. ամենեին արտաքոյ են հին և 'ի նոր օրինաց » : Գեւ ուրիշ շատ հազուադիւս կէտեր կ'աւանդէ նա, զորս կարեոր կը դատեմ 'ի մէջ ածել, թոնրակեցուց վարդապետութեանն և կուսակցութեանց վրայ կատարեալ գաղափար մի տալու համար :

« Որպէս որ մահացու դեպս կամիցին պատրաստել՝ յամենայն 'ի խտտագոյն և 'ի չարագոյն դեզոց իբրև զթոյնս իժից հաւարքն բազմատեսակ, զի որոց առցենն առ ժամայն 'ի կենցաղոյս հրաժարիցին... այսպէս ոչ եթէ հերձուած սոցա միոյ պատճառի է կամ երկուց կամ երից, այլ յամենայն չարափառացն : Ի կիշտոց, 'ի հնաշից, 'ի կախարդոչքեանց, յանհաւատոչքեանց յամենեցունց զթոյնս չարութեան 'ի մի վայր ժողովեալ հերձուածս, հաւանեցան այնմ՝ աստուածամարտ, ցանկապատառ, գիւամուղի, անօրինին : Սմբատայ օրէնս դնել, և զուսառուրիչ թողեալ ճանապարհ՝ հետեւեցան կուրաշաւիղ, կոպարական կորստեան ուղեգնացութեան... վասն որոյ և զգործս նորա գործեն անպատկառ : Եւ այս ինչ են անօրէնութիւնք չարագործացն այնոցիկ. ոչ պահք նոցա, և ոչ խորութիւն արանց և կանանց և ոչ ընտանեաց. պատուեն և ոչ զմի ինչ, ոչ յաստուածայնոց և ոչ յեղելոց. այլ զամենայն ծաղր առնեն և զնոր օրէնս : Եւ յորժամ՝ յայտնի հարցեալք լինին, անիծանեն և երզնուռ սաստիկ և ուրանան. և այսպիսի խարէութեան ոչ եմք անտեղեակ : Ահաւաղիկ Պօլիկեանդդ, որք 'ի Պողոսէ Սամոստացոյ գեղեալք... Յորժամ՝ ձեռնարկեալ հարցանեմք, ասեն, եթէ քրիստոնեայք եմք, և զԱւետարանն և զառաքեալսն սաղմոսն յամենայն ժամ. և յորժամ՝ հարցանեմք, թէ ընդէ՞ր ոչ մկրտիք՝ զոր հրամայեաց Քրիստոս և առաքեալն, ասեն. Ոչ գիտեք դուք զխորհուրդ մկրտտոչքեանն. մեզ ոչ է փոյք մկրտել, քանզի մկրտելն՝ մահն է. և Յիսուս ոչ ասաց յընթրիսն փսսն պատարագի, այլ փսսն ամենայն սեղանոյ : Եւ Մովսէս ոչ զԱտուռսճ ետես, այլ զաւտանայ : — Եւ ասեն արարիչ երկնի և երկրի զաւտանայ և ամենայն մարդկային սեռի և տեղճուսճոց : Ահա և այլք ոմանք 'ի Զրադաշտ մոգէ մոգք պարսկականք. և այժմ՝ 'ի նոցունց գեղեալք արեգակնապաշտք, զոր և Արևորդիս անուանեն. և ահա են յայդմ գաւառի բազումք. և ինքեանք քրիստոնեայս զինքեանս յայտնապէս կոչեն, բայց թէ որպիսի մոլորութեամբ և անա,

ուսուցիչները վարին՝ գիտեմք։ Են ոմանք յանիծեալ ազգէդ թոնրակեցւոց, որք անուանեն զինքեանս կաշկեցիք, և այն են չարութեան արմատ, և արգ գտանեն պատճառս ինչ հայհոյութեան 'ի Քրիստոս։ Թոնրակեցիք որք 'ի խնուն են և զրեն վասն Քրիստոսի, երկ քրիստեալ է։ Իսկ թուլայլեցիք՝ հրաժարին, եթէ Մեք քրիստեալ Մատուաճ ոչ խոստովանիմք։ Եւ յայտնի լիցի քեզ, զի ոչ թրկատեալ խոստովանին զնա և ոչ անթրկատ 'ի սրտի իւրեանց, բայց միայն պատճառանօք կատականս 'ի վերայ մեր դնեն »:

Եւ ուրիշ տեղ մի այսպէս կ'ըսէ, — քաղերով իր տեղեկութիւնս ներն այն նորոգարձ թոնրակեցիներէն իսկ, որոնք քաջ տեղեակ էին ամենայն զազանեաց չար առաջնորդաց, որք կը բնակէին որջացեալ 'ի « գազակային պղծակոց խրճիկ » . — « Քանզի միշտ յաճախէր չարութիւն նոցա յերիս ձեռ նշանակեալս. որք 'ի չարն կատարելագոյնք են և կարող են ընդունել զմահացու դեղն, աշխոյիկ քարոզեն իբրև ակոյրստեան ամենեկն և ակաւորուած ճոքեան իբրու զԵպիփոզեակեցն։ Իսկ ոմանք նմանութեամբ Մանիքեացն, — զորս անիծանեն, — բայց զնոյն զօրծեն։ Իսկ զոմանս իբրև քրիստոնէական աւանդութեամբ ուսուցանեն առ յերես, և ինքեանք ամենեկն ոչ խոստովանին, բայց զայն ևս այլանդակ յամենայն կարգաց և կրօնից քրիստոնէից. և ահա յայտնի, զի որոշեալք են և անեպիսկոպոս և անքահանայապետս շրջին, և ասեն բանիւք, եթէ Մեք յարամեան գեղեկ եմք և հաշարտով համեմատ և ոչ ոչ և և համեմատ և ոչ միով իշիք։ Այլ կան հակառակ և նշանակեալ միայն զհամանուն ձայնն որպէս շո՛ւն, և շո՛ւն, և շո՛ւն. և զի՛նչ արգեօք յայտոսիկ համեմատութիւն բնութեան։... Եւ որ բնակեալքն էին ('ի խրճիկն) 'ի Շնակեանս այն արք հակերձիշք կրօնաշորաց, և քաղերով քիշն կանակց բոզից »:

Յայս վայր Մագիստրոսի տուած տեղեկութիւնքը թէև առհասարակ և խառն 'ի խնուն են, բայց և այնպէս յոյժ թանգագին ամենայն ուսումնասիրաց. վասն զի, — ինչպէս ինքը կը գրէ, — յիշեալ խրճիկի մէջ եղած, կամ առ անօրէն առաջնորդն Յեւու գրուած թղթէն համառօտուած են զոր, ասէ. « Խուզեալ մեր և գտեալ՝ ընթերցաք »:

Արդ՝ Սմբատայ վարդապետութիւնն ընդունելով իբրև ընդհանուր թոնրակեցւոց վարդապետութիւն, — որովհետև ասոնց մէջ չեն տեսնուիր այնքան Մանիքեաց և Պաղիկեանց մէջ երեցած բազմադիմի կուսակցութիւնները, այլ ամէնքն ալ Սրմբատայ կը հետևէին իբրև միակ առաջնորդի և Քրիստոսի, —

ուրեմն կարեմք եղբակացնել, թէ մեծապէս կը տարբերի այն Մանկրեցւոց և Պաղիկեանց ազանդներէն: Այո՛, Մանկրեցիք կ'ընդունէին, — ինչպէս տեսանք, — հանդերձեալ կեանքը, հոգւոյ անմահութիւնը, մեղքն և մեղաց պատուհասը. որոնց համար կը ջանային ազատել զհոգին նիւթոյ կամ չարի սկզբան արարածներէն, և խառնել յաւիտենական լուսոյ կամ բարի սկզբան հետ: Իսկ թո՞նրակեցւոց համար, ընդհակառակն, այս կեանքէս և վայելքներէն զուրս ոչ ուրիշ կեանք և վայելք կար, և ոչ իսկ պատուհաս: Պաղիկեանք, — ինչպէս տեսնուեցաւ, անոնց վարդապետութեան Գ. որդ. նախադատութեան մէջ, — կ'ընդունէին մարդկութեան անկեալ վիճակին հետ՝ նաև բարի Աստուծոյն այն առթիւ մարդկութեան ընձեռած մեծագոյն պարգևները. երկրորդ, կը կատարէին, — գէթ ըստ ձեռոց և արարողութեան, — եկեղեցւոյ խորհուրդներէն զմանս, և ունէին իրենց համար հաւատալիս և հաւատապատում: Իսկ թո՞նրակեցիք, ընդհակառակն, զայս ամենայն կեղծիս կը համարէին և կը ծաղրէին, և բնականէն զուրս՝ գերբնական ոչ պարզ և կը ճանչնային և ոչ ալ պարզեատու. որով Մմբատէն զատ չկար ուրիշ Հոգի շնորհաց և յուսոյ բարութեան: Թէ՛ Մանկրեցիք և թէ՛ Պաղիկեանք՝ գէթ չափով մի կ'ընդունէին Նոր կտակարանն և անոր հեղինակութիւնը. Իսկ թո՞նրակեցիք Մմբատէն և անոր յաջորդներէն զուրս՝ ուրիշ ոչ հեղինակութիւն կը ճանչնային և ոչ իսկ սրբազան հեղինակս, զի քակած էին առհասարակ Առաքելոց և Մարգարէից հիմունքը, հետևաբար քաղաքական և եկեղեցական օրէնք և օրէնսդրութիւնք իսկ անոնց համար բռնաւորութիւնք էին: Միով բանիւ, — նորահնար բառիս ճիշդ նշանակութեամբ, — հին աշխարհի ճշմարիտ Ոյնչակաւններն էին և Ընկերվարակաւններ, և ամէն բան կ'ուզէին ոչնչացուցանել: Անկրօնք և անաստուածք էին, ոչ միայն 'ի գործնականին, այլ և տեսական սկզբամբք: Այնպէս որ նմանութեամբ կրնանք ըսել, թէ թո՞նրակեցւոց ազանդը, — նկատելով իբրև պարառութիւն մ'ամենայն մարտութեանց և հերեսիութեանց, — վերջին ժամանակաց Սոկրիկեսևոնոքեան նախածնողն և նախադադափարն եղած է. իսկ իբրև բացատրութիւն ամենայն կրօնից և աստուածպաշտութեան՝ կարելի է այժմեան Մաւոնոնոքեան կամ ազատ որմնագրաց ազանդին իբրև նախկին ներկայացուցիչ անուանել զայն: Թէև առաջինը զուրկ էր արդի Մասնութեան գիտական գրութիւններէն և քաղաքային գաղտնորոգայթ միջոցներէն, սակայն երկաքանչիւրին միակ նպատակն էր՝ մարդ ըսուած, կամ բանաւոր էակը, ազատ կացուցանելով ամէն կրօնական կապերէ, բարոյաւ

կան պարտաւորութիւնէ, աստուածային և մարդկային գերիշխանութիւնէ, բարձրացնել և բազմեցնել զայն, — եթէ կարելի էր, — Սաղայէլի՝ քան թէ իր արժանապատուութեան գահուն վրայ. փոյթ չընելով ամենևին, թէ այդ երկրածին ենթադրուած Լեւիաքանն՝ Աստուծոյ պատուանդանի շուրջը կը հողովի, նշաւակ է բերապատիկ կարեաց և աղետից. և Գանիէլի տեսեան գազանի պէս խեցեղէն և լուծական խարխախներու վրայ յեցած՝ առանց աստուածպաշտութեան աւերիչ է և աւերակներ միայն կը թողու ամենուրեք. և թէ երկնասաստ բարկութիւնէն և ամենակալ զօրութիւնէ հողովեալ վէժ՝ մի միայն՝ բաւական է զայն յաճիւն ձընել և ցանել ընդ չորս հողմն երկնից: Հայ համճարն՝ ասկէց աւելի ահեղ և սարսափելի հրէշ մի չէր կարող ծնանել, — եթէ ինչպէս կարծեցին ոմանք՝ անոր սեփհական յղացմունք համարինք, — և ոչ ալ Եւրոպա, կամ լաւ եւ՝ բարեշրջութեան դարը պիտի կարենային պարծիլ զՍոկինիանութիւնն և զՄասոնութիւնը ծնանելուն վրայ: Սակայն իմ կարծիքով թոնրակեցւոց ազանդն իսկապէս և բոլորովին հայ մտաւոր և բարոյական կեանքի արտաբերութիւն չէր, այլ զարգացումն այն չար մտւորութեանց, զորս զառաջինն ցանեցին Մանի և յաջորդք իւր, և հետզհետէ բեղմնաւորելով բարդաւածեցին բարոյական խանգարմունք, կամ բնական պահանջ յաջորդող զարեւուն և մարդկային յաջորդութեանց. այլ է բնական հետեանք այն թիւր սկզբանց և ընթացից, զոր հնարեցին մարդիկ և ոչ Աստուած, ոչք երկրէս յառաջ եկան, և ոչ թէ ի՛նչ յերկնից:

Սմբատայ և անոր յաջորդ հայազգի ազանդաւորաց ձեռքով զարգացած այսպիսի աղիտաբեր վարդապետութեան իսկ կարեն գուշակել ընթերցողք՝ անոր յառաջ բերած զարհուրելի հետեանքները. սակայն կ'արժէ որ այս տեղ հողովելով պատմութեան յարաշարժ անխը՝ յերևան ամենք անոնց ճշգրիտ պատկերը:

Սմբատ՝ փարիսեցւոյ այս խմբոս, — որ խորախոր գիտութեան աւելի օժտեալ էր մտգութեան և կախարդութեան կրկնակի արուեստգիտութեամբք, և իր արտաքին ձգիչ կերպին հեա՝ ունէր նաև վերջին աստիճան ճարտասանական, համնդիչ և պատրող զօրութիւն մ'ալ, — այն օրէն 'ի վեր՝ երբ ոտքը դրաւ 'ի թոնրակ, կարճ ժամանակի մէջ խմբոց և վարակեց իր մտորութիւններովն այն աւանի բոլոր բնակիչները. զի ըստ վիպելոյ Մագիսարոսի, սկսաւ ուսուցանել զամենայն չարիս, զորս միտք մարդկային կարեն խորհել և գործել 'ի կենցաղումն: Այնպէս որ ինչպէս անկարելի չեղև Արբահամու՝ Սողոմոնոց և Գոմորա-

ցւոյ մէջ գտնել տանն արդարս, այսպէս ալ թոնրակի մէջ գտուար էր, — այն կախարդասար աղանդապետին օրով, — գտնել տանն միայն ուղղագաւան որդիս եկեղեցւոյ: Մագիստրոսի այս և միւս ընդարձակ տեղին, — զոր համառօտելով մէջ բերինք 'ի ծանօթութեան, — այլբանական ասացուածոց ներքե շատ և շատ տխուր իրողութիւններ կը պարունակեն, որոնց գծրազգօրէն թատր եղած էր աւանն թոնրակ, զորս արժան է խուզել և 'ի վեր հանել:

Սմբատ իր կախարդական պատրոզութիւններով և մեծ հեղինակութեամբն՝ անգամ՝ մը ժողովրդեան վրայ բռնանալէն վերջ, սկսաւ այնուհետե քաղաքական ամէն անյուր ոճիրներ ևս գործել: Բազմաթիւ ամուսիններ իրարմէ քակելով՝ անոնց անկողիններն իր անառակ և պակշտ աշակերտներուն արձակ համարձակ պղծել կու տար. շատ ազածրի մանուկներ իրենց մարց գրկէն և 'ի ստեանց յափշտակելով՝ իր արբանեկաց ձեռքով կը խողխողէր, և շատ գեղանի պատանիներ 'ի պղծութիւն անհաւատ ազգերու կը վաճառէր: Եղբարս և քորս, — ինչպէս նաև սիրասուն ազգակիաններ և բարեկամներ, — իրենց բնակութեանէն հանելով՝ 'ի տար աշխարհ կ'աքսորէր, որոնց ողբերն և աղի արտասուքը զերկինս և զերկիր բաւական էին շարժել, բայց ոչ նոյնպէս անոր սատանայակիր և սալացեալ սիրտը: Միայնակեացս և միանձնուհիս, ոյք իրենց կուտութիւնը Քրիստոսի նուիրած էին՝ մշտնջենաւոր զենմամբ, իր աշակերտներուն պղծել կու տար, և իրենց կրօնաւորական կեանքէն և լուսաւոր ճանապարհէն յետս կը դարձնէր, և յԱստուծոյ կ'օտարացնէր: Շատ սրբակեաց քահանաներ և ժառանգաւորներ՝ ուղղափառ կրօնքէն խոտորեցնելով, 'ի դառանց՝ գայլս կը յարգարէր մարգախոշոյս: Շատերը բանախց և արգելանաց մէջ փակելով՝ յանուշ արեւեկենաց կը զրկէր: Միով բանիս՝ ուր որ իր իշխանապետութիւնը կը հասնէր կամ ոտքը՝ հօն եղեռնագործութեամբ կը լեցնէր. ամենուն ահաւոր և սարսափելի էր. ամենուն իբրև Նեռի մարմնաւորեալ անձնաւորութիւն կը ներկայանար, Սաղայէլի գործը զերազանցապէս կատարելու, — ամենայն արուեստիք և զարմանագործութիւններով: Գր. Նարեկացին՝ կճառայ վանահայրն յորդորած ժամանակ, որպէս զի չի փափաքի հաւասարիլ մասին թոնրակեցւոց, ծածկեալ ճշմարտութիւն մ' ևս կը յայտնէ մեզ. այսինքն է. « Չխառնիլ յարեան ընդ կոտորեալսն 'ի սրոյ վրէժխնդիր հեքանոս Ամիրայիև Ապլ-Վարդայ, որ երեւցաւ արդարև գաւազան սրամտութեան 'ի ձեռն Տեառն Յիսուսի »: Վերջը կը թողում քննել, թէ ո՞վ էր աստ յիշուած Ամիրայն, և թէ

անուանեալ հրաբլխէն⁽¹⁾, զոր Հայք թոնարիկ կամ թոնրակ կ'անուանէին: Ուրեմն Մագիստրոսի հանդիպած ատուչանը՝ յիշեալ լերան հրաբլխային բաժակն է, որուն քով կը գտնուէր թոնրակեցոց աւանը, կամ չարութեան անթեղն: Այս պատճառաւ ուրեմն հօն գնաց Սմբատ, որպէս զի այնու իսկ դիւրաւ յաջողի տարածել հրապաշտութեան և բնապաշտութեան չարադանդն, ինչպէս իրօք ալ յաջողեցաւ:

Պատմութիւնն որոշակի աւանդած չէ, թէ Սմբատայ գալէն յառաջ՝ հօն կը գտնուէին արդեօք կրակապաշտ Մանիքեցիք, և կամ Պաղլիկեան ազանդաւորք: Սակայն Սմբատայ՝ այն աւանն աւելի՝ քան ուրիշ տեղ ընտրելը մէկ կողմէն, իսկ միւս կողմէն ալ կարճ ժամանակի մէջ այն ազգաբնակչութեան և անոր մերձակայ ժողովրդոց բոլորական անկումն յանդունդս մուրութեան՝ են մի մի հաւանական փաստեր կարծելու, թէ ստուգիւ Սմբատէն յառաջ իսկ մուտք գտած էին անդ կամ՝ կրակապաշտ Մանիքեցիք և կամ՝ ուրիշ նենգաւոր մշակներ, ոչք ոչ միայն երկիրը պատրաստած էին, այլ նոյն իսկ չար ազանդիւն որոմներն իսկ ցանած էին՝ բուսցնելու զուրացող թոնրակեցիս:

Անշուշտ շատերն հետաքրքիր են հօս գիտնալ, թէ այնքան և այնպիսի ախտաւոր մուրութեանց և՛ ոճրագործութեանց եղեռնաւոր առաջնորդը Սմբատ՝ ինչպիսի՞ մահ ունեցաւ և երբ: Առ այս աւելորդ չենք համարիր վայրկեան մ՝ ընդհատել թոնրակեանց պատմութեան թելը, մանաւանդ երբ անյայտ ճշմարտութեան մի յայտնութիւնն ևս զայն կը պահանջէ 'ի մէնջ: Արդ՝ թոնրակեցոց վրայ գրող հին և նոր մեզի ծանօթ պատմագրաց անուրոշ ակնարկութիւններէն այնպէս կ'երևէր ջարդ, թէ երկայն տարիներէ վերջ և իր բնական ախտակրութեամբն իջած ըլլայ 'ի հող մահու: Սակայն մեծանուն վարդապետն մեր Գր. Նարեկացի, իւր յիշեալ թղթին մէջ՝ իբրև նոր և գեղեցիկ անակրեկալ մի, բոլորովին այլ ինչ կու գայ աւետել մեզ. այսինքն է, հետաքրքրական պարագայով մի և բռնամահ եղած կը թուի աւանդել զայն: Ահաւասիկ անոր խօսքերը, զոր ուղղած է առ անանուն առաջնորդն կճաւայ վանաց. «Քանզի և այն հօր այր խնդրող վրիժուց նախատանացն Քրիստոսի, որ զանիծեալ զնախնիս նոցա խայտառակամահ սատակեաց, զայս ինչ ասէր յերկրորդն Յամբէսի, թէ Քրիստոս յերիւ աշուշտ յարեաւ. արդ մինչ դոռ գրեզ Քրիստոս ակոշակես, սպակակեմ գրեզ և քաղեմ, և դոռ զկնի Լ աշուշտ կեկոյակացիր, ես գիտեմ, քե Քրիստոս»:

1. Տես Հ. Գ. Վ. Աւելանի «Սմբատ», յէջ 492-493:

տոս՝ իցես, քեպէտ այնքան աշուրքք բազմօք յետոյ յարիցես : Արդ նա մերձ էր և դրացի դառնացողացն մպեզնութեան. և զայն լուր ՚ի բազմաց ճառողաց կրթեալ էր, և Քրիստոսի ճըշմարիտ յարութեան հաւատայր. և զնոցայն այսն արարեալ իբր զարժանիս հենդներոյ՝ եթող յիշատակ բանից գովելեաց. քանզի և զայն Աստուած և ոչ երկրային խորհուրդ անկեաց. հրամայեալ անտեսեաց, նովաւ չարաւ զչարիս խորտեալ կամ՝ սատակեալ » :

Արդ՝ Քրիստոսի անուան վրէժխնդիր և զօրաւոր մարդուս անուճը, թէպէտև անյիշատակ թողուցած է Գրիգոր, — անշուշտ իր ժամանակակիցներուն ծանօթ ըլլալուն համար, — սակայն անոր գործը՝ Հայի մ՝արժանի մտատիպարն և բնագործը կը ներկայացնէ արդարեւ : Իսկ սպանուողն, իմ՝ կարծիքով, պէտք է որ ազանդապետն Սմբատ եղած ըլլայ : Եւ յիրաւի, Ա. զի Գրիգոր Թոնրակեցոց նախահայրը խաչառաւակաւանն եղած կ՝աւանդէ, և այդ նախահայրը Սմբատ էր, Նարեկացոյ մի ուրիշ տեղոյ համաձայն, զոր յառաջագոյն մէջ բերինք : Բ. Գիտելու ենք, որ հօս սպանուողը որուն ուզգեալ են զծուած գիտաւոր խօսքերն, երկրորդ Յամրէս և Քրիստոս անուանուած է. իսկ արդ ուրիշ տեղ, — ինչպէս տեսանք, — թէ Մագիստրոս և թէ Նարեկացի՝ զՍմբատ Յանէս և Յամրէս կ՝անուանեն. և կը ծանուցանեն որոշակի, թէ Թոնրակեցիք Քրիստոս կը կոչէին զնա : Գ. Մէջ բերած հասուածէն անմիջապէս վերջ՝ կը յաւելու. « Արդ գեղն Աստուած գիտացին զՄիածինն, և դատաւոր ամենայնի դաւանեցին. և պիղծն Սմբատ՝ կրկին Սիմոն՝ իշրոցն դառնարմատ և որսմարոյս աշակերտացն զիւքն ետ երկրպաւզանել » : Ուրեմն ակնեքն է, թէ այս վերջինս՝ առաջին նախագատութեանց պատճառական մասը կը կազմէ, և ըսածնիս քաջ կը հաստատէ : Իսկ մենք դառնանք մեր առաջին նիւթին :

Թոնրակեցիք՝ իրենց իբրև որջ և կեդրոնատեղի ընելէն յետոյ զԹոնրակ՝ ապա սկսան համաձարակի պէս տարածուիլ նաև ՚ի Թուրքայլ (¹), — որ կը գտնուի Մանանաղի գաւառին մէջ, և ՚ի Խնուս : Թուրքայլի և Խնուսի ազանդաւորքը թէ և քանի մի կէտերով կը տարածայնէին Թոնրակեցիներէն, և Մանիքեցի

1. Մագիստրոս՝ անունն Թուրքայլ յառաջ եկած կը համարի րոյլ և այլ բառերէն, իբր թէ ցրտեալ, րոշացեալ : Այսպէս նաև Խնուսը կամ Խնուսն « խցեալք ՚ի խաւարի » կը մեկնէ : Բայց այս մեկնութիւններս ըստ բազդի և ըստ նմանաձայնութեան բանից եղած են. հետևաբար զուրկ են ՚ի բանասիրական ստուգաբանութենէ : Ուստի կամ տաճկերէն Թոնրակ կամ Թոնրակն ըլլալու է. և իրօք այս անուամբ աւան մ՝ալ կը գտնուի Ալեասիոյ բաժնին մէջ, և կամ մեր դրացի ասորերէնի մէջ որոնելու է անոր ծագումն :

կամ Մանինեցի ևս կը կոչուէին, — որովհետև Մանեայ վարդապետութիւնն ասոնց մէջ աւելի պահուած էր, քան թէ Պաղիկեանց և Թոնրակեցւոց մէջ, — բայց ամէնքն ալ հեթանոսաբար կ'ապրէին. այսինքն է՝ առանց մկրտութեան և այլոց խորհրդոց Եկեղեցւոյ, և առանց աղօթից և պաշտաման: Ամէնուն նպատակն էր ջնջել յաշխարհէ զկրօնս և զաստուածպետութիւն, և տալ զանձինս 'ի հեշտախտութիւն աներկիւղ: Անոնց առաջնորդներէն միոյն, այն է Կիրզի արարբը, — զոր կը պատմէ մեզ Գր. Մազխատրոս, և ես կ'ուզեմ համառօտիւ մէջ բերել, — յայտնի նշան է, թէ ինչ աստիճանի զօրացած էին այն ազանդաւորքն, և թէ ինչպիսի՛ նեղութիւններ և նախատինքներ կ'ընէին հաւատացեալ ժողովրդեան՝ յառանին և յեկեղեցիս, ուր յանդգնութեամբ 'ի ներքս կը սպրդէին: Օր մի՛ այն ինչ հաւատացեալք պատկառանօք կեցել էին սուրբ սեղանին և պատարագի զիմաց, յանկարծակի բացագանչեր է առ Սրբութիւնն սրբոց. « Ո՛ւնտի յոյս թրխտոնէից. արդեօք զինչ յոյս ունիք դա՞ք: Եւ նոքա պատասխանի տուեալ աւսեն. Զպատշաձագոյնս մեր: Իսկ նա ասէր ամպարիշտ բարբառով, առեալ խմիր կոզոյս առնէր ձեռամբն, և թացեալ 'ի գինի՛ արտաքս ձգէր և ասէր. Այդ է խարէութիւն քրիստոնէիցդ. և այս էր Կիրզեղ անիծեալ առաջնորդն Թոնդրակաց, և այլ բազում հայհոյութիւնս 'ի սուրբ կոյսն Աստուածածին և յամենայն տնօրէնութիւնս »:

Այրարատն՝ ըլլալով իբրև սիրա Հայոց մեծաց, Թոնրակեցւոց ազանդն ալ այդ սրտին մէջ բունեալ վարակիչ հիւանդութիւն մի, ընդարձակ և անխուսափելի վտանգներ կը սպառնայր շուտով ապականելու ամբողջ մարմինն ևս. այնու մանաւանդ զի Արարացի ոտտիկանաց սուրն և բանութիւնն իսկ Թոնրակեցւոց հետ 'ի միասին կը ներգործէին: Յովհ. Ովայեցի կաթողիկոսը, թէպէտ և իր իմաստուն վարչութեամբն և հոգեսէր հոկորութիւններով կը ջանայր այն կրկնակի և թիւնաւոր հոսանաց դէմ՝ հակազդիչ և նախապահեօտ դեղեր հասցնել, բայց 'ի զուր. զի Թովմ. Արծրունւոց աւանդածին համեմատ՝ իշխանաց մեծագոյն մասն մի արդէն վարակեալ էին անոնց հեթանոսական դարչութեամբ, և կաթողիկոսին հակառակ կուսակցութիւն մ՞ ևս կազմած էին: Ահաւասիկ Արծրունի պատմագրին խօսքերը. « Ընդ ժամանակն ընդ այնտիկ էր կացեալ յաթոս հայրապետութեան Տէր Յովհան կաթողիկոս Հայոց, և յաւէտ հրաշիւք յօրինէր զկարգս սրբոյ եկեղեցւոյ ուղղափառ առաքելական հաւատոց 'ի Տէր Յիսուս Քրիստոս. դնէր ուխտս ընդ իշխանս աշխարհիս

Հայոց գնալ ըստ արժանի հաւատոցն Քրիստոսի... այլ նորա ոչ մեկնեալ լինէին 'ի ժանտագործ պղծութենէն զազրալից սողմանկան ախտիցն... գնային տոնխեթի գայթ 'ի գայթս և ազտեղատէրս . մինչև զանբարկանային Աստուած 'ի բարկութիւն ածել 'ի սատակումն անձանց և 'ի կործանումն աշխարհիս և յաւեր ժառանգութեան տանց հայրենի բնակութեանց » :

Այս, վերջնական արդիւնքն այն եղաւ, որ կաթողիկոսն ինկաւ իր գահէն, և աշխարհս մատնուեցաւ յաւար Արաբացւոց և յապականութիւն թոնրակեանց : Ուխտապահ նահատակողաց հետ՝ ուրացողաց թիւն իսկ շատ մեծ էր . որոնց մէջն էր կաթողիկոսի ախոյեանն և սպարապեան Հայոց Բագարարտ Բագարառունի, որ նորոգեց Եկղեսիակնուսաց մուրուսութիւնը, որ կ'ըսէ, թէ մեզք չէ ուրանալ զՔրիստոս առաջի բռնաւորաց, պահելով զհաւատս 'ի սրտի : Սակայն նշանակելի է, — այս դժուարին ժամանակիս, — Հայաստանեայց եկեղեցւոյն և անոր հովուաց համաշունչ պնդութիւնը, որով ոչ միայն 'ի դերև հանեց զազանաբարոյ Բուզայի պէս սարսափելի բռնաւորին հաւատուրացութեան համար 'ի գործ դրած միջոցներն, այլ նոյն իսկ կոչեց, — յանիրաւի հրաժարեցուցած, — սուրբ կաթողիկոսն իր գահուն վրայ, և շարունակեց իր պատերազմը թոնրակեցւոց դէմ, մինչև որ նուաճեց զանոնք :

Յովհ . Ովայեցւոյ մահուանէն վերջ նորէն սկսած պիտի ըլլայ թոնրակեցւոց բարոյական-կրօնական ժանտախտը : Յամի Տեառն 945 արդէն խիստ ընդարձակ ծաւալ առած էր . վասն զի ժամանակին նշանաւոր վարդապետներէն մին Անանիա Նարեկացին՝ հրաման ընդունեցաւ, — անշուշտ իր համանուն կաթողիկոսէն, — սրել իւր գրիչն, և գիտութեամբ մենամարտիլ այն կախարդասար ազանդաւորաց փաղանգի դէմ : Ոսկիբերանեան պերճաբանութեամբ և պղատոնական խորութեամբ շարագրած անոր ընդդիմաբաւուրքեան գիրքն, — որ եղաւ իրև զօրաւոր դէնք մի 'ի ձեռս մանկանց եկեղեցւոյ, — բաւական էր զինթափ ընելու նաև զթոնրակեցիս . բայց որովհետև սորա աւելի ապականութեամբ բարուց և զաղտագողի, քան թէ գիտութեամբ գրոց՝ իրենց բազմութիւ համախոհներ յարուցած էին, այն պատճառաւ իսկ մնացին յուժի : Մանաւանդ թէ մէկ կողմէն իրենց համախոհ ունենալով Ովայեցւոյն հակառակորդ և ախտամոլ իշխաններն, իսկ միւս կողմէն ալ ժամանակին զեղծ եկեղեցականները, — զորս շահեցան մերթ իրենց խարազնազգեաց ճգնութեամբ և մերթ ինքնահնար կրօնիւք և գիւթութիւններով, — տարածուեցան բոլոր Տարօնի հիւսիսակողմեանքն և 'ի

Միջագետս, ունելով իրարու հետ հազարդակցութիւններ, երբեմն յայտնի, և յաճախ ծածուկ միջոցներով: Կաշառք և պէսպէս խոստումներով կազմեցին գաղտնի լրտեսութիւններ և ընկերութիւններ. քսութեամբ և չարախօսութեամբ՝ ցանկեցի՝ հակառակութեան և բաժանման որովք՝ հաւատացեալ ժողովրդեան և աւանձին ընտանեաց մէջ: Գրգռեցին աշխարհական դասը՝ եկեղեցականաց, և եկեղեցական դասն՝ աշխարհականաց դէմ, — բանասարկու սատանայի նման՝ ասոնց քով բարեպաշտ և վրէժխնդիր աստուածային իրաւանց ձեանալով, իսկ անոնց քով ոխերիմ՝ թշնամի և պաշտպան ազատութեան մարդկան՝ ի կրօնական պարտաւորութեանց: Բոլոր այն անձինքը՝ զորս սրբութեամբ վարուց և հեղինակութեամբ՝ իրբև թակ կոչկոծիչ գիտէին իրենց ազանդին, որպէս զի մէջ տեղէն վերցնեն, ամբաստանեցին իրբև համախոհ թոնրակեանց: Այնպէս որ կրնանք ըսել, թէ ժ. դարն՝ էր Հայաստանեայց համար կոսկածանաց⁽¹⁾ և սարսափի դար. եղբայր յեղբօրէ կը խիթար և եկեղեցական յեկեղեցականէ. վասն զի թեթև ամբաստանութիւն մի՝ բաւական էր ամենածանր պատժոց ենթարկելու նաև ուղղադաւան անձինքները: Այս, այսպիսի ամբաստանութեան և պատասխանատուութեան տակ ինկաւ նոյն իսկ ուղղափառութեան շատագոյն՝ Անանիայ, և ստիպեցաւ իր մահուան անկողնոյ մէջ գրել իր խոստովանութեան երկրորդ գիրը: Գր. Նարեկացին իսկ որուն սրբութեան հօտը՝ ինն դարուց հետէ իրբև խունկ անուշ կը զմայլեցնէ զմեզ, և ամէն հայի սիրա անուշութեամբ կը լեցրնէ, չազատեցաւ անոնց ամբաստանութենէն, բայց եթէ գրելով ինքն իր շատագովական թուղթը, — թէպէտ և ազգային պատմագիրներ՝ խորովեալ ազանխներու հրաչքով կենդանանալուն և թոչելուն կ'ընծայեն զայն: Աճաւայ վանից առաջնորդն և ուրիշ անձինք ևս, ամբաստանուած էին իրբև համախոհ թոնրակեցուց, զոր Գրիգոր իր թղթին մէջ կը յիշէ և կը մեղագրէ եղած ամբաստանութեամբք: Հաւատարմութեան բացուած ատեանը՝ կարի անաչառ էր՝ դատելու երբեմն և՛ զարդարն ընդ մեղաւորին. և ո՞ գիտէ, թէ քանի՛ քանի ջերմ ուղղափառներ՝ իրբև կեղծաւոր թոնրակեցիներ չգատեցան ի հօր, ի սուր և յաքսոր:

Սարգսի Այ կաթողիկոսութեան ժամանակ, այսինքն է մօտ 1002 փրկչական թուին, յաջողեցան թոնրակեցելք ոչ միայն

1. Ստուգիւ այս եղելութիւնս այնքան յայտնի կը տեսնուի Անանիայ և Գրիգոր Նարեկացիներու թղթերուն մէջ, որուն վրայ տարակոյս հանելն իսկ աւելորդ է:

որսալ իրենց ծուղակին մէջ Հարք գաւառի եպիսկոպոսն Յակոր, — որուն վրայ ամէնքն ալ սուրբի համարում ունէին, — այլ նոյն իսկ համայնք մ'էս կազմելու այն գաւառին մէջ: Մեծ քայլափոխ մ'էր այս և յաղթանակ Թոնրակեցի ազատամիտներու համար: Արիստ. Լաստիվերոցին՝ այս կէտէս կը սկսի Թոնրակեցւոց պատմութիւնը, — առաջինները գողցես իմն մտնալով. — այս նշան է, թէ մեծ իրարանցումն պատճառեց այս միջագէտս Հայաստանեայց մէջ. որովհետև յառաջ իբրև քանի մի ստակական և ախտամոլ անձանց ձկտումն կը նկատուէր այն ազանգը, որուն դէմ՝ զինուած էին ազգիս գրէթէ ամբողջ եկեղեցական և աշխարհական իշխանութիւնքը: Իսկ այս ժամանակիս Յակորայ պէս բարձրատիճան և առաքինի կարծուած եկեղեցականին հետ՝ խրամատեցաւ նաև եկեղեցական գասը. վասն զի Լաստիվերոցը ըսածին նայելով, նա իր կեղծաւոր պահեցողութիւններով և անգաղար սաղմոսերգութեամբ «Շարժեաց 'ի գարնաւն գեղերն աշուրս և զհեռաշուրս. աւեկուայն ոք ցակալայր տեսակեղ զնա և զհետևողս նորս. նաև մեծարե՛ծ իշխանք յարեցան 'ի նա... և այլքան ետուել 'ի հնազանդոչքիւն նմա զակնօրն, որ թէ և զնոգիս հսակեղ հրաւնայր՝ չէր ոք որ ընդդիմանայր և կամ իշխէր բանալ գրեալն և ձիկ հսակեղ »:

Այս կերպով Հայոց իշխանաց և ռամիկ ամբոխին սիրտն և աջակցութիւնն առ ինքն գրաւելէն յետոյ, սկսաւ արգիլել Յակոր գրահանայս պատարագելէն. և ապա քարոզեց համարձակապէս Սմբատայ մուրութիւններն, ունելով իր կողմը նոյնպէս բազումս 'ի քահանայից: Կը մտնէին, — երբեմն 'ի ծածուկ և երբեմն յայտնապէս, — հաւատացելոց տաճարները, կը սուլէին և կը նախատէին անոնց սրբութիւններն և նուիրական տօները: Գայթակղութեան և զայրութի հետ՝ մեծ շփոթ և շշուկ ևս ծագեցաւ Ժողովրդեան մէջ: Ամէն կողմէն երկրայութիւնք կը յուզուէին քրիստոնէական խորհրդոց վրայ, և տկարամիտներն՝ իբրև զծով կը ծփային 'ի պէս պէս կարծիս: Ազգին մեծամասնութեան և ընտրելոց անընդհատ բողոքները՝ կը ստիպեն վերջապէս զՍարգիս կաթողիկոսը՝ շուտով Ժողով գումարելու. և կը խմբուի Հարթայ Ա. Ժողովն: Կոչուեցաւ կրկին և կրկին ազանգաւորն Յակովբ, գալ և համար տալ իր աշխարհաւեր ընթացքին. բայց նա խոյս տուաւ անկէց: Ժողովքին սաստկապահանջ հրամանը շուտով հասաւ անոր ետևէն. կաղանաւորեցաւ Յակոր իբրև խռովիչ և մարտեցուցիչ Ժողովրդեան. աղուեսագրոջմ⁽¹⁾ խարանը գրոջմեցին անոր ճակատին վրայ և շրջեցուցին

1. Այս բանիս նշանակութիւնը կու տայ մեզ Մագիսարոս, ըսելով. «Նաև

զնա փողոցներու և հրապարակաց մէջ. քարոզն ընթանալով ա-
նոր առջևէն՝ կ'աղաղակէր. « Որ 'ի սուրբ հաշտոց Եկեղեց-
ւոյն Քրիստոսի ստղոսկեալ՝ յսևօրէն թունդրակեցաց 'ի մար-
դադեմ գազակաց փարսիս մտնալ միարանի, դատ և իրա-
ւունս գայս կրեաց » Կարսափելի էր այս գատավճիռս, թէ
թոնրակեցոց և թէ ուղղափառաց համար. զի անոր ահաւոր
գործադրութիւնն իսկ ակներև կը տեսնէին ամենեքեան. խայ-
տառակարար չըբաւ Յակոբ առ Յոյնս, և պաշտպանութիւն գըս-
ներու համար՝ կրկին մկրտեցաւ. սակայն անտի ևս հալածուելով
գիմեց 'ի թոնրակ, և աստի 'ի Մուֆարդին. ուր միանալով այլ-
ազգի Մանիքեցոց հեա՝ հօն անցուց իր վերջին օրերն և մե-
ռաւ, — թողլով տխուր յիշատակ մի միայն Հայոց եկեղեցական
պատմութեան մէջ. — իսկ իր հետեղները լռեցին այնուհետև,
և իսպառ հեռացան 'ի Հարքայ:

Բայց թոնրակ՝ որ իբրև վիշապարուն մի կեցած էր 'ի մի-
լակէտ աշխարհիս Հայոց, չէր գազրեր բնաւ իր թունաւոր ազ-
դեցութիւններով լեցնել եկողներն և գացողները: Հարքայ Ա.
ժողովէն և Յակոբեանց գատապարտութենէն երկու տարի վերջ՝
ի թի նման ստղոսկելով՝ անցաւ այն ազանգը Մանանազուց մտ
Շիրևի բերդաքաղաքն, ուր, — ըստ վկայութեան Լաստիվերու-
ցոյ, — կռնճիկ շանուն արեղայ մի՝ նախ ինքն, ապա իր ձեռ-
քով որսաց լեզուանի և մեծատոհմիկ տիկինն Հրանդը: Ասոր
չուտով հետեկեցան իր ազգակիցներէն երկու քոյրեր, որոց մին
Ախևի և միւսն Կրանարս կը կոչուէին: Բարեկոնի այս մարմնա-
սէր դատերքս, ոչք պարզապէս իրենց կիրքերն յագեցնելու-
քան թէ ճշմարտասիրութեան համար ընտրած էին այն հեթա-
նոսական ազանգը, յաջողեցան, — պէսպէս հրապոյրներով, —
որսալ նաև իրենց մերձաւոր ազգականը կամ՝ լաւ ևս հարազա-
տը՝ վրովեռ: Այս բանիս վրայ ամբողջ հայութիւնը զարմացաւ,
համակելով 'ի սուգ անմխիթար. վասն զի իշխանիս բարեպաշ-
տութիւնն և եկեղեցասիրութիւնն ամենուրեք հուշակուած էր
նախապէս. կրօնաստան մ'ևս չինել տուած էր իր դրախտա-
նման կարուածոց մէջ և սիրայօժար կը յանձանձէր:

Լաստիվերացոյ աւանդածին համաձայն՝ Կաշի և Աղիւսոյ կո-
չուած գիւղերն, — որք անոնց ընդարձակ ժառանգութեան
մասը կը կազմէին, — բրին իբրև կաղազս և հանգրուանս ար-

մեր քահանայապետն մասնեցին (զազանդաւորս) 'ի կիզումն զիմաց և 'ի դրոջմ
ազուխակերպ . . . իբրև զաղուէսս գոյս և ապահանջս այցեաց, որպէս ասէ Ի-
մաստունն »:

բողիտական և բազոսական խնջոյից: Խզելով զկապ մերձաւոր արիւնակցութեան՝ անխորաբար կը պոռնկէին Վրվէռին հետ, այս ջամնէկ կիները: բնակիչներուն ևս առհասարակ մատուտակեցին Թոնրակեցւոց ազանդն և իրենց պղծաշուրթ բաժակն: Որոնք քիչ առնեն արբեալ և մոլեգնեալ ողւով ատելութեան, սկսան շրջել աստ և անդ, և այն տաճարները, — զորս իրենք կանգնած էին երբեմն ՚ի փառս Աստուծոյ և իրենց ազգատոհմին, — հիմնայատակ կործանեցին. գիւղերու մէջ և յանցս ճանապարհաց, ուր որ տէրունեան խաչի նշան կը տեսնէին, անպակառարար վար կ'անուրին, և նախատանօք կը խորտակէին:

Արգ այս և ասոնց նման դեռ ուրիշ շատ պատմական եղելութիւններ՝ յայտնապէս կը ցուցնեն, թէ Մանիքէա-Պաւլիկեան Թոնրակեցիներ՝ վանգալներէն վար չէին մնար. մանաւանդ թէ Թ և Ժ դարերուն նորոգեցին զՎանդալականոտրիւնը՝ բոլոր իւր ճիւղաւորութեամբ: Մինչև հիմայ ըսածներէս՝ դուրս՝ նոյնպէս Բագնադքիչի հրաշագործ խաչին, Վրվէռայ դատապարտութեան, Ժողովրդեան այն մեծագոյն յուզման, և Հարբայ և Մանանաղի մէջ կատարուած իրաց մանրամասն պատմութիւնը՝ ճարտար վրձինով նկարագրած է Լատտիվբացին, — զժբաղդարբար առանց անոնց բուն պատճառները ցուցնելու: Սակայն հանդերձ այսու յոյժ շնորհապարտ ենք անոր մեզի մատուցած այն մեծ ծառայութեան և մեծարգի տեղեկութեանց, զորս ուրիշ հեղինակաց քով չէ մեզ կարելի գտնել:

Թէպէտև լուծ է նա ըսել, թէ վերոյիշեալ մեծատոհմիկ կանայքն ինչ վերջ ունեցան, բայց Վրվէռի նորանշան հիւանդութեան և երկնասաստ մահուան նկարագրութիւնն իրաւցնէ ամէն լսողաց զգուանք և սարսափ կ'ազդեն. մանաւանդ թէ կարծել կու տան, թէ ամէնքն ալ՝ իրե՛ց ախտամոլ անառակութեանց և կորստական ճամբուն մէջ շարունակելով՝ այնպէս իրենց մահկանացուն կնքած ըլլան: Անոնց տեսական մտորութիւնքը, զորս կը համառօտէ ՚ի վերջիցս Ի. Գ. գլխուն, յար և նման են Սմբատայ մտորութեանց. այսպէս նաև անբարոյական մձգնէութիւններն, որոց մասին, կ'երեխի, թէ շատ բան գիտէր հմուտ պատմագիրս, բայց լսողաց զգուանք կամ ախորժ չի պատճառելու համար, հետեեալ հակիրճ և միանգամայն համեստ բանիւք ուզած է արտայայտել, ըսելով. « Բայց զնոցս մճղնէ գգորձն՝ ակալառչաձ հաւարեցաք ընդ գրով արկսնել, քանզի կարի աղոտոյի է, և զի ոչ ամենայն ոք պնդակազմ է ըսելոք, բագնաց՝ մնողաց յիշատակն ՚ի խողոտակն ձգէ գրողակն և ՚ի կատարուելն գործոյն իսկ աճէ »:

Լաստիվերացոյ աւանդածէն ակներև կը տեսնուի, թէ ինչպէս Հարք՝ այսպէս ևս Մանանաղի գաւառի Թոնրակեցիք երկար տարիներ չունեցան, բարեբաղդաբար, իրենց աւերիչ գործն՝ ընդարձակաբար ծառայելու Հայոց մէջ. վասն զի, յամին 1005, շնորհիւ Ելիասայ արգարազատ դատաւորին, — որ բիւզանդական կայսեր կողմանէ ուղարկուած էր ՚ի Մանանաղի, — անոնց ծածուկ կերպով լարած դարաններն և ծրագիրներն յայտնուեցան և մնացին անիրագործելի. իրենք հալածուեցան ՚ի բաց, և իրենց բնակավայրքն աւերեցան իսպառ:

Հարքայ Ա. Ժողովին և Ելիասայ գործադրած խիստ միջոցները, — Հարքայ և Մանանաղի արանդաւորաց դէմ, — կ'երևի թէ նոյն ազգեցութիւնը չունեցան Թոնրակեանց վրայ. ուրովհետև նոքա, — կամ՝ շնորհիւ իրենց ճկուն քաղաքականութեան, և կամ՝ խումբ մի հնարիմաց առաջնորդաց (1) ճարտարութեան, — կրցան խաբել իրենց հալածիչներն, և այնպէս շարունակեցին իրենց ընթացքը ցամա 1050:

Այս ժամանակիս երկու բարեպատեհ դէպքեր՝ բոլորովին մերկայուցին անոնց խաբէութեան գիմակն. այսինքն է, նախ Գր. Մագիստրոսի պէս աչալուրջ իշխանին Միջագետաց Դիսուլթեան հասնիլն. երկրորդ՝ երկու Թոնրակեցի ազանդաւորաց վերագարձն ՚ի ծոց սուրբ Եկեղեցոյ, ոչք մկրտուելով (2) կուչուեցան մին՝ Պօղիկարպոս և միւսն՝ Նիկանովրա: Սուրա յայտնեցին Մագիստրոսի ոչ միայն Թոնրակեցիներու բոյնը, այլ որ կարեորագոյնն էր ՚ի գիտութիւն, նոյն իսկ անոնց ծածուկ մտրութիւններն և գործած ամենօրեայ սճիւրները: Մագիստրոս, — որ կայսեր հաւատարիմ ծառայութենէն դուրս՝ իրեն անհրաժեշտ պարտք կը համարէր քրիստոնէական սուրբ կրօնից և հայրենեաց անվճար պահպանութիւնն, — այս հաստատուն կուռաններուն վրայ յեցած՝ սկսաւ անմիջապէս իրրև բացար-

1. Երախտապարտ ենք Մագիստրոսի, որ իր բազմիցս յիշեալ թղթին մէջ ուրիշ շատ օգտակար տեղեկութեանց հետ՝ Թոնրակեցի ազանդապետաց անուանքն ևս աւանդել ուզած է մեզ յետադայլցս. որոնք են ըստ կարգի Թողոյոս, Անանե, Արքայ, Մարգիս, Կիշրեղ, Յովսէփ, Յեսուշ, Գազար և Շեկ-շառն: Ասոնց վրայ աւելցնելու ենք Լաստիվերացիէն յիշուած Յակոբը, Կուճիկ և Վրպիւս: Այս անձինքս և անոնց գործերն անծանօթ են օտարազգի հին պատմագրաց:

2. Նորագարծից մկրտուելով, թերևս կարծուի, թէ Հայք ևս Օրդոդըս եկեղեցոյ պէս իրենց եկողները կրկին կը մկրտէին: Սակայն իրն այնպէս չէ. այլ ընդ հակառակն եզրակացնելու է, ըստ իս, թէ այս ազանդս դարաւոր կեանք ունենալով, անոր մէջ ծնուողներն ալ իրրև հեթանոս և անկնունք կը մեծնային. ուստի դառնալէն վերջ հարկ էր զանոնք մկրտել:

ձակ վարիչ 'ի գործ դնել բոլոր իւր մեծաստատ հրամանն և դատողական իշխանութիւնը: Թոնրակեցւոց ազատութեան համար ալ ուրիշ միջոց չկար. այլ հարկ էր կամ քաջութեամբ կրել և մեռնիլ, կամ փախչելով զերծանիլ, և կամ՝ դառնալ խմբովին իրենց բռնած թիւր ընթացքէն և ապաւինիլ մեծ իշխանիս և անոր հոգևոր մօր՝ Եկեղեցւոյ գլխութեանն: Քիչեր կարացին իրենք զիրենք Ասորւոց կաթողիկոսին հովանոյն ներքե ձգել, և իբրև հայ հաւատացեալներ՝ խարել զնա: Սակայն արթունն Գրիգոր՝ փութաց և իր մէկ ընդարձակ թղթովք պարզեց բոլոր անոնց ծագումը, խարեակա՛՛ ձկտումներն և գործած եղբուհներ՝ կաթողիկոսին. յորգորելով որ չընդունի բնազանտը, այլ իրեն յանձնէ: Այս, իշխանիս գրչին և գիտութեան հետ՝ գործունէութիւնն իսկ մեծ եղաւ այս ժամանակիս: Գրեց թուղթ մ'ալ առ կաթ. Հայոց Պետրոս Գետադարձ՝ զինչու ընդդէմ՝ խարդաւանաց Թոնրակեանց, որոնք խնդրած էին, և գրէթէ յաջողած իսկ վերասին խուժել 'ի Հայս: Վերջապէս Մագիստրոսի ձեռնարկած գործը յաջողութեամբ պատկուեցաւ. հիմնայատակ կործանեցաւ Թոնրակեանց ժողովատեղին, և անոր հիմանը վրայ բարձրացաւ Ս. Գէորգ եկեղեցին, զոր գերած էր ազանդապեան Սմբատ: Հազարէն աւելի Թոնրակեցիք թողին իրենց ազանդն և մտան 'ի փարախ Ս. Եղեղեցւոյ, մկրտուելով 'ի ձեռն Եփրեմի Բջնեցւոյ եպիսկոպոսի:

Հոգևոր իշխանութիւնն՝ հաստատուն հիման վրայ յաւերժացընելու համար այս մեծ գործս, և մշտապէս վերջ տալու Թոնրակեցւոց ազանդին, խմբեց Հարքայ Բ. Ժողովն, յամի Տեսուն 1054. ընդունուեցան նորադարձք 'ի մկրտութիւն, և Հայաստանեայց եկեղեցին վերջապէս գտաւ իւր 'ի վաղուց կորուսած խաղաղութիւնը:

Եզան ոմանք, — այս վերջին ժամանակներս, — ոյք խառն դատեցին Մագիստրոսի գործածած տարապայման և անողորմ վարմունքը Թոնրակեցւոց դէմ, զանոնք և անոնց արարքն արդարացնելու չտի: Սակայն իրաւացի չերևիր ինձ այսպիսի դատաստան մի. և իբրք նախ և յառաջ նոյն իսկ Մագիստրոսի հետեւալ խօսքերը՝ բոլորովին հակառակը կը ցուցնեն. « Որոց հրաւանչեցաք տապալել զհիմունն յարկացն և հրձիգ առնել, և զինքեանս հասնեալ 'ի ահմանուց մերոց. այլ ոչ զոք վնասեցաք մարմնական պատռռնասիւշք, քեպեռև յօրեանս հրաւանչեզ վերջիս պատռռնասն կրել ևնցա. որպէս և ևնախ քան զեզ քազո՞ւմ զօրափարք և պեռք 'ի սոշր սոշրերի մասնեցիս զնոսս և անողորմաբար ոչ ինւանցիս 'ի Տերս և 'ի մանկունն, որպէս

և արժանն էր » : Երկրորդ՝ գիտելու ենք, որ այն գործին յաջողութեամբ կատարուին և բերած պտուղներն իսկ՝ մի մի փայլուն ապացոյցներ են անոր վարչական մեծ հանճարոյն : Արդ՝ այս երկաթեայ բաղուկս՝ եթէ իր բազմապատիկ ներողութեանց հետ, — առ ռամիկ աղանդաւորս, — զինուորական խտուրթիւններով ևս յասպարէզ եկած չլինէր, անտարակոյս Հայոց ազգն և եկեղեցին՝ զեռ երկայն սարիներ պիտի տուայտէին, և թոնրակեան աղանդաւորաց՝ անոնց մէջ գործած աւերածներն և փաստակար ազդեցութիւնքը՝ շատ աւելի բազմադիմի պիտի լինէին, քան զոր կը կարծեն այժմ՝ ոմանք : Ուրեմն իրաւամբ և գովութեամբ կարեւր արդ. եղբակացնել, թէ ինչպէս Պաշտօնականաց աղանդի բարձունքը՝ մեծապէս Յովն. Օմեկեցի հայրապետին, այսպէս ալ թոնրակեանիքը՝ Գր. Մագիստրոսի պարտական եւք :

Մանիքէա-Պաղիկեան թոնրակեցուց քննական պատմութիւնն այսպէս ներկայացնելէն վերջ, այժմ՝ այս կարևոր հարցերս կ'ելլեն մեզ ընդ առաջ՝ բոլոր իրենց խոչընդոտներով հանդերձ. այսինքն են. Ի՞նչ պատճառներ կային, որոնցմով այս աղանդս այնքան ձգիչ և դրաւիչ եղաւ. և թէ ստուգիւ բոլոր այդ աղանդաւորները ախտամոլ և անուս մարդիկ էին արդեօք, ինչպէս ուզած են ներկայացնել հինաւուրց եկեղեցական և աշխարհական մատենագիրներ : Դարձեալ այդ կրօնական, բարոյական և քաղաքական հիրձուածն, որ, — ըստ վկայութեան Մագիստրոսի, — հարիւր-հօթանասուն տարիներէ աւելի տառապեցուց նոյն իսկ Հայոց ազգն և աշխարհը, որ երեքէն աւելի ժողովքներ գումարել տուաւ, և յԳ-յԷ կաթողիկոսներ⁽¹⁾ արտամութեամբ իջոյց 'ի գերեզման, — ի՞նչ վերջնական արդիւնքներ ունեցաւ արդեօք. կամ լաւ ևս, իր փաստակար արգասիքներէն դուրս՝ օգուտներ ևս ընծայեց այն ազգին և աշխարհին, որուն կենսական ոյժերն սպառող մակարոյսն (parasite) եղաւ ընդերկար :

Արդ՝ այսպիսի ծանրակաշիւ հացմանց՝ բանաւոր և գոհացուցիչ լուծումն տալու համար, նախ 'ի նկատի առնելու ենք հի-

1. Այսինքն են Յովն. Ովսեցի, Զարարիս, Գեորգ, Մաշտոց, Յովնանէս, Ստեփաննոս, Թեոդորոս, Եղիսէ, Անանիս, Խաչիկ, Սարգիս և Պետրոս Գետուդարձ, ըստ Հ. Միքայէլ Զամչեանի, — Պատմ. Հայոց. Հտ. Բ : Իսկ Գր. Մագիստրոս, նոյնչափ ալ Աղուանից կաթողիկոսներ կը յիշէ, ըսելով. « Փոխանակ երկիցս և երիցս բողոքելոյ, գհարիւր և զեօթանասուն ամ երեքտասան քահանայապետք Հայոց Մեծաց, նոյնչափ Աղուանիցն, և բիւր եպիսկոպոսք և անթիւ քահանայք և սարկաւազունք բողոքեցին ձեզ, և ո՛չ լուայք. խօսեցան և յանդիմանեցին, և ոչ պատկառեցիք. անիծեցին և արտաբսեցին, և ոչ զղջացք » :

Նաւուրց պատմագրաց մեզ աւանդած այն սակաւաթիւ և ցանկ-
ցիր եղած տեղեկութիւնքն, որք, — անտարակոյս, — աւելի յո-
ռետետութեամբ՝ քան թէ բնորոշ յատկութիւններով և բարե-
շքրջութեան օրինաց համաձայն գրուած են. իսկ միւս կողմէն ալ
նոր քննադատից, — ՚ի մանաւորի Գերմանացուց յայտնած նոր
կարծիքներն, — որք ընդհակառակն արեւելասիրութենէ մղուած
չատ բան լաւատեսութեամբ նկատած են, որք ըստ ինքեան
եպերելի են: Արդ՝ պատմական և քննադատական այս նժարնե-
րուս միոյն մէջ գրուած Մանիքէա-պաւղիկեան թո՛նրակեցիներու
աղանդն և աղանդաւորք առ հասարակ, դատուած են իբրև ամ-
պարիշտք և ամպարշտոռքիւն, մճղնէռքիւն և մճղնէաշք, շամ-
բոշք և ախտաւնդներ. իսկ միւսին մէջ այն աղանդներն առ-
նուած են յաճախ իբրև լիկ կրօնակաւ, քաղաքակաւ և մտա-
շորակաւ զարգացմունք և զառաճմունք ժամանակաց և մարդ-
կոչքեաւ, և աղա՛ դաւորներն ալ աւելի կարող, գիտուն և ա-
զատաւիրտք՝ քան թէ վառաշ, շամբոշ և յաւէտ վնասակարք:
Սակայն մենք այս երկարանշիւր կողման ապրայն հանելով, պէտք
ենք ըսել, թէ այն աղանդաւորներն, այո՛, ամէնքն ալ, առանց
բացառութեան, ամպարիշտ և ախտամուլ անձինք չէին, ինչպէս
քրիստոնեայք ալ առ հասարակ առաքինի և ուղղադաւան չեն: Այո՛,
չատեր կային այն աղանդներուն հակած և կամ անոնց մէջ ծնած,
առանց գիտնալու անոնց էութիւնն և գաղտնիքը: Եւ ստուգիւ,
Մագիստրոս խօսելով թո՛նրակեաններու այն խմբին վրայ, որք
իրենք զիրենք քրիստոնեայս և արամեան գնդէն կ'անուանէին,
կ'ըսէ. « Բացի նոցա գուռն ոլորմութեան և մարդասիրութեան,
վասն զի խոշտաղոժ ազգն այն ակմեղք էին յայսպիսի մա-
հաբեր քունից սրտաւորքեաւ քաժակոյ լոցս »: Իսկ գլխաւոր
առաջնորդներն և օրինադիրներն, — Մանիէն սկսեալ ցվերջինն, —
աւելի կամ պակաս զարգացած մտքեր էին, բայց ամէնքն ալ
հեթմանտական, մոգական և նոր պղատոնական գիտութեամբ ա-
ւելի, քան թէ քրիստոնէական վարդապետութեամբ էին պա-
տարուն, հետևաբար չէին մշակեր Աւետարանի պատուիրած ա-
ռաքինութիւնները, այլ անձնատուր կ'ըլլային կախարդութեան և
պէսպէս մոլութեանց. և պատմութենէ գիտենք, թէ անոնց մե-
ծագոյն մասն ախտիւ որովայնի և գոթութեամբ տանջուելով
ելան աշխարհէ, ըլլալով զո՛հ իրենց ախտաւոր կրից և մճղնէու-
թեանց: Սակայն այս երկրորդ հարցս՝ երկրորդական ալ նշա-
նակութիւն ունի. ուստի ուշագրութիւնն իս դարձնենք առաջնոյն
վրայ:

Յիշեալ աղանդներուն հրապուրիչ և գիւրաւ ընդունելի ըլլա-

լուն կամ տարածուելուն՝ կան բազմապիսի պատճառներ, որոնցմէ զմանս արդէն իսկ ցուցուցինք, յընթացս գրութեանս. իսկ այժմ՝ հետեւեալները մեզ աւելի հաւանական կ'երևին: Ա. Դիտելու ենք, որ թէ՛ Հայք և թէ՛ անոնց դրացի ժողովուրդներն Արարացւոց տիրապետութենէն յառաջ՝ Պարսից և ուրիշ հեթանոս ազգերու հետ ևս վերաբերութիւններ ունեցան, բայց անով ոչ այնքան իրենց մտաւորական և բարոյական և ոչ ալ կրօնական և ընտանեկան վիճակները փոխուեցան. քանի որ այն ազգերէն մին կամ միւսը հայ համայնքին մէջ գեւ թափանցած չէր և տեւական կերպով անոր հետ բնակակից եղած: Բայց յէ դարուն՝ այլակրօնութիւնն՝ իր վարուք և բարուք մտաւ հայ ազգաբնակչութեանց մէջ. յ'ը որդին խորարմատ հաստատուեցաւ. իսկ թ' և Ժ դարերուն մէջ ունեցաւ իր գերագոյն ազդեցութիւնն՝ Հայոց ոչ միայն կրօնական, այլ և՛ առտնին կենաց և՛ առօրեայ ամէն գործոց մէջ. վասն զի Հայոց (ներուի ինձ ըսել) սրտին վրայ, — այսինքն է Դընոյ մէջ, — դրած էին իրենց տիրապետութեան գահը, ուսկից ապա կը ծաւալէր բոլոր անոնց քաղաքային և մտաւոր հոսանքը: Ուր թողունք ապա այն վաճառականական սերտ յարաբերութիւնները, զորս այս առթիւ հաստատեցին Հայք՝ Արարից և այլ հեթանոս ժողովրդոց հետ: Արդ՝ այսպիսի կենսական յարաբերութիւններով և դարական բնակակցութեամբ՝ բարձած էր արդէն այն մեծ խտիրն, որ հեռի կը բռնէր իրարմէ այլազգի և քրիստոնեայ ժողովուրդները՝ մեծ խորշումով մի, և երկուստեք ամուսնութիւնք և զաւակասերութիւնք կը յաճախէին, մինչև փոխել հայեցի անուանց՝ արարացի անուններու. ինչպէս նաև սովորութիւնք և բարոյք:

Արդ՝ այս ամենայն՝ պատմական ամենաստոյգ եղելութիւններ ըլլալով, ուրեմն կրնանք զուրցել, թէ Արևելքի քրիստոնեայ ժողովուրդներն՝ Արարացւոց, Պարսից, Սէլճուքեանց և այլոց մարդախոշոշ սուրէն և բոնութիւններէն ազատուելու և իրենց գոյութիւնը պահելու համար՝ զարմանք չէ, թէ կամաւ կամ ալ կամայ համակերպած ըլլան Երկուութեան և իսլամութեան օրինաց և ընտելացած. Մամլուքներն և տաճկացած Մանլիքեցիք իսկ այս տխուր եղելութեանս զօրեղ ապացոյց մ'են, որոց համար կ'ըսուի, թէ քրիստոնեայ թրիստեալներ էին: Իսկ մեծագոյն մասն հաւատացելոց չկարենալով բոլորովին հրաժեշտ տալ փրկաւէտ Աւետարանին, զոր իբրև իրենց հօրենական և մօրենական ժառանգութիւն մ'այնպէս ընդունած էին, փորձեցին, — տգիտաբար, — յիշեալ ազգաց կրօնից յարմարցնել զայն: Խոստովանելու ենք, որ բիւզանդական կայսերաց և ժողովրդեան

զեղծ և ապականեալ ընթացքն ևս մեծապէս նպաստեց հեթանոսական գաղափարաց ընդունելութեան. վասն զի թուլացոյց նաև ընդհանուր կերպով իւր ձեռքի տակ եղող քրիստոնէական հողը :

Եթէ Յունաստան չունենար իր սքանչելի Ս. Հարքն և անոնց հրաշարուեստ երկասիրութիւնները, թերևս առաջին ոտնփոխն առնողը նա լինէր դէպ 'ի հեթանոսութիւնն, որ անոր նախկին արդուզարդն և անկապտելի պերճանքն եղած էր, իր գիտութիւններովն և մեծագործութեամբքը : Սակայն Հայք չունենալով անոնց ոչ ազատ տէրութիւնն և ոչ իսկ սրբազան դիւցազանց պերճաբան և անպարտելի փաղանգը, գիւրաւ կարէին ամէն նորութենէ գրաւիլ, և ամէն հայրենի հնաւանդութեանց յետս կալ. զի այս է վիճակ և բաժին սր և է նուաճեալ և ստրկացած ազգի մի :

Այո՛, այսպիսի պարագայից մէջ, նոր էին Հայոց համար բոլոր այն արարացի և պարսիկ միպասանութիւններն և գիտական և իմաստասիրական գրութիւններն, որոնք մերթ լրջօրէն հետագոտութիւններով, և մերթ ալ մոզական և կախարդական արուեստգիտութեամբ կու գային և կը գրաւէին տգիտին հետ՝ նաև ուսումնասիրաց ուշադրութիւնը. որոնք կը նուաստացնէին զքրիստոնէութիւնն և կը բարձրացնէին զհեթանոսութիւնը : Նոր էին այն ասպետական և սիրահարական բազմադրուագ արարուածներն, որոնք գրէթէ ամէն օր և ամէն հրապոյրներով կը կատարուէին անոնց աչաց առջև : Նոր էին քրիստոսատեաց Հրէից թարնուռտիև և թարկուռնի հետ՝ նոյնպէս այն անհարազատ Ալեւտարակներն (1) և հերետիկոսական գրութիւններն, որոնք մեծաւ մասամբ այս ժամանակամիջոցիս յօրինուեցան և կը շրջէին նաև մեր ժողովրդեան մէջ և կը քակէին Հին և Նոր կտակարանի հիմունքն և Եկեղեցւոյ հեղինակութիւնը : Միով բանիւ՝ նոր էր Հայոց համար նաև Յանէսի և Յամրէսի ընծայուած Գիրքն (2), որ ամէն ճշմարիտ կրօնից և աստուածապաշտութեան

1. Ինչպէս կանխաւ իսկ ծանուցինք, Կոստանթինոս՝ Պաղկեանց մեծ աղանդապան սուզգիւ Աթորքէն բերուած այս աւետարաններէն մին կարդալով մտլորեցաւ, և յօրինեց իր մոլոր վարդապետութիւն. այս պատմական իր է : Այսպէս եղան նաև Սերգիոս և հայազգին Սմբատ, կարդալով Պարսից կամ Մանայ գրուածքը :

2. Այս գրուածքս կը պարունակէր Եզրիպտացւոց գիտութիւնն և զիւթական արուեստներն և հմայքը : Միք. Աթորին (Chronique p. 262) կը պատմէ Մանտիի համար, թէ կարդալով զԳիրս Յանէսի և Յամրէսի, — գոր յոյց առ նա Լէոն Գ և որդի Կոստանդեայ կայսեր, — յափշտակուեցաւ, և այնուհետև անձնատուր եղաւ կախարգութեան :

դէմ՝ ապատամբութիւն կը վարդապետէր, և Տերերինթի և Մանէսի դրուածոց հետ մեծ շառաչ և շշուկ կը յարուցանէր:

Արդ՝ այս ամենայն լաւագոյն և զօրեղ զէնքեր էին Մանիքէա-Պաղիկեան թոնրակեցւոց ձեռքը՝ հարուածելու զքրիստոնէութիւնն և մուրեցնելու զքրիստոնեայս. թոնրակեցւոց կ'ըսեմ, որոնց ազանդը թէպէտ և կանուխ թէպէտ և տարբեր աղբերականց կը ծագէր, բայց այս տղմասիկ հեղեղներէն ևս քան զևս օժանդակուելով՝ եղաւ գետ մեծ և ողողեց մարդկութեան անդաստանն և մարդաստանը: Հայոց և Աղուանից մէջ կարծուածէն աւելի կանուխ և անաշխատ մտած էր այն, և երկայն ժամանակ տևեց. և այս իսկ կրկին պատճառներով: Ա. վասն զի թ և ժ դարերուն՝ մեր ազգին մէջ հազուագիւտ էին և ճրագով որոնելի եկեղեցական և աշխարհական հանճարներ, ոյք գիտութեամբ և առաքինութեամբ զինուած՝ կարենային դէմ գնել այն հոսանքին, — որ ոյժ առած էր դարուն ոգիէն և բուռն կերպով կը յառաջէր: Իսկ եղածներն ալ քաջուած էին վանքերու և անապատներու մէջ, թողլով խեղճ ժողովուրդն այն մարդորսակ մուրեցուցիչներու ձեռքը. թէպէտև երբեմն 'ի հեռատանէ իրենց ձայնը կը բարձրացնէին, բայց կը մնային միշտ իբրև ձայն բարբառոյ յանապատի. վասն զի իրենք ժողովրդէն և ժողովուրդն ալ իրենցմէ հեռի կ'ապրէին: Բ. թոնրակեան ազանդն ըլլալով բոլորովին երկրաւոր և շնչաւոր, հեշտաւոր և դիւրընկալ կ'երևէր մարդկային անկեալ և ապականեալ բնութեան, — ուրիշ խնդիր է թէ այն անկեալ բնութիւնն աւրելէն դուրս՝ վերականգնելու ամենևին բաւականութիւն չունէր իր մէջ: Գառնանք վերջին հարցը լուծելու:

Անտարակոյս, ազանդի մի կամ կուսակցութեան մի, — եթէ կրօնական համարինք և եթէ քաղաքական, — կարեորութիւնը կամ վնասակարութիւնն անոր բունած ուղղութենէն և դրած նպատակէն դատելու ենք: Արդ՝ Մանիքէա-Պաղիկեան թոնրակեցիներու ազանդն և ազանդաւորք այս երկու տեսակէտերով նկատելով, կը թուի մեզ, թէ ինքն ըստ ինքեան և ուղղակի կերպով՝ այն ազգաց և աշխարհաց, — ինչպէս և մերոյս, — որոց մէջ տևեց ընդերկար և գործեց, ամենևին օգտաբեր եղած չէ և չէր իսկ կարող լինել: Հակառակն ենթադրելն՝ ուրիշ բան չէ, բայց եթէ ըստ անսուտ առածին ուղել տատակէն՝ թուզ քաղել և 'ի փշոց՝ խազող: Ընդհանրապէս ըսուած է, թէ չկայ յեղափոխութիւն մի, որ իր վատ հետևանքներուն հետ բարեբար արդիւնքներ ևս բերած չըլլայ ընկերութեան: Եւ յիրաւի այս բանիս իբրև մի մի անժխտելի և փայլուն ապացոյց-

ներ կեցել են դիմացնիս Բողոքակրսնունքեան երևումն ժ. 9 դա-
րուն և Ֆրանսայի մեծ Յեղափոխութիւնն, յամին 1789, որոնց-
մով խզեցան մարդկային միաբը կապող և կաշկանդող շղթաներ,
տիրեցին ամենուրեք ազատութիւն կրօնից և եղբայրական հա-
ւասարութիւն, այլովք հանդերձ, որով ապա գիտութիւնք և ա-
րուեստք նորանշան քայլեր առին, և մենք ունեցանք մեծ բազ-
մութիւն մի երեւելի մասննագրաց և մասե՛ից: Իսկ գալով Մա-
նիքէա-Պաւղիկեան թոնրակեցիներուն, չնք կրնար ճանչնալ
զանոնք գիտութեան և յառաջագիմութեան իբրև ճշմարիտ յե-
ղափոխականներ, և ոչ ալ անոնց վարդապետութիւնն՝ առնուլ
իբրև քաղաքական կամ կրօնական յեղափոխութիւն, և կամ
յեղափոխիչ գրութիւն. որովհետև այդ աղանդաւորները՝ կամ
համաշխարհի քաղաքացիներ էին՝ առանց հայրենեաց և ազգայ-
նութեան, և կամ՝ ցեց և ուտիճ էին իրենց ազգին և աշխար-
հին: Եթէ դոքա Մանէսի դրած հիման վրայ հաւատարիմ մնա-
ցած և անոր դրական ուղղութեամբը միշտ գործած ըլլային,
իրաւամբ պիտի ըսէինք, թէ ինչպէս անոր նպատակն էր դրա-
դաշտական հին կրօնի վերահաստատութիւնն և իր ազգին բարո-
յականութիւնն, այսպէս ևս հայ թոնրակեցիներու գլխաւոր նպա-
տակն եղած ըլլար Արամներու և սօսանուէր Արաներու հինաւուրց
բնապաշտութեան վերահաստատութիւնն և ազգային անկախու-
թիւնը ձեռք բերելու ջանք մի. ինչպէս յոյն Պաւղիկեաններ
ու նպատակն ալ եղած ըլլար կայսերութեան կործանումն և
վերականգնումն նախկին հասարակապետութեան: Այո, այս գա-
ղափարս ունեցած եմ, բայց և առանց փաստի մնացած: Սակայն
ազգային և օտարազգի հեղինակաց վկայութիւնք, — զորս մինչև
ցարդ մէջ բերինք, — մէկ կողմէն, իսկ միւս կողմէն ալ այն աղան-
դաւորաց բռնած ուղղութիւնն և գործերը՝ բոլորովին հակա-
ռակը կը ցուցնեն դժբաղդարար, և հաստատուն կուտան մի չեն
ընծայեր մեզ այնպէս կարծելու: Ուստի ինչպէս արդի ընկերվա-
րականներէն կարելի չէ յուսալ ազգի և հայրենեաց բարօրու-
թիւն, այսպէս ևս ըսելու է Պաւղիկէա-թոնրակեաններու հա-
մար, ոչք ստուգիւ հին աշխարհի ընկերվարականներ էին. կը
բազմանային բայց՝ ի վնաս և յապականութիւն իրենց ազգին և
աշխարհին. կը խօսէին և կը գործէին, բայց միայն մտրեցնե-
լու համար. անձամբ անձանց էին նպատակ, և ընդհանուրը կը
զօհէին իրենց առանձնական հաճոյից: Անոնց համար հայրենիքն
երկրորդական, և կամ բնաւ նշանակութիւն չունէր. մասնաւանդ
թէ երկու դար շարունակ իրարու դէմ՝ կը պատերազմէին այս
աղանդաւորներս, և հայրենիք և զիրար եղծանել կը ջանային:

Քաղաքականէն անցնելով մտաւորականին, փոքր ի շատէ մի և նոյն մակարդակին վրայ կը գտնենք զանոնք: Հին աղբերացմէ աւանդուած չէ, և մենք չենք գտներ ուրեք, որ անոնք կամ զդաստիարակութիւնն և կամ զգիտութիւնն և գեղարուեստներ մշակած և զարգացուցած ըլլան: Թէպէտև անոնք, — Մանիէն սկսեալ ցվերջինն, — իրենք զիրենք միայն ճշմարտութեան և գիտութեան ուսհասորդներ կ'անուանէին և կը քարոզէին, սակայն բոլոր անոնց գիտութիւնը կախարդութեան և գիւթական արուեստից մէջ պարունակուած էր: Անոնց ծայրայեղ ազատութիւնն իսկ բովանդակ, — որով թերևս ժամանակին աւելորդապաշտութեան դէմ կարենային պարծիլ, — վերջ 'ի վերջոյ սկեպտականութեան կը յանգէր, և ամէն բան արհամարհելու, փոխանակ գիտական և իմաստասիրական նոր գրութիւն մի հնարելու, և կամ եղածները դրականապէս բարգաւաճելու:

Անոնց մեղի հասած գրեանքը թուով և քանակաւ խիստ քիչ են, և գրէթէ ոչինչ, համեմատութեամբ Արիոսեանց և ուրիշ ազանդաւորաց. այս իսկ յայտնի ապացոյց է ըսածնուս: Սերգիոս՝ որ, ըստ վկայութեան Փոտիի, գերազանցեց հանճարով և չարութեամբ բոլոր իւր նախորդ և հետևորդ ազանդապետները, ունէր գրութիւն մի, որ կը բովանդակէր ամէն տեսակ մոլորութիւններ⁽¹⁾, և եղաւ պատճառ ամէն ամպարչտութեանց: Մայրագոմեցւոյ աշակերտին Սարգսի գրուածքն ևս, — զոր Յովհան պատմաբան կաթողիկոսն իսկ հաւանօրէն կարգացած էր, — աւելի Տերերինթայ և Մանեայ⁽²⁾ գրուածոց պէս խառնակոյտ մ'էր, իրարու անյարիր այլ և այլ ազանդոց, քան թէ գիտական ոճով լուրջ գրութիւն մի: Սակայն այսու հանդերձ իր ժամանակին մեծ շուռչ հանած պէտք է որ ըլլայ. որով ստիպեցան ասորի⁽³⁾ հինաւուրց հեղինակներ և անոր հերքումը

1. «Ex quo tempore usque ad praesens quae in nostris regionibus obtinet impietas ab ejus pendet Documentis, quae etiam aemulans omnes haereses obsecuravit».

2. Այս ազանդապետի գրութիւնն յամին 1862 հրատարակեց գերմանացի գիտնականը Գ. Ֆրիզզը, թարգմանելով զայն իրն Աբի Եակոբ ան-Նադիմի Ֆիրիստէն, և լուսաբանելով: Գովլիխ և յոյժ շահագրգիռ հրատարակութիւնս եղած է 'ի Լայպցիգ, այս մակագրութեամբս. Mani. Seine Lehre und Schriften. Ein Beitrag zur Geschichte des Manichäismus; Arab Text, aus dem *Fihrist* des Ibn Abi Iakub an-Nadim, übersetzt und mit Commentar herausgegeben von G. Flügel. Leipzig. 1861.

Կը ցաւիմ որ Մանէսի վրայ գրած ժամանակ այս օգտաշատ գրուածս չունէի 'ի ձեռին, այլ 3 թերթերն արդէն տպագրելէն վերջ ճանչայ զայն:

3. Այս ասորի աղբիւրներս և անոնց հնութիւնն արդէն իսկ մէջ բերինք Յովհ.

գրեցին, խօսեցան և խօսեցուցին: Գրութիւն մ'ալ, կամ լաւ ևս՝ այլ և այլ թուղթեր կը յիշատակէ Մագիստրոս⁽¹⁾, զորս յայլևայլ գաւառներէ գրած էին թոնրակեանք՝ առ առաջնորդն իւրեանց Յեսու. ինքն կարդացել էր զանոնք, և Ստրոնց կաթողիկոսին ևս կը յանձնէ կարդալ, անոնց կախարդութիւնն իմա. նալու համար: Թէ բաց աստի ուրիշ գրուածներ և նամականիս ևս ունէին այն ազանդաւորներն, և գրով իսկ կ'արձանացնէին իրենց կախարդութիւնները, յայտնապէս կը վկայէ Գր. Նարեկացին՝ իր թղթին մէջ, խօսելով առ առաջնորդն Կճաւայ՝ այսպէս. « Այլ եթէ ընդ գրաբանութիւնն նոցին գարմանայք, գիտեմք և զատանայ սաղմոս ասացեալ յօր փորձութեան ամենափրկչին »: Մանիրէա-Պաղիկեան թոնրակեցիներէն մնացած պէտք է համարել ոչ միայն Ախուարք և Գրապաւնակ անուանեալ այն գլանաձև գրութեանց կիրառութիւնն, այլ նոյն իսկ անոնց հնագոյն օրինակաց շատերը, որ երբեմն մինչև 60-70 մէտր երկայնութիւն ունին. և Ս. Հարց և Ս. Գրոց տեղեաց հետ՝ շատ և շատ մուրական բանդագուշանքներ ևս կը պարունակեն, և կը յածէին միշտ 'ի ձեռս կախարդաց և դիւթից:

Բաց 'ի նիւթական գրութեանց, այն իմացական և կենսու. նակ մատեաններն իսկ, այսինքն է անաշխարհիկ Գնչուներն և Բօշակներն⁽²⁾ ևս, — որոնք ոչ որոշ կրօնք մ'ունին և ոչ ալ բարոյական, այլ կախարդութեամբ և եղնգահայեցութեամբ կ'ապրին, — ըստ իս Մանիրէա-Պաղիկեան թոնրակեցիներէն յառաջ եկած համարելի են, և ամենայն իրօք զանոնք կը ներկայացնեն թէ ըստ կրօնից, թէ ըստ բարոյից և թէ ըստ թափառաշրջիկ սովորութեան: Այո՛, այս է թերևս պատճառ, որ Գրնչուններու և Բօշաներու ծագումն, այսինքն թէ ի՞նչ ազգէ և ի՞նչ աշխարհէ յառաջագայիլն իսկ մինչև ցայսօր խորհրդաւոր մթութեան մէջ մնացած է, հանգերձ բազում ջա՛ից և խուզարկու.

Մայրագոմեցոյ և Սարգսի վրայ խօսած ժամանակ. այժմ այնչափս կը յաւելունք, թէ Սարգսի և Մայրագոմեցոյ գրութիւնքն և յարուցած հերձուածն՝ Ստրոնց մէջ ևս տարածուած էր, և զուցէ թէ հետևողներ ունեցած: Բար-Երբոս սխալմամբ, կարծեմ, եպիսկոպոս կ'անուանէ զնա Եղեօսոյ, մինչդեռ անոր դէմ գրող ասորի հեղինակները՝ ընդհակառակն կը թուին հաստատել:

1. « Շանակեցի մեզ յայնմ պղծանոցի խրճթին գրողքսն առ անօրէն առաջնորդն Յեսու եկեալ յիւրաքանչիւր գաւառաց. աղէ՛, ա՛ռ ընթերցիր, և գտցես 'ի նոսա աղճատանս ձօնելոցն զիւսական... և խուզեալ մեր գտեալ ընթերցաք, զի չարաշար կախարդութեամբ և հայհոյութեամբ », և այլն:

2. Հայագգի Բօշաները բացառութիւն կը կազմեն, զի իրենց ազգին կրօնքն և բարոյականն ունին, փոքր 'ի շատէ, ինչ ինչ տարբերութեամբք:

թեանց Վասն զի անոնց պատմութիւնն իրենց կենաց պէս յեղափոխուաւ է, և լեզուն ալ լեզուարանական քառս մի: Մեր արտայայտած այս կարծիքը՝ զեռ ասպացուցուած չէ, բայց կարծեմ, թէ այս տեսակէտովս մանրագնին խուզարկութիւններ զեռ եղած չեն, և եթէ ըլլուին, կարծեմ՝ թէ ամենէն աւելի՝ յարմար ոճը պիտի լինի Գնչուններու ծագման հանգոյցը լուծելու: Այս ալ զիտելու ենք, որ Գնչուններու վրայ գրողներն, — ինչպէս և Բոչաններուն, — է և Ը երորդ գարէն անգին չեն անցներ անոնց գոյութիւնն ՚ի Հայս, լեզուարանական քննութեանց համաձայն: Բայց միւս կողմէն զայս ևս մտնարու չենք, թէ Մանիքէա-Պաղիկեան Թոնրակեցւոց գրաւորական ամալութեան և անգործունէութեան իբրև միակ պատճառ՝ անոնց մեղկ և շուայտոտ կենցաղն եղած չէ, այլ ուրիշ պատճառներ ալ կան: Այո՛, քրիստոնէից, նա մանաւանդ մոլեռանդն իշխանաց ոմանց՝ ամէն ժամանակ և ամէն պարագայից մէջ անոնց դէմ՝ յարուցած հալածանքներն և տարապայման ճնշումներն իսկ յաճախ կը կապէին ա ոնց ձեռքերուն հետ՝ միտքն և գրիչն ևս: Անոնց ամէն խօսածն և գրածը մոլորական և ամալարշտական համարուած էր՝ ամէն շարժմունքը՝ կասկածելի, և հուսկ ուրեմն ո՛ր և է գործն՝ աւերիչ և ասպականիչ: Ուստի նոքա այսպիսի կասկածանքներէն և ճնշումներէն, — եթէ իրաւացի ըլլայ և եթէ ա իրաւ, — ազատուելու համար իբրև լաւագոյն միջոց գտած էին կամ՝ անգիր և բերանացի միայն ուսուցանել իրենց հեռուողներն, որպէս զի ամբատտանուած ժամանակ զիւրաւ կարենան ուրանալ իրենց քարոզած գաղափարներն, և կամ՝ նոր կտակարանէն իրենց յարմար և ընդունելի տեղերը միայն ընդօրինակելով՝ իրենց հետ կը յաճեցնէին՝ որոնց մէջ ապա, — իբր ՚ի ստուերագիծ նկարի, — իրենց ուզած յաւելուածներն և յապաւմունքը կ'ընէին, անձանց և պարագայից յարմար: Արդ՝ սոյնօրինակ ճնշմանց ներքև չկարացին անոնք իրագործել բոլոր իրենց գաղափարներն և ձկտումներն, և հասնիլ և հասցնել այն կէտին իրենցմէ առաջնորդուած համայնքը. որով և մենք իսկ առիթ չկարողացանք ունենալ ճանչնարու անոնց վերջնական նպատակն՝ ինչպէս որ պէտք էր: Սակայն և այնպէս այսպիսի եղելութեանց կան շոշափելի յիշատակարաններ և ազաւազեալ գրութիւններ, որոնց մասին յետոյ առիթ պիտի ունենանք խօսել, այս գրութեանս մէջ:

Իսկ անուղղակի կերպով անոնց պատճառած բարիքներն այն եղան, որ նախ և առաջ՝ այս առթիւ սրեցին իրենց միտքն և գրիչը ժամանակին մեր լուսամիտ հանճարներն, և ՚ի լոյս ընծայեցին մեզ, գրով, իրենց գիտութեան և բարոյական հրաշա-

կերպքը, — զորս կանխաւ յիշատակեցինք, — և դուցէ թէ իրաց սովորական ընթացքովը չընծայէին: Բ. Գիտելու ենք, որ ասոնց պատճառաւ մեր եկեղեցւոյ հօտապետները մասնաւոր կերպով ոչ գրին և հոգացին վերցնելու ժառանգաւորաց և աշխարհիկ դասուն մէջ մտած և արմատացած բարոյական և կրօնական զեղծումներն, և մտցուցին նորանոր բարեկարգութիւններ (1): Գ. Մեր եկեղեցւոյ մեջ արդէն 'ի վաղուց ծագած և այն ժամանակամիջոցին զօրացած այլ և այլ երկպառակութիւններն և հակառակամարտ կուսակցութիւններն՝ իրարու մօտենալով ձեռք ձեռքի տուին այն հասարակաց միասակար ազանդին և ազանդաւորաց ընդդիմադրելու ազագաւ: Գ. Ատրուց և Յունաց հետ խզուած կամ՝ խզուելու չափ լարուած Հայոց բարեկամական յարաբերութիւնները՝ վերստին հաստատուեցան (2): Ե. Այս պատեհաւ Հայաստանեայց եկեղեցւոյ վարդապետութիւնը ոչ միայն լաւագոյն կերպով պարզարանուեցաւ, այլ նոյն իսկ յիշեալ ազանդոց դէմ՝ անանցանելի պատուարներ կանգնելու և որոշ սահմանաւ մի անոնցմէ զատելու համար, մեր յաւէտ յիշատակաց արժանի Հարք, ջանացին գիտութեամբ բարգաւաճել, և անոնց իրարմէ ունեցած փրկաւէտ և կորստաբեր տարբերութիւնքն աւելի ևս

1. Այս և հետեւեալ նախագատութեանց ստուգութիւնն հիմնուած է նաև յաւորս Կ. Երևոյի, Յոհ. Սճնեցւոյ, Յովհ. Ովայեցւոյ և Սարգսի և Պետր. Գետադարձի գումարուած ժողովոց կանոնական գործերուն վրայ, և չէ ենթադրական ինչ:

2. Այս ճամարութիւնս անկներև կը տեսնուի Մագիստրոսի առ կաթողիկոսն Ատրուց ուղղեալ նամակի հետեւեալ խօսքերէն. « Այլ վասն միարանոչքեան ձերոյ գրեալ է և յշատակեալ յաւորս Տեառն Զաքարիայի և Տեառն Քրիստափորի, եթէ պարտ է մեզ վերստին միարանել և հաստատել զոչսոս հարցն, եթէ զոր հնարաւորն է 'ի կարգաց մեր և ձեր ուղղել, և մեք 'ի ձէնջ ոչ ինչ հայցեմք յազգս հաւատոց. բանդի միարանութեամբ պարսպեալ էք և ամենայն բարեձեւութեամբ փարթամացեալք, և առ մեզ և 'ի մերտմ հայրապետանոցի զո սրբազնութեանց, որպէս սրբոյն Ալիբի և երից երանելեաց հարցն... այնպէս համարիմք արոսակիցս, պատրիարքակից մանաւանդ »... և այլն:

Աւրիշ տեղ մ' այսպիսի միարանութեան վերաբերութիւնն ևս կը նշանակելուի, վասն թոնրակիցոց որ խարէական թուղթ մի գրած էին առ Պետրոս Գետադարձ կաթողիկոսն մեր. « Որ բոս քում 'ի հաստութեանդ... և քահանայապետական իխանութեանդ առաջնորդեցար 'ի Հոգւոյն Սրբոյ և ծանուցիր մեզ (զրով) զայսոսիկ »:

Ն. Ենթոհուոց առ Միջագետս և առ Յոյնս գրած թղթերը զեռ աւելի կը հաստատեն վերը բոսմնիս, և շատերուն ծանօթ ըլլալով զանց կ'ընենք մէջ բերել աստ:

զգալի ընել. որով ունեցանք պատմականին առնթեր՝ նոյնպէս
և բարոյական և աստուածաբանական ճոխագոյն գանձեր :

Սակայն համեմատութեամբ այս կողմնակի ազէկութեանց,
զորս աւելի վերնական Տեսութեան, քան թէ անոնց պարտա-
կանք ենք, որ, ըստ առածին Օգոստինոսի, թոյլ կու տայ չարին՝
որպէս զի անկէց բարիքներ յառաջ բերէ, — մեծագոյն եղան
Պաղիկէա-Թոնրակեցոց ուղղակի մեր աշխարհին հասուցած
չարիքները, յորոց զոմանս արդէն իսկ մատնանիշ ըրինք, —
այն ազանդոց պատմութիւնն ըրած ժամանակ: Իսկ հօս մաս-
նաւոր կերպով դիտելու ենք, որ այս ազանդաւորաց անկրօնու-
թիւնն և անբարոյականութիւնն՝ իրենց ազդեցութիւնը դրոշմեցին
ոչ միայն ժամանակակիցներուն վրայ, այլ նոյն ազանդը թխսեց
և թողուց իր սերմն, որ մեր հայրենի հողին վրայ ծնանելով
և սնանելով՝ հանեցին Մանիքէա-Պաղիկեան Թոնրակեցոց յա-
ջորդներն, ոյք ծածուկ կերպով ապրեցան մինչև ցամա 1782, և
կը մնան այժմ Այրարատ նահանգի մէջ, այսինքն է ՚ի գիւղն
Արիւլայի և յԱղեքսանդրապոլ :

Սակայն դիտելու ենք որ արդի Թոնրակեցոց, — ինչպէս և
հայ Բօջաններու սերունդներն, — Այրարատ նահանգի բնիկ ըն-
տանիքներ չէին, այլ յամի Տեառն 1829 Ռուս-Օսմանեան պա-
տերազմի ժամանակ կարնեցի կարապետ եպիսկոպոսի առաջ-
նորդութեամբ խնուսէն եկող բազմաթիւ հայ գաղթականներու
հետ եկան և տեղաւորեցան անդ: Արդ՝ ինչպէս արդի խնուսը՝
հինաւուրց խնունէն տարբեր չէ, այսպէս նաև անկէ գաղթող ա-
զանդաւորքն՝ հին Մանիքեցիներէն. ուրեմն այս կառան մ'է, —
ըստ ինքեան, — եզրակացնելու, թէ ԺԱ երորդ դարէն մինչև ԺԹ
երորդն՝ յիշեալ ազանդները ծածուկ մնացած էին միայն, և ոչ
երբէք հրաժարած իրենց պապերու և մամերու կորստաբեր ժա-
ռանդութենէն, — ինչպէս կը կարծէր Մագիստրոս, թէ իսպառ
հրաժարեցուցած ըլլայ և բարձած զչարն ՚ի միջոյ: Սակայն
հակառակ կարծիս ևս կարելի է պաշտպանել, թէ Մանիքէա-
Թոնրակեցոց անթեղեալ կրակին հետ՝ անոնց արդի զարմն և
սերունդն իսկ՝ բողոքական և Աւտարանական առաքեալները վե-
րըստին արժարձած ըլլան ԺԸ և ԺԹ դարերուն: Բայց այս կէ-
տիս վրայ յետոյ ուրեմն առիթ պիտի ունենանք խօսելու :

Նոր ժամանակի և ժամանակակից Թոնրակեցոց պատմութիւնն՝
արդէն իսկ Աղ. Երիցեան հրատարակած (1) է, յամին 1880,
հանելով զայն Էջմիածնի Սինոդի 1837, 1838 և 1839 տարի-

1. Տես « Փորձ », Գ տարի, Հոկտ. N. X. էջ 91-130:

ներու Գործերէն (1)։ Յոյժ շնորհապարտ ենք հայազգի հնասէր հեղինակիս՝ այնպիսի շահագրգիռ յիշատակարանաց հրատարակութեան համար, — զորս օտարաց հետ՝ մերայինք իսկ կ'անգիտանային, — որով ունեցանք Մանկբէա-Պաղիկեան Թոնրակեցոց պատմութեան եթէ ոչ ամբողջ շարայարութիւնն, այլ գէթ անոր լրացուցիչ և կարեորագոյն մասն մի։

Վերը նշանակուած տարիներուն մէջ, Էջմիածնի Սինոդի հոգևոր վարչութեան հետ բարեհէր կայսեր Տէրութիւնն ևս միանալով՝ վերջ տուած կը համարին Արխիպիսկոպիտի և Աղեքսանդրապօլսի ազանդաւորաց. բայց մենք առանց յուստեսութեան իսկ կարենք ըսել, թէ ոչ միայն այն ազանդներն հայոց միջէն գեռ վերջացած չեն, այլ նոյն իսկ ապագային, ո՞ գիտէ, թէ գեռ մեծ գեր չպիտի խաղան հայոց ազգին և եկեղեցւոյ մէջ, քանի որ Բողոքական և Աւետարանական եկեղեցիներն ևս անոնց ոյժ և նեցուկ կ'ըլլան։ Յիրաւի քանի որ անոնց դարական ընդհատութեան և վերայայտնութեան պատմութիւնքն իբրև յօշափելի փաստեր գիմնայնիս կանգնած են, ո՞վ կրնայ փտահ ըլլալ անոնց առժամանակեայ և բռնի նուաճման վրայ, առանց հիմնովին փոխելու անոնց գաղափարներն և համոզմունքը։ Անտարակոյս այս ազանդիս յարատև շարունակուելուն և ամենէն աւելի երկխղալի լինելու, չըսեմ՝ միակ, այլ գլխաւոր պատճառն եղած է և պիտի լինի անոր հետևողաց կեղծիքն և կեղծուպատիր ուրացութիւնն։ Եւ ստուգիւ՝ երբ Թոնրակեցութիւնը ներքին համուզումն է, և այդ ներքին համուզումը նեղը մտած ժամանակ՝ կը փոխուի արտաքին ատենից և սպառնալեաց առջև, ալ ուրիշ բան կարող չէ ընել այդ ատեանը, բայց եթէ ներել և ուրիշ պատեհից սպասել։ Բայց մենք այս ազանդաւորաց ապագայն յանձնելով ապագային, մասնաւոր կերպով մեր և մեր ընթերցողաց ուշադրութիւնը կը հրաւիրենք Սինոդի գիւտնէն հանուած այն յիշատակարանին վրայ, որուն մակագիրն է « Բանալի » (2) ճըշ-

1. Որոնք կը պարունակեն Ռուսիոյ տէրութեան և Էջմիածնի Սինոդի ատեաններու հարցաքննութիւնքն և նոր Թոնրակեցոց, այսինքն է Արխիպիսկոպիտի տալանութիւնն և տուած տեղեկութիւնքն՝ իրենց մտւորութեանց մասին։

2. Գրուածքիս ճակատին վրայ դրոյմուած է, թէ « Գրեցաւ 'ի Թաւականիս փրկչին 1782, իսկ Հայոց ՌՄԼ, 'ի գաւառն Տարօնոյ »։ Հասարակ թղթէ ութածալ կազմուած զրբոյկ մ'է, 149 էջերէ բաղկացած, սայց տեղ տեղ ամբողջական թերթեր դուրս հանուած են, տեղ տեղ ալ բառեր քերուած, — անուշտ յերկիւղէ ուղղափառաց, — ինչպէս ըսինք յառաջագոյն։ Գրքուկիս տէրն էր Խնուսէն՝ յԱրխիպիտ գաղթած Տօնօ կիրակոսեան։ Սակայն Սինոդի գործերէն մին, ըստ հրատարակութեան Երիցեանի, հետևեալ տեղեկութիւնը կու տայ մեզ. « Ի

մարտութեան », իսկ Ազ. Երիցեան՝ Գիրք վարդապետութեան թոնրակեցւոց իսկ անուանած է զայն. և կ'ըսէ. « Պէտք է աւսենք, թէ շատ դժուար պիտի լինէր 1837 թուին երեցած ազանդը թոնրակեցի համարել, եթէ յիշեալ Բաւնայի ձընարտոռքեանը չէր գտնուել Արխիէլցւոց ձեռքում » :

Երիցեան՝ այն նորագիւտ գրութենէն կ'եզրակացնէ, ուրեմն, Արխիէլցւոց թոնրակեցի ըլլալը, բայց դժբաղդաբար առանց ապացուցանելու, թէ ստուգիւ այն գրութիւնն եղած է վաղեմի հաւատապատումն թոնրակեցւոց, այլ լոկ այն գրութեան հակիրճ բովանդակութիւնն յառաջ բերելով բաւականացած է. այսպէս հին թոնրակեցիներու պատմութեանն ալ՝ թէև այլ և այլ տոհմային աղբիւրներ կը յիշատակէ, բայց ինքն ուղղակի անոնց գործերն հարցուցած և քննած չբերիր, այլ Հ. Միք. Չամչեանի Հայոց Պատմութեան Բ հատորին մէջ աւանդուածները միայն ծայրաքաղ ըրած. որով ոչ նորութիւն և ոչ ալ ուսումնական արժէք մի յաւելցուցած է հնոյն վրայ. մինչդեռ այն պատեհաւ կարէր քննել Էջմիածնի գիւանի դեռ աւելի հին յիշատակարաններն, որոց օգնութեամբը թերևս կարելի լինէր իմանալ, թէ ինուսի մէջ գրուած այն գիրքն և ազանդաւորք որ ժամանակէն մնացած էին, և ինչպիսի՞ պարագաներով պահպանուած : Այո՛, այս կերպով ԺԱ. դարէն ցժԹ եղած մեծ խրտրոցն պիտի լեցուէր ըստ մասին : Մեր գործը չի ներեր ընդարձակ քննադատութիւն մի բանալ աստ՝ այս յոյժ շահագրգիռ գրութեան վրայ. բայց չենք ալ ուզեր բոլորովին լուծեամբ անցնիլ, այլ ըստ կարելոյն համառօտիւ մեր կարծիքն յայտնել :

Նախ դիտելու ենք, որ « Բաւնայի ձընարտոռքեան » ճակատին վրայ գրուած գրութեան տարեթուին և Սինոդի գործոց մէջ նշանակուած Յովհաննու ընծայուած շարագրութեան տարեթուի մէջ մեծ անհամաձայնութիւն կայ, կամ լաւ ևս հակասութիւն մի. որովհետև 1826ին շարագրուած գրութիւնը՝ նոյնպէս

1826 թուին 'ի ժամանակս լինելոյ բնակչաց Արխիէի գեղը ընդ տէրութեան Օսմանցւոց 'ի գեւղն Չաուրմոյ, ծագեալ քահանայ ոմն Յովհաննէս անուն, շարագրեալ գիրքն այն կոչեցեալն Բաւնայի ձընարտոռքեան, և 'ի կենդանութեան իւրում չնորհեալ է Մեսրոպին Բուզաղեան, և ինքն տաճկացեալ՝ որդնայից լեալ՝ գրկեալ է 'ի կենացս իսկ վերջիչեալ Մեսրոպին 'ի ժամանակս գաղթման տուեալ էր Արախոսին Աւդալեան, և 'ի նմանէ մնացեալ էր առ Տօնօ որդի իւր, որ այժմ բնակի 'ի գեւղն Արխիէի : Իսկ յաղագս չգիտելոյ նորա զընթերցումն գրոց, տուեալ է տիրացու Գէորգին Սարգսեան, բնակչի նոյն գեղջ, յորմէ ծագեալ է աստուածընդդէմ աղանդն այն, յուրվակի 'ի կիր առնելով զայն զըրոյկ առ բնակիչս Փամբակու և Շորագեալու նահանգին » :

յամին 1782ին գրուած չկարէր լինել: Ուրեմն Սինոզի գործոց շարադրեալ բառը՝ կամ ուրիշ բառի մ'աղաւաղութիւնն է, և կամ՝ հակառակ իմաստով ընդօրինակութիւն հասկնալի է, զոր բրաւ Չաուրմոցի Յովհաննէս քահանայն, յամին 1782 ՚ի Տաւրոն գրուած գրչագրէ մի:

Քայց թէ արդեօք այս վերջին գրութիւնս՝ 1782 թուականէն յառաջ գոյութիւն ունէ՞ր, իրմէն աւելի հին բնագրի մի մէջ, թէ ընդ հակառակն այդ ժամանակամիջոցին շարագրեցաւ. այս կէտս իսկ՝ ոչ նուազ խնդրական և ուշագրութեան արժանի է: Արդ՝ գիտելու ենք, որ գրուածքիս անո՞՞ն և աղաւաղ լեզուն, քերականական կանոնաց դէմ՝ զեղծումներ, սամկօրէն բանից և բացատրութեանց կիրառութիւնք և ուղղագրութեան վրիպակները՝ կը վստահացնեն զմեզ եզրակացնելու, թէ վերոյնշանակեալը՝ 1782 թուէն աւելի հին չկարէ լինել, ըստ ինքեան. և անոր գրիչն ալ հայագրի մէկն էր ստուգիւ: Այս բանիս ապացոյց է, բաց յայտոց, Գ գլխոյն (էջ 15-19) հետեւեալ բացատրութիւնը. «Նախ չարն եղև ՚ի կերպ օձի և խօսեցաւ ՚ի հայ (1) քարքաւ յԵւայ»: Քայց այս իսկ ստոյգ է, որ նոյն իսկ ԺԳ երորդ գարուն այսպիսի շարաբանութեամբ գրուածներ հազուադիւս չեն: Այլ թէ «Բանալի ճշմարտութեանն» իցէ՞ արդեօք ԺԳ երորդ գարուն գրուած նախատիպ օրինակէ մի ընդօրինակուած և նորանոր յաւելուածներով առ մեզ հասած. այս մասին գրաւոր ոչ հաստատական ապացոյց ունինք ՚ի ձեռին և ոչ այլ բացասական, բաց ՚ի այն գրութեան ներքին պարունակութենէն: Սակայն և այնպէս կան պատմական եղելութիւններ, որ աւելի կը թուին հաստատել զայն՝ քան թէ մերժել: Ա. Գիտելու ենք, որ Գրիգոր կաթողիկոսի ժամանակ, այսինքն է յամի Տեառն 1136 վերստին բորբոքեցաւ Թոնրակեցոց աղանդը՝ Միջագետաց Հայոց մէջ, այն է Ամաչք և Շպղտան գաւառներում: Հայոց Թոռլիոռան, — որ և Առիւծ կոչուած, — աւանի բարեպաշտ իշխաններէն մին գրեց աղաչանաց թուղթ մ'առ կաթողիկոսն՝ զարման տանել շուտով եկած հասած շարիքին. և կաթողիկոսն ալ իր եզրօր ն. Շնորհաւոյն յանձնեց այն թղթի շարագրութիւնը: Արդ՝ շնորհաբուղխ Ներսիսի այս թղթիս մէջ նորածին Թոնրակեցոց վերայայանութեան հեա՝ անոնց հանած մտրութիւնքն ևս նշանակուած են, որոնք ունին աղերս ինչ «Բանալի

1. Գիտելու է, որ Ագամայ կամ օձին հայ լեզուով խօսելուն և մանաւանդ այն լեզուի հնութեան խնդիրն իսկ՝ վերջին կամ նոր ժամանակներու զիւտ է, և չիք մեր հին կամ միջնագարեան մատենագրաց քով:

ճշմարտութեան » գրուածքին հետ, — նկատմամբ Տեանն մերոյ Յիսուսի Քրիստոսի մարմնոյն և մահուան, ինչպէս նաև խաչաւ փայտին : Ահաւասիկ Շնորհաւոյ խօսքերն՝ ուղղեալ առ մոլորաւ միտ քահանայսն . « Լուսք դարձեալ 'ի մոլոր քահանայից, զժածկեալ զարչահոտ պղծութիւն անիծելոյն Սմբատայ Թոնդրակեցոյ վերստին շարժեն 'ի կործանումն լսողացն, ասելով, Թէ եկեղեցի ո'չ շինեալն 'ի մարդկանէ, այլ մեք միայն, և Մաշտոցն գիրք, և որ 'ի ևնա կարգեալքն ևն՝ խաչ օրհնել և եկեղեցի և այլքն՝ ո'չ ևն ընդունելիք » : Ուրիշ տեղ մի . « Պատուական իշխանիգ Ասիւծոյգ՝ յորմէ հասու եղաք ունել անիւմաստաբար հակառակութիւն առ միմիանս : Ոմանց 'ի ձէնջ ասել յազգաս չարչարանաց և մահուան Տեանն մերոյ, թէ Էսկան բնոշքիւն Բաւնիկ մեռաւ ընդ մարդոյն 'ի խաչին . և այլք՝ ընդդէմ այսոցիկ, քէ Մարդն միայն չարչարեցաւ և մեռաւ » : Դարձեալ . « Յերկրորդ թղթի աստ՝ որ 'ի ձէնջ (լուսք) զոմանց, որք Եւտիքեան անիծելոյ և զայրոց հնոց հերձոռահողաց շիջեալ բոցն վերստին արժարձեն, ասելով զմարմին Տեառն մերոյ, երէ ոչ էր 'ի բնոշքեկէ մարդկան, այլ յառաջ քան զիկեղոշքիւն մարդոյն, և ևնաի քան զյաշխտեալսն ընդ Աստուահոշքեալսն իշրոշմ » : Արդ՝ այս և ասոնց նման դեռ ուրիշ անպատեհ առարկութիւններ, զորս Ս. Ներսէս մէջ կը բերէ և կը հերքէ, ոչ միայն կը ցուցնեն մեզ, թէ յԺԲ, — զուցէ և յԺԳ երորդ դարերուն Թոնդրակեցի աղանգաւորներ կային, այլ թէ գրուածներ ևս՝ կը տարածէին ժողովրդեան մէջ . և չարամտութեամբ եկեղեցոյ խորհուրդներն և արարողութիւնքը մերժելու համար՝ Մաշտոցին կ'ընծայէին անոնց գիւտն, և օտար 'ի հաւատոց կը համարէին :

Նոր Թոնդրակեցի կոչուած աղանգաւորաց հաւատապատումն, այսինքն է « Բանալի ճշմարտութեանը », բաղկացած է համառօտագիծ Յառաջարանէ մի և քսան գլուխներէ, որոնք հատուածներ կը ներկայացնեն մեզ, Ապաշխարոշքեկէ սկսեալ՝ այլ և այլ խորհրդոց և հաւատոյ մասանց վրայ : Այս ազաւաղեալ գրքով մեզի ներկայացուած կեղծուպատիր աղանգը՝ ճիշդ խուսափող ստուերի մի կը նմանի, զոր որչափ կ'ուզենք բռնել և երգուընցնել, այնքան ևս կը խուտէ 'ի ձեռաց . ոչ մի կէտի վերայ կարելի չէ յենուլ իբրև հաստատուն կռուանի, և ըսել, թէ այս այսպէս է . որովհետև այս ինչ տեղ ըրած հակակրօն վարդապետութիւնն՝ ուրիշ տեղ ուղիղ բացատրութեամբ մի կամ կը քօղարկէ, և կամ իսպառ կը ջրէ : Օրինակ իմն, զՔրիստոս՝ Հօր Աստուծոյ որդի, և մեզ ալ տէր և դատաւոր գնելէն յետոյ, անգէն արարած է կ'ըտուի, և ոչ արարիչ . մարդ էր, և ոչ Աս-

տուած : Ոչ մէկ բան այնպէս որոշ չի ցուցըներ մեզ այն, ինչպէս այն ազանդաւորաց տղէա, վատ, կեղծաւոր և խաբեբայ բնաւորութիւնը : Սակայն մենք այն գրուածքին եթէ ոչ ուղիղ՝ այլ գէթ մօրօրական կէտերուն վրայ վստահելով, կը համարինք, որ այդ նորակազմ՝ ազանդաւորք, եթէ ունենան ևս ինչ ինչ՝ ՚ի հինաւուրց թոնրակեցւոց, բայց և այնպէս անոնցմէ շատ կէտերու մէջ կը տարբերին . իսկ անոնց հաւատապատոււմը՝ կազմուած է մասամբ հին Խնուսի Մանինեցւոց և մասամբ ալ Յէր դարու կամ Կալվինական կամ Լուտերական և կամ Աւետարանական որոմնացանի մի մտքութիւններէն :

Արգարե այսպիսի եղելութեան մ'ի հաստատութիւն՝ կրկին փաստեր ունինք ՚ի ձեռին . այսինքն են արտաքին և ներքին : Արգ՝ Էջմիածնի Սինոդի գործերը կ'երաշխաւորեն մեզ, թէ Արխիեպիսկոպիտի ազանդաւորները՝ Խնուսէն եկած գաղթականներ էին, և թէ իրենց գաղթելէն յառաջ իսկ ունէին այն ազանդը . իսկ որովհետեւ կանխաւ ըսինք, թէ Ժ և ԺԲ դարու Խնուսի ազանդաւորքը Մանինեցիներ էին, քան թոնրակեցի . ուրեմն հետեւութիւնն յայտնի է : Բ . Յամին 1838 Երևանի Կոնսիստորի գրածն առ Սինոդն, և Սինոդէն ալ Կովկասու Կառավարչապետին տուած գրաւոր տեղեկութիւնքը⁽¹⁾ կը հաստատեն, թէ « Բանալի ճշմարտութեան » գրչագրին կից էին նաև երկու տպագրուած տետրակներ . այսինքն է Պարտաւորութիւնն արար ճառայի, և Կարարաւորպոյռու, որոնք ՚ի Շուշի տպուած էին Կալվինականաց ձեռքով, յամի Տեառն 1829 . և ապա բերելով ՚ի Շիրակ՝ ձրի բաշխեցին բնակչաց : Եւ կը յաւելու Սինոդը . « Բայց այժմ՝ Գիւմրոյ մի քանի բնակչաց երեցած հերձուածքը աշեղի համաձայն է Լուտերական—Աւետարանական եկեղեցոյ վարդապետութեան հետ, որի քարոզիչները սորանից մի քանի ժամանակ առաջ Շուշուայ մէջ հիմնել էին ուսումնարան և տպարան հայերէն լեզուի » :

Ընդունելով, թէ, — Երևանի Կոնսիստորի և Էջմիածնի Սինոդի վկայածին համաձայն, — Կալվինական և Լուտերական քարոզիչները վերոյիշեալ գրուածոց հետ՝ իրենց ազատ վարդապետութիւնքն իսկ տարածած ըլլան Շիրակայ գիւղօրէից և Աղեքսանդրապօլի Հայոց մէջ, գուցէ առարկուի, թէ ուրեմն Արխիեպիսկոպիտի ազանդաւորներն և անոնց հաւատապատոււմը՝ « Բանալի ճշմարտութեան », ՚ի Լուտերականաց և ՚ի Կալվինականաց ներշնչուած չէ :

1 Տես Փորձ, 1880 N°. X, էջ 106 :

Այս, այսպէս պիտի կարծէինք, եթէ նոյն իսկ Աղեքսանդրապօլի աղանդաւորաց վարդապետութիւնը՝ Արխիէլցւոց և « Բանալի ճմարտութեան », — ըստ ամենայնի, — համաձայն չըլլար: Սակայն մենք աչքէ անցնելով յամին 1837 Երևանի կոնսիստորի ձեռքով՝ էջմիածնի Սինոդին մատուցած Աղեքսանդրապօլսեցի աղանդաւորաց չորս խոստովանութեան գրերը, կը տեսնենք, որ կատարելապէս կը համաձայնին Արխիէլցւոց « Բանալի ճմարտութեան » վարդապետածին հետ: Արդ՝ յիշեալ խոստովանագրոց առաջինը՝ կարապետ Մկրտչեանի և, երկրորդը՝ Մանուչ Դաշքեանի և, երրորդը՝ Առաջ Մարտիրոսեանի և, իսկ չորրորդը՝ Գրիգոր Մարտիրոսեանի և, Չորսին պարունակութիւնն իսկ փոքր 'ի շատէ մի և նոյն ըլլալով, զոր ըսած էք Առաջ Մարտիրոսեանը՝ կաղզուանցի Գրիգորի սենեակը, — մենք կը բաւականանանք երրորդը միայն մէջ բերել ամբողջապէս, — իրին եղելութիւնն ակներև բնելու համար: 1. « Տաս պատուիրանքն պահեցէք, որ տուեց Աստուած Մովսէսին: 2. Քրիստոս՝ չէ Աստուած, այլ Որդի Աստուծոյ և մեզ բարեխօս, նստելով ընդ աջմէ Հօր: 3. Միայն Քրիստոս ճանաչեցէք և Հայր, մնացեալ ինչքան սուրբ կան և եղեալ են աշխարհիս վերայ, սուտ են: 4. Չպէտք է ուխտ գնալ յէջմիածին կամ յԵրուսաղէմ: 5. Մեզքն՝ յեկեղեցին առաջի Աստուծոյ խոստովանեցէք միայն: 6. Մեռոնն էջմիածնի սուտ է, և մկրտելոյն չէ հարկաւոր, այլ երբ մի բուռն ջուր երեխայից վերայ թափէք՝ կը մկրտուի, զի Քրիստոս ջրով հրամայեց մկրտել: »

7. Միշտ եկեղեցի գնացէք, և քահանային խոստովանելու ժամանակն ձեր մեզքն մի՛ ասէք, որ չիմանան. այլ հասարակարար խօսեցէք: 8. Միշտ եկեղեցի գնացէք, որ չլինի թէ մեր ազգն իմանայ մեր այս գործը, այլ առ երես կատարեցէք աւեկն ինչ, և այնքան ծածուկ կացէք, որ ժամանակ գտնուածք, և երբ կարողացուածք՝ բոլորը դարձնեալք այս հաշտին վերայ: Եւ երգուածք, որ թէ մեզ կտոր կտոր առնէին, չէինք պարտ յայտնել: կաղզուանցի Գրիգորն ասաց, թէ Ահա ես խաչ, երկու ձեռքիս մով կպցրէք և երկրպագութիւն տուէք, թէ ես կարող եմ ձեզ փրկութիւն տալ, այնպէս էլ խաչն և սուրբքն »:

Աղ. Երբեցեանն՝ այս և միւս խոստովանագրոց այնքան կարեւորութիւն չի տար, որքան « Բանալի ճմարտութեան » գրութեանը. սակայն ըստ իս, — հետևեալ տեսակէտով, — այս խոստովանագրոց մէջ եղած վարդապետութիւնքն աւելի որոշ են, և հետևարար ճիշտ, քան « Բանալի ճմարտութեան » մէջ եղածներն. որովհետև սղբա — մասնաւորապէս առաջինն, այն է

Կարապետ Մկրտչեանինը, — մահուան անկողնոյ մէջ դարձի եկող
և զղջացեալ սրտի մի անկեղծ խոստովանութիւնն է: Այս վերջին
խոստովանութեան գիրն՝ անով իսկ առաւելութիւն ունի քան
զայլս, վասն զի նախ կը յիշատակէ յանուանէ այլ և այլ ազանդ-
աւորս, որոց ոմանք Արխիէլցի, ոմանք Կաղբղուանցի և ոմանք
այ Գիւմրեցի կամ Աղեքսանդրապօլցի էին, և իրարու հետ գաղտ-
անի ընկերութիւն մի կազմած էին: Արդ՝ այս բանս յայտնի
ապացոյց է, թէ չկար տարբերութիւն Արխիէլցի և Աղեքսան-
դրապօլցի ազանդաւորաց մէջ, որոնք Շուշու կալվինականներէն
իրբ թէ ներշնչուած ըլլան: Բ. Մնոր մէջ գրէթէ իրենց ընա-
կան վիճակով և տգեղութեամբը մերկացուած են այն մոյրու-
թիւններն, որոց վերայ « Բանալի ճշմարտութիւնն » ստուեր
մի ձգած է, իբրև զվերարկու: Մաս մի միայն գնեմք հօս
Մկրտչեանի խոստովանագրէն, որով ոչ միայն « Բանալի ճշմար-
տութեան » վարդապետութիւններուն հետ ունեցած նմանու-
թիւնն յայտնի պիտի ըլլայ, այլ նոյն իսկ վերջնոյս անջատուած
տեղերն և հանգուցաւոր ասացուածները պիտի պարզուին և ամ-
բողջանան: « Արխիէլցի տիրացու Գեորգի քարոզելով, — կ'ըսէ
նա, — Գիւմրցի կիրակոս Քօստաքաքայեանը մտացել էր սուրբ
հաւատը, և ինձ կարապետիս՝ այն կիրակոսը քարոզեց, թէ
Քրիստոս՝ Աստուած չէ: Այս կիրակոսի քարոզելով Թարգի
Սարգիսն իւր տամբ, Գիլլաւեղ Մանուշկն, Կաղբղվանցի Գրի-
գորն իւր գերդաստանեօք, Երկաթ Բակոբն, Կաղբղվանցի Առն
և ես ժողովելով Կաղբղվանցի Գրիգորի սենեակն՝ երգուանք 'ի
միասին, որ մեր խորհուրդն ամենեկին չյայտնեմք ումք: Մա-
նաւանդ նոքա ինձ հաւատացրին, թէ, Ա. Քրիստոս Աստուած
չէ: Բ. Խաչին ինձ հայհոյել տուին՝ թէ ոչինչ է. — Գ. Նաև
Հայոց մկրտութիւնն և մեռնի սուա է. — Գ. Թէ կրկին պար-
տիմք մկրտիլ, որ մեր ճակատիցն գազանի մուռնը վեր գայ. —
Ե. Ոչ դաւանին Աստուածածին կոյս, այլ ապականեալ. — Զ.
Ոչ ընդունին զբարեխօսութիւն նորա, այլ և ինչքան սուրբ կայ
չընդունին և ոչ նոցա բարեխօսութիւնը: Է. Ոչ ընդունին զպատա-
րայ և ոչ զՀաղորդութիւն, և ոչ զխոստովանութիւն. այլ ասեն. Քա-
րի, փայտի խոստովանիր և Աստուած թողու. նաև ով կամի հա-
ղորդել՝ նշխարն ուտեն և գինին վրէն խմեն: Իսկ պատարայի հա-
ղորդութիւնը ոչ ընդունի: ասեն, թէ աշխարհիս վրայ ճշմարիտ
քրիստոնեայն միայն մննք ենք, իսկ Հայք, Ռուք, Վրացիք և այլք
սուա քրիստոնեայ են, կապաշտ են: Ը. Երեսն խաչ չեմք հա-
նիլ. — Թ. Ծնբազրութիւն սուա է: Ժ. Զպահս ուտեն. — ԺԱ.
Զկանոնագրութիւնս սրբոց հայրապետաց չընդունին. ասեն. ԺԲ.

զովն հայրապետաց սուտ է, սատանայի խորհրդով կանոնք են գրեալ » :

Իսկ չորրորդ խոստովանութեան գրի հետեեալ կէտը միայն մէջ կը բերեմ, — ըստ բանից Աղ. Երիցեանի. — « Գիւմրցի Սարգիս Յարութիւնեան աւելացնում է, թէ Արխիպի տիրացու Գէորգը, որի մտ կայ մի ձեռագիր Բանալի ձընարտոշքեան, որի մէջ բոլորը գրած, ասում է եղել, թէ բոլոր քրիստոնեայք սուտ են՝ բաց 'ի Նեմեցները, որ ոչոյիղ քրիստոնեայ են » :

Արդ՝ այս վկայութենէս իսկ ակներև կը տեսնուի նախ, թէ բոլոր վերոյիշեալ աղանդաւորաց վարդապետութիւնքը գրուած էին նոյնպէս « Բանալի ճշմարտութեան » կոչուած գրքովին մէջ. մանաւանդ թէ անկէց առնուած էին: Բ. Թէ Նեմեցները, այսինքն է կամ Լուտերականք և կամ կալուինականք՝ ժամանակաւ անոր մէջ մասն ունեցած են: Սակայն պէտք է ըսել և՛ այս, թէ Էջմիածնի Սինոդին մեզի ընծայած « Բանալի ճշմարտութեան » այժմ՝ ամբողջապէս նոյնը չէ, ինչ որ այն աղանդաւորներն 'ի կիր արկանէին. այլ կամ մասամբ անոր վրայէն եղած ընդօրինակութիւն մ'է, զոր իրենց հարցաքննողաց բռնութենէն ազատելու համար ներկայացուցին ա՛ռնց, խաբելով զանոնք, թէ իրենց ունեցածն այն էր միայն. և կամ եթէ իրենց ունեցածն էր, յառաջագոյն իմանալով ըլլալէքը՝ մէջէն յապաւեցին այն ծանրագոյն մոլորութիւնները, որք կարող էին զիրենք ծանր պատժոց ենթարկել: Բայց հանգերձ այսու վան կէտեր, որ Մկրտչեանի խոստովանութեան գրի մէջ եղածներուն քաջ կը համաձայնին: Օրինակի աղագաւ, Ի. գլխուն մէջ, յէջ 80, Քրիստոս արարած համարուած է և ոչ արարիչ. և յէջ 104 որոշակի կ'ըսուի, — ազօթելով առ Աստուած, — « Արդ գթալովք քոյ Աստուածութիւնդ արարեր զնոր մարդն Յիսուս », որ կը համապատասխանէ Մկրտչեանի խոստովանութեան Ա. նախադասութեանը: Ժ. գլխուն մէջ, յէջ 55, — Մկրտչեանի Բ. նախադասութեան համաձայն, — կը մեղադրէ զխաչապաշտ ուղղափառս՝ իրրև կռապաշտս, ըսելով. « Հետեոյ հօրն ձերոյ չարի (սատանայի) զարծաթ և զոսկի 'ի ձև պառկերի (այսինքն է խաչելութեան) առնել և երկիրպագանել: Մի և նոյն իշում՝ կը մերժուի խորհուրդն խոստովանութեան և թողութիւն մեզաց պաշտօնէի ձեռքով, — Մկրտչեանի է երրորդ նախադասութեան համաձայն, — ըսելով. « Ո՛վ կարէ թողուլ զմեզս, եթէ ոչ մի Աստուած: Բ և Գ. գլուխներուն մէջ, թէև կ'առաջարկէ 30 ամեայ մկրտել, բայց անոր բուն նպատակն է Մկրտութեան խորհուրդն

եղծանել կամ Մանէսի մտքով ընդունել, — Մկրտչեանի Գ. նախագատութեան համաձայն. — վասն զի մկրտուած երեխաները « չար և սրբի սատանայի », կանուանէ, և անոնց կնքահայրն ալ՝ « աւանակ » : Ի. գլխում, յէջն 122, — Մկրտչեանի Ե. նախագատութեան համաձայն, — կը ժխտուի Տիրամօր Աստուածամայրութիւնն և կուտութիւնն՝ յետ ծննդեան, ըսելով. « Աւետարանիչք, և սրբազան Առաքեալք և Տէրն մեր Յիսուս Քրիստոս նախ քան զծնունդն Մարիամն՝ կոյս ասնն, և յետ ծննդեան կին կոչեն, և զկուտութիւն նորա ՚ի բաց բառնան » : Ի. գլխուն մէջ, — յէջն 80, — կը մերժուի սրբոց բարեխօսութիւնն, սցապէս. « Հաւատայք դուք զբարեխօսութիւն Տեսն մերոյ Յիսուսի Քրիստոսի և ոչ այլոց » . որ կը համաձայնի Մկրտչեանի Զ. երորդ նախագատութեանը : Ա. գլխուն մէջ, յէջ 5-9, և մասնաւորապէս թ գլխում, յէջն 27-29, մերժուած է, — Մկրտչեանի ԺԱ. երրորդ նախագատութեան համաձայն, — սուրբ Հայրապետաց և ժողովոց օրէնսդրութեան վաւերականութիւնն, ըսելով. « Չարն եղև ՚ի կերպ եպիսկոպոսաց և կաթողիկոսաց... զի նորա եւ տնօրինողք առտ օրինաց, և ես են ազահ և առտ իրաց հանձարողք » : Պահոց վարդապետութիւնը, — որ Ե. գլխուն մէջ կը գտնուի, յէջ 19-22, — եղծեալ և թերի է. ուսկից նպատաւոր կամ աննպատ քան չերեկր. սակայն ինձ կ'երեկի, թէ Հայրապետաց օրէնսդրութեան հետ, — զոր տեսանք թ գլխում, — պահքն և ծնրադրութիւնն իսկ Մկրտչեանի թ. և Ժ. նախագատութեանց համաձայն մերժուած են :

Արդ՝ այս բաղդատութենէս ամենատրոյ կերպով կը տեսնուի խոստովանութեան գրոց և « Բանալի ճշմարտութեան » մէջ պարունակուած վարդապետութեանց նոյնութիւնը. ուրեմն այժմ մեզ ուրիշ բան չի մնար, բայց եթէ ներքին փաստերով ազալցուցանել, թէ « Բանալի ճշմարտութեան » վարդապետութեան մի մասը՝ Մանիքեցւոցմէ փոխ առնուած է, և միւսն ալ ՚ի կարվի նականաց և ՚ի Լուտերականաց. և հետեաբար, թէ վերոյիշեալ ազանդաւորներն ընդհանուր առմամբ թոնրակեան չէին, այլ նորակրօն Մանիքեցիներ, կամ լաւ եւ Մանիքեա-կառչիւնա-կանք կամ Լուտերականներ, զորս Մաւռն եւ անուանելու իրաւունք ունինք, ինչպէս իրենք ալ ձկտում մ'ունէին առ այն : Այս բանս կ'երեկի Աւօս Մարտիրոսեանի խոստովանագրոց գրծուած տողերէն, որոնք կը յայտնեն մեզ անոնց նպատակակէտը :

Ա. Մենք նախնարար տեսանք, որ թոնրակեանք կը ժխտէին բացէ ՚ի բաց բոլոր եկեղեցւոյ խորհուրդներն. իսկ Մանիքեցիք՝ գէթ ըստ արարողական մասին, կամ արտաքին ձևով ոչ միայն

ընդունած, այլ նոյն իսկ կը կատարէին զայնս: Արդ՝ մենք կը տեսնենք « Բանալի ճշմարտութեան » մէջ, — Ի. գլ. էջ 134, — որ իբրև Քրիստոսի պատուէր, — 'ի մէջ այլոց, — ընդունուած և հարկաւոր⁽¹⁾ համարուած են առ փրկութիւն « Ապաշխարոշ քիւն, Մկրտոշքիւն և Հաղորդոշքիւն սուրբ »:

Բ. Թոնրակեանք՝ ոչ միայն չէին ճանչնար զՏէրն մեր Յիսուս Քրիստոս իբրև Աստուած, այլ և ոչ իսկ Տէր և միջնորդ. իսկ Մանիքեցիք, — ըստ 24երորդ և 3րորդ նախադասութեանց, — կը ճանչնային զհոգին Յիսուսի կամ զԲանն՝ իբրև մասն Աստուծոյ, և զնախաւարդն Յիսուս իբրև պատերազմող ընդդէմ խաւարին և միջնորդ բարութեան: Արդ՝ « Բանալի ճշմարտութեանն » համաձայն վերջնոցս կ'ընդունի, — Ի. գլ. էջ 80, 103-4, և 125, — զէթ իբրև մարդ զՅիսուս՝ միջնորդ, բարեխօս և Տէր մարդկութեան:

Գ. Թոնրակեանք ոչ միայն կը մերժէին Երրորդութեան գոյութիւնն, այլ նոյն իսկ գերարուն էակին Աստուծոյ և աստուած պաշտութեան գաղափարն ևս իսպառ բարձած էին 'ի միջոյ, — բանիւ և գործով. — իսկ Մանիքեցիք, ընդհակառակն, կը հաւատային Աստուծոյ իբրև բարւոյ արարչի, և կ'ընդունէին երխանձինս, թէպէտ և իրարմէ մեծ և փոքր և իրարու ստորակարգեալ: Արդ՝ « Բանալի ճշմարտութեան » գրութեան մէջ, — Ի. գլ. 80, 84-103 էջերում, — երկու մասունքն ևս ընդունուած են՝ դեռ աւելի որոշ կերպով⁽²⁾:

Դ. Ըսուեցաւ, թէ Թոնրակեանք կ'ուրանային զհանդերձեալ կեանս և զպատիժ մեղաց. իսկ Մանիքեցիք, ընդհակառակն, երկուքն ալ կ'ընդունէին, — զէթ ըստ պահանջելոյ բնական օրինաց և վախճանի արարչագործութեան: Այսպէս նաև « Բանալի ճշմարտութեան » մէջ, — Ի. գլ. էջ 134, — նախ ընդունուած է մեղաց վարդապետութիւնն այսպէս. « Հց. Ապա որոց է արժան մկրտութիւն և Հաղորդութիւն: Պ. Նոցա, որք ունին զմեղս սկզբնական և ներգործական »: Իսկ նոյն գլխուն մէջ, յէջ 144 կ'ըսուի վասն գատաստանի. « Դատարարան Աստուծոյ վասն մեռելոց և կենդանեաց մի է ». և Ժէ. գլխում, յէջ 65 վասն արքայութեան. « Որք ոչ ունիցին զնաւարտս . . . ոչ կարեն մոռանել յարքայոշքիւն Աստուծոյ: Այս իսկ գիտելու ենք, որ

1. Այս դաւանութեանս մէջ, — դիտելու ենք, — Մանիքեցւոցմէ աւելի Լուսերականաց ազդեցութիւնն զգալի է, առ այս ընդունուած են այս խորհուրդք:

2 Զի կ'ըսուի այսպէս վասն Աստուծոյ. « Խոստովանիմք և հաւատամք զԱստուած մի ճշմարիտ գոյ: Իսկ Երրորդութեան համար. « Երկրպագեմ զՀայրն՝ Աստուած, և զՈրդին՝ զմիջնորդ և բարեխօս, և զսուրբ Հոգին՝ բաշխող շնորհաց »:

այս գրութեանս մէջ ընդհանուր կերպով, — բայց մասնաւորապէս ժէ գլխուն մէջ, յէջ 68, — ոչ միայն թոնրակեանց անբարոյականութիւնն և մեղանշական գործերը խտտիւ արգիլուած են, այլ նոյն իսկ Հաւատոյ, Յուսոյ և Սիրոյ հետ՝ միւս առաքինութիւններն ևս պատուիրուած են, զոր Մանի իսկ կարեւոր կը համարէր, լուսաւոր մասը խաւարի իշխանութենէն, կամ նիւթէն, ազատելու համար:

Այժմ՝ մասնանիշ ընենք այն կէտերը՝ զորս 'ի Մանիքեցւոց առած չեն կարող լինել, այլ 'ի Լուսերակեանաց կամ 'ի Կալվինականաց, զի այնպիսի պարագայից և ձկամանց կից են, որոնք Մանիքեցւոց ժամանակ չկային:

Ա. Անոնց զտուրը Կոյսն Մարիամ, — յետ ծնանելոյն զՅիսուս, — իբրև սոսկական կին մի, և ոչ ևս կոյս անուանելն: Բ. Սուրբ Աստուածածնի և այլ սրբոց բարեխօսութիւնը մերժելն: Գ. Ձխորհուրդս Եկեղեցւոյ, այսինքն է Դրոշմ, Կարգ քահանայութեան, վերջին Օժտունը կամ իւղն հիւանդաց և Պրակն, իբրև անպէտ և աւելորդ մերժելը: Դ. Եկեղեցիէն օրինագրուած պահքն և այլ ապաշխարանս չընդունելն: Ե. Առաջնորդին և երիցանց ընտրութիւնն և կարծեցեալ Չեռնագրութիւնն, որ բոլորովին աշխարհական է, և իշխանաց և ժողովրդեան ձեռքը տրուած է: Զ. Բառնալն 'ի քահանայից, կամ պաշտօնէէն Աստուծոյ, զիշխանութիւն՝ թողոյ զմեզս: Է. Խտրութիւն չընելը Մարկաւագի, Քահանայի, Եպիսկոպոսի և այլ հոգևոր աստիճանաց մէջ, այլ հարթ հաւասար համարել զանոնք: Ը. Չընդունելն Եկեղեցւոյ անսխալականութեան վարդապետութիւնն և անոր գլխոյն գերիշխանութիւնը: Թ. Առ ոչինչ համարելն սուրբ ժողովոց և սրբոց Հարց օրէնագրութիւններն և միաձայն վկայութիւնքը: Ժ. Բոլոր ուղղափառ եկեղեցւոյ պետերն, այսինքն է « պապը, կաթողիկոսն և առաջնորդս » ընդ « գերաբերիստոսի » դասելն, և այլ նման կէտեր:

« Բանալի ճշմարտութեան » հեղինակը կը ծանուցանէ, իր Յառաջարանին մէջ, թէ այն գրութիւնը շարագրելու շարժառիթներէն մին ալ էր « աղաչանք բարձունց հաշտուացելոց », այսինքն է ազանդակցաց: Իսկ վերջարանին մէջ, — որ դժբաղդարար թերատ է, — անոնցմէ ոմանց անուանքն ևս յիշատակած էր, ըսելով. « Ամենապայծառ Յովհաննէսի և Վանագոռնուոյն... Քանզի սղբա մեծաւ ջերմեռանդութեամբ խնդրեցին 'ի մէնջ »:

Արդ՝ այս կրկին տեղեացմէ, — թէպէտև պակասաւոր, — կը տեսնուի, թէ այն գրութեան ժամանակամիջոցին, այն է 1782, մասնաւանդ թէ յառաջ իսկ եղած ըլլան, — Խոնուսայ, Բուլանըխի

և Մանագլեբրտի գաւառներուն մէջ, — բազմաթիւ հայ ազան-
դաւորներ, որք մահմէտականացած Մանիքեցիներ դարձած էին :
Յիրաւի, այսպիսի տխուր եղելութեան շատ մանրամասնութիւն-
ներ կ'աւանդէ մեզ մեր Ռւխտակից Հ. Պօղոս վ. Մէնէրեսնե-
լի Կենսագրական պատմութեան (1) մէջ : Նա կը պատմէ, — յէջ
120, թէ 'ի Բերիոյ 'ի կարին ճանապարհորդած ժամանակ, —
յամին 1773, — քրդաբնակ գիւղի մի մէջ հանդիպեցաւ Հայե-
րու, որոնք ուրացեալ էին իրենց սուրբ հաւատքն, և « աղանդա-
ւորք էին իբրև զթոնրակեցիս, կամ կեակես էին, և կամ Ա-
րեւորդք » : Սորա առանձին խումբեր կազմած, աւազակութիւն-
ներ ալ կ'ընէին, ինչպէս իրեն իջեանած գիւղն իսկ այն գիշերը
50 ձիաւորք պաշարեցին և հարստահարեցին : Եւ Հ. Պօղոսի
Քիւրդ ընկերակցին ըսածին նայելով, նորա ռիւերիմ' թշնամի
էին միայն Քրդաց. « Քանզի նորա ոչ միայն զփողս մեր առնէին
և զերիվարս, այլ և սպանանէին զմեզ, զի թշնամիք մեր են.
բայց դու հայ լինելով ոչ ինչ առնէիս կենաց քոց » : Խեղակ
գիւղին մէջ 200 թուրքացած հայ ընտանիքներ կը յիշէ :

Իսկ գալով Յովհաննէս անուան, որուն խնդրանք գրուած
է « Բանալի ճմարտութեան », դարձեալ նոյն Հ. Պօղոս Մէհէ-
րեանի պատմութեան մէջ կ'աւանդուին երկու միջադէպք, որոնց-
մով փոքր 'ի շատէ կը պարզուի վերջին ժամանակի թոնրակեց-
ւոց պատմութեան սկզբնաւորութիւնն : Հեղինակս կը պատմէ
նախ, թէ Բոթանիստոսի վանաց մէջ Յովհաննէս անուամբ
առաջնորդ մի կար, որ ստութեամբ եպիսկոպոս ձեանալով 14
քահանաներ ձեռնադրած էր, և կարնոյ կողմերը՝ մեծ շփոթու-
թիւն հանած. որ յետոյ հալածուելով 'ի Հայոց՝ փախաւ 'ի կող-
մանս Մանագլեբրտի, և կը շրջէր 'ի գիւղօրէս :

Բ. Կը պատմէ, թէ Զարարիա Պատրիարքին և կաթողիկեայ
Հայոց գէմ՝ յարուցած հալածանքի ժամանակ, — այն է յամի
Տեառն 1774-1781, — Մշոյ կողմերէն 'ի Կ. Պօլիս եկող նո-
րադարձ հայազգի մէկն, որ Յովհաննէս կ'անուանէր, երկիցս
ուրացաւ զքրիստոնէութիւնն. նա ինքն կրօնական անլուր միւր-
ութեանց հետ՝ քաղաքական ծանր յանցանք ևս գործելով, ութ
ամիս արգելանաց և թիւալարութեան դատապարտեցաւ : Բայց
յետոյ Պատրիարքին ձեռքով ազատուելով, գնաց 'ի կողմանս
Խնուսայ, որ ապա նորահնար ազանդ մի հնարելով, սկսաւ խը-
նուսի և շրջակայ գիւղօրէից և գաւառաց բնակիչները խոտո-

1. Այս անտիպ գրութիւնս, որ այժմ կը գտնուի մեր Չեռազրատան մէջ, շատ
և շատ հետաքրքրական և կարևոր նիւթեր կը պարունակէ ժամանակակից պատ-
մութեան և Հայոց յանժամու կացութեան վերայ :

րեցնել 'ի քրիստոնէական սուրբ հաւատոց . որուն համար կըրկին անդամ շղթայակապ եղած 'ի Հայոց զրկուեցաւ յԷջմիածին :

Սակայն հօս կարեւոր կը համարեմ, բոլոր իր մանր պարագաներովը մէջ բերել Մէհէրեանի մեզ աւանդած յիշատակարանը, որ պատմելով յիշեալ Յովհաննէսի Մուշէն 'ի Կ. Պօլիս գալն, — անտի 'ի վենետիկ 'ի վանս երթալն, — և քիչ օրէն իբրև դիւամոլ և մնորամիտ վաճառիչն 'ի Կ. Պօլիս, — Բէյօղլիի մէջ ուղղափառ աղջկայ մի հետ ամուսնանալն, — այլազգութեան դառնալն, — անուանափոխ րլլալն և դորժած չարութիւնքն Հայ կաթողիկեայց դէմ, և այլն, — կ'ըսէ. « Իսկ թէ չար և անօրէն պոզող Ապտաշլուս յետ այսորիկ զիւրդ աշակերտոր եղև, և զամենայն հաւատս և զազանդս և զնաւապս արհամարհէր, պատմեցից ճշմարտապէս... Մինչ քրիստոնեայն էր Ապտաշլուս՝ ամուսնացաւ ուղղափառապէս. և յորժամ ուրացաւ ևս՝ գնայր առ կին իւր 'ի Բէյօղլի յամենայն աւուր: Բայց եթող զկին իւր և չոգաւ 'ի Կարին և անտի 'ի Մուշ առ բղեաշին Մշոյ, և ասաց ցնա. Գիտասջիր զի ես հայ էի և թուրքացայ. բայց այժմ՝ կամիմ հայ լինել: Եւ բարկացեալ բղեշխին՝ առաքեաց առ մօրաջա իւր, զի ուսուցեն նմա զտաճկութիւն: Եւ յետ երկուց աւուրց մօրայք ծանուցին բղեշխին, թէ նա ուսուցանէ մեզ զտաճկութիւն, զոր մեք ոչ գիտեմք: Եթող զՄուշ և եկն 'ի իւնոնս, և ծանոցց դատաւորին թէ ես կամիմ հայ լինել. իսկ դատաւորն խնուայ հրամայեաց նմա, թէ երթ ըր հայ: Եւ նա չոքաւ 'ի գիւղն Մարտշիս և ամուսնացաւ: Յետ ամուսնանալոյն չոգաւ առ դատաւորն դաւառին, և ասէ ցնա. կամիմ քահանայ ձեռնագրել, բայց ոչ ձեռնագրեն, թէ թուրքացեալ ես: Իսկ դատաւորն առաքեաց զսպասաւորս իւր 'ի Կորաշ վանս, որ է 'ի Բաշլունշիս՝ կից ընդ Մանազկերտ գաւառին, ուր էր եպիսկոպոս մի, զոր բռնութեամբ բերին 'ի խնուս 'ի գիւղն Մարտշիս, և ետուն զուրացողն ձեռնագրել քահանայ: Յետ աշտրիկ սկսաւ աղանդ չար սերտանել 'ի գիւղն Մարտշիս և յայլ գաւառս, զոր Հայք ծանուցին Ղազխա կաթողիկոսին, որ և կալաւ զչարաճճիկն, և տարեալ յԷջմիածին, եղիև 'ի քանդի, ուր եկաց մնաց ժամանակ ինչ. ապա զբուրձ իւր հատեալ՝ փոկ արար իբրև զպարան, և նովաւ էջ 'ի պարսպէն, փախեաւ 'ի գիւղերի միոջ: Եւ 'ի յանցանելն զլեառն ինչ, շունք հովուաց գիւմեցին 'ի վերայ նորա. իսկ հովիւք՝ համարելով, թէ դող իցէ, կալան գնա, և տեսին զի չէր դող. և խնայան, թէ փախուցեալ է. սորին վասն կալան գնա: Իսկ ընդ լուսանալն եւ կին խնդրակք կաթողիկոսին, կալան կապեցին 'ի վերայ գրաս:

տուն՝ տանէին յէջմիածին: Իսկ ուրացեալն աղաչէր զնոսա արձակել, զի 'ի պէտս նստցի: Եւ 'ի յարձակելն նոցա փախեալ 'ի մէջ թփոց եղեգանց և մացառախիտ լերանց, և եկն վերըստին 'ի Խնուս 'ի գիւղն Մարուխ, և սխառաւ տարածել զքիռն իշր: Բայց մինչ գաւառապետ պաշտպան իւր պրսորեցաւ 'ի Խընուսայ 'ի կարին, և ինքն չարածճին երկեալ մնալ 'ի Խնուս, առեալ զկին իւր և զորդիս չորս 'ի կարին. բայց Հայք ոչ ընդունեցին զնա և ոչ յեկեղեցիս իւրեանց թողին մտանել: Այլ սակայն մինչ գլխատեցին զպաշտպան իւր գաւառապետ՝ Խնուսայ, յայնժամ մահմետականք կալան զնա, յամին 1804, և ասնցնա, թէ թուրք ես դու և թուրքացեալ. և զիսորդ Տէրտէր եղեր: Պատասխանի ետ նոցա, թէ զի՞ բռնադատէք զիս, վերըստին թուրքանամ և թուրքացուցանեմ զորդիս իմ: և եղև զորաւսաց որդիև կորստեալ: Բայց կինն ոչ թուրքացաւ, այլ բաժանեցաւ 'ի նմանէ, և գնաց ընդ հօր իւրում 'ի Խնուս»:

Արդ այս յիշատակարանովս՝ խնդիրը բոլորովին պարզուած համարելու է, և այլ ևս չենք տարակուսիր եզրակացնել, թէ ստուգիւ « Բանալի ճշմարտութեան » գրութեան հեղինակն՝ այս չքահանայ Յովհաննէսն եղած է, զոր Սինոգի գործերէն մին քահանայ կ'անուանէ զնա և տածկացեալ: Ժամանակն և բոլոր միւս պարագայք իսկ զայս կը հաստատեն: Բայց թէ այն գլըքոյկը գրել տուող « ամենապայծառ Յովհաննէս վահագունին » արդեօք նախայիշեալ ստանուն եպիսկոպոսն է, թէ ընդհակառակն Խնուսի դատաւորը, այս կէտերս ստակաւին մութ են մեզ համար, թէպէտև վերջինն աւելի հաւանական կ'երևի, ենթագրելով որ զՅովհաննէս—Ապտուղլարն ձեռնադրել տուողն և իւր բախուսողը, քոչքացած հայ—Մանիքեցի մի պէտք է որ եղած ըլլար. ապա թէ ոչ տածիկ մի չէր կրնար դիւրաւ հրաման տալ տածկացած Ապտուղլահին, որ վերստին հայանայ: Երկրորդ ա՛նոր ամբաստանուիլն և մահուան դատապարտիլն իսկ՝ Ապտուղլահի և Հայոց մէջ ծագած մեծ շիտթութեան մի պատճառաւ թերևս եղած ըլլայ, զոր Հայք ամբաստանած էին իբրև յանցաւոր յօրէնս Տածկաց: Նախընթացին հետ՝ այս վերջին կէտերուս մասին իսկ ընելիք նորանոր յայտնութիւնները՝ կը թողունք Էջմիածնի ուսումնաստեանչ միաբաններուն, մանաւանդ թէ կը սպասենք անհամբեր. զի ունին ամենահարուստ գիւան մի նաև այս ժամանակի անցից և պատմութեան:

Այստեղ ստիպուած ենք, վերջացնել Մանիքէս—Պաղիկեան Թոնրակեցւոց աղանդի ուսումնասիրութիւնը, թողով ուրիշներուն այն բազմոստեան բազմակնճիւռ հարցը, թէ ի՞նչպէս տա-

բածուեցաւ այս աղանդս յԱրևելից (1) յԱրևմուտս, — կամ՝ ընդհակառակն, — և ծագումն տուաւ Կարաբաքացոց, Բուլղար աղանդաւորաց, Բոզոնիլներուն և Ալքիզացոց. և դարձնել ընթերցասիրաց ուշագրութիւնն ուղղակի Գր. Նարեկացւոյ թղթին վրայ, զոր կ'ընծայենք 'ի վայելս ուսումնասիրաց:

1. Ոմանք արդի Ներսիսացի մատենագրաց ջանացին պաշտպանել, ընդհակառակն, թէ ոչ եթէ Արևելքէն՝ յԱրևմուտս, այլ Արևմուտքէն, — այսինքն է հարաւային Գաղղիայէն Ալքիժուաներ ասրածեցին Նիրենց աղանդը Բուլղարաց, Դաղմատիոյ և ուրիշ արևելեան երկիրներու մէջ: Սակայն դիտելու ենք, որ նախքան Bougre, — որ Bulgare, անուան կրճատումն է, — Ալքիժուաներուն մէջ պահուած է, որ զհակառակն ենթադրել կու տայ: Երկրորդ, Բուլղար աղանդաւորաց հնութիւնը մինչև ԺԱ, դարը կը հասնի, մինչդեռ Ալքիժուաներունը համեմատաբար նոր է: Մեղաց մեծանուն եպիսկոպոսը՝ Բոսիւէ, Յայտնուքեան Մեկնութեանը մէջ, — Ի. 7, — առաջին կարծեաց աւելի նպատաւոր կ'երևի, յասելն. « Pour mieux porter le caractère de Gog, ils (Մանկրեցիք ԺԱ, դարու) étaient originaires de la Gogarenne, province d'Arménie, où ils s'étaient cantonnés; et ils venaient des Bulgares, nation scythique, dont on sait que Magog a été la source ».



Թ Ո Ւ Ղ Թ

« Ամենաշնորհ վարդապետին Գրիգորի Նարեկացոյ, զոր գրեաց 'ի հոյակապ Ուխտն Կճաւայ², վասն կարծեացն անիծելոց թոնրակեանց Յանէսի եւ Յամրէսի, որ եկն զգետաիւ ոչխարաց, եւ 'ի ներքոյ զայլ յափշտակող, որ եւ 'ի պտղոյ ծանուցաւ ամենից, զոր սուրբ վարդապետին լուեալ, գրեաց սակս ազատութեան⁵ 'ի չար կարծեացն »:

1. Որ կը գտնուի « Թորոց Գրքին » մէջ. ուսկից ապա զազափարեց բարեյիշատակ Հ. Բառնարաս Վ. մեր Եսայեան, յամին 1851 Հոտմ եղած ժամանակ, և բերաւ 'ի վանս: Իսկ բնագիրն « Թղթոց Գրքին », — որ այն ժամանակ Անտոնեան Հարց Մատենադարանին մէջ կը գտնուէր և այժմ չգիտեմ ո՞ր, — գրուած է 'ի Հոռովայ, 'ի Թուին Հայոց ՁԽԸ, — այսինքն է Հոռովայի առնուելէն քիչ ետքը, — Հոռովացի թուփնա քահանայի ձեռքով. որուն նշանաւոր Յեշատակագիրը կը գտնուի մատենին վերջ, բայց 'ի վերջոյ Թերի: Հօն կը պատմէ յեշատակագիրն՝ Հոռովայի պաշարումն, առումն և Հայոց քաջաց կոտորածը: Չեռագիրն է բոլորգիր՝ բամբակեայ թղթի վրայ գրուած:

Նախկին օրինակն կամ բնագիր գրչագրին Թովմայի՝ եղած էր Գրիգորիսի վիպասիրինն, և կը հասնէր ցէ՛ն 175, ուր կայ և Հայրապետիս Յեշատակագիրն այսպէս: ԶՎանքաւ որոյ Գրիգորոյ Մագիստրոսի յիշեալիք յարաշար ձեռ, ով երբաւնիկ դասք ուղղափառաց խմբիցդ ասքսնագեան սեռի. ՇԻԼ. բռնակախն »:

2. Տասներորդ դարուն մէջ հոյակապ հոշակուած այս վանքիս անունը՝ գրէթէ ազգային մատենագիրք առ հասարակ 'ի մոռացութեան թողած են, — չգիտեմ ի՞նչպէս: Հօրիսիմեանց Պատմութեան հեղինակը միայն կը յիշէ զայն, իր հնագոյն արարուածովն ի միասին, այսպէս. « Եւ անտի փոխին, և գնացեալ 'ի գաւառն Մոկաց, Սուրբ-Սաշ կոչեցեալ տեղի, որ և մեծ զբանչիս կատարեաց Աստուած 'ի ձեռն նոցա պատուական խաչուն Կսայեայ և Դանիելի, որում ես և դու հասու, և մեզ երկրորդել զի: Կճաւն կոչեցեալ տեղի՝ դիւաց ցեալ պաշտամար, հասեալ անդ առաքելանման քահանայիցն և որոց կուսանացն, զընդգիմամարտն արգելուն զձիոցն. յորում զայրագնեալ դիւացն՝ դիմեալ 'ի վերայ խեղէին, ծռէին, պնչատէին զպաշտօնեայս իւրեանց... վասն որոյ և տեղին կոչեցաւ Կճաւ, որ և յետոյ զտեղին հաստատէ վանս սուրբն Գրիգոր »: Երգնկացին ևս մէջ կը բերէ այս տեղիս (Տես 'ի Տօնապատճառն, 981) առանց նորութեան, ըսելով. « Վասն որոյ տեղին կոչի Կճաւ (իր) թէ 'ի յայմ տեղով Կճատէին դեքն զմարդիկ »: Թէ Երգնկացին և թէ՛ իր նախորդն ուղած են Կճաւ անունը կ՛ծել և կամ կճատել բայէն յառաջ բերել, բայց 'ի զուր. զի կճատել բայն իսկ բացառութիւն կը կազմէ մեր լեզուի և բառարաններու մէջ: Ուստի կամ Կրճատ ուղղագրելու է Կճաւն, և կամ կրճատել բայէն ծագած ըլլալու է: Եւ իրօք Հօրիսիմեանց Պատմութեան, Էջմիածնի Օրինակին մէջ « Կրճատ » գրուած է, այսպէս. « Սպայէս և 'ի Կրճատն կոչեցեալ տեղի դիւաց »: Այս վանքս կը գտնուէր Մօկաց գաւառին մէջ, և անուշտ իր հնութեան համար համբաւաւոր կը համարուի աստ:

3. Դիտելու ենք, որ յամի Տեառն 987 ժամանակամիջոցը կը յիշեցնէ մեզ,

« **Տ**էր Հայր¹, զոր գրեմն, իբր չհաւատալի համբաւ՝ չար տե-
» ղեկու թեամբ, զի թէպէտև յորոց լուսնն հաւատարիմ՝ կարծէին,
» և չէր ինչ խէթ կարծեաց քինիւ՝ ոչ այլ իմն ունի կերպարան
» հակաճառութեան. քանզի լուայ, թէ յանյիշելի ամենազապիր
» մծղնէութիւն աղանդաւորութեան անիծելոց թոնրակեանցդ
» ՚ի միջի ձերում՝ բարեխորհիցդ յիշատակի². և հիացայ զար-
» մացայ ընդ այդպիսի անյարմար երեսս³ բանի՝ Աստուծոյ ա-
» տելեացդ, որ ասնն զձէնջ ասել առաւել զայդ գիտնական ա-
» նուն Մուշեղայոյ⁴, թէ Տեղեկացեալ եմք ՚ի մերմէ առաքեալ

յորում կեղծաւոր թոնրակեցոց աղանդին պատճառաւ և աղանդաւորաց մէջ՝ սրբասունքն անգամ ՚ի Հարս վանորէից ամբաստանուեցան իբրև անոնց համա- իսկհներ: Ասոնց մէջ էր և սուրբն Գրիգոր, զոր թշնամիք Մայր կ'անուանէին, այն է ուրացեալ ՚ի հաւատոց: Այս բանս քննելու համար, նշանաւոր վարդապե- տաց և իշխանաց ժողով մ'եղաւ ՚ի թագաւորանխան Անի, ուր և Գրիգոր ար- դարացաւ: Բայց որովհետև ամենուն ծանօթ չէր իր անմեղութիւնն, անոր համար ստիպեցաւ ասոր անոր թուղթեր ալ գրել, թէ և այս թուղթս անձնական չատա- գովութիւն չերևիր:

1. Հօս յիշուած «Տէր Հայրը» կճաւ կամ կրճատն վանքի վանահայրն է. սա- կայն դժբաղդարար ինչպէս յիշեալ վանքին, այսպէս և անոր վանահայրերու մա- սին տեղեկութիւնք մեզ հասած չեն. հետևաբար չենք կրնար ըսել, թէ ո՞վ և ինչպիսի մէկն էր. թէպէտև Ս. Գրիգոր անոր վերայ մեծ համարումն կը ցուցը- նէ այլ և այլ տեղեր, բայց ոչ առանց կասկածի: Այս վանահօրս վերայ ևս ամ- բաստանութիւնք եղած էին, և մինչև Գրիգորի առանձնարանին մէջ տարածուած. որոնց թէպէտև սուրբ վարդապետը չէր ուզեր հաւատալ, բայց իր, — և իրմէ ա- լելի՛ իրեններուն, — գայթակղութիւնն ուղղելու համար գրեց անորթայս նամակս, յորդորական բանիւ:

2. Որչափ որ մեղծօրէն բացատրութեամբ «յիշատակի» գրած է Գրիգոր, իր մտերիմ բարեկամը շնորհելու համար, սակայն կ'երևի, թէ կամ այն վանքի միաբաններէն իսկ սուղիւ թոնրակեանց թակարդին մէջ ինկողներ եղած էին, բարեմտութեամբ. և կամ, — ինչպէս Նարեկացոյն հետագայ խօսքերէն կը տեսնուի, — այն աղանդաւորներէն ոմանք շարութեամբ այս տեղեկութիւնս տուած էին Գրիգորի, որպէս զի զինքն ևս վաստկին:

3. Գիտելու ենք, որ Գրիգոր այս ատուութեամբ, միտք կամ կարծիք կը հասկնայ:

4. Այս Մուշեղիս յիշատակութիւնն առաջին անգամ կը գտնենք Նարեկացոյ քով միայն, — իբրև թոնրակեան աղանդաւորի, — որ գիտնական անուն իսկ ժառանգած էր իր ժամանակակիցներուն առջև. այս տեղեկութեանս համար յոյժ նորհապարտ ենք Գրիգորի: Բայց թէ ո՞վ էր այն, աշխարհիկ զք և տոհմիկ, թէ ընդ հակառակն եկեղեցական, այս յայտնի չէ: Սակայն ժամանակն և ժա- մանակակից դէպքերն ՚ի նկատի ունելով, շատ հաւանական է, որ կարուց իշ- խեցողն Մուշեղ Բագրատունի Արամեանն ըլլայ. որ ըստ վկայութեան Ասողկայ, — Գ. 11 և 12, — յամի Տեառն 984 պատերազմ իսկ բացաւ իր հօրեղբոր Սըմ

» թղթաբերէ, որ չին նորա աւտար յառաքելականդ գաւանու-
 » թենէ. և ըզձալ բազձաւ մեծաւ փափագանաւք հաւասարիլ
 » մասին նոցա, և խառնիլ յարեան ընդ կոտորեալսն 'ի սրոյ
 » վրէժխնդիր հեթանոս Ամիրային Ապլ-Վարդայ¹. որ արդարեւ
 » գաւազան սրտմտութեան 'ի ձեռին Տեառն Յիսուսի. և թէ
 » յ՞որ գիրս հրամայէ նզովել զոք, և զերջանիկ տեառն մերոյ
 » Անանիայի զգարմանագիծ հակաճառութիւն նամակին, զրա-
 » բանականս ասել², կամ անպատեհս, կամ ոչ Աստուծով խաւ-
 » սեցեալ: Արդ եթէ այդքիկ ազգեցան 'ի ձէնջ, թողում ա-
 » սել թէ հաւանեցան, և անխայեմ գրել թէ ճաշակեցան, ապա
 » գլխաւորեցաւ առ ձեզ նախագրեալն, թէ կերակուրք նոցա
 » ընտիրք՝ զազրացան:

» Բազում ինչ աստուածային և առաքելական, ամենայն ինչ
 » ուրացեալ է 'ի նոցանէ³ և խափանեալ յաստուածային կար-
 » զաց: Չեռնագրութիւնն, զոր Առաքեալքն 'ի Քրիստոսէ ըն-
 » կալան: Եւ Հաղորդութիւն մարմնոյ նորա, զոր ասաց Առա-
 » քեալ, եթէ Զհացն⁴ Հաղորդութեան ճաշակելով, զնոյն ինքն

բառայ Տիեզերակալի դէմ: Յետոյ զեղխութեամբ շուայտելով՝ ակտաւորութեան
 տուաւ ինք զինքը բոլորովին, և դայնագիր ըլլալով Գունայ սյլագրի Ամերային
 հետ, հրաւիրեց զայն 'ի Շիրակ, յաւեր և յապականութիւն երկրին:

1. Այս անունս իսկ առաջնոյն պէս անծանօթ է մեզ. ուստի կամ ըլլալու է
 ամիրայն Գունայ Ալպ-Հանոյ, կամ ամիրայն Գողթան՝ Ապուտուշի, և կամ
 Ատրպատականի արշաւագիր բռնակալներէն մին, զոր Գրիգոր յայնժամու սովո-
 րութեան համաձայն ամիրայ և վարդ թարգմանած է: Ինձ կ'երևի, թէ անուամբ
 շատերուն անծանօթ այս բռնակալս, իր մարդախոյոջ գործերովն ամենուն ծա-
 նօթ պէտք է որ եղած ըլլար Ժ դարուն. մանաւանդ թէ նոյն ամիրայն ըլլալու
 է, որ Մուշեղայ թելադրութեամբ, յամին 984, թափեցաւ 'ի Շիրակ, և հրով
 այրեց Հոռոմոսի վանքը: Ատողիկ, — Գ. 13, — Ապուտուշիայ գործած կոտո-
 բածին հետ՝ հսպագրի ինկոդներուն վերայ ուրիշ բան մ'ալ կը պատմէ, զոր ինձ
 լսել միայն արժան է:

2. Գրիգորի այս խօսքերէն կ'երևի, թէ Կճաւայ վանահայրը, բանիւ կամ
 գրով դէմ խօսած էր Անանիայ Նարեկացւոյն և մէկ կողմէն համարձակութիւն
 տուած էր Թոնրակեցւոց, միւս կողմէն ալ դայթակղեցուցած էր ողջամիտներէն
 զոմանս: Այս բանէս, այսինքն է Կճաւայ վանահօր՝ Անանիայ Նարեկացւոյ դէմ
 ցուցուցած հակառակութենէն, — եթէ ստոյգ է, — կարելի է հետեցնել, թէ
 կամ Ժ դարուն Կճաւայ և Նարեկայ վանքերն իրարու նախանձընդդէմ զիրքի
 մէջ էին, և կամ այն վանահայրն ստուգիւ իր միաբանութեան մէջ ևս տարածել
 կ'ուզէր Թոնրակեան աղանդը:

3. Թոնրակեցիները կ'ակնարկէ այս տեղ, յայտնի է, և ոչ թէ յիշեալ վանքի
 հասարակութիւնը:

4. Այս պայծառ վարդապետութենէն յայտնապէս կը տեսնուի, թէ Գրիգորի

» զԱստուած միացեալ 'ի մարմնի ընդունիմք և ճաշակեմք, զոր
» Սմբատ՝ հասարակաց կերակուր՝ զսարսափելին վարդապե-
» տաց 1: Եւ զճնունդն հոգեւոր երկանց՝ որ 'ի ջրոյ և հողոյ,
» ծանուցեալ, թէ որդիս Աստուծոյ գործէ, շուր ինչ լուսեաց
» զնոյն նոցին ուսոյց:

» Եւ զաւրհնաբանեալ զաւր կիրակէին, յորում՝ արար
» (Բանն Աստուած) զլոյսն առաջին, և կատարեաց զլոյսն ² յա-
» բուրձեան իւրոյ 'ի նմին. և զլոյսն կենարար գալստեանն՝ նո-
» վաւ տնօրինեաց, զայն պատկեր ³ պաշտելի աւուր՝ ընդ այլոցն
» զուգաթուեալ նոցին թարգմանեաց ⁴: Արդ՝ զորս յայսցանէ
» զնոցա գիտեմք խափանեալս ⁵ ոչ առաքելական կամ՝ աստուա-

հետ՝ Հայաստանեայց եկեղեցին իսկ կ'ընդունէր. — լսելայն, — թէ մէկ տե-
սակաւ, այսինքն է սրբազործեալ հացիւ, — որ ոչ ևս է հաց, — հազորդուող-
ներն իսկ հաւասարապէս զնոյն ինքն զԱստուած մարմնացեալ և կենդանի կ'ըն-
դունին. և կը յանդիմանուի անոնց տկարամտութիւնը, որք ծիսականը՝ վաւերա-
կանին հետ շիտթելով, կամ լաւ ևս վաւերականութիւնը՝ ծիսին զոհելով, կը
կարծեն սխալմամբ, թէ հացի տեսակաւ հազորդուողները՝ զուրկ կը մնան յա-
րենէն Քրիստոսի: Եւ Հայաստանեայց եկեղեցւոյն ըսինք, որովհետեւ և թէ այս
վարդապետութիւնս իրօք իրենը չլլար, ոչ Ս. Գրիգոր պիտի իշխէր վարդապե-
տել, և ոչ ալ եկեղեցին պիտի լռէր ներդրամտութեամբ:

1. Թէպէտ և այսպէս ընդօրինակուած է, բայց ուղիղը վարդապետեաց
պիտի ըլլայ:

2. Աս ընթերցուածս կարելի էր ուղղել, յոյս յարուբեան, որովհետեւ Քրիս-
տոսի յարութիւնը մերինին յոյս և նախատիպ օրինակ եղաւ, և ոչ թէ լոյս. սա-
կայն հետեւեալ նախադասութենէն կը տեսնուի, թէ Գրիգոր տարբեր մտքով
« լոյս » գրած է. այսինքն է Ս. վարդապետս կը համարի, թէ յաւեր կիրակէի
եղած ըլլայ առաջնաստեղծ լոյսը կամ առաջին արարչագործութիւնը. կիրակէի
կատարուած ըլլայ լոյսն յարութեան, կամ լաւ ևս երկրորդ արարչագործութիւն
մեռեալ ընտթեանս. կիրակէի պիտի ինի նաև Քրիստոսի զայտնան կենսաբեր
լոյսը, զոր յարութեան լուսովը տնօրինեց, կամ լաւ ևս պատրաստեց մահկա-
նացու մարդկութեան համար: Գիտելու ենք, որ առաջին կէտի նկատմամբ Գրի-
գոր կը թուի տարածայնիլ միւս վարդապետներէն, որոնք Ս. Օգոստինոսի հետ՝
չարաթը կամ կիրակէն՝ օր հանգստեան կը համարին, և ոչ թէ արարչագոր-
ծութեան: Ուստի Գրիգոր կամ այլ ինչ կ'ուզէ հասկցնել անով, և կամ ըստ
երբայականին կը վարէ զայն:

3. Աս բառովս կամ կանոն կը հասկնայ, և կամ քանորդն աւուր եօթնեկի
ամսոյ:

4. Այսինքն, ոչսոյց կամ վարդապետեց իրեններուն, շարն Սմբատ:

5. Այսինքն է, Թոնրակեցիք կիրակէին հետ՝ անոր խորհրդաւոր նշանակու-
թիւններն ալ կ'ուզէին խափանել, պատճառելով, թէ այն բաները ոչ առաքելացմէ
օրինադրուած են, և ոչ իսկ յԱստուծոյ:

» ծականս : Չճերադրոշքեան խորհրդական պաշտարանս , զոր
» ինքն արարիչն ամենայնի (Յիսուս Քրիստոս) խոնարհեալ կըրկ-
» նեայ : Թէ զաշազանն² ուրացեալ 'ի նոցանէ , յորում ինքն
» Քրիստոս մկրտեցաւ : Թէ զՀաղորդութիւն³ անմահութեան ,
» զոր ինքն Տէրն բոլորից ճաշակեաց : Թէ զմմղնէական ան-
» խաիր պղծութիւնն , զոր Տէրն զհայեցուածն արգիլեալ խտեաց :
» Թէ զնշանն երկրպագեալ , զոր Աստուածն մարդացեալ յունն
» իւր բարձեալ կրեաց , իրր զփառս ինքեան և զիշխանութիւն :
» Թէ զմարգապաշտ ուրացութիւնն , որ դարչելի է և անի-
» ծեալ քան զկապաշտութիւն : Թէ զինքաձեռն քամահանաց⁴
» քահանայութիւնն , որ սատանայի է նմանութիւն : Թէ զպսա-
» կին ամուսնութեան անգոսնութիւն , զոր Տէրն ինքեա' :⁵ սքան
» չելեալք , և մարբն իւրով Աստուածածնաւ յարգեաց և պա-
» տուեաց , զպսակն անգոսնեն , և զոր սիրով մերձենան առ

1. Այս տեղ « պաշտանք » բառով կամ ընդհանուր , և կամ մանաւանդ տէ-
րունական աղօթքն « Հայր մերք » կը հասկնայ հեղինակս :

2. Այսինքն է Մկրտոշքեան խորհուրդը , զոր անկարօտն մաքրութեան Քրիս-
տոս ընդունեցաւ և ուսոյց կատարել :

3. Դիտելու ենք , որ այս տեղ ուղղակի վերջին ընթրեաց վերայ է Գրիգորի
խօսքը , և ոչ թէ ընդհանուր կերպով Հաղորդութեան վերայ , զոր արդէն յառա-
Հագոյն մէջ բերաւ : Սմբատ մերժելով Քրիստոսի Ընթրեաց հաստատութիւնը ,
մերժած էր նոյնպէս ոչ միայն Տեառն մերոյ կենարար մարմնոյ և արեան Հա-
ղորդութեան ճմարտութիւնն , այլ և Հայաստանեաց եկեղեցոյ տօներէն հնա-
գոյնն և նուիրականը , զոր այնքան չքով և պատուով կը կատարէին : Այս պատ-
ճառաւ ուրեմն Գրիգոր մեծ կարևորութիւն տալով , առանձին յիշատակած է
զանոնք , իբրև կրկնակի և կարևոր նիւթեր՝ Սմբատայ ուրացութեան :

4. Գրիգորի այս տեղին չհասկցուելու շտի մութ է . սակայն ինձ այնպէս կը
թուի , թէ ըսել կ'ուզէ (Սմբատայ համար) ուրանալով Քրիստոսի աստուածու-
թիւնն , իբրև լոկ մարդ կը դաւանի զնա . և կամ ինք զինքը պաշտելի ընելու
համար՝ կ'ուրանայ Քրիստոսի աստուածութիւնը :

5. Այս բացատրութեամբս կ'ակնարկէ աղանդապետին այն յանդուգն ձեռն-
բիցութիւնն , որով ինքը , — թէ և սոսկ աշխարհական մ'էր , — բայց արհամար-
հելու համար զխորհուրդն Քահանայութեան , ձեռնադրութիւններ կ'ընէր :

6. Այս տեղ՝ կանայ Գալիլեացոց հարսանիքը կը յիշցնէ , զոր պատուելու
համար հօն գտնուեցաւ Յիսուս իր մօրը հետ , և քանչլեւք զՆուրն 'ի զինի փո-
խարկեց :

7. Այս նախագատութեամբս , — դիտելու ենք , — որ Գրիգոր ուզած է թոն-
րակեցուց այն մտորութիւնը մէջ բերել , որով կ'ուրանային Պսակի խորհրդական
մասն , և իբր բնական գաշինք մի կը համարէին զայն : Եւ որ շարագոյն է , այդ
գաշինքն իսկ՝ ամէն առն և կնոջ համար և ամէն պարագայից մէջ օրինաւոր
և վաւերական կը համարուէր , բաւական էր , որ անոնք բնական յօժարութիւն ու-

» յիրեարս, կատարեալ սէր համարին և յԱստուծոյ, և հաճոյ
» Քրիստոսի, թէ Աստուած սէր է, և զսիրով միաւորին կամի
» և ոչ զպսակ: Թէ զերախայրեացն կատակերգական՝ երգի-
» ծանութիւնն, զորս Աբէլ և Նոյ, և Աբրահամ և Գառիթ, և
» Սողոմոն և Եզրիայ աստուածային բարիութեան ցուցին հաշ-
» տարարութիւն: Թէ որ զգլխաւոր² աղանդին իւրեանց զար-
» շութեան (զգլուխն) յանդգնեալ Քրիստոս անուանեն, զոր Քրի-
» ստոս կանխաւ վկայեաց, թէ Յարիցեն սուտ մարգարէք. և այս
» է ասելն մարգարէին, թէ Խորհեցաւ անզգամն՝ ՚ի սրտի իւրում,
» թէ ոչ իցէ Աստուած:

» Աբդ այսօրիկ են քննադիդ Մուշեղայ՝³ անխտոր հաւա-
» տոյ առաքելականքս⁴: Աբդ զայստոսիկ հաւրեղբայրն՝ մեր և
» վարդապետ մեծաւ քննութեամբ խնդիրս արարեալ, իբրև
» զԱստուծոյ ջատագով, և անգոտին իբր զիմաստուն նախամար-
» տիկ տապալեաց զառասպելաբա՛: հայհոյութիւն անաւրինելոցն
» Թոնրակեանցն, թէ (ապա թէ) ոչ՝ մեք զանուն պղծոցն ՚ի
» համբաւուց ՚ի սակաւ ինչ լրոյ գիտեաք: Աբդ՝ զի՞նչ պարգևս
» ընտրութեան տեսեալ ՚ի գարշելին կուճրրիկոս⁶, և կամ յի-

նենային իրարու հետ միանալու, թէ և այդ յօժարութիւնը առանց զաւակասե-
րութեան նպատակի, այլ պարզ հեշտութեան համարըլլար:

1. Տեղիս ուղղակի ակնարկութիւն է Թոնրակեցւոց այն մոլորութեան, որով
կը ծաղրէին, — այլ և այլ ծաղրապատկերներով և անհեթեթ պատմութիւննե-
րով, — քրիստոնէից՝ Աստուծոյ կամ անոր պաշտօնէից ձօնած նուէրները,
տասանորդներն և պողիները:

2. Ինչպէս կանխաւ ըսինք, Թոնրակեցիք իրենց գլխաւոր աղանդապետքը
Քրիստոսի տեղ կը պաշտէին. Բայց Սմբատ առաջինն եղաւ, որ կամ բռնի և
կամ իր ըրած կախարգութիւններովն՝ ինքզինքն իբրև Քրիստոս երկրպագել տուաւ
իր հետևողներուն, և այս է Գրիգորի ակնարկածը:

3. Այս Մուշեղս՝ վերայիշեալին հետ նոյն է, որուն ջատագով կանգնած էր կը-
ճաւայ վանաց վանահայրը: Գրիգոր անուղղակի կերպով առ այն կը խօսի. զի իր
նամակն վերջնոյս ուղղած էր:

4. Հօս կամ հենգնօրէն զՄուշեղեանս կը յանդիմանէ Գրիգոր, և կամ մէջ բե-
րած մոլորութեանց և ուրացութեանց դէմ իրմէն յաւելցուցած վարդապետու-
թիւնքը միայն « առաքելական » կ'անուանէ:

5. Եթէ ուրիշ ապացոյց չիկներ, այս պարագայս իսկ բաւական զօրեղ ապացոյց
մ'էր, թէ Թուղթս Գրիգորի Նարեկացոյ հարազատ գործ է, թէ և այն թղթի մա-
կագրութիւնն ուրիշ յետագայ գրչէ մի յարմարեալ է, իբրև հիմն և ենթակայ ու-
նելով իրեն դարձեալ այն Թուղթը: Այո՛, Գրիգոր, — թէ շատ՝ անոր հարազատն
Յովհաննէս — կրնար հօրեղբայր անուանել զՄնանիա Նարեկացի, զի ստուգիւ այն-
պէս էր, և այս բանս ուրիշ յաղբերաց իսկ քաջածանօթ է:

6. Այսպէս կ'անուանէր ինք զինքը Մանի, դեռ իր աղանդը չի հնարած. բայց

» շատակ բարոյ 'ի Սիմոն, և կամ՝ յոյս ակնկալութեան 'ի նեռն,
» որոց նոցա են աշակերտեալք. որ զերախտիան անպատուժ
» բարեգործութեան չարչարանացն մոռացեալ, զնոսա կարգան
» ապաւէն, որ զնոցանէն ստացեալ: Որք են շարք շանց և գու-
» մարք գողոց, և գունդք գայլոց և դապք գիւաց. և ազինք
» աւազակաց և կոյտք կերչաց, և բոյլք բարբարոսաց և խում՝
» բլբլ խաշահանուաց, և ժողովք չարեաց և արք արեանց, և
» երամք թունաւոր աւձից և վտառք մարդագէժ՝ գազանաց, և
» կաճառք կախարդասարաս ազանդաւորաց. և ոչ միայն եկեղե-
» ցականաց, այլ և հեթանոսաց են անգունելիք:

» Քանզի և այն հզաւր՝ այր՝ խնդրող վրիժուց նախատանացն
» Քրիստոսի, որ զանիծեալ զնախնիս նոցա խայտառակամահ
» սատակեաց, զայս ինչ ասէր ցերկրորդն՝ Յամրէսի, թէ Քրիս-
» տոս յերիւր աշուշ յարեաւ. արդ միև զոչ գրեզ Քրիստոս
» աւուռաւեւ, սպաւաւեւ գրեզ և քաղեւ, և դոչ զկնի երեսուշ
» աշուշ կեկոյաւցիր, եւ գիտեւ թէ Քրիստոս իցեւ. թեպէտ
» այլքան աշուշքք թագմաւք յետոյ յարիցեւ: Արդ նա մերձ
» էր և դրացի գառնացողացն մոլեգնութեան. և զայն լուր 'ի
» բազմաց ճառողաց կրթեալ էր, և Քրիստոսի ճշմարիտ յա-
» բութեանն ամենայնի հաւատայր. և զնոցայն այսն արարեալ՝
» իբր զարժանիս հենգնելոյ եթող յիշատակ բանից գովելեաց:

չեմ կարող պնդել, թէ Գրիգորն ևս նոյնը կը հասկնայ, և ոչ այլ ոք. որովհետեւ այս անունն արեւմտեան աղբերաց միայն ծանօթ է, և կը դրուի Կիրրիկոն *Kirrikon*, *Urbicum*, *Corbicium*: Գրիգորի գործածած ձևն՝ յունին աւելի մերձաւոր է *Սուստի* կամ *Փոտէն* և կամ Ս. Առքելաւոսէն փոխ առնուած է. բայց Նարեկացոյն ընծայածն աւելի ուղիղ կ'երևի:

1. Մեր պատմագիրներէն ոչ ոք կը յիշէ յանուանէ այս նոր Եղիազարոսս, և ոչ ալ անոր վրէժխնդիր գործը, զորս դժբաղդաբար քողարկելով մէջ բերած է հմուտն Գրիգոր. հետևաբար մենք ալ չկարեմք ստուգութեամբ նշանակել անոր ո՛վ ըլլալը. սակայն երկբայութեամբ հաւանական կը համարինք ըսել, թէ Քաղարատ Բազրատունին եղած ըլլայ, որ Յովհաննէս Ովայեցի կաթողիկոսին ժամանակից էր: Այս իշխանս, — զոր պատմագիրք մեր հզօր և յոյժ կրօնասէր կ'անուանեն, — թէպէտ և յետոյ շաքարացոց Ամիրապետին և սրոյն առջև թուելալով՝ առ երեսու ուրացաւ իր հաւատքը՝ կեանքն ապրեցնելու համար. սակայն յառաջագոյն միշտ պաշտպան հանդիսացած էր Քրիստոնէութեան և սուսեր հատու անհաւատից. այնպէս որ Ամիրապետին դուռը կանչուած ժամանակ իսկ՝ Ս. Կտակարանաւ և դասուք քահանայից չըբաւ անդ: Եւ կամ Սմբատ Ա. էր, եթէ Ասողկայ հետ ընդունինք, որ Թոնրակեցոց աղանտապետը՝ Յովհ. Պատմաբան կաթողիկոսի ժամանակ 'ի վեր երևեցաւ, և ոչ թէ Ովայեցոյն:

2. Երկրորդ Յամրէսի անուամբ՝ զաղանդապետն Սմբատ կը հասկնայ Գրիգոր, — ինչպէս ըսինք յառաջագոյն, — և այս բանս յայտնի է ոչ միայն Գրիգորի այն խօս-

» քանզի և զայն Աստուած՝ և ոչ երկրային խորհուրդ անկեաց .
 » հրամայեալ անտեսեաց նովա շարաւ զչարին խրատեալ և
 » կամ սատակեալ . որպէս զվիշապն ահագին հնդկային՝ ետ
 » կերակուր , և զՀրէայն՝ Քաղցեացովքն խրատեաց , և զխա-
 » շահանունն՝ Տիտոսիւ և վեսպասիանոսիւ և Ալբրիանոսիւ դա-
 » տեալ խորտակեաց . և զեգիպտականացն ազգ՝ կիւրոսիւ կործա-
 » նեալ կրկին կշտամբեաց . և մեծ հեծան հարուածոց ասի նոյն
 » ինքն Բելիար կախեալ ՚ի տաճարին հրամանաց ահաւորին :
 » Արդ զեւքն՝ Աստուած գիտացին զՄիածինն և դատաւոր ա-
 » մենայնի դաւանեցին , և պիղծն Սմբատ կրկին Սիմնն՝ իւրոցն
 » դառնարմատ և որոմնարոյս աշակերտացն՝ զինքն ետ երկիրպա-
 » դանել . որպէս մոյն այն՝ Սամարացի , և Մանտանոս և Պիւ-
 » թագորսա՝՝ անգրական և հեթանոսային իմաստասէր : —

քերէն , որ կ'ըսէ , — Թոնրակեցոց համար , — Թէ « Զգլխաւորն ազանդին իւ-
 բեանց Քրիստոս անուանեն » , այլ նոյն իսկ հետեւեալ պարբերութենէն , ուր յիշեալ
 դէպքը օրինակներով պատմելէն վերջ՝ անմիջապէս կը յարէ . « Արդ զեւքն՝ զԱս-
 տուած գիտացին զՄիածինն . . . և պիղծն Սմբատ . . . զինքն ետ երկիրպագանել » :

1. Այս տեղիս՝ ակնարկութիւն է Յովբայ , գլ. 1. Թ. 25ին , որ աներևոյթ զիշապի
 զգալի նկարագրութիւնն ընելով , կ'ըսուի . « Կերակրեցին նախա ազինք , և բաժա-
 նեացն զնա ազգը Փիւնիկեացոց » , և այլն : Հնդկային ըսելով՝ այն ծովը կը հասկնայ
 հաւանօրէն Գրիգոր , որ աւելի ծանօթ էր հնոց՝ իր վրայ եղած զանազան առաս-
 պելքարանութիւններով . և կամ Ս. Գրոց տարբերութարգմանութիւն մ'ենթադրել
 կու տայ :

2. Գիտելու ենք , որ զՍիմնն Մօզը կը հասկնայ Գրիգոր , զոր քիչ յառաջ յիշա-
 տակեց իբրև նախատիպ կախարդին Սմբատայ : Անոր Սամարացի ըլլալը՝ Կործոց
 Աւարելոցի Ը և Թ գլխինքերէն գիտէր հաւանօրէն Գրիգոր : Սակայն օրբօգան հե-
 ղինակն անոր , — յամին 36 , — ՚ի Սամարիա գտնուին և Փիլիպպոս առաքեալէն
 հօն մկրտուիլը միայն կը յայտնէ մեզ : Յուստինոս , — Apol. I, C, 26 , — անոր
 ծննդավայրը Գիտտուն ասանն եղած կը համարի Սամարիայի մօտ . իսկ Յովսե-
 պոս , — Ant. Iud. I. XX, C, 7, 8, §. 2 , — Գիտտոնացի անուանեալ Սիմնն մի կը
 յիշէ , ծնեալ ՚ի Կիպրոս կղզի : Աւստի այս և ուրիշ հին ազգաց տարաձայնութենէն
 կը հետևի , որ այլևայլ Սիմնն մտեր եղած ըլլան , Սամարացոյն պատուին արժա-
 նանայու համար . զի Յուստինոս կ'ասանդէ , Թէ Կղզիոս կայսեր ժամանակ , Տիբե-
 րիսի մէջ արձան մի կանգնուեցաւ Սիմննի , այս վերառուութեամբս . Simoni, Deo
 Sancto. Եւ իրօք յամին 1574 զտնուած կ'ուանդուի յիշեալ կղզոյն մէջ , ՚ի Հուովմ-
 սիւն մի , որուն վրայ գրուած էր . Simoni Sancto Deo Fidio Sacrum :

3. Նարեկացոյ այս բացատրութիւնս Ս. Եպիփանու Հերձուածոց զիբքը կը յի-
 շեցնէ մեզ , և կամ լաւ ևս այն գրութեան հայերէն համատու թարգմանութիւնն ,
 յորում « հեթանոս » և « գնացողական » գրուած է , փոխանակ « անգրական » ի :
 Գրիգորի զնա յիշատակելուն պատճառն իսկ այս գրուածքէս յայտնի է , այսինքն է ,
 զի « զինքն Աստուած անուանեաց մասն ինաստուշքեան » , որպէս Սմբատ կախարդու-
 թեամբ :

» Արդ ամենին նուազս 'ի յորունց և սակաւս 'ի բազմաց
» գծագրեցի և մնամ լսել 'ի բանից ձերոց. քանզի առաջի է
» տէրունական կանոնի սահման. Եւ 'ի բանից քոց արդարացիս
» և 'ի բանից քոց պարտաւորեցիս: Այլ եթէ ընդ գրաբա-
» նութիւնս¹ նոցին զարմանայք, գիտեմք և զատանայ՝ սազմնս
» ասացեալ յաւր փորձութեան ամենափրկչին: Եւ արդ եթէ
» ոչ անէծս կրկին և նզովս բազմապատիկս ոչ արձանացուցանէք
» սկզբնահարն նոցա Սմբատայ, և մեռելոց նոցա և կախար-
» դական կրօնից և դաւանութեան նոցա, և զոր բարին կեր-
» պարանին՝ կրկին կղկղանս գրէք և առաւել ուրացութիւն վար-
» կանիք, և յիմ² նամակիդ ոչ նշանակէք՝ որով զձեզ անարատ
» յարմար է առնել, և զգայթակղութեանն խէթ տարազրել. և
» գիտէք և իմանայք եթէ վասն ձեր բարոյց և խաղաղութեան
» և սիրոյ գրեցի և հոգացա (յ). զի (եթէ) ամբողջ³ այդ ապաս-
» տանի՝ 'ի պահպողաց⁴ դորին նենգեացի, ապա՝ դուք ձեզէն պա-
» տուականութեան ձերում մատն եղէք. զի այդ Սուշեղ՝ վարդա-
» պետ զինքն գրէ, պարտ է ախոյեան զինել ընդդէմ՝ հակառակոր-
» դին և զխրամն հատեալ՝ կարկատել, և զթերին սրատուարել և
» խաւարելոյն լոյս և աղ և խրատիչ լինել, ըստ աստուածային կա-
» նոնին. ապա թէ լոյսդ կարծեալ 'ի դմա՝ խաւար է, ստուգա-
» պէս աւձահար թովիչ է և անիմաստ դեղատու. զի գիտութիւն
» ոչ աւժանդակեալ մատամբն Աստուծոյ, ձայն է անընդրական՝
» անյարմարապէս ազդեցեալ, և պատգամ է նենգական՝ խա-
» փանիչ խաղաղութեան: Եւ արդ ո՞ւր գիտութիւն դորա՝ ա-
» սելդ⁵, թէ Յո՞ր գրոց ոչնին ևզովիզ զոք: — Պաւղոս և զհրեշ-

1. Զդարսնորիւն թերեւս. վասն զի, — ինչպէս տեսանք, — Թոնրակեանց մէջ քիչեր կային, ընդհակառակն, զբարանք կամ զբազէտք:

2. Այս տեղ Գրիգորի խօսքն՝ ուղղակի ամբաստանուած վանահօր՝ առ ինքն գրելիք պատասխանին համար առնելու է, և ոչ անոր յառաջագոյն առ Գրիգոր գրած ուրիշ նամակի մի. բայց թէ Նարեկացոյն պէս առն Աստուծոյ, այս աղու և միանգամայն սպանալից խօսքերն արդեօք իրենց վերջնական արդիւնքը ունեցան Կճաւայ վանա- հօր վրայ, և թէ ի՞նչ պատասխան գրեց նա առ Գրիգոր, և ի՞նչ վերջ ունեցաւ յիշեալ վանահայրն, այս ամենայն անյայտ մնացած են ցարդ: Սակայն անկէց վերջ եկող դարուց այն վանքի վրայ կափարչի մի պէս ծանրացած գերեզմանական խոր լու- թիւնն՝ աւելի ձախող, քան թէ յաջող ելից կը թուին ըլլալ առհաւատչեաց:

3. Այլոց ըսելով, անտարակոյս Կճաւայ վանքը կը հասկցուի, ուր ապաւինած էր աղանդաւորն Մուշեղ, և հասանորէն պաշտպաններ և համախոհներ ևս վաստկած էր, գիտնական վարդապետ ձեւանալով բարեմիտ արեղայից առջև, թէպէտ և ինքն թովիչ էր և դեղատու մօրթութեան:

4. Այն վանքին առաջնորդները կ'ակնարկէ:

5. Մուշեղայ այս և ուրիշ խօսքերը, զորս մէջ կը բերէ Գրիգոր, կը ցուցնեն, թէ

» տակն աւտարի՝ ոչ (°) խորհող, նզովեալ և զնոյն կրկնեալ ոչ
» պատկառեաց. և Դաւիթ՝ զխտորեալսն ինքն անէծ, կշտամ՝
» բութեամբ ստորագրեաց: Եւ Տէրն՝ զնաւ անկեանացն դա-
» սալբութեանն ասէ. Երթայք յինէն անիծեալք. և զհերձու-
» ծողական չարափառութիւնն ՚ի նուազ՝ դաւանութեանն որ
» զկնի Աւետարանին կանոնեալ՝ պաշտի կրկին՝, նզովեալ ՚ի
» սուրբ ժողովոյն Նիկիա՝՝ ընկալաք և ուսաք. դարձո՞ւնս՞ թշու-

կամ այդ անձը գրաւոր Հախճապարիւն մի գրած էր ուղղափառաց դէմ, որոնք
Թոնրակեանց դէմ նզովք կը կարգային, զգուշացնելու համար անոնցմէ զժողո-
վաւրդն. և կամ նա ինքն Գրիգոր բանիրուն մարդկանցմէ բանիւ և գրով շատ ընդ-
արձակ տեղեկութիւններ առած էր Կճաւայ վանականաց, անոնց վանաձօր և Մու-
շեղի մասին, որոնք տակաւին անյայտ կը մնան ցարդ:

1. Հայերէն թարգմանութիւնը՝ զաւելին աւետարանողը կը գրէ. հօս սլ Գրիգորի
կամ ազիւրը տարբեր էր, կամ ինքն ազատարար Ս. Գրոց օրինակները մէջ կը
բերէ, և կամ այս տեղիս պակասաւոր է:

2. Այս երկու բառերովս « իսկ որք ասն » , և այն, դաւանարանական նզովքը
կը հասկնայ սուրբ վարդապետս, զոր Աւետարանէն վերջ կ'ընթեանաւին ՚ի լուր ժո-
ղովրդեան. մինչդեռ այսօր Հանգստակեան վերջ կը կատարուի: Ուստի Գրիգոր
« զկնի Աւետարանին » ըսելով կամ Հանգստական ևս ՚ի միասին ուզած է հասկնցնել,
և կամ Ժ. գարուն Հայաստանեաց եկեղեցին այժմեանէն տարբեր կարգաւորութեամբ
կը կատարէր զայն: Մեզ համար առաջին կէտն անտարակուսելի է, — է և Ը երորդ
գարու հեղինակաց վկայութիւններով:

3. Այսպիսի կանոնադրութեան և « կրկին » գործադրութեան բուն ժամանակա-
միջոցն յայտնի չէ մեզ. բայց հաւանօրէն Չ երորդ դարէն և այսր պէտք է որ եղած
ինի. այսինքն է, Հայաստանեաց եկեղեցւոյ Հանգանակի ներմուծման ժամանակ:
Ասոր ապացոյց է այն աչքի զարնող երեւոյթն, այսինքն է, առաջին անգամ Աբրա-
համ կաթողիկոսի և Ն. Շինողի դաւանարանական Շրջաբերականներու և քաղրերու
մէջ միայն կը հանդիպինք, յիշեալ Նզովքէն մէջ բերուած հատուածներու, որոց կը
ձայնակցի ապա Համբոնացին, — Պատարագի Մեկնութեան մէջ. — իսկ անոնց-
մէ յառաջ ոչ այլ ուրեք: Երկրորդ դիտելու ենք, որ այն նզովքը միայն Հայոց եկե-
ղեցին կ'արտարեբէր ՚ի ժամ Ս. Պատարագին, Յունացմէ և Լատինացմէ հեռանա-
լու դիտմամբ. իսկ յիշեալ եկեղեցիք, — այսպէս և Գ. և Ե երորդ գարու մեր եկե-
ղեցին, — Մկրտութեան և ուխտագրութեանց ժամանակ կը պաշտէին զայն, զկնի
Հանգանակին:

4. Կրկին բառով, — եթէ « Նուազին » վերաբերենք, — « իսկ մեք ժառաւորեա-
ցուք » աղօթքը կը հասկցուի, — զոր ազգային աւանդութիւնը Ս. Գր. Լուսաւորչին
ընծայած է, բայց սրամիտն Հ. Յով. Գաթրճեան Չ երորդ գարուն շինուած կը
ցուցնէ: — իսկ եթէ « պաշտի » բային վերաբերենք, կը նշանակէ, թէ կամ յիշեալ
նզովքն երկու պարագայից մէջ կը կատարուէր, այսինքն է ՚ի ժամ Ս. Պատարագին
և ՚ի Մկրտութեան, և կամ առաջին կիրառութիւնն ընդհատուած ըլլալով, երկրորդ
անգամ ևս կանոնեցին Հայք կատարել զայն այնպէս:

5. Գրիգոր այս տեղ միայն Նիկիոյ Ս. Ժողովոյն կ'ընծայէ « իսկ որք ասն »

» քոցն պատասխանեաց Պետրոսի 'ի Սանակայ՝ 1 գորոշեարսն
» 'ի քաղկեդոնականացն նզովական բանիցն խրատեաց: Եւ
» կիւրզի Աղեքսանդրացւոյ զլուխք նզովականացն հատուածոց
» ընդդէմ Նեստորի, և Հենատիկոն թուղթն: Չենտնի կայսեր, որ
» նզովէ յանուանէ զբնաւ հերձուածոցն. զի թէ որ 'ի մասնէ
» ունի թերութիւն՝ պատուիրանաւ պարախմբ նզովել, ս'ըջափ
» առաւել զբազմհերձուած ժողովոյն զդասս, որ կարեալ են 'ի

Նզովքը, և անկէ միայն ընդունած. սակայն գիտելու ենք, որ անոր վերջի մասը, —
որ հոգեմարտից գէմ է, — Կ. Պօլսոյ ժողովքէն ընդունած են մեզքս:

1. Հօս յիշատակուած Սահակն և անոր պատասխանական թուղթն առ Պե-
տրոս, — այսպէս նաև անոր ժամանակակից Պետրոսն — որոշ պարագայիւք յի-
շուած չեն. բայց հետեւեալ բացատրութենէն, որ Քաղկեդոնի ժողովոյն յիշատա-
կութիւն կ'ըլլուի, կարեմք ըսել առանց երկրպայութեան, որ Ս. Սահակ Պարթևը
չէ նա. որովհետև՝ Պարթև հայրապետս յիշեալ ժողովէն յառաջ արդէն վախճանած
էր. հետեւաբար և ոչ իսկ կարէր անոր մասին խօսել: Աւտար կամ Սահակ Բ. կա-
թողիկոսն ըլլալու է յիշեալն, և կամ Սահակ Գ, որուն անուամբ ընդարձակ
թուղթ մ'ալ հասած է մեզ, — 'ի թիրոց գիրս, — հետեւեալ մակագրութեամբ. Բա-
ցայայտութիւն համաձայն աստուածաբանութեան հոգեկից հարցն սրբոց ըստ առաքե-
լանման առանցիցն եկեղեցոյ Քրիստոսի, հսկողերձ հաշտարանութեամբ ուղղափառ և
ձրևարիտ դաշնութեան Հայաստանեայց, առացեալ սրբոյ վարդապետին Սանակայ
Հայոց կարողիկոսի և մեծի քարգնակնի՝ ընդդէմ երկալականաց Նեստորականացն »:
Այս թղթիս մէջ, — ուր ընդհանուր Հայաստանեայց եկեղեցւոյ դաւանարանու-
թիւնը կ'ըլլուի առ Հայաստանեայց, — Քաղկեդոնի ժողովոյն և անոր վերաբերեալ
խնդրոց մասին իսկ երկարօրէն և խրատարանական կերպով կը խօսուի, որ քաջ
կը համաձայնի Նարեկացւոյ ըսածին, թէ « Զորոշեալսն 'ի քաղկեդոնականացն
նզովական բանիցն՝ խրատեաց »: Սակայն մեր ընդօրինակութեան խանդարուած
և պակասաւոր տեղերէն դատելով, կրնանք ըսել, թէ անոր բնագրին մէջ ևս օտար
ձեռք մտած է, և ուղիղ տապուածներն ըստ կամս թիւրած կամ քերած է: Գրու-
թեանս հեղինակն՝ իր թղթին հետեւեալ խօսքերով կը ցուցնէ, թէ առ խնդրող ոմն
գրած է, ստուգիւ, իբրև պատասխանի հարցմանց. « Բայց դու խնդրոյդ ոչիդ հա-
շտոյ քանի, զայս ամենայն առեալ և առաւելեալ 'ի նեւս... յաղքես հերձուածորա-
կան հետքից »:

Իսկ թէ յիշեալ Պետրոսն էր արդեօք այն խնդրողն, և թէ ո՞վ էր այն. որոշ բան
մի չենք կրնար ըսել: Թիրոց գրքի մէջ Պետրոսի ուրումն թուղթը կայ, գրեալ առ
աննդակից իւր և եպիսկոպոսակից, այս մակագրութեամբս. « Հաշտարանագունի և
խնատանագունի և սիրագունի Երրաւր՝ որդակիդ Պետրոսի՝ Տերախի խնդրալ »: Այս
թուղթս իսկ առաջնայն նիւթոց վրայ կը խօսի և քաջ կը համաձայնի անոր. բայց
անոր հեղինակն ասորի եղած կը տեսնուի, և դաւանութեամբ ալ ոչ ուղղափառ. զի
կը յիշէ զՏիմոթէոս իբրև իրեն նախահայր, և զգիրս նորա. իսկ Տիմոթէոսն այն՝
եթէ Կոռզ մականուանեալ Աղեքսանդրիոյ եպիսկոպոսն է, այն ատեն Պետրոսն ալ
կենդանի կրնայ ըլլալ, որոնք կ'ապրէին 470-482 ին: Սակայն այս կերպով շատ կը
հեռանան Սահակ Բ և Սահակ Գ կաթողիկոսներու ժամանակակից ըլլալէն:

» Քրիստոսէ, և կապեալ միացեալ ընդ սատանայի: Եւ արդ,
» Տէր Հայր, մի՛ դժուարիք ընդ բանս գրոյդ, և զանխարդախ
» սէրդ՝ առելութիւն վարկանիք. զի սէրն Քրիստոսի ստիպէ
» զմեզ յայստիկ, և կամխք զձեզ ամբիժս լինել. և զհաւրն Անա-
» նիայի զլիազխութեամբ զմատեանան, որ ընդդէմ հերձուածու-
» զայն՝ հոգս տարեալ գրեաց¹, և դուք գրել² հրամայեցէք »:

1. Գիտելու ենք, որ Գրիգորի գնատեանն յընակի բառք՝ երկու բան կարող է նշանակել աստ: Ա. այլևայլ գրուածներ: Բ. Սառար մատեան մի, որ բաժնուած էր մի քանի մասանց կամ գրոց: Մենք վերջին նշանակութեամբ եղած կը կարծենք Անանիայ Նարեկացւոյ՝ ընդդէմ Թոնրակեանց գրութիւնն. որովհետեւ թէ՛ Մագիստրոս և թէ՛ Գրիգոր՝ այլուր եզակի թուով կը յիշատակեն զայն:

2. « Գրել » ըսելով սուրբ վարդապետս՝ կամ ընդունել, ձանջեալ կ'իմանայ, և կամ լաւ ևս կը խնդրէ կճաւայ առաջնորդէն, որպէս զի ինքն ալ Անանիայի օրինակին հետեւելով, նման գրուածով մի հերքէ և նզովէ Թոնրակեանց ազանդը: Այս բանիս յայտնի ապացոյց են անոր նախագրեալ սպառնական խօսքերն իսկ:



